

РЕСПУБЛИКА МАЬНАВИЯТ ВА МАЪРИФАТ КЕНГАШИ
МИЛЛИЙ ФОЯ ВА МАФКУРА ИЛМИЙ-АМАЛИЙ МАРКАЗИ

Муҳаммад ҚУРОНОВ

МИЛЛИЙ ТАРБИЯ

ТОШКЕНТ «МАЬНАВИЯТ» 2007

Монографияда миллий тарбиянинг объектив мөҳияти асосланади. Тарбия назарияси ва услубиятида янги илмий-педагогик йўналиш сифатида миллий тарбиянинг назарий, услубий, ташкилий асослари таклиф этилади. Ижтимоий тарбиянинг миллий-лиги ҳақидаги қонуниятни Ўзбекистон мактабларига жорий қилиш ва бунинг миллий мустақилликни мустаҳкамлашдаги аҳамияти, миллий тарбиянинг методологик ва назарий йўналишлари асосланади. Рисолада ўзбек халқининг тарбиявий тажрибаси назарий-педагогик нуқтаи назардан ўрганилиб умумлаштирилган ва миллий тарбияни тадқиқ қилишнинг қиёсий-педагогик натижаларига эришилган. Уни замонавий мактабларга жорий қилиш йўллари, педагогик шарт-шароитлари белгиланган.

Шунингдек, ўқувчиларнинг дарсдан ташқари фаолиятини миллий-тарбиявий мақсадга йўналтиришда мактаб – оила – маҳалла ҳамкорлигига эришишнинг йўл-йўриклиари ва миллий тарбия самарадорлигини ўрганиш ва қайд қилиш усуллари таклиф этилган. Рисола амалиётчи ўқитувчилар, халқ таълими ташкилотчилари, институт ва университетлар муаллимлари, тарбия масалалари билан қизиқувчи кенг китобхонлар оммасига мўлжалланган.

Масъул муҳаррир

Р. Кўчкоров

74.2

K. 802

Куронов, Муҳаммад.

Миллий тарбия/М. Куронов. Республика маънавият ва маърифат кенгаши. Миллий фоя ва мағкура илмий-амалий маркази. – Т.: Маънавият, 2007. – 240 б.

ББК 74.200.50

X 4702620204-56
M25(04)-07

20/08 2634	Alisher Navoiy nomidagi O'zbekiston MK
---------------	--

ISBN 978-9943-04-045-8

© «Маънавият», 2007

КИРИШ

Биз юз берәётган иқтисодий ислоҳотлар давлат томонидан амалга оширилиши, давлат бош ислоҳотчи эканини эътироф этдик. Демак, сиёсий-маънавий ислоҳотларда ҳам, миллий тарбияни юксалтиришда ҳам давлат бош ислоҳотчи бўлишини тан олишимиз керак ва тегишли қонунлар орқали маънавий йўналишларнинг пойдеворини асослаб беришимиз керак.

И. Каримов

Таълимнинг миллий йўналтирилганлиги Ўзбекистоннинг Кадрлар тайёрлаш миллий дастури тамоийларидан биридир. У таълимнинг миллий тарих, халқ анъаналари ва урф-одатлари билан узвий уйғунлигини, Ўзбекистон халқларининг маданиятини сақлаб қолиш ва бойитиш, таълимни миллий тараққиётнинг ўта муҳим омили сифатида эътироф этиш, бошқа халқларнинг тарих ва маданиятини ҳурматлашга йўналтирилган янги тарбия тизимини тақозо қиласди. Ушбу давлат буюртмасини мукаммал бажармоқ учун узлуксиз таълим тизими Кадрлар тайёрлаш миллий дастури талаблари нуқтаи назаридан ислоҳ қилинмоқда. Чунки бу Ўзбекистон учун муҳим стратегик, сиёсий заруратдир.

Миллий-тарбиявий қадриятларни тиклаш ва замонавийлаштириш умуминсоний эҳтиёж ҳамдир. Собиқ шўролар даврида ижтимоий онгда «замонавийлик – миллийлик» тушунчалари орасида «цивилизация – экзотика» шаклидаги сунъий антитета ҳосил қилинди. Натижада миллийликни аждодлардан авлодларга бойитиб етказувчи жараён – миллий тарбиянинг тобора заифлашуви юзага келди. Мафкуравий мақсадлар остида ранг-баранг миллий қадриятларни ўзаро алоқада юксалтириш эмас, балки бир хиллаштириш ҳаракати рағбатлантирилди.

Тарбияни социалистик байналминаллаштириш сиёсати ва амалиётининг асоратларидан кутулиш истаги, бугун халқларнинг ўз миллий гурурини тиклаш, аждодлар месросини ўрганиш каби эҳтиёжларида намоён бўлмоқда. Шунуктаи назардан мустақилликни қўлга киритган миллатларнинг қадимги миллий-маънавий қадриятларини тиклашга бўлган эҳтиёжи табиий, қонунийдир. Бу эса миллий тарбия масаласини илмий талқин қилишни маърифий зарурат мақомига кўтаради.

Ҳар бир мамлакатнинг ўзига хос тарбиявий тизими – унинг мустақиллик, миллий тараққиёт йўлининг педагогик инъикосидир. Ўтган асрнинг охири ва XXI аср бошларида МДҲ мамлакатлари ҳам, жаҳоннинг собиқ мустамлака мамлакатлари ҳам ўз тақдирларида маънавий-маърифий тараққиётнинг уч йўлига дуч келдилар. Дунёвий тажриба бу йўлларни куйидагича таърифлайди:

миллий фундаментализм – ўтмишдагидек яшаш;

миллий модернизм – миллий замонавийлашув;

миллий реформизм – бошқача (масалан, оврупocha, америкача...) шакл ва мазмун касб этиш.

Мустақиллик қўлга киритилгач, «Ўзбек халқининг бундан буён миллат сифатидаги ҳаётини муваффақиятли давом эттириши, ўзлигини сақлаб қолиб, жаҳон цивилизациясида намойиш қилиши учун қайси йўлни танлаган маъкул?», «Ўзбекистон мактабларидағи собиқ коммунистик тарбия тизими ўрнини қандай тарбия тизими эгаллаши керак?» сингари педагогик саволлар юзага чиқди. **«Жамият маънавий инқирозга юз тутган, миллатни миллат қила-диган нарсалар бутунлай топталган вазиятда»** (И. Каримов) бу йўл – миллий-маданий тараққиётнинг модернистик тарзи – миллий замонийлашувдир.

Миллий давлатчилик, мустақилликни мустаҳкамлашнинг педагогик кафолатини ҳам айнан шу йўл – миллий-истиқлолий тарбия foяси таъминлашга қодир. Чунки миллий тарбия, жадид боболаримиз идрок этганидек, таълим ва тарбияни бошқа цивилизацияларга (улар ўз шарорити учун ҳар қанча илфор саналмасин!) мослаштириш эмас, балки дунёдаги илфор цивилизацияни ўрганиб, уни миллий маданиятга хизмат эттириш, таълим ва тарбияни янги шароитда, мустақилликни мустаҳкамлаш талаблари билан бойитиб, амалга татбиқ этишдир.

Миллий-замонийлашув йўлидан бориши БМТнинг тенг хукуқли аъзоси – Ўзбекистоннинг «Инсон хукуқлари Декларацияси»да «Ҳар бир кишининг она тилидан фойдаланиш, она тилида таълим олиш, миллий маданиятни сақлаб қолиш ва ривожлантириш хукуқи таъминланади», – деб таъкидланган 4-моддасини амалда татбиқ этишга киришганлигидан ҳам далолат беради. ЮНЕСКО амалий таъмийларида «ўз маданиятига эга бўлмаган халқ йўқ; ҳар бир маданият ҳурмат қилиниши ва сақлаб қолиниши кепрак бўлган қадр-қийматта эга; ўз маданиятини ривожлантириш ҳар бир халқнинг хукуқи ва бурчидир» дейилади¹. Демак, қўлга киритилган мустақиллик барча миллатлар каби ўзбек халқига ҳам миллий ўзлик, ахлоқ, маънавиятни тиклаш хукуқини, имкониятини берди. Мустақил Ўзбекистоннинг келажаги, бизнингча, шу тарихий имкониятдан ёш авлодни тарбиялашда қанчалик самарали фойдалана олишимизга боғлиқ.

Давлат бош ислоҳотчи бўлган мустақил Ўзбекистонда таълим ва тарбиянинг миллий асосга қурилишининг энг олий ваколати унинг Конституциясида ҳимояга олинган. Конституциянинг моҳияти очиқлик, ҳамкорлик, миллий маданиятлар равнақи, миллатлараро иноқлик, динлараро бағрикенглик руҳига эга. Ўзбекистонда миллий маданиятларни тиклаш, равнақ топтириш йўлида миллий-маданий марказлар ташкил этилганлиги, бу марказлар фаолияти матбуот, радио ва телевидениеда кенг ёритилаётганлиги ва бошқа кўплаб мисоллар мустақил Ўзбекистон миллий муносабатларини такомиллаштиришнинг янги – миллийликни тиклаш, бойитиш орқали умуммиллий ва умуминсоний тутувликка эришиш йўлини танлаганини кўрсатади.

Ўзбекистон Республикасининг Президенти И. Каримов 1991 йил 24 сентябрда Тошкентда бўлиб ўтган халқаро анжуманда барча миллатдошларимизни ўзбек халқига хос олиjanоб фазилатлар ва ватанпарварлик анъаналарига муносабиб бўлишга чақирганди. Дарҳақиқат, миллий-маданий бирлик, ўзликни сақлаб қолишга даъват Ўзбекистондан чиқиши табиий, адолатлидир ва зинҳор миллатчилик эмас. Чунки «ўзбек миллий маданияти, тили анъа-

¹ Л. Лебедев. Правда и ложь о культурном обмене. – Л.: Лениздат, 1985, с. 102.

наларини ҳаққоний равишда тиклаш ва ривожлантириш аҳолининг бошқа миллий гуруҳларидағи мана шундай жараёнлар ҳисобига бўлмаслиги»¹ давлат томонидан кафолатланади.

Ўз тақдирига бефарқ бўлмаган қайси жамиятда ижтимоий ислоҳот зарурати юзага келса, ўша жамиятда мактабга, тарбияга эътибор кескин кучайиб, тарбия – жамиятни такомиллаштиришнинг бош воситаси, дея тан олиниади. Тарих бу каби мисолларга бой. Ана шу нуқтаи назардан мустақил Ўзбекистон мактаблари қаршисида турган вазифа долзарб ва мураккабдир. Чунки замонавий мактаб ўзбек халқининг энг гўзал фазилатларидан бўлган миллий фуур, миллатларро мулоқот маданияти, ватанпарварлик, миллий одоб, соф виждон, миллий ғояни ўз йўл кўрсаткичи қилиб олиб, ягона Ватан – Ўзбекистоннинг дунё миқёсидаги шарафига хизмат қила олувчи ўғил-қизларнинг янги авлодини тарбиялаб етиштириши лозим. Бу миллий-истиқлолий буюртма комплекс тарзда – оила, болалар боғчалари, мактаб, маҳалла, турар жойларда, мактабдан ташқари муассасалар ҳамкорлигида олиб борилувчи миллий тарбия жараёнидагина амалга оширилиши мумкин.

«Миллий тарбия» тушунчаси кўп қиррали тушунчадир. Унинг:

- миллий қадриятлар асосида олиб борилувчи мақсадга йўналтирилган тарбиявий фаолият;
- умуминсоний тарбиянинг ҳар бир халқقا хос ва мос бетакрор шакли;
- халқ ва унинг маданиятини сақлаб қолиш, тиклаш ва ривожлантириш (ЮНЕСКО тамойили) воситаси;
- Ўзбекистон Республикаси Кадрлар тайёрлаш миллий дастури мақсад, вазифа ва тамойилларининг таркибий қисми;
- тури миљлатлар болаларини ҳар томонлама ривожлантириш жараёнининг хусусий, маънавий манбай;
- ўқувчиларни ахлоқий, меҳнатсеварлик, ватанпарварлик, гўзаллик, иқтисодий, экология ва бошқа йўналишларда тарбиялашнинг бош тамойили;

¹ И. Каримов. «Менинг маслагим: инсон баҳт-саодати, республика манфаатлари». «Ўзбекистон овози», 1991 йил 27 декабрь.

- миллатлараро мулоқот маданиятини тарбиялаш ва бунинг натижасида Ўзбекистонда умумфуқаровий тутувликка эришишнинг инсонпарварона йўли ва воситаси;
- ижтимоий тарбия ва мактаб тарбияси уйғунлигининг педагогик шарти;
- инсониятни умумбашарий уйғунликка олиб боришнинг педагогик йўли;
- ижтимоий-маънавий жабҳада миллий хавфсизликни таъминлашнинг стратегик обьекти ва воситаси;
- ўқувчиларда миллий (авто ва гетеро) стереотипларни мақсадли шакллантириш, маънавий бойитиш жараёни эканлиги шундан далолат беради.

Мустақил Ўзбекистон умумий ўрта таълим мактабларининг миллий тарбия тизими – бу ўзбек халқининг ўзига хос миллий маданий феъл-автори, ахлоқ қоидаларига ва миллий мустақилликни мустаҳкамлашнинг тарбиявий таълабларига асосланувчи, халқ ҳаётининг барча жабҳалари билан чамбарчас боғлиқ, янги, ҳеч кимдан кам бўлмаган баркамол авлодни шакллантиришнинг педагогик жараёнидир. Миллий тарбия Ўзбекистонда илмий-педагогик атама сифатида миллий мустақиллик берган имконият орқали янгидан кўтарилиб қўлланилаётган бўлса-да, у азал-азалдан гоҳ ошкора, гоҳ пинҳона тарзда бўлсин, халқимиз турмушида бардавом эди. Чунки ўзбек халқининг тарихи – ўзбекчиликка асосланган миллий тарбиянинг тарихи ҳамdir.

МИЛЛИЙ ТАРБИЯ – ИЖТИМОИЙ-ТАРИХИЙ, ҚОНУНИЙ ВА ОБЪЕКТИВ ЖАРАЁН СИФАТИДА

Антрапологларнинг шаҳодат беришларича, одамнинг ташқи кўриниши кечки палеолит – кроманьонлар давридан буён ўзгармасдан келмоқда. Бу фикрнинг замонавий фанлар томонидан тасдиқланганлиги одамнинг биологик эволюцияси тугалланганлигини билдиради. Одамдаги эволюцион ривожланишнинг якунланиши эса ундаги маданий ривожланишни бошлаб беради. Одамда олий тараққий этган турларга хос бўлган эмоционал-инстинктив хусусиятлар генетик мерос сифатида мавжуд бўлиб, бу хусусиятларни чақалоқ дунёга келганида, унинг ривожланишининг ilk ойларида кузатиш мумкин. Ижтимоийла-

шув (социализация) эса одам моҳиятини гўдакликдан бошлаб камолатта эришув томонга ўзгартира боради.

Инсон ўзининг ижтимоий-маданий ривожланиши жараёнида аждодларининг миллий қадриятларини ижодий ўзлаштирувчи, замонийлаштирувчи, бойитувчи ва ўзгартирувчидир. Ана шу инсоний бурчларнинг ҳар бир шахс томонидан мукаммал бажарилиши ижтимоий тараққиётнинг бой, ранг-баранг маданий оқимларини ҳосил қиласи, сақлаб туради. Шу нуқтаи назардан, ҳар бир инсон ўзида тарихий, ижтимоий, маданий-миллий кўрсаткичларни мужассамлаштирувчи тарбия маҳсулидир.

Турли халқларнинг бир-бирларини танишида, билишида, билвосита ва бевосита миллатлараро мулоқотларда инсоннинг миллий жиҳатлари алоҳида қизиқиш уйғотган. Қадим замонларда ҳам тарихчилар, сайёҳлар, қомусий билимга эга мутафаккирлар (Ибн Батута, Страбон, Абу Райхон Беруний, Миклухо Маклай, Луи Гонсалес де Клавихо, Ҳерман Вамбери ва бошқалар) қолдирган асарлар, ижтимоий-фалсафий, ахлоқий таълимотларда ҳам бошқа халқлар ҳаётини қиёсий ўрганиш йўналиши мавжуд эди.

XIX асрга келиб Farb ижтимоий фанларида бошқа халқлар миллий-маданий хусусиятларини тадқиқ қилувчи культурантропология ва социология йўналишлари маҳсус фанларга айланди. Бу фанлар «бошқа дунё кишиси» муаммосини ўргана бошлади. Аслида эса бу – бошқача тарбия – миллий тарбиянинг тизим, услублари, мақсадларидаги хусусийликларни илмий нуқтаи назардан ўрганиш даври бошланганлигини англатар эди.

XIX аср учун «бошқа дунё кишиси»ни ўрганиш тараққиётпарвар янгилик эди. Зоро, культурантропология «Бошқа мамлакат, миллат кишиси қанақа?», «У ўзини ўраб олган дунёни, борлиқни қандай идрок қиласи?», «У яхшилик ва ёмонликни қандай тушунади?», «У ўз хатти-ҳаракатларида қандай мезонларга асосланиб йўл тутади?» каби саволларга жавоб излар эди. Одамларнинг дунё ҳақидаги билимлари ортиб, янги ерлар очилиб, савдо-сотиқ, муносабатлари кенгая боргани сари ушбу муаммога қизиқиш ҳам орта борди. Айниқса, Оврупода капиталистик жамиятнинг шакллана бориши ва шу билан боғлиқ ижтимоий-иктисодий ўзгаришлар, айниқса, мустамлакачилик даври

у ёхуд бу халқларнинг миллий хусусиятларини ўрганишга кучли туртки берди. Чунки мустамлакачи, миссионер, плантаторлар ўз мустамлакалари – маҳаллий халқлар ҳақида ҳеч бўлмаса ибтидоий тасаввурга эга бўлишлари ўзлари учун фойдали эди. Қолаверса, бу масала мустамлакачиликнинг келажаги – маҳаллий халқларни «маданий-оқартув» орқали инглизлаштириш, французлаштириш, яъни маданий-маънавий мустамлакаларга айлантиришнинг самарадорлигини таъминлаш учун ҳам керак эди.

Ўзга халқларнинг миллий характерини ўрганиш фақат мўмай фойда ортириш мақсади билан чекланиб қолмади. Чунки мустамлакачилар ва маҳаллий халқлар миллий қадриятлари орасидаги мавжуд тафовутни ечиш илмий муаммога айланиб улгурганди. Зоро, овруполиклар бошқа миллатларни шахслар мажмуи эмас, балки қандайдир ақлга зид афсоналар таъсирида яшовчи индивидлар, деб идрок қиласар эди (Н. Трубецкой, Н. Бердяев). Масалан, осиёликлар ёки африкаликлар ўзлари учун миллий, овруполиклар назарида эса қандайдир «галати» ахлоқ-одоб, урф одат, анъаналарга риоя қиласар эдилар. Иккинчи томондан, маҳаллий халқлар учун овруполикларнинг хатти-ҳаракатлари, одоб-ахлоқи, урф-одатлари худди шундай фалати кўринарди. Шу тариқа, юқоридагидек ўзаро миллий-маданий тушунмовчиликлар, зиддиятларни ечиш, бир-бини тушуниш эҳтиёжлари XIX асрда маданий антропология асосида «нооврупо жамиятда маданият ва шахс», «этнопсихология» сингари илмий йўналишларни юзага келтирди. Натижада, **«Феъл-авторнинг миллийлиги»** илк бор ижтимоий-сиёсий, кейинчалак эса педагогик илмий тушунчаларга айлана борди.

Миллий тарбиянинг этнопедагогик қирраларини илк бор кашф этган олимлардан бири – культурантрополог М. Мид бўлди. Унинг тадқиқотлари нафақат гетеростереотип (бир халқнинг бошқа халқлар ҳақидағи билимлари йиғиндиси)нинг, балки осиёлик ва африкаликларда автостереотип(ўз халқи ҳақидағи билимлар йиғиндиси)нинг шаклланишига, бошқача қилиб айтганда, ўзлигини англашга ҳам туртки бўлди. Биз учун ушбу тадқиқотнинг педагогик жиҳати муҳимдир. Зоро, М. Мид томонидан 1927 йили нашр эттирилган **«Coming on' age Samoa»** («Самоада

улгайиш») китоби тарбиянинг миллийлигига асосланган илк илмий-тадқиқот натижасидир.

М. Мид ҳар бир кишининг маълум миллий муҳитдаги хулқ-авторини тушунишда унинг болаликда олган миллий тарбияси таъсири ниҳоятда катта аҳамиятга эгалиги ни қайд қиласди. Чунки болаларнинг миллий тарбиявий таъсирни қабул қилиш жараёни ва катталарнинг миллий феъл-авторлари орасида изчил алоқа мавжуд. Тарбиянинг миллий хусусият касб этишида бир авлоддан иккинчи авлодга ўтиб келувчи анъаналар, маросим, удум, ишлаб чиқариш ва ҳаётий малакалар, афсоналар, хулқ-автор тарзи, болаларга, ўсмирларга, қарияларга муносабатларнинг ўзига хослиги катта роль ўйнашини М. Мид алоҳида қайд этади¹.

Миллий тарбиянинг ўта муҳим ижтимоий-психологик омили бор. Бу – характернинг миллийлигидир. Миллий характер концепцияси турли этносларда уларнинг ўзлариганина хос миллий характер мавжудлигини: шахснинг миллий характери устувор психологик ҳодиса бўлиб, бу унинг миллий хулқ-авторида намоён бўлишини; ана шу кўрсаткичларга асосланиб, у ёки бу халқقا, миллатга мансуб кишилар характерининг моделини – ўртacha миллий характер намунасини яратиш мумкин, деган холосаларни асослайди.

Бир миллатта мансуб кишилар учун умумий бўлган фазилатларни ўзида мужассамлаштирган намунавий миллий шахс сиймоси мавжудлигини биринчи бўлиб А. Кардинер қайд қилди. У «миллий шахс»нинг шаклланишида, энг аввало, оиланинг миллий-тарбиявий таъсирини, ундан кейин ижтимоий тарбия омилларининг етакчи ролини алоҳида қайд қиласди².

Иккинчи жаҳон урушидан кейин Япония ва Фарбий Германия аҳолисининг психологияси ўрганилиб, миллат, унинг қадриятлар тизими, мулоқот усувлари ва бошқа кўрсаткичлари миллий маданият таъсирида шаклланиши исботланди. Турли минтақаларда ўtkазилган илмий тад-

¹ М. Мид. Культура и мир детства. – М: 1988, с. 98.

² Современная западная социология: Словарь: – М.: Политиздат, 1990, с. 208.

қиқотлар натижаларининг умумлаштирилиши: муайян халқа хос дунёқараш, турмуш тарзининг мавжудлиги – халқларнинг турли «намуналари»ни қосил қилишини; турли «намуналар»нинг мавжудлиги эса болаларни тарбиялашда ўзига хосликнинг мавжудлигига, қадриятлар тизимининг катталар хулқ-авторида акс этишига боғлиқ эканлигини кўрсатди. Бироқ, ўтказилган этнографик ва этнопсихологик тадқиқотлар муайян бир халқнинг миллий характерини ўрганаётган олимнинг ўзи бошқа маданиятга мансублиги туфайли ўрганаётган миллат маданиятининг туб моҳиятини мукаммал ҳис қилолмаслиги натижасида, тадқиқот маълумотларини талқин қилишда хато ва камчиликларга йўл қўйиши мумкинлигини ҳам исботлади. 50-йилларда Америка этнопсихологиясининг миллий характерига хос камчиликлари ҳам айнан шунда эди. Албатта, бу омил миллий характер концепциясига хос объектив моҳиятни ўзгартирмади, аксинча, тадқиқот услубиятини такомиллаштиришга туртки бўлди, холос.

Миллий тарбия воситасида авлоддан-авлодга ўтувчи миллий маданият ва унинг цивилизация билан муносабатини мисрлик машҳур педагог Сотеъ ал-Хусрий (1880–1968) ўз тадқиқотларида яққол очиб берди. «Менга маданий бирликнинг кафолатини беринг, мен эса сизга бирликнинг бошқа барча турлари кафолатини бераман» деган машҳур фикр ана шу олимнинг қаламига мансуб. Ал-Хусрий Шарқда миллий-замонавийлик оқимининг ташкил топишига катта ҳисса қўшди. У замонавий араб миллий маданияти тикланиши арафасида педагогикада «эскилик-янгилик», яъни миллий фундаментализм ва миллий замонавийлик орасида тафовут мавжудлиги муаммони кун тартибига қўйди. Ал-Хусрий, бир томондан, миллийликни фақат тарихий анъана деб тушунувчи фундаментализм, қадимийчилик тарафдорларини, иккинчи томондан, миллийликдан юз ўгириб Оврупо маданиятига тақлид қилишга ундовчи «ғарбий»ларни танқид қилиб, бу тарбиявий муаммони фақатгина «синтез қилиш орқали» ечиш мумкин, деган илғор фикрни ўртага ташлади.

1953 йили Миср миллий мустақилликни қўлга киритгач, Ал-Хусрий мактаб-маорифни «мъяновий мустамлакалик»ка қарши кураш майдони, деб атади. Шунинг учун

ҳам у араб мактабларида миллий ғуур, ватанпарварлик тарбиясига алоҳида эътибор қаратишга чақирди. Мәри-фатпарвар Ал-Ҳусрий Farb таълим тизимини Арабистонга намуна, нусха қилиб кўчириб олиш хавфли ва бефойда деб ҳисоблар эди. Чунки, «бошқа муҳитга кўчирилгач, ўз жойига хос бўлган ижтимоий омиллар таъсиридан ажратилгач, кўчириб келтирилган маориф тизими бутунлай бошқа натижалар беради». Шунинг учун, дейди педагог Ал-Ҳусрий, «биз бошқа ҳар қандай миллат маориф тизимига ўралашиб қолмасдан, тараққиётда биздан ўзиб кетган барча миллат тажрибаларидан келиб чиқсан ҳолда ўзимизнинг алоҳида маориф тизимимизни тузмоғимиз керак»¹. Шунингдек, Ал-Ҳусрий араб тилининг илмий атамаларини яратишга чақириб, «**миллий тарбия**» тушунчасини илк бор илмий-педагогик муомалага киритди. Шу тариқа миллий тарбия, бир томондан, мулкдор бойлар орасида мавжуд «ўз манфаатларини миллат манфаатидан юқори қўйиш ва очкўзликка, иккинчи томондан, мутаасиб руҳонийларнинг «тараққиётга элтувчи илфор фояларга душманлиги»га қарши курашда самарали қурол бўлиб хизмат қилди.

Юқоридаги илмий таърифларнинг носинфий, холис таҳлили «маданият», «миллийлик» тушунчаларининг тарихий, замонавий ва истиқболий тушунчалар эканлиги ҳақидаги хulosани ҳосил қиласи, «Цивилизация» тушунчаси эса кўпроқ жуғрофий, минтақавий хусусиятга эга бўлиб, асосан фан ва техника ютуқларини эгаллаганлик даражасини ифодалайди. Ушбу талқинлар илгари бериб ўтилган таърифларни инкор қилмайди, аксинча тўлдиради, аниқлаштиради. Демак, маданият – миллийдир, цивилизация эса умуминсоний замонавийликдир. Миллийлик ва цивилизациялашганлик уйғунлашгандагина инсоният маънавий ва моддий маданиятлар уйғунлигига эришади. Зоро, «**миллийликсиз инсоният мантиқий мавхумликка, мазмуни йўқ сўзга, маъноси йўқ товушга айланаб қолади**»².

¹ Т. Тихонова. Саты аль-Ҳусри о роли культуры в укреплении арабского единства. Проблемы арабской культуры. Сб. научн. ст. – М.: Наука, 1987, с. 332–343.

² В. Белинский. Полное собр. соч., Т. 8. – М.: 1970, с. 79.

Ҳар бир миллатда, мамлакатда давом этаётган тарбия-
вий жараён умуминсоний тарбия тизимининг таркибий
қисмидир. Демак, ҳар бир давлатда олиб борилаётган сиё-
сат каби, тарбия сиёсати ҳам умумбашарий эҳиёжлардан
келиб чиқиб мувофиқлаштирилмоғи керак. Чунки инсо-
ният цивилизацияси тақдири барча халқларга бир хил
боғлиқ ва қимматлидир. Сайёрамизга рахна солаётган аzon
қатламининг емирилиши, СПИДнинг тарқалиши, эко-
логик хавф-хатарлар, терроризм хуружи, антропологик
таҳдидларни «умумбашарий педагогик бирлик»ка эриш-
май туриб бартараф қилиш мушкул.

Афусски, бу зарурий бирлик мазмуни турлича тушу-
нилмоқда. Жумладан, айрим ҳолларда «умумбашарийлик»
тушунчаси «овруполашганлик» сифатида талқин ва таш-
виқ қилинмоқда. Умумбашарий педагогик бирлик гояси
«умумбашарий педагогик бир хиллашув» эмас, балки барча
миллийликларнинг инсоният қаршисидаги хавф, таҳдид-
ларга қарши миллатлараро педагогик бирлиги бўлмоғи
керак. Зоро, шахс аввало миллийлашиб, ижтимоийлаша
боргани сари умуминсоний мансубликка яқинлашади.
Демак, шахс умуминсоний қадриятларни тўғри, ижобий
қабул қила олиши учун, аввало, ўзи шаклланган муайян
миллийликнинг баркамол субъектига айлана олиши ке-
рак. Шу ўринда мамлакатимиз тараққиёти тамойиллари-
дан бири сифатида белгиланган миллий ва умуминсоний
қадриятлар устуворлигини мамнуният билан қайд этиш
лозим.

Миллийликнинг баркамол субъектини тарбиялашни
тадқиқ қилиш йўлидан борар эканмиз, миллийликнинг
нафақат маданий-ижтимоий, балки физиологик асосла-
ри ҳам очилди.

Физиологлар олиб борган изланишлар киши у ёки бу
миллат тилида сўзлашган вақтида унинг ташқи қиёфаси,
юз кўриниши ўша миллат кишиларига ўхшаб кетишини
асосламоқда. Чунки бошқа тилда сўзни талаффуз қилиш,
тушунтириш учун ўша миллатда қабул қилинган имо-
ишоралар, хатти-ҳаракатлардан фойдаланилади. Шунинг
учун ҳам «киши бошқа миллат ахборотини қабул қилас-
дан туриб, миянинг тоза бўлимларига аввало ўз она тили-
да ва ўша ҳудудга тегишли ахборотни жойлаштиргандаги-

на миллий ўзига хосликни сақлаб қолади. Мабодо олина-ётган ахборот турли-туман, омухта бўлса, устига-устак кераксиз ахборот қабул қилинса, у мияда мустаҳкам ўрнаша олмайди. Натижада, бундай киши фикрлаш жиҳатидан ҳам аросатда қолади»¹.

Этнопсихологларнинг берган хуносаларига кўра, миллий психологияни айнан ўша этнос вакилларининг фаолият, хулқ-атвор ва мулоқотлари жараёнлари орқали ўрганиш мумкин. Бизнингча, миллий тарбия жараёнининг педагогик-психологик хусусиятларини ўрганиш учун ҳам айнан шу йўлдан бормоқ самаралидир. Зоро, миллий тарбия миллий (ички) ва миллатлараро (ташқи) муносабатларнинг муваффақиятини таъминлашга хизмат қиласди. Миллий тарбия жараёнида макондаги муқимлик ва миллий-маданий жиспсликни, бирликни таъминловчи этник, миллий маълумотлар синхрон ва диахрон шаклда авлоддан-авлодга узатилади. Шундай қилиб, фақат шу миллатгагина хос бўлган ўзига хос тарбиявий тизим ушбу миллатнинг бошқа миллатлардан фарқ қилишини, ички яхлитлигини,ベンазирлигини таъминлади. Агарда миллий тарбия эътиборсиз қолдирилса, стихияли тарзда кечса, халқнинг миллий ўзлигини англаш даражаси, миллий фурури, маданияти, ватанпарварлик даражаси сусая боради. Чунки ҳар бир индивид ўзига хос миллий-маданий анъаналар, меъёрлари бўлган жамиятда шаклланади. Ана шу урф-одат, меъёрлар, анъаналар руҳида ижтимоийлашув уни ана шу маданий-тарихий бирликнинг аъзосига айлантиради. Бу жараённи бошқача тарзда чақалоқнинг ё француз, ё ҳинд, ё ўзбекка айланиш жараёни, деб ҳам ифодалаш мумкин. Чақалоқнинг (миллий тарбия обьекти ўлароқ) ўзбек сифатида шаклланиши ўзбеклар учун анъанавий бўлганлиги туфайли кўзга ташланмайди. Тадқиқотлар шуни қайд қилмоқдаки, шахс маданийлаша (украинлаша, араблаша, ўзбеклаша...) борар экан, бу миллийлашув жараёни миллий-ижтимоий роллар талабларидан келиб чиқиб, жамиятнинг узлуксиз назорати остида амалга ошади. «Миллий-ижтимоий рөль» тушунчасини, замонавий ижтимоий роллар социологик концеп-

¹ Ш. Шомансуров. Тил ва тиббиёт. «Фан ва турмуш», 1992, 2-сон, 26-бет.

цияси ва И. Коннинг¹ ижтимоий ролга берган таърифидан фойдаланган ҳолда, «муайян миллий бирлик ичида анъанавий маъқулланган, шу миллатга мансуб аъзоларидан уларнинг ёши, жинси ва муайян вазиятдан келиб чиқиб кутиладиган хулқ-атвор намунаси», деб таърифлаш мумкин.

«Ўқувчининг миллий роли» тушунчаси миллий тарбияни таҳлил қилиш учун социологик калит вазифасини ўтайди. Чунки бу тушунчанинг кўпқирралиги миллий-замонавий ҳаёт жабҳаларини, миллий тарбия йўналишларини илғаб олиш имконини беради. Миллий тарбия тизимини «миллий роль» тушунчаси орқали ўрганиш ҳар бир ўзбек ўғил-қизини илк ёшларидан «яхши бола», «яхши ака, ука, сингил, опа», «яхши жиян, тоға, бўла...», «яхши меҳмон, мезбон», «яхши дўст», «одобли бола» каби «унвонли» муносабатга тайёрлаш механизмини очиб беради. Кенг маънода эса ўқувчининг миллий ролини ўзлаштириши – ўз ичига миллий фазилатларни, миллий ахлоқ меъёrlарини сингдириши, миллий-ижтимоий ҳаётга тайёргарлик жараёнларини ҳам жамлайди.

Миллий ижтимоий ролларни таснифлаш, уларнинг кундалик ҳаётда, муносабатларда бажарилишини илмий-педагогик кузатиш – замонавий ва истиқболли усулдир. У болани «қаршисида» туриб эмас, балки миллий-илмий кузатиш имконини беради. Бу эса тадқиқотнинг объектив натижаларга эга бўлишининг асосий шартларидан биридир.

Замонавий фанлар ижтимоий ролларнинг қўйидаги таснифини илгари суради:

туфма, мавқели ижтимоий роллар – одам туғилганиданоқ ёки ҳаётининг у ёки бу босқичига киришганида «мерос қилиб олинувчи» роллар (жинсий, диний, миллий, фуқаролик, гўдаклик, ўсмирлик, йигитлик, мўйсафидлик ва б.);

ўзгарувчан – доимий бўлмаган, ўзгариши мумкин бўлган ижтимоий роллар. (Масалан, у ёки бу касбни эгаллаш, бирор уюшмага, жамиятга аъзо бўлиш ва ундан чиқиши мумкин, ҳатто фуқароликни ҳам ўзгартириш мумкин. Бироқ туфма миллий роллар (ўзбеклик, французлик ва ҳ.к.)дан чиқиб бўлмайди.)

¹ И. Кон. Социология личности. – М.: 1967.

Муайян вазиятдаги ижтимоий роллар — йўловчилик, харидорлик, меҳмонлик, мезбонлик ва ҳ.к. роллари ўзгарувчан роллар билан камроқ, түфма роллар билан кўпроқ алоқада бўлади. Муайян вазиятдаги роллар маҳсус ва шахсий аҳамиятга эгалиги туфайли кишини йўловчи, харидор, меҳмон ёхуд мезбонга «айлантирса», шахсий фазилатлар моҳиятидан келиб чиқиб шахсни «дўст», «душман», «мехрибон киши», «тақводор киши», «фидойи одам» ва бошқаларга айлантиради. Демак, шахс ташқи муҳит (табиат, жамият, шахслар) билан муносабатга киришганида миллий хусусият (ўзига хос бўлган «украинча», «хакасча», «грузинча» ёндашув) касб этади. Бу фикр илк бор немис социологи У. Герхард томонидан түфма ижтимоий роль сифатида таклиф қилинган, кейинчалик Ю. Сорокин, Е. Тарасов, Н. Уфимцевалар томонидан ижтимоий фанларга киритилган эди. Лекин, назарий жиҳатдан асосланганлигига қарамасдан, миллий ролнинг түфма мерос, ворислик хусусиятини ўрганиш, ривожлантириш социалистик интернационализм тамойилларига мос келмаслиги туфайли ривожлантирилмади.

Шарқ, хусусан, ўзбеклар миллий тарбиясининг фалсафий, методологик асосларини Шарқ фалсафаси — дунёни идрок қилишнинг шарқона «руҳи», услубини тушунмасдан аниқлаб бўлмайди. Дунёни идрок қилишнинг шарқона тарзи мавжудлигидан келиб чиқиш яқин йилларгача ижтимоий фанларда етакчилик қилиб келган бир ёқламалик — европоцентризм оқимиға барҳам беради. Фарб кишисининг онгидаги персоналистик қараш христианликнинг, шарқ кишиси онгидаги антиперсоналистик қараш эса исломнинг бевосита таъсирида юзага келди. Ана шунинг учун ҳам овруполик шахс моҳиятини христианлиksiz («Христиан дини – Оврупонинг ўқитувчисидир». Н. С. Трубецкой), шарқ кишисининг моҳиятини эса ислом динининг ахлоқий қарашларисиз тадқиқ қилиш янглиш хулосаларга олиб келади. Жумладан, то шу пайтгача Шарқ ахлоқининг қомуси – Қуръони карим, ҳадиси шарифлар, шариат педагогик эътибордан четда қолдирилиб келинаётган эди. Биз имкон даражасида ана шу назарий-педагогик камчиликни тўлдиришга ҳаракат қиласиз.

Диннинг инсоният маънавиятида тутган роли беқиёсдир. Шу боис педагогика барча миллатларда содир бўлган динга қизиқишининг, динийликнинг тикланаётганлигига эътибор қўлмоғи керак. Чунки дин – дунёқарашни ташкил қилувчи онгнинг таркибий қисмидир. Динда инсон, унинг моҳияти, миллийлиги ҳақида мулоҳазаларнинг улкан, яхлит тажрибаси мавжуд. Унинг вазифаси эътиқод орқали инсон, жамиятнинг руҳиятини уйғунлаштириб, тарбиялашдир. Ана шу нуқтаи назардан ҳар бир дин – ўзи асослаган маънавий таълим ва ахлоқий тарбия тизими-дир. Бу, одатда, муайян динга мансуб халқлар, миллатлар (масалан, ислом динига мансуб араб, татар, тожик, турк, қозоқ, ўзбек ва бошқалар)нинг умумдиний ёки байналминал маънавияти ва ахлоқини ҳосил қилиб келган.

Миллатнинг пайдо бўлиши, ривожланишини ижти-моий-иқтисодий формациялар билан белгилаш, ўлчаш нисбийдир. Чунки «миллат» тушунчаси миллатнинг мавжудлиги ҳақидаги ҳужжатдир. Бу тушунча эса қадимий бўлиб, бизнинг кейинги талқинларимиз, унинг асл моҳияти қандайлигидан эмас, балки бизга қандай тушунтирилганидан келиб чиққанлиги туфайли субъективдир. Зоро, миллат, ўзига хос барча хусусиятлари билан бирламчи, бизнинг талқинларимиз эса иккиламчидир. Ана шу нуқтаи назардан миллатларнинг пайдо бўлиши ҳақидаги диний қарашлар ҳам педагогик диққатга сазовордир.

Куръони каримнинг Бақара, Юнус, Ҳуд, Наҳъл сураларида одамларнинг дастлаб бир миллатга мансуб бўлганликлари, сўнгра эса бўлиниб кетганликлари ҳақидаги фикр бир неча бор қайд қилинади. Куръони карим ҳар бир мўмин кишини ўз миллий қадриятларини бойитишга, ўз миллатидан кечиб, бошқа миллат қўшимчасига айланиб кетмасликка чақиради: «Ва сизлар бир миллат бошқа миллатдан (сон ё бойлик жиҳатидан) ортикроқ бўлгани учун қасамларингизни (бузиб) алдов воситаси қилишингиз билан(яъни, бошқа бойроқ ва кучлироқ қавмни топсангиз, аввалги қасамларингиздан кечиб кетаверишингиз билан) худди ўзи тўқиган нарсасини пишиқ-пухта бўлганидан сўнг парча-парча бузиб-чуватиб ташлаган хотинга ўхшаб қолмангиз! Албатта, Оллоҳ бу (ахдга вафо қилиш-

га буюриш) билан сизларни имтиҳон қилур ва албатта қиёмат кунида сизларга ихтилоф қилиб ўтган нарсаларингизни баён қилиб берур»¹.

Куръони каримдаги ушбу ишорадан келиб чиқиб, миллий тарбия ёш авлодларда ўз ва ўзга халқларга хурмат, миллий фуур, ватанпарварлик, миллий ва миллатлараро мулоқот одоби каби фазилатларни шакллантиради ва ўзбек халқини маънавий ва моддий жиҳатлардан бой миллатга айлантиришга хизмат қиласи, дея оламиз.

Миллий тарбиянинг манбаи – миллийлик! «Миллат», «миллийлик», «миллий фуур», «миллий одоб», «миллатлараро мулоқот маданияти» тушунчаларининг ўзагини арабча «мил» сўзи ташкил қиласи. Бу сўз арабчада «ўзак», «туб моҳият», «негиз» маъноларини англатади. «Миллат» сўзи эса бир неча маънони: 1) дин: мазҳаб; 2) уммат: бир мазҳабга мансуб аҳоли; 3) халқ маъноларини англатади².

«Миллат», «миллийлик» тушунчаларининг талқини билан танишар эканмиз, уларнинг гарбона ва шарқона тарзлари бор эканлигини кўрамиз. Аниқроғи, гарбий талқин христиан, шарқий талқин эса исломий ўзакларга бориб туташади. Яъни Оврупо халқлари тилларига «миллат» тушунчаси лотинча «natio» – қабила, халқ сифатида христиан дини билан бирга кириб келган бўлса, Осиёга эса ислом таълимоти орқали юқоридаги уч хил маънода кириб келиб сингди.

«Тарбия» сўзи «миллий тарбия» тушунчасининг таркибий қисми бўлганлиги туфайли бу тушунчага ҳам янгича ёндошган ҳолда, холис илмий-педагогик таъриф бермоқ керак. Арабча «тарбия», «тарбият» сўzlари 1) парвариш қилмоқ; таълим бермоқ; ўргатиш; одоб ўргатиш; 2) навозиш, меҳрибонлик кўрсатиш: кўз-қулоқ бўлиш; ҳимоя қилиш каби кўп қиррали мазмунга эга³. «Тарбиячи» эса шу кўп қиррали тарбиявий фаолиятни амалга оши-

¹ Куръони карим. Таржима ва изоҳлар муаллифи Алоуддин Мансур. – Т.: Чўлпон, 1992, 191-бет.

² Фарҳангги забони тоҷики. (Аз асри X то ибтидои асри XX.) 2 чилд. 1 чилд. Сов. энцикл. – М.: 1969, саҳ. 689.

³ Ўзбек тилининг изоҳли луғати. 2 жилдлик, 2-том, – М.: «Рус тили» нашр, 1991, 125-бет.

рувчи одам, демакдир. Демак, миллий тарбиянинг лугавий маъносини «ёш авлодларни ўз халқига хос миллий фазилатлар намунасида шакллантириш, таълим бермоқ» сифатида аниқлаш мумкин.

Иудаизм, христианлик, будда ва ислом динлари – ўзига хос тарбия манбаидирлар. Шу нуқтаи назардан миллий тарбиянинг моҳиятини диний унсурсиз мукаммал деб бўлмайди. Чунки ҳар бир дин, пайғамбарнинг вазифаси – одамларни тарбиялаш, баъзида эса, қайта тарбиялашдан иборат бўлиб келган. Масалан, христиан педагогик фалсафаси «диндан ажратилган таълим-тарбия маънавиятдан айрилишга, таълим-тарбиядан ажратилган дин эса хуроффотга айланишга маҳқумдир» деб ҳисоблайди. Шу билан биргаликда христиан руҳонийлари ахлоқий қадриятларнинг эътиборсизлана бориши туфайли «ҳамма нарсани сотиш ва сотиб олиш мумкин» бўлиб қолганлиги, «менинг ватаним бошқа ерда» дегувчи ватан тақдирига бефарқлик намуналарини, порнография ташкилотчиларини танқид қилиб, ўз ҳукumatларига маърифий ёрдам бермоқдалар»¹.

Будда диний таълимотида ҳам одамлар орасида ўзаро ҳамкорликка даъват қилиниб, миллийликларга демократик, толерант ёндашувга амал қил, бошқаларнинг эътиқодларини қоралама, дейилади. Будда дини ўзига мансуб кишидан ўз қобилиятларини мутаносиблаштиришни, интизомлиликни, хотиржамликни, чиройли сўзлаб, чиройли хулқقا эга бўлишни, уйғунликни, ўзидаги Мара(салбий куч)ни чидам ва ҳамдардлик орқали бартараф қилишни, ўз-ўзини тарбиялашни талаб қиласиди. Чунки «Инсон яхшиликнинг моҳиятини чукур тушуниб, ҳис қилсагина, у яхшиликка қодир бўла олади», деб уқтиради буддизм фалсафаси².

Миллий тарбиянинг методологик асосларини аниқлашда, уни ҳар томонлама талқин қилишда социобиология эришган натижалар катта аҳамиятга эга. Биология фанининг бу йўналиши 1975 йили америкалик энтомолог Э.Уилсоннинг «Социобиология: янги синтез» номли китобидан

¹ И. Валентинов. Современная христианская педагогика на Западе. Педагогический вестник, 1992, № 2.

² Е. Рерих. Основы буддизма. – Улан-Удэ: Бурят. Кн. из-во, 1991, с. 32.

бошланиб, илмий давраларда катта қизиқиш уйғотди. Социобиологиянинг бош мақсади – инсон ҳәётининг турли жабхаларини тадқиқот қилишга қодир бўлган янги – омухта фан яратишидир. «Коинотда онгли жонзотлар ичида икки интеллектуал ирқ – Эйдилонлар ва қсинедринлар бор, деб фараз қиласайлик, – деб ёзадилар Ч. Ламзден ва Э. Уилсон. – Эйдилонлар – органик машиналар бўлиб, улардаги тафаккур ва хулқ-атвор дастурлаштирилган. Қсинедринлар онги эса, тоза ёзув тахтасига монанд. Уларнинг тафаккурида ирсий детерминациянинг излари ҳам йўқ, яъни қсинедринлар тафаккури, хулқ-атвори ташқи муҳит томонидан дастурлаштирилади. Эйдилонлар йўли маданият таъсирида кечади. Ер куррасидаги одамлар алоҳида – учинчى йўлга эгадир. Бу йўлнинг моҳияти, социобиологларнинг фикрича, ирсий омиллардан маданий омилларга ва аксинча бўлиб ўтадиган доимий ўзгаришлардадир»¹. Социобиология инсон устидан ҳукмронлик қилувчи барча кучларнинг энг қудратлиси ва мураккаби – ишонч, эътиқод, деб билади. «Эътиқод ижтимоий хатти-ҳаракатларнинг универсал тартиботларидан бўлиб, ҳар бир жамиятда уни (намоён бўлиш шаклига қараб) тезда қайд қилиш мумкин... Лекин инсон бу унсурдан дин ва марксизм орасидаги қарама-қаршилик туфайли воз кечишга мажбур бўлди. Эътиқодсизлик эса одамларда миллий қадриятларнинг йўқолишига, арзимас нарсаларни қимматли нарса деб, ҳақиқий қимматга эга бўлган нарсаларни эса ерга уришга олиб келди», – деб ҳисоблайди² «инсон ҳақидаги янги фан» – социобиология. Кўриниб турганидек, ушбу янги фаннинг эътиқод ва уни шакллантириш ҳақидаги қарашлари ўқувчиларимизда миллий ғояга асосланган истиқлолий эътиқодни шакллантиришда муҳим аҳамиятга эга.

Миллий тарбияни тадқиқот қилишнинг методологик талабларидан бири – аниқ фанларда эришилган ютуқларни ўрганиш, уларнинг мазкур тадқиқот предметига муносабатини умумлаштиришдир. Ана шундай фанлардан бири бўлмиш олий нерв фаолияти физиологияси ва педагогика

¹ Р. Карпинская, С. Никольский. Социобиология: критический анализ. – М.: Мысль, 1988, с. 10.

² Ўша манба. 150-бет.

орасида узвий боғлиқлик мавжуд. Зеро, «ҳар қандай таълим ва тарбия ўзининг физиологик механизмига кўра, шартли реакция (организмнинг ташқи таъсирига жавоби), кўнишка ва таассуротларни ҳосил қилиш жараёнидир»¹.

Маълумки, биринчи сигналлар системаси инсон ҳаётида катта аҳамиятга эга бўлиб, инсоннинг иккинчи сигналлар системаси учун табиий манба бўлиб хизмат қиласди. Иккинчи сигналлар системаси эса – бу биз эшитаётган, сўзлаётган, ўқиётган сўзларимиздир. Яъни сўз бизга биринчи сигналлар системасининг образлари, сиймолари, хусусиятлари ҳақида мужассамлашган хабар беради. Масалан, ўқувчилар соҳибқирон Амир Темурнинг исми шарифларини эшитганларида у кишига ҳурмат ҳиссини туядилар, «Орол» сўзи эса «Орол муаммоси»ни эслатиб уларда ачиниш, уни сақлаб қолишида иштирок этиш истагини пайдо қиласди ва ҳ.к. Хуллас, ўқувчилар сўз орқали биринчи сигналлар ҳақида маълумот олгач, уларда ҳурмат, ачиниш, раҳм-шафқат ёки, аксинча, «ҳизб ут-тахрир», «ваҳҳобийлик», «акидапарастлик» деган сўзларни эшитганида уларда нафрат кечинмалари пайдо бўлади. Демак, биринчи сигналлар системаси орқали ҳосил қилиш мумкин бўлган хатти-ҳаракат, ҳис-туйғуларни иккинчи сигналлар системаси – сўзлар орқали ҳам ҳосил қилиш мумкин.

Сўз эса миллий хусусиятга эга. Эшитилган, ўқилган сўз маъноси тингловчи, ўқувчи тушунадиган тилда бўлсангина у хатти-ҳаракатга, туйғуларга таъсир қилиб, миллий маданий муҳитни тушунишга, унга мослашишга хизмат қиласди. Агар сўз ва унинг миллий маъноси, моҳияти тушунарсиз бўлса, у ўқувчига биринчи сигнал сифатида ҳам, иккинчи сигнал сифатида ҳам таъсир кўрсата олмайди. Ўқувчи учун маъносиз товуш бўлиб қолаверади. Демак, иккинчи сигналлар системасининг сўзлар орқали намоён бўлишини, инсон миллийлигининг бош белгиси – тил, тил эса сўзлардан иборатлигини, шунингдек, юқорида келтирилган этнопсихологик ютуқларни умумлаштириш **иккинчи сигналлар системаси миллий хусусиятга эга, деган илмий холосани ҳосил қиласди**. Бу эса миллий тарбия-

¹ А. Коган. Основы физиологии высшей нервной деятельности. Учеб. для биол. спец. вузов. – 2-е изд. – М.: Выш. шк., 1988, с. 16.

нинг аниқ фан – олий нерв фаолияти физиологиясига таянувчи назарий асосини белгилайди.

Халқлар, миллатлар ўзлари истиқомат қилаётган жуғрофий ҳудуд, табиат, жонзор ва инсоний фазилатларга хос ва мос номлар берганлар. Улар сўзда ифодаланиб, таълим ва тарбия жараёнида ўқувчиларнинг иккинчи сигналлар системасининг миллий, хусусий жиҳатини белгилаб келган. Ана шунинг учун ҳам тилда талаффуз қилинган сўз фақатгина шу тилни тушунувчи киши учун иккинчи сигналлар системаси сифатида таъсир қиласди. Бола, одам ўзи тушунмайдиган сўздан таъсирланмайди, ҳаракатга келмайди, ўз хатти-ҳаракатини ўзгартирмайди.

Ўзбекона тарбия мазмунидан жой олиб, ўзаро муносабатларда намоён қилиниши лозим бўлган инсоний фазилатларни ифодаловчи сўз – сигналлар мавжуд. Масалан, «тавозе», «ҳаё», «виждон», «иймон» ва бошқа сўзларнинг фаол қўлланилганлиги миллий маънавияти мизнинг юксак чўққига кўтарилилганлигидан далолат беради. Лекин халқимиз тарихининг кейинги асрларида содир бўлган мустамлакачилик, миллий фазилатларни «қолоқлик, маданиятсизлик кўрсаткичи», «эскилик сарқити» дея қадрсизланиши юқоридаги тушунчаларни ўзбек мактаби дарслклари матнидан сиқиб чиқарди. Натижада, миллий фазилатлар ўқувчиларнинг иккинчи сигналлар системасига киритилмаганлиги туфайли, бошқа тилдаги сўздек тушунарсиз бўлиб қолаверди. Ўқувчилар билан ўтказилган сухбатлар, савол-жавоблар буни тасдиқлади. Кўшимча мисол тариқасида атоқли ёзувчимиз Иброҳим Раҳимнинг 80-йиллардаги кузатувларидан бир парча келтирамиз: «... Кўпгина ёшларимиз «инсоф» нималигини билиш у ёқда турсин, бу сўзниг ўзини ҳам эшитмагандек, тушунмайдилар.

Эски ҳовлимизнинг рўпарасидаги ўрта мактабнинг тўполончи ўқувчиси ўзидан кичик болани дўппослаганида қўлидан ушлаб, «Инсофинг борми, ўзингдан кичик болани урасанми?» десам, «Инсоф деганингиз нима?» деб анқайиб қолди. Шундан кейин бошқа бир неча боладан ҳам сўрадим. Унақа дарс ўтганимиз йўқ, деб жавоб қилдилар. Шу воқеадан кейин мактабларда инсоф дарсини ўтиш керак шекилли, деган хулосага келдим.

Инсофли бўлиш ҳақида на уйда, на мактабда ва на атрофдагилардан таълим олмаган айрим ёшлар инсофсизлик қилиб қўйганини ўзлари англамаяптилар, англасалар ҳам унинг хунук оқибати – гуноҳи тўғрисида мутлақо ўйла-маяптилар... (Иброҳим Раҳим. Ҳаёт чорраҳаларида. – Т.; Ўзбекистон, 1991. 110-б.)

Бу ҳолат ўзбек умумтаълим мактаби ўқувчиларини «Ўзбек тилининг изоҳли луғати»дан жой олган, инсоний фазилатларни ифодаловчи 1,5 мингдан ортиқ сўзлар(масалан, «одамгарчилик», «инсоф», «виждонлилик», «мехрибонлик» ва ҳ.к.) билан маҳсус таништира боришни тақозо қиласди. Бироқ, сўзларнинг фақат маъносини тушунишириш билан юқоридаги фазилатларни ўқувчиларнинг одатига айлантириш мушкул. Бунинг учун миллий-инсоний фазилатларни маҳсус ташкил қилинувчи тарбиявий вазиятларда, тарбиявий соатларда ўқувчиларга намойиш қилиш (масалан, «миллий одоб»нинг қандай намоён бўлишини нафақат тушунишириш, балки кўрсатиш) ва ўқувчилар билан миллий одоб машқларини ташкил қилиш талаб этилади. Тарбиявий таълим – муомала, одоб қоидаларини маҳсус ўргатиш жаҳон миқёсида янгилик эмас ва ўрнак олса арзигулик мисоллар бор. Масалан, Япония мактабларида «япон хулқ-атвори» дарси маҳсус, мажбурий ўтилади. Бу дарсда муомала, одоб-ахлоқнинг энг нозик қираларигача маҳсус ўргатилади, машқ қилдирилади. Жумладан, меҳмон келганда мезбон эшикни қандай очиши кераклигигача ва ҳ.к. Хуллас, миллий-тарбиявий таълим миллий фазилатларни ўқувчиларнинг дастлаб биринчи, кейин эса иккинчи сигналлар системасига айлантиришга, пировард натижада эса, ўқувчиларнинг шахсий хислатларига, одатларига айланишида педагогик технология вазифасини ўтайди.

Ўзбекистон социолог олимлари олиб борган илмий тадқиқотлар миллий тарбиянинг социологик жиҳатларини ойдинлаштиради. Тошкент Давлат университети социологик Маркази «Фарб – Шарқ: шахс хулқ-атвори ва мослашувининг маданий-этник хусусиятлари» мавзуси бўйича тадқиқотлар олиб бордилар. Қиёсий натижалар шуни кўрсатадики, Америка-Европа маданияти, мусулмон Шарқи маданиятлари тамомила турлича қадриятларга таянади. Яъни

шарқона хулқ-атвор қадриятлари анъанавийликка таянса, гарбона хулқ-атвор эса индивидуалистик тип сифатида ижтимоий мұхит, ҳатто макросоциумларни инкор қилиш орқали ўзлигини намоён қиласы. Шарқона хулқ-атвор мұхитида тараққиёт ва ислоҳотлар тадрижий тарзда кечиб, бундай жамиятта қадриятларнинг кескин инқизози хавфи йўқ. Масалан, аждодларга ҳурмат ижтимоий мўътадилликнинг ўзига хос кафолати бўлиб хизмат қиласы. Педагогика учун мұхим томони шундаки, тарбиянинг миллийлиги ва ижтимоийликнинг силлиқ кечиши туфайли ўсмирлик – ўтиш даври енгил кечади. Фарб ўсмирларида эса бу жараён ижтимоий мұхит, халқ, миллатни инкор қилиш, жамиятта қабул қилинган ахлоқий, маънавий меъёрларга қарши туриш, эгоцентризмда намоён бўлади. Шарқлик киши учун эл, уруғ, маҳалла манфаатлари, фикрлари кучли таъсирга эга. Фарб кишиси учун теварак-атрофдагиларнинг фикрларидан кўра ўзининг «мен»ини намоён қилиш биринчи даражада туради. Ўзбек социологи А. А. Илҳомовнинг таъкидлашича, Марказий Осиёда диний, миллий ўзлигини англашнинг ўсиши ёшларнинг ўзларини мусулмон ва шарқ кишиси сифатида англаши тарзида; Оврупо ёшларида эса жинояччиликнинг бундан бўён кўпайишига олиб келувчи «хулқ-атворнинг аффектив типи»да намоён бўлмоқда¹. Ана шу объектив хусусиятлар Ўзбекистон педагогикасида, унинг назарий асосларида ҳам туб ўзгаришларни амалга оширишни тақозо қиласы.

Фан тараққиётининг янги босқичи бошланганида у ёки бу атама, тушунча мазмунига аниқликлар киритилиб, бойита борилади. Педагогиканинг туб атамалари бўлмиш «таълим», «шахс ривожланиши», «ижтимоийлашув», «тарбия» кабилар ҳам ана шу қонуниятга бўйсунади. «Коммунистик тарбия» ибораси ижтимоий қўлланувдан чиқарилгач, «миллий тарбия» тушунчаси қўлланила бошланди. Илмийлик тамойили бояги иборалардаги «коммунистик» ва «миллий» сифатловчиларини таърифлаш билан бир вақтда «тарбия» тушунчасининг янгиланаётган жамиятдаги янги, замонавий, илмий таърифини талаб қиласы.

Бу мавзуда 1991 йилдан бўён қизғин баҳслар давом

¹ Культура межнационального общения: Творч. встреча в ред. «Советская педагогика», № 3, 1991, с. 3–35.

этмоқда. Энг эътиборли илмий мақолалардан бири Г. Хайруллин қаламига мансубдир. Олим ўзининг «Педагогиканинг тушунчалар аппарати» мақоласида¹ «тарбия» тушунчалигининг шу пайтгача анъанавий бўлиб келган «жамиятда яшаш ва меҳнат қилиш учун лозим бўлган ижтимоий тажрибанинг катталар томонидан узатилиши ва янги авлодлар томонидан фаол ўзлаштирилиши» деган таърифини танқид қиласди. Г. Хайруллиннинг фикрича, «бу таъриф фақатгина мактаб шароитига боғлиқ бўлиб, тарбиячининг тарбияланувчиidan албатта ёши улуф эканлиги каби тор асосга эга. Шунинг учун ҳам, «тарбия» тушунчасини «аждодлар ижтимоий тажрибасини узатиш ва қабул қилишда шахсга ижтимоий ва табиий омилларнинг таъсир этиши» деб тушуниш лозимдир. Ана шунда, деб таъкидлайди олим, «тарбиянинг педагогик моҳияти «тарбияланувчиларнинг ижтимоий тажрибасини ўзлаштиришларига мақсадли таъсир қилиш»да намоён бўлади. Ушбу тажрибани ўзлаштириш шахсни маълум йўналишга қаратиб ривожлантиради, шакллантиради»².

Миллий тарбиянинг назарий асосларини белгилашда сабиқ совет педагогикаси назариётчиларининг СССР парчаланиб кетиш арафасида келган хulosалари муайян аҳамиятга эга. Академиклар А. Бодалев, В. Караковский ва Л. Новиковалар ўша даврдаги тарбиявий иллатлар (нигилизм, маънавиятсизлик, ахлоқсизлик, худбинлик ва бошқалар)ни келтириб чиқарган сабабларни қидиришиди. Аниқланган сабаблар Ўзбекистон педагогика фани ва амалиётида қайта такрорланмаслиги учун уларни қўйида сабабларни келиб чиқарсанни мурдабо меселеюнга ўтамиш. Академикларнинг хulosаларига кўра, 90-йилларда совет тарбияси тушган оғир аҳволнинг бош сабабларидан бири – тарбиянинг илмий асосларининг ишлаб чиқилмаганлиги эди. Бу асослар қўйидаги мазмунда яратилмоғи керак: 1) шахснинг педагогик моделини тузиш ва шу орқали уни тарбиялаш йўналишларини белгилаб олиш; 2) «тарбия» тушунчасининг моҳиятини замонавий педагогика ва психология фанлари нуқтаи назаридан қайта кўриб чиқиш; тарбиянинг мавқенини кўтариш; 3) жами-

¹ Г. Хайруллин. О понятийном аппарате педагогики. Советская педагогика, № 5, 1991, с. 56–59.

² Ўша манба. 58-бет.

ятни тарбияловчи жамиятта айлантириш учун унинг тарбияловчи имкониятларини амалга оширишнинг асосий шарт-шароитларини тадқиқот қилиш керак. Миллий тарбия эса ушбу сабабларнинг тақрорланмаслигининг илмий асосланган кафолатларига эга. Яъни, 1) муайян миллий тарбиявий фазилатларнинг асосли эталон, мезонлари ва аниқ йўналишларига эга; 2) миллий тарбия «тарбия» тушунчасининг моҳиятини замонавий педагогика, психология, этнопедагогика, этнопсихология, социобиология, олий нерв фаолияти физиологияси ва антропологик билимлар тизими қўлга киритган илмий натижалар асосида ойдинлаштиради; 3) миллий тарбия жамиятни «тарбияловчи жамият»га айлантириш учун педагогик имкониятларини амалга оширишнинг асосий шарт-шароитларини қайд қиласди ва ижтимоий-миллий тарбия омиллари сифатида уларга таянади. Чунки тил, урф-одат, психология, дунёқарааш болага унинг хоҳишидан ташқари ҳолатда ўз миллий тарбиявий таъсирини ўtkаза боради.

Шу ўринда «тарбия» тушунчасига яқин бўлган «ижтимоийлашув» тушунчаси ҳақида алоҳида тўхталиб, миллий тарбия ва миллий ижтимоийлашув орасидаги умумийлик ва ўзига хослик устида тўхталиш лозим.

Миллий тарбия ва ижтимоийлашув орасидаги умумийлик «ҳаёт тарбияси» тушунчаси орқали намоён бўлади. Лекин ижтимоийлашув – бу инсон томонидан кўрсатилаётган мақсадли ва мақсадсиз тарбиявий таъсиirlарни қабул қилиш жараёнидир. Ушбу таъсиир йиғиндиси шахснинг ижтимоийлашуви хусусиятларини, сифат ўзгаришларини белгилайди. Кўриниб турганидек, шахс ижтимоийлашув жараёнини бевосита педагогик назорат остига олиш, бошқариш мумкин эмас. Шунинг билан бирга, ривожланаётган бола бир вақтнинг ўзида ҳам ижтимоийлаштирувчи омиллар, ҳам миллий тарбия омилларининг муттасил таъсирида бўлишини таъкидлаш зарур. Ҳар бир шахснинг болалиги – унинг миллий тарбия қарамоғида ўтказган тарихидир. Бола балоғатга етган сари ижтимоийлаштирувчи омилларнинг таъсири кучая боради.

Ижтимоийлашув ва миллий тарбия таъсиirlари орасидаги уйғунлик ёки зиддият миллий-маънавий тараққиётга давлат томонидан кўрсатилаётган эътиборга боғлиқдир.

Мустақил Узбекистонда олиб борилаётган сиёсат ўзбек давлатчилиги, анъаналари ва миллий, умуминсоний қадриятларни чуқур ҳурмат қилишга асосланади; Ўзбекистон халқининг умумий манфаатларини ифодаловчи, бирлаширувчи миллий тоғаси мавжуд; хизмат кўрсатувчи муассасалар тили – давлат тилидир ва ҳ.к.

«Миллий тарбия, миллийлашув эса (куйидаги тасвир) ривожланаётган бола шахсига илк ёшларданоқ бевосита таъсир қилиш орқали самарадорлик, табиийлик, устуворлик касб этади. Дастреб биринчи, кейинчалик иккинчи сигналлар системаси мазмунини белгиловчи миллий муҳит, миллий рух, оила, маҳалла, қишлоқ муҳити шахсга тарбиявий таъсир кўрсатади.

I-тасвир

Оила	Шаклланаётган бола шахси
Она тили	
Миллий менталитет	
Урф-одат, маросим, анъаналар	
Моддий маданият	
Маънавий маданият	
Ислом маданиятининг ахлоқий қадриятлари: увол-савоб, иймон, инсоф, ҳалол-ҳаром ва ҳ.к.	
Таълим она тилида олиб борилувчи мактаб: таълим мазмуни	
Маҳалла, қишлоқ	

Юқоридаги фикрлардан келиб чиқиб, куйидаги хуласаларни баён этиш мумкин: миллийлик – ижтимоий тараққиётнинг тадрижий ривожи натижасида йифилган маданий қадриятлар синтезидир. Миллий тарбия – ана шу маданий-тадрижий синтезга асосланган ҳолда ёш авлодни замонавий шароитда келажакка мос равишда шакллантириш жараёнидир: шахснинг миллийлиги унинг ма-

даний даражасидир; ҳар бир миллий маданият – умуминсоний қадриятнинг муайян кўринишидир. Чунки инсоният – бу халқлар, миллатлардир. Ана шу нуқтаи назардан миллий тарбия – ҳар бир инсонни ўз миллий маданияти манбаида, яъни муайян умуминсоний қадрият асосида шакллантириш жараёнидир; ҳар бир инсон ўз ҳаёти давомида турли ижтимоий ролларни ўтайди. Бу роллар мазмуни, кўлами, намоён бўлиш жабҳалари илк ёшлардан бошлаб кўпайиб, кенгайиб, мураккаблашиб боради. Ана шундай түфма ва илк ўзлаштирувчи ижтимоий роллардан бири – шахснинг миллий ролидир (У. Герхард); аслида динлар, миллатлар орасида зиддият учун ҳеч қандай асос йўқ. Жаҳонда динлар ва миллатлар орасида бўлиб ўтган зиддиятлар айрим уламолар, сиёсатчиларнинг ўз мақсадларига эришмоқ учун дин, миллат номидан иш кўришга чақириқлари ва инсониятнинг уларга эргашиб йўл қўйган хатоларидир: халқлар, миллатлар мавжуд экан, миллий тарбия жараёни бизнинг хоҳишимиздан ташқари равишда, маданий детерминизм асосида давом этаверади. Шунинг учун бу жараённи давлатнинг манфаатларига мос равишда мақсадга йўналтирилса, миллий тарбия улкан яратувчан, тараққийпарвар маърифий кучга айланади.

Жаҳон тарбиявий концепциялари намуналарининг қиёсий-педагогик таҳлили

Мавжуд тарихий вазият педагогика назариясида қиёсий ўйналишни кучайтиришни, турли замон ва маконларда яратилган тарбия концепцияларини вертикал ва горизонтал педагогик интеграция нуқтаи назаридан таҳлил қилишни, хатоларни четлаб ўтиб, тарих синовини кўрган, инсонпарварона моҳиятга эга бўлган тарбиявий концепциялар ютуқларидан, технологиясидан самарали фойдаланишни тақозо қилмоқда. Ана шу мулоҳазадан келиб чиқиб, амалга оширилган компаратив педагогик таҳлил олдига қўйидаги вазифаларни қўйдик:

– педагогик назарияларнинг foявий асослари ва мазмунининг мамлакатлар тараққиётига кўрсатган таъсирини қайд қилиш, умумлаштириш;

– Оврупонинг тараққий этган мамлакатларида, Осиё ва Африканинг миллий мустақилликни қўлга киритган айрим мамлакатларида тарбиявий концепциялар ривожи-

нинг тарихий, ижтимоий-иқтисодий, миллий-маданий шарт-шароитларини таҳлил қилиш;

— тарбия назариялари, концепцияларини миллий тарбия билан назарий алоқаларини ўрганиш:

— замонавий ўзбек мактабидаги миллий тарбия тизимининг туб хусусиятларини қиёсий асослаш.

Мактаб, тарбияни миллий истиқолий ислоҳ қилиш — жамиятнинг миллий истиқболини белгиловчи энг ишончли тадбирдир. Бунга буюк жадидчи ватандошларимиздан Алихонтўра Соғунийнинг ўз даврида айтиб кетган «Туркистон ҳалқини «ўлим уйқусидан уйғотиш»нинг йўли — замонавий илм-фан, миллий ҳис билан қуроллантириш, она тилини жон ўрнида асрашда» деган фикри, Аваз Ўтарнинг:

Қаю миллатга биздек насими инқироз етса,

Анга албатта мустаҳкамлик ижод этгуси мактаб, — каби мисралари мисолдир. Жадидчилар миллатни илгор миллатлар даражасига кўтаришнинг бош йўли — маорифни ислоҳ қилиш, деб билган эдилар. Бунда катта ҳикмат бор. Зеро, Оврупони «уйғотган» мусулмон илмининг шуҳрати ҳам дастлаб мактаб ва мадрасаларда кенг тарқалган «ижтиҳод» — ҳурфиксалик тамойили эди. Кейинчалик «ижтиҳод» «тақлид» билан алмаштирилган ва бу фан-техника тараққиётидаги ташаббускорликнинг Оврупога бой бериш сабабларидан бири бўлган. XX асрнинг 20-йиллари сobiқ совет педагогикасининг «янги жамиятнинг янги кишиларини тарбиялаш» мақсади ҳам жамиятни советлаштириш — ислоҳ қилиш йўли сифатида ёшларни социалистик, коммунистик тарбиялаш белгилаб олинган эди. Бироқ сobiқ совет мактабининг пролетар маданияти, шахсга сифиниш асоратларидан тозалаш, ислоҳ қилишга қаратилган 60–80-йиллардаги ҳаракатлар самара бермади. Инсонпарварликка, миллийликка зид, болаларнинг мактабдан бегоналашувига олиб келган совет тарбиявий тизими инқирозга учради. Эндиликда МДҲ давлатлари педагог-олимлари ўз мамлакатлари тараққиётига хос ва мос тарбиявий мақсадларни асосламоқдалар. Шу мақсадда хориж педагогикиси ютуқларидан ҳам унумли фойдаланишга киришилди. Шу жараёнда айрим ҳолларда Farb педа-

гогикаси йўл қўйган хатоларни такрорлаш хавфи ҳам мавжуд. Жумладан, бола шахсининг «алоҳида, ўзига хос талаблари»ни ҳаддан ташқари бўрттирилиши, илоҳийлаштирилиши туфайли одамларнинг бир-бирларидан, ўз миллатларидан узоқлашувига, бегоналашувига, яккалашувига, «оталар ва болалар» можаросига олиб келиши муқаррар бўлган экзистенциал тарбия назарияси тарғиб қилинмоқда. Ана шунинг учун ҳам бошқа давлатлар тажрибасидаги ютуқ ва камчиликларни Шарқ, Ўзбекистон воқелигидан келиб чиқиб ўрганиш фавқулодда муҳим аҳамиятга эгадир.

Бошқа давлатларнинг педагогик тажрибасини қиёсий ўрганишнинг кони фойда эканлигини Аҳмад Дониш, Фурқат, Ислом Гаспирали, Ризоуддин ибн Фахруддин, Аваз Ўтар, Сотеъ ал-Ҳусрий, К. Ушинский, Л. Толстой ва бошқалар педагогик муаммо сифатида кун тартибиға қўйган эдилар. Айниқса, К. Ушинскийнинг жаҳон кезиб, бу борада қилган илмий хуносалари алоҳида эътиборга сазовордир. Қатор Оврупо мамлакатлари тарбиявий тизимларини ўрганиб чиққач, у «барча халқлар учун умумий бўлган тарбия тизими бўлиши мумкин эмас. Олмон педагогикаси – немис тарбия назарияси демакдир, деб хуноса қиласди¹. У чет эл педагогик тажрибасининг айрим ижобий жиҳатларидангина фойдаланиш кераклигини қайд қилган эди. Л. Толстой ҳар қандай чет эл тарбия тизими ни Россияга келтиришга кескин қарши чиққан эди. Чунки ўз «халқи риоя қиладиган асосий қоидаларни англаған мактабгина яхши мактаб бўла олади»². Атоқли мутафаккир Россияда рус тарихи ва миллий хусусиятларидан келиб чиқувчи халқ таълими тизими яратилмоғи кераклигини қатъий туриб талаб қилган эди.

Бошқа мамлакатлар тарбиявий тизимларини ўрганишнинг хусусиятлари ҳақидаги ибратли фикрларни профессор П. Капнистнинг 1900 йилда айтган фикри билан якунлаймиз: «...тарбиявий ишларда мактабнинг миллий хусусиятларини дунё цивилизациясининг таркибий қисми сифатида ўрганиш керак. Бу, биринчидан, ҳар бир илмий мактабнинг (унинг қаерда жойлашганлигидан қатъи назар) асосини белгилайди ва, иккинчидан, бегона ўлка-

¹ «Учительская газета», 15 апреля 1989 года.

² Л. Толстой. О народном образовании. – Пед. соч. – М.: 1953, с. 74.

ларнинг мактаб ишларини ўрганиш бошқа мамлакатларда бир вақтлар ўтказилган ва натижалари аниқ кўрилган кўплаб тажриба ва экспериментларни такрорлашдан бизни кутқазади»¹.

Марказий Осиёда бугун рўй берётган маънавий, мадданий уйғониш, дунёқарашдаги ўзгаришлар айрим жиҳатлари билан Шарқ мамлакатларининг мустақилликка чиққан даврдаги ҳолатини, гарбий Оврупонинг Уйғониш, ўзлигини англай бошлаш даврини эслатади. Кундалик турмушдаги, тафаккурдаги анъанавийликнинг замонавийлашви, демографик ўсиш, шаҳарларнинг йириклишви, технологияда, банк ишларида муносабатларнинг ўзгариши, янги — тадбиркорлар авлодининг майдонга чиқиши, ишбилармонликнинг кенг тарқалиши ва бошқалар Уйғониш даврининг тавсифий чизгиларига айланган эди. Хорижий тилларга, хуқуқшунослика, Ватан тарихига қизиқишининг оммавий ўсиши мактаб ва тарбия мақсадини кескин ўзгартиришнинг шарти бўлди.

Англияда ана шу ўзгариш жараёни ўз замонасининг янги аслзодаси — жентльменни тарбиялаш талабини кун тартибига қўйди. Янги жентльмен амалий тажрибага эга, ишбилармон, ўз мулкини авайлаб асровчи ва энг муҳими — ўзининг янги сифатларини ўтмиш анъаналари билан уйғунлаштира олмоғи керак эди. Янги жентльменларни тарбиялаш фоясининг асосчиси Ж. Локк ёш жентльменлар ҳисоб-китоб илмини билиш билан бирга, анъанавий қиличбозлик санъатини ҳам яхши эгаллашлари кепрак, деб ҳисоблар эди. Жон Локк Англиянинг жаҳон миқёсидаги обрўсини кўтаришни ёшлар — жентльменларни тарбияламасдан амалга ошириш мумкин эмаслигини асослаб, ҳаётга жорий қилди.

Англиядаги тарбиявий мақсад — жентльменни тарбиялаш фояси Францияда ҳам ўзига хос тарзда амалга оширилди. Бу қуйидагича таърифланган эди: «Францияда тарбиядан мақсад — ўзида юксак ахлоқий сифатлар, фазилатлар, зиёлилик, соғлом мушоҳадалилик руҳида тарбияланганликни ўз Ватанида қабул қилинган хушхулқлик

¹ **П. Капнист.** Классицизм как необходимая основа гимназического образования. Исторический очерк развития среднего образования в Германии. — М.: 1900, с. 4—5.

билингвальдистириб, такомилига етказган француздир»¹. Германияда маданий уйғониш даврида амалга оширилган ислоҳотлар мактаб, тарбия мақсадини белгилашга маҳсулдор таъсир кўрсатиб, Германиянинг миллий давлат сифатида ривожланишига катта турткى бўлиб хизмат қилди.

Фарбий Оврупода уйғониш даври ижтимоий фанлар, хусусан, педагогика фанининг предмети – тарбия ва унинг моҳияти, мақсади ҳақида дадил илмий фикрлар айтилганлиги билан ҳам эътиборга молик. Бу фикрлар ранг-ранг бўлиб, тарбия феноменининг турли қирраларини ёритишга хизмат қилади.

Оврупода Уйғониш даври файласуф ва педагогларининг тарбия ва унинг мақсади ҳақидаги foяларидағи «миллийлик», «миллий» тушунчаларининг долзарблиги Шарқ мамлакатларидек долзарблик касб этмоқда. Чунки, биринчидан, ўша давр Фарбий Оврупо давлатлари – миллий давлат сифатида шаклланиб бўлган эди; иккинчидан, Фарбий Оврупо миллатлари ўз миллийликларига хавф соловчи, зарар етказувчи ҳар қандай ташқи таъсирдан холи эдилар; учинчидан, миллий гуурни, туйғуни сўндирувчи миллий мустамлакалик азобини бошдан кечирмаган эдилар. Ана шунинг учун ҳам миллийликни тиклаш собық мустамлака мамлакатларининг дастлабки маънавий эҳтиёжига айланиши табиий бўлди. Бу эҳтиёж ер юзидағи собық мустамлакачи мамлакатларга эмас, балки мустамлака – «серли» халқларга хос бўлганлиги ана шу қонуниятнинг далилидир.

Кўйида турли замон ва маконларда яратилган тарбиявий концепциялар ва қарашлар, дастурларнинг қисқача тавсифларини келтирамиз. Зоро, бундай қиёсий педагогик ёндашув миллий тарбиянинг изчиллигини, тамойилларини, мазмунини, усусларини, воситаларини белгилашнинг тарихий педагогик манбаларини кўрсатишга хизмат қилади:

1. Авесто: ахлоқий учлик тамойили. Эрамиздан олдинги IX асрдан IV асрғача даврда ҳозирги Ўзбекистон худудида тузилган ижтимоий-тарбиявий мажмуя. Унинг фаол

¹ Величие здорового смысла. Человек эпохи Просвещения. Кн. для учителя. – М.: «Просвещение», 1992, с. 53.

таъсири Марказий Осиё халқлари тарихини энг қадимий замонлардан тортиб то ислом давригача давом этди. Авестонинг педагогик мазмуну Гумата (Gumata – яхши фикр), Гукта (Gukta – яхши сўз), Гваршта (Gvarshta – яхши иш) тамойилларида ифодаланади.

2. Шариат. Марказий Осиёга ислом дини билан кириб келган, Куръони карим асосида ишлаб чиқилган, жиноий, фуқаролик ва ахлоқ одоб-қоидалари мажмуи. Шариат диний-ҳуқуқий тизим сифатида XI–XII асрларда тугал шаклланган. Шариатда барча хатти-ҳаракатлар дастлаб икки турга – ҳаром ва ҳалолга ажратилган. Кейинчалик 5 турга: фарз – бажарилиши қатъий, мажбурий ҳисобланган ахлоқ меъёрлари; манбуд (суннат) – мажбурий эмас, лекин маъқул, лозим ҳисобланган ахлоқий меъёрлар; мубоҳ – ихтиёрий меъёрлар; макруҳ – ихтиёрий меъёрлар; ҳаром – қатъий равишда тақиқланган хатти-ҳаракатлар. Шариат – намунавий мусулмон, комил инсонни тарбиялашда муҳим педагогик концепция вазифасини бажарган.

3. «Муносиб инсон»ни етишириш. Абу Наср Форобий (873–950). «Муносиб инсон»ни ахлоқий-тарбиявий идеал ҳисоблаб, уни хуш ахлоқ, саховатли ва ақл-идрокли қилувчи нарса – билим эканлиги асосланади.

«Муносиб инсон» бўлиш учун одамда таълим ва тарбия олиш имконияти бор. Таълим кишини назарий камолотга эриштиради, тарбия эса «кишилар билан мулоқотда ахлоқий қадр-қимматни ва амалий фаолликни яратишга олиб борадиган йўлдир»¹.

4. Тарбиянинг табиатта мос бўлиши ҳақидаги таълимот. Я. А. Коменский (1592–1670). Тарбия уч босқичли вазифалардан иборат: 1) ўзини ва теварак-атрофдаги оламни билиш (ақлий); 2) ўз-ўзини бошқариш (ахлоқий); 3) Худони танишга интилиш (диний). Инсон табиатнинг бир қисми сифатида унинг энг асосий, умумий қонунларига бўйсунади, деб ҳисоблайди ва буни Инжилдан олинган матн парчалари билан асослайди.

5. «Янги ахлоқ». К. А. Гельвеций (1715–1771). «Бизнинг

¹ Й. Жумабоев. Ўрта Осиё этикаси тархи очерклари. – Т.: «Ўзбекистон», 1980, 104-бет.

мавжуд ҳолатимиз тарбия туфайли вужудга келган», «Тарбия ҳамма нарсага қодир». Тарбия мақсади сифатида «ҳар бир киши баҳтли-саодатли бўлиши керак», — деган гояни «миллат баҳт-саодатли бўлиши керак» деган гоя билан бирлаштира оладиган ватанпарварни етиштиришда, деб тушунди ва «Миллий тарбия режаси»ни ишлаб чиқди.

6. Миллий тарбия. Луи Мишель Лепелетье (1760–1793). Янги шахсни етиштириш Миллий тарбия уйларида олиб борилиши керак. Шунда тарбияланувчилар муҳитнинг номатлуб, ёмон таъсирини ҳис қилмайдилар. «Миллий тарбия уйлари»да меҳнат қилиш, жисмоний, ақлий тарбияга асосий эътибор берилади. Натижада, бақувват, меҳнатсевар, интизомли ва вижданли янги ёш авлод, янги гражданлар, қизғин ватанпарварлар тарбияланади.

7. Африканча тарбия. Мақсади: ёш авлодни Африка жамиятида ва Африка шароитида яшашга тайёрлаш. Халқ донишмандлиги, маънавий, маданий тажрибасини авлоддан-авлодга етказиб, африкаликларнинг (мустамлакалик даврида) хўрланган қадр-қимматини, миллий фурурини тиклашга хизмат қилди ва мустақиллик учун курашга тайёрлади. Африкалик ҳар бир бола — ўз қишлоғининг умумий маънавий фарзанди, деб идрок қилинади. Бола 6–7 ёшга киргунча унинг тарбияси билан она, 7 ёшдан ошгач, ўғил болани отаси ёки тоғаси тарбиялайди, 10–11 ёшдан ўғил-қизлар касбга, 15–16 ёшдан оила қуришга тайёрлай бошланади...¹.

8. Маданиятга мос тарбиялаш. Адольф Дистерверг (1790–1866). Тарбия билан муҳит, ўлка, миллий маданият, жамият ҳаёти ўртасида мустаҳкам алоқа боғлаш зарурлиги таъкидланади. Тарбия чоғида боланинг туғилган ва яшashi керак бўлган жой, Ватаннинг шароитига, замонавий, миллий маданиятга таяниш талаб қилинади.

9. Жавонмардлик (футувватчилик) тариқати. Жавонмардлик дастур ва қоида талаблари орқали умрини дўстга бағишлиш, фақат яхшиликни ўйлаб, борини ўзгалар билан баҳам кўриш, муҳтоҷларга ёрдам бериш, пиру устоз,

¹ **В. Борисенков.** Народное образование и педагогическая мысль в освободившихся странах Африки: Традиции и современность. — М.: Педагогика, 1987.

дўст-биродарлар номуси, шарафини ҳимоя этиш, зоҳиран ва ботинан пок, покиза инсонлар суҳбатини қозонишга интилевчи, муайян қонун-қоидага риоя этувчи, маънавий ва жисмоний етукликка интилевчи, мардлик ва олижанобликнинг намунасини кўрсатувчи, зулм ва ҳақсизликка қарши курашувчи, бойликдан инсонни устун қўювчи ёш йигит (фарзанд)ларнинг устоз (ота) томонидан тарбияланишига қаратилган маънавий-тарбиявий ҳаракат X асрдан бошлаб Мовароуннаҳрда амалда бўлган.

10. «Ватан тарбияси». Рус декабристлари. XIX аср охири – XX аср боши. Ёш авлод рус халқи урф-одатларига, умуман рус халқига беписанд қараш ва Farb маданиятига кўр-кўёна сифинишга қарши чиқдилар. Тарбия рус тилида, рус урф-одатларига ҳурмат руҳида олиб борилиши кераклиги талаб қилинди.

11. Жадидчилик (Усули савтия). Шарқ халқлари маънавий ҳаётида, маорифида тараққийпарвар оқим. Ислом динининг ролини сақлаб қолган ҳолда, мусулмон мактабларида дунёвий фанларни ҳам она тилида ўқитишига, туркий халқларни илм-маърифатда, ҳақ-хукуқда дунёнинг тараққий қилган миллатлари билан тенглаштиришига илк ҳаракатлар қилинди. Бу ҳаракатларнинг шиори: янги усулда таълим ва тарбияни Оврупо цивилизациясига мослаштириш эмас, балки Оврупо цивилизациясини ўрганиб, миллий маданиятга хизмат эттириш эди.

12. Тарбиянинг халқчиллиги, миллийлиги. К. Ушинский (1824–1870). Тарбия халқнинг тарихий тараққиётига бўйсунади. Келажакка халқнинг ўзи йўл очиб боради, тарбия эса шу йўлдан боради ва биргаликда ҳаракат қилиб, айрим шахс ва янги авлодга бу йўлдан боришга ёрдамлашади. Шунинг учун тарбия тизимини ўйлаб чиқиш ёки бошқа халқлардан олиш ярамайди. Тарбия ҳамиша халқчилликка, миллийликка таяниши лозим. «Ҳар қандай тарихий халқ Худо ер юзида яратган энг ажойиб мавжудотдир ва тарбияда ана шу бой ҳамда соғ туйғу бошқа халқларни ҳурмат қилиш билан бирга бўлмоғи керак».

13. Экзистенциализм. Тарбия ҳар бир беназир шахснинг ўз-ўзини намоён қилиши ва рўёбга чиқариши учун бутун кучлар билан шароит яратиши керак. Шахс учун палапартиш, бир зумлик бўлса-да, лекин ўз «шахсий» баҳоси, нуқтаи назари, «онг ва тафаккур оқими», туйғу-

си, ҳаяжони бўлиши керак. Бу назария шахснинг жамиятда, халқ, миллат ҳаётидан чиқиб, ўз «қобигига» бекиниб олишига олиб келади. Илмий билимларни систематик ўрганишни бесамар машгулот деб қарайди. Чунки боланинг қўқисдан, кутимаганда пайдо бўлувчи ҳис-туйғу ва хулосалари бирламчи, дея мақсадга йўналтирилган ўкув, тарбиявий жараён инкор қилинади.

14. Конант педагогикаси. Ж. Конант педагогикасининг мақсади – ўз ичидаги синфий фарқларни сездирмай юборадиган даражадаги миллий бирликни яратиш.

15. Экспериментал педагогика. В. А. Лай (1862–1926), Э. Торндайк (1874–1949). Фалсафий-педагогик қарашлар куруқ назарияликда айбланиб, педагогикага аниқ фанларга хос экспериментал психологик методлар татбиқ этила бошланди. Анатомия, физиология, психопатология ва педагогика фанлари маълумотларини умумлаштириб фойдаландилар. Лекин улар назарий хулосалар ясай олмадилар. Чунки болани муйян ижтимоий-миллий муҳитдан ажратиб олиб, биологизаторларча талқин қилдилар.

16. Ижтимоий роль, ижтимоийлашув концепциялари. Бу оқим педагогика фани олдига шахсни келажакда жамият учун керак бўлган у ёки бу ижтимоий ролни бажаришга тайёрлашни вазифа қилиб қўяди. Яъни инсон жамият томонидан ёзилган драманинг у ёки бу персонажидир. Ҳар бир шахснинг ижтимоий роллари «репертуари»да унинг «миллий роли» ҳам бор, деб ҳисоблади.

17. «Оврупо тарбияси». Фарбий Оврупонинг педагогик ҳамдўстлик назарияси. Асосий тарбиявий мақсади – Фарбий Оврупо ёшларини Умумоврупо ижтимоий ҳамдўстлиги руҳида тарбиялаш.

18. «Талабчан муҳаббат. А. С. Макаренко (1888–1939). «Эркин тарбия»ни танқид қилди ва болаларга нисбатан «талабчан муҳаббат»ли муносабат бўлмоғи кераклигини асослади. Педагогикани энг диалектик ва мураккаб фан деб билди. Ўзи асос соглан тарбия тизимида бола шахсни жамоада ва жамоа орқали тарбиялашга катта аҳамият берди. Илк бор тарбиявий жараённи технология сифатида таърифлади.

19. «Ўқувчилар учун қоидалар» (1943). Ўқувчиларнинг мактабдаги ва мактабдан ташқаридаги хулқ-автор қоида-

лари белгиланди. «Қоидаларни ўқувчилар ўргандилар. Аммо расмий муносабатда бўлдилар. Ўқувчилар қоидани шариллатиб айтиб берар, лекин уни турмушда қўлламас эдилар»¹.

20. Ўқувчиларни тарбиялашнинг таҳминий дастури. И. С. Марьенко. Собиқ совет мактабида ҳар томонлама ривожланган коммунистик жамиятнинг фаол қурувчинини тарбиялаш мақсадларидан келиб чиқувчи вазифалар: коммунистик дунёқараш; меҳнат тарбияси; коммунистик ахлоқ; социалистик интернационализм; совет ватанпарварлиги; буржуа мағқурасини фош қилишни амалга оширишнинг типовой тавсияномаларини ўз ичига олди.

21. Миллий мактаб ва тарбия. Ш. А. Амонашвили (Грузия), Р. Ҳасанов (Ўзбекистон) ва бошқалар бу масалани 1988 йилдан бошлаб қайта кўтарди. Таълим тилининг миллийлиги мактабни миллийлаштира олмади. Грузин болалари ўқийдиган мактаб грузин, ўзбек болалари ўқийдиган мактабда ўзбек маданияти руҳи уфуриб турсагина бундай мактабларни миллий мактаб дейиш мумкин, деб ҳисобладилар. Ҳозирги вақтда Россия ва бошқа собиқ совет республикаларида ҳам мактабларни миллийлаштириш давом этмоқда. Ушбу масала бўйича ЮНЕСКО ўзининг биринчи Халқаро конференциясини ўтказди (1993 йил март).

22. Давлат – миллий тарбияни юксалтиришнинг ташаббускори ва бош ислоҳотчиси. Ўзбекистон, 1995 йил. «Биз юз бераётган иқтисодий ислоҳотлар давлат томонидан амалга оширилиши, давлат бош ислоҳотчи эканини эътироф этдик. Демак, сиёсий-маънавий ислоҳотларда ҳам, миллий тарбияни юксалтиришда ҳам давлат бош ислоҳотчи бўлишини тан олишимиз керак ва тегишли қонунлар орқали маънавий йўналишларнинг пойdevорини асослаб беришимиз керак»лиги Ўзбекистон Президенти И. Каримов томонидан белгилаб берилди.

Ўзбекистон Республикаси Олий мажлисининг биринчи мажлиси (1995 йил, 23 февраль).

Осиё ва Африканинг мустақилликка эришган мамлакатларида таълим ва тарбия мазмуни асосан уч йўналиш-

¹ Н. Константинов, Е. Медицинский, М. Шабаева. Педагогика тарихи. Т.: «Ўқитувчи», 1976.

да ислоҳ қилина борилди: 1) тарбия ва таълим режалари, дастурлари миллийлаштирилди; 2) таълим она тилида олиб борила бошланди; 3) табиий-математик фанлар туркумининг роли оширилди. Мустақилликнинг дастлабки йилларида собиқ колониал мактабларни бирданига ислоҳ қилиш мумкин бўлмаганлиги туфайли мавжуд таълим тизимларини сақлаб қолган ҳолда, аввало, тарбиявий жараённи миллий асосга қуриш бошланди. Жумладан, таълимнинг она тилида берилишига эришилди. Бироқ, бундай ислоҳотни амалга оширишда юзакиликларга ҳам йўл кўйилди. Вьетнамлик тадқиқотчи Ле Тхан Кхой бу ҳақда шундай деган эди: «Дарсликларда Пьер ёки Жон номларини Мамаду деб, жавдарни тариқ деб ёки Африка адабиёти ва тарихини ўрганиш бўйича соатларни кўпайтириш таълимни африкалаштирмайди. Таълимни африкалаштириш – бу бутун таълим тизимини шу мамлакат қаршисида турган муаммолардан келиб чиқиб, тубдан ислоҳ қилиш демакдир»¹.

Ҳабашистон, Гвинея, Танзания, Сенегал мамлакатларидаги миллий уйғониш, таълим ва тарбияни миллий асосга қуришда қарама-қаршиликларга ҳам дуч келинди. Бу қарама-қаршиликлардан бири – тафаккури французлашган маҳаллий миллий нигилистлар, Ватан истиқболига бефарқ, европацентризм тарафдорларининг миллий уйғонишга қарши туришлари туфайли содир бўлди. Бу ҳақда Нигер Президенти Бубу Ама 1968 йили «қора рангли французлар»дан ранжиб, «миллий маданиятимизнинг қора танли французлар томонидан хўрланиши ва рад этилиши бизнинг ўзлигимиздан уялишимизга олиб келди»², – деган эди.

Ўтган асрнинг 60–70-йилларида Эрон миллий-маданий ҳаётида ҳам ислоҳот содир бўлиб, боши берк кўчадан чиқиши йўлларини қидиришга зўр бериб киришилган эди. Бу муаммони энг аввало ёзувчи-шоирлар, маориф ходимлари кўтариб чиқдилар. Айрим Эрон зиёлилари жамият

¹ В. Борисенков. Народное образование и педагогическая мысль в освободившихся странах Африки: Традиции и современность. – М.: «Педагогика», 1987, 79-бет.

² Ўша манба. 55-бет.

эътиборини Русяя ва Farbdagi маданий, адабий ривожланишга қаратиб, Эрон миллий-маданий ҳаётининг бундан кейинги равнақини Farbga тақлид қилишда, деб билдилар. Маърифатпарвар ёзувчи педагог Жалол Али Аҳмад миллийликни унугиб, Farbga кўр-кўрона сажда қилиш «гарбийлик» касалига олиб келишидан огоҳлантириб, ўзининг «Гарбийлик» номли китобини ёзди. Бу китобда у миллийлигини йўқотган, «гарбийлик» касалига мубтало бўлган киши «портрет»ини чизади. «Бундай киши, — деб ёзади Али Аҳмад, — миллиатнинг ўтмиши, ҳозирги ҳаёти, келажаги ҳақида ҳатто тушунчаларга ҳам эга эмас. У кўпинча интеллигент — раҳбар. У тўлқин устидаги хасдек беқарор, оёғини қўйиб таянадиган ери йўқ. Шу сабабли воқеалар ривожи қандай кечса, у ҳам шундай ўзгариб туради. Унда мустақил фикрнинг ўзи йўқ... У дунёда ўз шахсий манфатидан ташқари барча нарсага бефарқ қарайди. У мачитда ҳам, кинотеатрда ҳам, партия йиғилишларида ҳам худди футбол ўйинининг томошабини, кузатувчисига ўхшайди. Унинг чуқур ўйга толганини ҳеч қачон кўрмайсиз. У дўстининг вафотидан ҳам қатра кўз ёши тўқмайди. У ҳар қандай кичик ўлжани қўлдан бермайди, жирканмай унга ўзини отади... У ўзига хосликдан маҳрум. Ўзига ҳаддан ташқари оро беради, оёқ кийими, машинаси, уйи, кийимининг қандай кўриниши устида тинмай ташвиш чекади. Уни мактаб, мачит, касалхона муаммолари эмас, энг аввало, уйидаги электр кир ювиш машинаси, озонаторларнинг яхши ишлаши қизиқтиради. У ўзининг узоқ Бандар Аббосдаги ҳамқишлоқларининг урф-одатлари ҳақида қизиқарли ҳикоя қилиб бера олмайди. Аммо у сизга Буюк Британия лейбористлар партиясининг ўнг қанотида бўлиб ўтган сезилар-сезилмас ўзгаришларни қойилмақом қилиб айтиб беради...»¹. Маърифатпарвар Али Аҳмад Farbning маълумотли кишилари, ёшлари Оврупонинг механиклишган ҳаётидан безиб скульптура — африка примитивизми, мусиқада — жазни, ақлий камолотда — упанишад, даосизм ва Будда билан, жисмоний камолотда — ҳинд йога санъати, нафосатда япон боғларини яратишдан лаззатла наётган бир пайтда айрим ёшларнинг ўз миллийлигини

¹ В. Кляшторина. Иран 60–80-х годов. — М.: «Наука», 1990, с. 35–36.

инкор этиб, фарбийлашаётганликларини танқид қилади. Али Аҳмад ёш авлодлар орасида фарбийлик касалининг олдини олишни мактабдаги тарбиядан бошлаш зарурлиги ҳақидаги фикр ва йўл-йўриқларни таклиф қилди.

XIX асрнинг 60-йилларида Япония—Россия нисбати 0 нинг 1 га нисбатидек эди. Рақамлар нисбатини жиддий ўзгартириб юборган «япон мўъжизасининг» асосий сири ходимларда — инсон омилида эди, ходимлар эса ўз навбатида япон миллий таълим ва тарбиясининг маҳсули эдилар. Демак, «япон мўъжизаси» сирининг калитини, энг аввало, япон тарбиявий тизими сирларидан изламоқ жоиз.

Бизни қизиқтираётган масала — барча тараққий этган Оврупо мамлакатларида урбанизация, илмий-техника инқилоби, улкан шаҳарлар психологияси, одамлардаги миллий гўзалликни тобора йўқота бораётган бир даврда ҳам миллийлик, ҳам дунё миқёсидаги ютуқларнинг уйғунлигини таъминлай олаётган япон миллий тарбияси сирларидир. Япон миллий тарбиясининг ўзига хос хусусиятларидан айримлари: миллий бирлик, японларнинг жамоа, уруғ коллективчилиги умуммиллий даражада намоён бўлади: кечагина бир-бирига рақобат қилувчилар миллат манфаатига дахлдор вазиятда бирданига бир-бирини қўллай бошлайдилар; жамоа минг кўзли девор бўлиб, ҳар бир японнинг хатти-ҳаракатини кузатади, унинг хатти-ҳаракатидаги ахлоқий қадриятларнинг соғлигини назорат қилади... Япон жамияти ахлоқийлигининг сири ана шунда, деб ҳисоблашади; ростгўйлик, бағрикенглик сифатларини тарбиялашга фавқулодда жиддий аҳамият берилади; иероглифлар атайлаб майдалаб ёзилади. Уларни қийналиб ёдлаш болада кўз қобилияти (кўрганини эсда сақлаш)ни ривожлантиради. Иероглифларни кўп марталаб, дикқат билан кўчириш ўқувчиларда тиришқоқлик, меҳнатсеварликни тарбиялайди; мактабларда «япон ахлоқи» дарси маҳсус ўтилади. Болалар аста-секин худди катталардек саломлашишга, хатти-ҳаракатлар қилишга машқ қилдира борилади. Агарда бирор ўқувчи миллий ахлоқ қоидаларини бузса, болалар уни «ғалати япон» дейишади. Кейинчалик ҳам у ўз хатоларини тузатмаса, «бегона» номини олади ва болалар ундан узоклашади.

Ўсмирлик — япон болалари учун энг қийин — чексиз дарс тайёрлаш ва келажак ҳақида қайгуриш йўлларидир.

Ўқувчиларнинг аксарияти икки мактабда ўқишиади. Биринчи – асосий, иккинчи – Дзюки – дарсда ўтилган мавзуни тақрорлаш ва қўшимча материаллар билан мустаҳкамлашга хизмат қиласидиган тушдан кейинги машғулотлар.

Оиласда қиз бола тарбияси билан кўпроқ она, ўғил бола тарбияси билан кўпроқ ота шуғулланади ва ҳ.к.

Миллийлик, миллий ватанпарварликнинг замонавийлик билан гўзал уйғунлигига эришаётган яна бир мамлакат Туркиядир. Бу ерда «ёшлиқдан буюк аждодларни эслатиш, билдириш, тарғиб қилиш орқали ёшу қари – ҳар бир фуқарони миллий руҳда тарбиялаш одат тусига кирган», – деб ёзади А. Иброҳимов¹. Туркия истиқдолга эришгач, миллатнинг энг кўзга кўринган зиёлилари «Туркия тараққиёти йўли» номли давлат тараққиёт дастурини белгилаб олдилар. Мустақил Туркиянинг маорифдаги, тарбиядаги йўли – келажак авлодда юксак миллий фуур ва ватанпарварлик, миллий-замонавий тарбияга таяниш бўлди. Миллий тарбия ҳозирги Туркияни Осиёнинг энг тараққий этган мамлакатлари даражасига кўтарилишини педагогик таъминлади. Аждодлар руҳига ҳурмат, ўз қадрига етиш, миллий фуурни англаш ёш туркияликларда ўз ватани – Туркияга сидқидилдан хизмат қилиш эҳтиёжини шакллантироқда.

Цивилизациялашган «ХХ асрда рўй берадиган шахсий ва оммавий тажовузкорликни бартараф қилиш эҳтиёжи 80-йилларда янги – психоаналитик педагогиканинг пайдо бўлишига сабаб бўлди. Янги педагогик йўналиш ёш қонунбузарлар ва жиноятчиларга қарши болалар ахлоқ тузиши муассасалари сонини ошириш орқали курашиб бўлмайди; болаларни тинчликсеварлик руҳида тайёрлаш учун ижтимоий, иқтисодий ва педагогик кучларни сафарбар қилиш керак; энг муҳими – барча кучларни илк ёшларданоқ болалар орасидаги тажовузкорликнинг олдини олишга қаратиш керак, деб ҳисоблайди»².

¹ А. Иброҳимов. Давлат тафаккури йўлида. «Ўзбекистон овози», 1992 йил 22 июнь.

² К. Бютнер. Жить с агрессивными детьми: Пер. с нем. – М.: «Мысль», 1990.

Психоаналитик педагогика жаҳон болаларига (демак, ўзбек болалари ҳам бундан мустасно эмас) ойнаи жаҳон орқали тажовузкорлик руҳини сингдираётган «Зомби», «Тош даҳшатининг гўзал томошалари», «Лилиана – ёввойи ўрмон қизи», «Ўлим оролидаги икки фаришта», «Она-нинг бир куни», «Бўри нафаси», «Менинг душманим», «Самовий жанглар» ва бошқа кўплаб уруш, зулм, одамхўрлик, аёлларнинг эркакларга қарши жанглари, шаҳвонийлик ва тажовуз тантанасини тарғиб қилувчи кино, теле, видеофильмлар таъсирини ўрганиб, хулосалар қилмоқда. Ана шунинг учун ҳам психоаналитик педагогика концепциясини энг янги, экспериментал йўналишлардан бири сифатида қабул қилиб, унинг тавсияларини миллий тарбия воситалари билан бойитиб қўлланилиши самаралидир. Психоаналитик педагогика ва миллий тарбия назарий асосларидаги умумийлик шундан иборатки, иккала концепцияда ҳам болалардаги тажовузкорлик ижтимоий-педагогик муаммо сифатида тушунилади.

Телевидение, видеофильм, тижорат дўконларида зулмини, беҳаёликни ифодаловчи ҳаракатлар, суратларни кўриш ўзбек ўғил-қизларида оила, маҳалла, мактаб ҳамкорлигига шакллантирилаётган ҳаёб, одоб, меҳр-шафқатлилик каби фазилатларга салбий таъсир кўрсатаётганлиги табиий. APEID – жаҳоннинг Осиё минтақасида жойлашган (собиқ шўро республикаларидан ташқари) 28 мамлакатда тарбиявий ислоҳотлар, янгиликларни ўрганиб, умумлаштирган австриялик Олим Р. Маклин буни 90-йилларнинг умумосиёвий муаммоси эканлигини таъкидлади. Чунки, «Чет эл китоблари ва чет эл телевидение ва видеодастурлари уларни томоша қилаётган халқларнинг қадриятлари, маданияти ва анъаналарига салбий таъсир қилиб, уларнинг миллий тараққиёти суръатига халақит бериши мумкин»¹. Бу эса мактаб, оила, маҳаллада миллий тарбия самарадорлигини ошириш – теле, видео, кинофильмлар, беҳаёб суратларнинг салбий таъсирига қарши туришнинг энг қийин, лекин энг самарали, ишончли йўли эканлигини кўрсатади.

¹ Р. Маклин. Инновации и реформы школьного образования в странах Азии. Перспективы вопросы образования. – М.: 1993, № 3 (83) с. 141.

Ўтган асрнинг 80-йиллари иккинчи ярмидан бошлаб педагогикага «умумисоний қадриятлар асосида тарбиялаш» тушунчаси кириб келди. Шуни қайд қилиш керакки, умумисоний қадриятларни тушунишда, талқин қилишда ҳар хилликлар бор. Масалан, 1992 йили «Педагогика» ойномаси «Таълим ва тарбияда умумисоний қадриятлар» мавзусида сұхбатни эълон қилди. Сұхбатда россиялик профессор Б. С. Гершунский ва АҚШнинг Шарқий Европани ўрганиш институти раҳбарларидан бири Ричард Шейерманлар қатнашди. Р. Шейерман энг олий умумисоний қадрият деб шахснинг унинг ўзи учун ахлоқий деб ҳисоблаган хатти-ҳаракат эркинлигини қайд қилди. Яъни ўқув-тарбия жараёнининг ҳар бир босқичида, ўқувчининг ёшидан қатъи назар унинг эркинлиги чекланмаслиги керак. Лекин Р. Шейерман шахснинг кимдан, нимадан эркин бўлиши кераклигини тушунтириб бера олмади. Аксинча, ахлоқий меъёрларни белгилашда мувофиқликнинг йўқлиги Америка ёшлари орасида бориб турган ахлоқсизликка сабаб бўлмоқда, дея ўзини ўзи рад этади. Жумладан, АҚШда ўғил болалар, ўсмирлар орасида ваҳшийларча бир-бирини, ўз-ўзини ўлдириш кейинги 30 йил ичидаги 6 марта кўпайган. Ўша давр ичидаги ўсмир қизлар орасида никоҳсиз ҳомилалар сони, балоғат ёшига етмаган болаларнинг полиция қўлига тушишлари ҳам 7 марта ошган. Америка ёшлари орасида ўтказилган сўровларда «кўпроқ пул ишлаш» мақсадининг қадри «мазмунли ҳаёт кечириш» мақсадининг қадрсизлашуви ҳисобига ўсаётганини келтиради. Биз бу аҳволни эркинликнинг нималигини ва ундан фойдаланишни билмовчи болаларга бурчсиз эркинлик берилишининг асоратлари, деб тушунамиз. Ёки бу – шахс эркинлигини фарбасига тушуниш ва биз – шарқлик педагогларни огоҳлантирувчи кўрсаткичлардир. Зоро, миллий-маданий ахлоқ меъёрларини билиш ва амал қилиш шахслараро, фуқаролараро, миллатлараро тутувликнинг бардавомлигини, мустаҳкамланишини таъминлайди.

Баён қилган фикрлари учун АҚШлик ҳамкасбимизни айбламоқчи эмасмиз. Чунки Ўзбекистонда, ўзбек халқи орасида шарм-ҳаё, иймонлилик, «ўзбекчилик»нинг йўқ

бўлишини биз тасаввур қила олмаганимиздек, Р. Шейерман ҳам Farb жамиятида тўй, жаноза, ҳашар, ҳаё тушунчаларининг меъёрга айланишини тасаввур қила олмайди. Чунки биз ахлоқни, шахснинг моҳиятини турлича талқин қиласиз ва буни бир хиллаштириш Farbdan ҳам, Sharqdan ҳам табиий ўзига хосликнинг тортиб олинишига, салбий маргиналлашувга олиб келган бўлар эди.

Турли замон ва маконда яратилган тарбия концепциялари, қарашлар, намунали жиҳатлар таҳлилидан ва қиёсий педагогиканинг 90-йиллардаги материалларидан фойдаланиб, қуидаги хulosаларимизни келтирамиз:

жаҳон жамоатчилиги мактаблардаги тарбиявий ишлар инқизоризидан ташвиш чекмоқдалар;

замонавий педагогик назария ва амалиётдаги ожизликтининг сабаби, биринчидан, ўтмишнинг мумтоз педагогик меросидан фойдаланилмаётганлиги; иккинчидан, ижтимоий вазиятларнинг тез ўзгараётганлиги туфайли янги педагогик назария яратишнинг қийинлигидадир;

дунё миқёсида таълим-тарбиядан, билимлиликнинг тарбияланганликдан устун қўйилиши тарбия, ахлоқдаги инқизорзга – антропологик ҳалокатга олиб келди;

аксарият тарбиявий концепцияларда маданият, ахлоқ, тарбия, халқ, психология ва шахснинг миллийлиги илмий-педагогик эътибордан четда қолдирилди;

«цивилизациялашганлик» тушунчасини талқин қилишда аксарият унинг моддий-техник ривожланиш қисми тушунилади. Бу тушунчанинг иккинчи ярми – «маънавий, маданий тараққий этганлик» қисми педагогикада ҳал қилинмади. Ваҳоланки, «... маданиятда (маданият эса миллий – M.K.) тараққийлик бузилса, бундай жамиятни цивилизациялашган деб бўлмайди», – деган эди «цивилизация» тушунчасини XIX асрда илк бор муомалага киритган Ф. Гизо. Бу фикрни XX асрнинг иккинчи ярмида мисрлик Ал-Ҳусрий Шарқ маданияти нуқтаи назаридан келиб чиқиб, бойитди;

тарбия тизимлари у ёки бу ҳукмрон синф манфаатларидан келиб «ўйлаб чиқилган» (К. Д. Ушинский) эди. Натижада, ҳар бир янги ҳукмрон тузум ўзидан олдинги тизим томонидан асосланган тарбия мақсадини рад этиб келди;

тарбиянинг миллийликка – тадрижийлик тамойилига таянмаганлиги туфайли тарбия самардорлиги тобора сусая борди. Дунё миқёсида шахслар, шахс ва миллат, шахс ва табиат орасидаги бегоналашув эса ҳамон мавжуд;

педагогика мустақил фанга айланганидан бўён яратилган тарбиянинг илмий йўриқномалари билан миллий тарбиянинг назарий асослари орасида зиддият йўқ. Аксинча, барча макон ва замонларда яратилган тарбия йўриқномалари миллий тарбиянинг айрим қирралари ҳисобига тўлдирилиб, бойитилиб борилди.

миллий тарбия концепцияси ўзидан олдин мавжуд бўлган концепцияларни тўлдириб, уларнинг энг яхши қирраларидан фойдаланиши мустақил Ўзбекистонда стратегик аҳамиятга эга. Бунинг учун Ўзбекистонда ҳам ижтимоий манба (халқ, миллат манфаатлари), ҳам сиёсий (миллий давлат – Ўзбекистоннинг ўз тараққиёт йўли), мафкуравий манба (миллий форя) ва ҳукуқий (Ўзбекистон Конституцияси), маънавий асослари (Маънавий янгиланишнинг стратегик дастури) мавжуддир.

Ўзбек миллий тарбияси тажрибасининг тарихий-педагогик тавсифи

Ўзбекистонда давом этаётган миллий мустақилликни мустаҳкамлаш жараёни таълим ва тарбия тарғиботини ҳам ислоҳ қилишни, маънавий ва маърифий илдизларга пайванд қилишни, ёш авлодларда Ўзбекистон ватанпарварларига хос фазилатларнинг тарихий ўзакларини аниқлашни, ўзбек халқи тарихи, тили, маънавияти, адабиёти, санъати, анъаналари ва урф-одатларини миллий-тарбиявий тадқиқ қилишни талаб этмоқда. Ана шу нуқтаи назардан тадқиқотимиз мавзуси миллий педагогик тарих қирраларини ҳам ўрганишни талаб қиласди. Чунки тарих ўзбек халқи олдига қачон, қандай тарбиявий талаблар қўйганлигини; давр ўзгариши билан миллий тарбияда – феъл-атворимизда қай сифатлар қайси томонларга ўзгарганлиги, қайси сифатлар ўзгармай, авлоддан-авлодга мерос бўлиб етиб келганлигини аниқлаш республикамизда миллий маънавиятни ўрганиш, тиклаш ва истиқболини белгилаш нуқтаи назаридан foят қимматлидир.

Марказий Осиё халқлари, уларнинг турмуш тарзи, одатлари билан жаҳоннинг атоқли тарихчилари қизиқиб келишган. Буни тарихчи Страбоннинг асарларидағи мас-сагетлар ахлоқий тасаввурлари ҳақидаги маълумотлардан ҳам кўриш мумкин. Унинг ёзишича, қадим замонларда аждодларимиз ўлкамиз ҳудудида кўплаб қабилаларга бўлиниб яшаган. Улар учун ўзаро ҳалоллик, адолатлилик ҳамма нарсадан устун қадриятлар ҳисобланган¹.

Ўтмишда аждодларимиз қандай фазилатларга эга бўлган фарзандни орзу қилишганини англаш учун халқимиз узоқ тарих давомида яратган афсона, эртаклар, достонларга му- рожаат қилиш керак. Ўзбек халқ оғзаки ижодиёти намуна- ларида тараннум қилинган ватанга муҳаббат, эркпарвар- лик, фурурлилик, садоқатли (жон дўсти) дўст бўла олиш, ўз бурчини, ўз сўзини оқлаш, мардлик, жасоратга қодир- лик энг зарур фазилатлар бўлган. Ўзбек олим, профессор Й. Жумабоевнинг қайд қилишича, аждодларимиз « ... ўз бурчини адо этиш, душман устидан ғалаба қилиш йўлида қаҳрамонларча ўз жонларидан кечишга, ҳар қандай машақ- қатларга бардош беришга, севги, муҳаббатдан кечишга, ўз қабиладошларининг ор-номуси учун то охиригача кура- шишга шай» турганлар².

Аждодларимизда миллий ватанпарварлик фазилати- нинг қандай намоён бўлганлигини сак қабиласига мансуб чўпон Широқнинг эрамиздан аввалги 519 йилда кўрсат- ган машҳур жасоратидан билиш мумкин. Грек тарихчиси Геродот шоҳ Доронинг Ўрта Осиёга қилган ҳужуми ҳақида ҳикоя қила туриб, Широқнинг мингбоши Раносбатга қара- та айтган қуйидаги сўзларини келтиради:

« – Мен ғалаба қилдим, чунки сакларни, менинг юрт- дошларимни сизларнинг ҳаммангиздан сақлаш учун мен сиз форсларни очлик ва чанқоқлик азобига мубтало этиб, ҳолдан тойдиришга муваффақ бўлдим»³.

Марказий Осиё халқлари ҳаёти, маданияти, урф-одат- лари орасида тарихий умумийлик мавжуд. Демак, мазкур умумийлик ушбу халқлар орасида тарбияда ҳам умумий-

¹ Страбон. География. Кн. VIII. – Л.: «Наука», 1964.

² Й. Жумабоев. Ўрта Осиё этикаси очерклари. – Т.: «Ўзбекистон», 1980, 19-бет.

³ Геродот. История в девяти книгах. – Л.: «Наука», 1972, с.89.

лик мавжуд бўлганлигини кўрсатади. Бу ҳақда исломгача давр маданияти тарихи, қадимий ёзма обидалар: Авесто, Ўрхун-Енисей ёзма обидалари, манихейлик, маздакизм каби оқимлар таълимотларини ўрганган олимларнинг илмий хулосалари мавжуд. Авестонинг энг эски қисмларидан бири «Ясна»да чорвадорнинг адолатли, оқил ва ҳурматга сазовор бўлиши мақсадига етказишини эътиқод дарражасига кўтаришган. Лекин қўлида қурол билан, зўрлик ишлатиб, яйловларни ер билан яксон қилиб, меросга қолган мол-мулкини талон-торож қилувчи кўчманчиларни манфур душман ҳисоблаганлар. Натижада, қадимги аждоларимиз наздидаёқ адолатсизлик натижасида «биз» – «улар» (босқинчилар) антитетаси пайдо бўлган. Бу эса ўз навбатида ёш авлодларда ватанпарварлик, миллатпарварлик, фидойилик каби фазилатларни шакллантиришни қабилавий тарбия вазифаларига айлантирган.

Аждодларимиз фарзанд тарбиясининг негизи сифатида ахлоқий учлик: ўй-ният – сўз – иш бирлигини яратишган. Мазкур учлик негизини кейинчалик луғатимизга кириб келган «виждан» сўзи билан ҳам ифодалаш мумкин. «Мен Яхши ният, Яхши сўз ва Яхши ишга шон-шавкат баҳш этаман. Мен яхшиликдан иборат Мазда қонунига шон-шавкат баҳш этаман» – деб ёзилган «Ясна»да. «Яхши фикр деганда... яқин кишисига меҳрибон бўлиш, муҳтоҷ ва хавфхатар остида қолганда кўмаклашишга шайлик, ёвузликка қарши, кишилар баҳт-саодати учун фаол курашишга шайлик, ҳамма билан аҳил ва тотувликда, ўз маслақдош биродарлари билан дўстлик ва ҳамкорликда яшашга интилиш руҳидаги ниятлар ва фикрлар мусаффолиги тушунилади. Инсон ўз фикри-хаёлида бошқаларга ҳасад қилмаслиги лозим, яхши ниятли киши дарғазаб бўлмайди ва бошқа жаҳолатларга берилмайди, чунки бундай ҳолатида яхши ниятини йўқотади, бурч ва адолат ҳақида унугтади ва ножӯя ҳаракатлар қиласи¹», – деб ҳисобланган.

Бу ахлоқий фазилатлар кишини элга қўшилишга, эл билан бирга бўлишга, элнинг ташвиши билан яшашга тайёр турувчи халқпарвар кишини тарбиялашга қаратилганлиги ўз-ўзидан кўриниб турибди. Замонлар ўтиб, одамлар орасидаги муносабатларнинг бойиши, савдо-сотик-

¹ А. Маковельский. Авеста. – Баку, Из-во АН АзССР, 1960, с. 18.

нинг юзага келиши билан қабилавий тарбияга қўйиладиган талаблар ҳам ўзгариб, замонавийлаша борди. Аждодларимиз ўзларидаги хислатларнинг нафақат Худо томонидан ато қилинган, балки шакллантирилишини тобора чуқурроқ илғай бордилар. Жумладан, Яхши сўзлар – аҳдга вафодорлик, берилган ваъдан оқлаш, ҳамма олди-бердиларда ҳалол бўлиш, ўзгаларнинг ҳақини емаслик, бузуқликдан ўзини тўхтата билиш каби янги сифатлар билан бойий борди.

Аждодларимизнинг кўхна тарбиявий тизими ҳозирги кунларда биз тўқнашган ахлоқий, маданий, жисмоний, экологик муаммоларни бартараф қилиш нуқтаи назаридан бебаҳодир. Зороастризм ахлоқли кишининг соғ-саломат, кучли бўлиши кераклигини уқтириш билан бирга унинг маънавиятига асосий эътиборни қараттган. Жумладан, аёл кишига ҳурмат, уни эъзозлаш, она сифатида қадрлаш foялари марказий ўринлардан бирини эгаллаган. Демак, бу фоя ёш авлодга кундалик турмушда, яхши боланинг намунавий сиймоси орқали ижтимоий тарбияда изчил сингдириб борилган.

Марказий Осиёда ислом таълимотининг тарқалиши нафақат диний, балки ахлоқий, таълим-тарбия соҳасида ҳам катта бурилиш ясади. Ажам мамлакатлари халқлари, суннийликнинг ҳанафия мазҳаби таркибида ўз миллий анъаналарини шариат аҳкомлари билан уйғунлаштирилар.

Араблар VIII асрда ўлкамизга ислом таълимотини – янги диний тарбия мазмунини ҳам олиб келдилар. Ҳусусан, Куръони карим ота-она, фарзандлик бурчи ҳақидаги оятлари билан катта педагогик аҳамиятга эга. Илмий маълумотларга қараганда, ислом дини Арабистонда ёйилишидан илгари фарзандларнинг ота-оналарига бемеҳрлигидан, беоқибатлигидан кўплар жафо чекканлар. Бу ҳол ўша давр шоирлари ижодида ҳам акс этган. Қариганда фарзандлари томонидан қаровсиз қолдирилган ота сўзи¹

Қариган отангизни қилиб ёд нега кўрмайсиз,
Ёки дўст пайғоми бирла хаста ҳолимни сўрмайсиз.

¹ Этикет у народов Передней Азии, – Гл. редакция Вост. л-ры, изд. «Наука», 1988, с. 42.

Умидим қолмади зарра нуронийликка етмакка.
Бориб айтинг, ажал келсин, олиб жонимни кетмакка.

(эркин таржисма, М. К.)

Куръони каримдаги, ҳадислардаги ота-она, фарзандларнинг ота-оналари олдидағи қарзлари ҳақидағи ибратлар барча мусулмонларга фарзандларини оқибатлы қилиб тарбиялашни фарз қилди.

Мовароуннахрда мачитлар очилиб, имомлар ўғил болалар учун мактаблар ташкил қыла бошладилар. Туркий тил янги сўз – «мактаб» (ар. «ёзув ўргатиладиган жой») билан бойиди. XII асрдан бошлаб ислом дини туркий тилларда ёзилган шеърларда – Аҳмад Яссавийнинг «Ҳикмат» тўплами, кейинчалик Сўфи Оллоёрнинг икки тўпламида ва бошқа тўпламларда оммалаштирила борилди.

Мадраса ва мактабларга дунёвий билимлар кириб кела бошлади. Бунга Куръони каримнинг «Ҳар бир мусулмон ва муслиманинг илм олиши фарздир», – деган ояти асос бўлди. Бунинг натижаси ўлароқ, Ал-Беруний, Ал-Хоразмий, Ал-Форобий, Ибн Сино каби алломалар қомусий билимларнинг юксак чўққиларини эгалладилар.

Тасаввуф тариқатларида тарбиячи ва тарбияланувчи муносабатларига асосланувчи пир ва шогирдлик муносабатлари ривожланиб, такомил касб эта бошлади. Мовароуннахр шаҳарларида X асрдан бошлаб янги маънавий-амалий ҳаракат – жавонмардлик (футувватчилик) ҳаракати тарқалди. Жавонмардлар асосан оддий халқ ичидан чиққан паҳлавонлар, қизиқчилар, хунармандлар, сипоҳилар ва бошқалардан ташкил топган бўлиб, уларнинг ҳар бирининг ўз жамоаси, пир, устози бўлган. Оддий йигит жавонмардлик тариқатига кириш учун пирга қўл бериб, устозга сидқидилдан аҳду паймон қилиб, мардлик белбоғини боғламоқлиги керак бўлган. Барча жавонмардлар бирбирига ака-ука, биродар бўлишган. Беғараз яхшилик қилиш, борини ўзгалар билан баҳам кўриш, муҳтожларга ёрдам бериш, пиру устозлар номусини пок тутиш, маънавий ва жисмоний етуклика интилиш, мард ва олижаноб бўлиш, мол-дунёдан инсонни улуғ тутиш – ҳар бир жавонмард ана шу фазилатларни ўзига одат қилиб олган эди. Жавонмардлик тариқатининг тарбиявий-таълимий

моҳияти ниҳоятда чуқур ва кўп қирралидир. Масалан, ҳар бир жавонмард кўзнинг, қулоқнинг, тилнинг одобларини, уларни нималардан, қандай сақлаш кераклигини билган: ота-она, қариндошлар, дўстлар, ошналар, қўшнилар, бегоналар билан одоб шартлари нечталигини (масалан, қўшнилар билан муомала-муносабат одоби 14 та) билиб, амал қилиши керак бўлган.

Жавонмардларга йўлда юриш, кийим кийиш, салом бериш ва саломга жавоб бериш, таъзияга бориш одоблари, касб-хунар ва савдо-тижорат одоби, маддоҳлик, ғазал-хонлик, дорифурушлик, кураш тушиш, ҳаммоллик, дорбозлик, қўғирчоқбозлик, қиличбозлик, қассоблик каби қасбларнинг хусусиятлари, бу қасблар эгалари амал қилиши шарт бўлган амаллар барча тафсилотлари билан уқтирилган. Кўриниб турганидек, ушбу тариқатнинг миллий тарбиявий аҳамияти бекёёсdir. Чунки собиқ совет мактаби тарбия тизимида ўкувчиларга миллий турмушнинг муайян вазиятларида ўзларини қандай тутишлари кераклиги, қандай ҳаракатларни қилмаслик кераклиги мавхум эди. Миллий тарбия муайян фазилатларга таяниши туфайли ўкувчиларга яхши ва ёмон сифатлар ҳақида, уларнинг намоён бўлиши ҳақида батафсил билимлар беришга асосланади ва бу орқали жавонмардлик тариқатининг энг яхши анъаналарини тиклашга хизмат қиласди.

Марказий Осиё XIV–XV асрларга келиб соҳибқирон Амир Темурнинг ватанпарварона фидойилиги туфайли мўғуллар истибодидан қутулди ва мустақил давлатга эга бўлди. Натижада мамлакатнинг маданий ҳаётида кескин юксалиш юз берди. Амир Темур – йирик давлат ва сиёsat арбоби, саркарда, қонуншунос, истеъододли меъмор, нотиқ, руҳшунос бўлиш билан бирга Туркистонни жаҳонга машҳур қилган миллий гурурли, сўзи билан иши бир, ватанпарвар инсон – буюк шахс эди. Унинг номи билан бошланган «Темурийлар маданияти» ўзига хос «Темурийлар тарбияси»ни яратди. Навоий, Улугбек, Бобур каби улуғ зотлар ана шу тарбиянинг натижаси – меваси бўлдилар.

Бу давр педагогик қарапашларида одил, маърифатпарвар подшоҳ foяси етакчи ўринни эгаллади, яъни ақлли ва маърифатли ҳукмдоргина ҳалқ ҳаётини тубдан ижобий ўзгартиришга қодирдир. Темурийлар давридаги сингари маданиятга ҳавас қўймоқ ислом оламининг бошқа бирон-

та жойида содир бўлмади (Андалусия уммавийлар давлатининг порлоқ даври ва Арабистондаги аббосийлар ҳукмронлик замонини истисно этганда). Шарқнинг «Аллоннос оли дина малхакум» (Халқ ўз подшосининг динига эргашади) қоидаси хотираға олингандан, бу ҳолнинг ажабланарли жойи қолмайди. Темурийлар даврида барча санъатлар қатори рақс санъати ҳам камол топди. Бу эса миллий нафосат тарбиясига берилган аҳамият, ҳомийликнинг кўрсаткичидир. «Ислом Осиёсининг ҳозирги аҳволидан хабардор кишилар учун темурийлар даврида раққослар бўлгани тағин ҳам таажжубидир. Бобурнинг баёнига қараганда, ўша замонда раққосларнинг биринчиси сайдлардан (пайғамбар наслидан) Баҳр исмлик бир киши бўлиб, раққослик санъатидан ғоят моҳир экан. Унинг шахсан бир ўзи бир неча рақсларни ижод этган. Агар ҳозирги бир мусулмон бошига катта салла ўраган бировнинг рақс этаётганини кўрса, қанчалик даҳшатга тушар эди»¹, – деб ёзади Ҳ. Вамбери.

Темурийлар тарбиясини олган Мир Алишер Навоийнинг буюк даҳоси ҳар бир мўмин мусулмон кишига фарз бўлган фазилатларга муносабатида ҳам намоён бўлади. Улуғ мутафаккир ўз асарлари орқали айrim замондошларига хос бўлган салбий сифатларни ҳам ғоят таъсирли тасвирлаб, ундан қочишга, яхши сифатларни эгаллашга ундайди. Алишер Навоий ўз ижодида муносабат билдирган инсоний сифатларни икки гуруҳга – ижобий ва салбий сифатларга бўлиш мумкин: ижобий сифатлар – тавба, мурувват, вафо, ҳаё, иймон, ҳилм (мулойим табиатлилик), жон дўсти бўла олиш, сабрлилик, тавозеъ, одоб сақлаш, хоксорлик, қаноат ва бошқалар: салбий сифатлар – хасислик, нокаслик, бировларни камситиш, енгилтаклил, разиллик, тамагирлик, такаббурлик, нафс кетидан тушмоқ, эркакларнинг ўз-ўзини кўз-кўз қилиш учун ясаниши, ўзига бино қўймоқ, шаҳвоний нафсга берилмоқ, худбинлик, ҳимматсизлик, мақтанчоқлик, исрофгарчилик, чақимчилик, иккюзламачилик, тана, ҳасад, ичкилиkbоззлик, бангилик, нашавандлик, фийбатчилик, бачканалик ва ҳ.к.

¹ Ҳ. Вамбери. Бухоро ёхуд Мовароуннаҳр тарихи. Т.: «Адабиёт ва санъат» нашриёти, 1990, 75-бет.

«Маҳбуб ул-қулуб»да Навоий тавозеъ – одоб сақлаш, хоксор бўлишлик тушунчасига алоҳида ўрин ажратади. Тавозеъ яхшиликнинг таркибий қисми ва такаббурлик, манманликнинг акси бўлганлиги туфайли Алишер Навоий одамларни тавозели бўлишга чақириб, ундан кишига ҳалқ меҳрининг ошиши, дўсти кўп бўлишини алоҳида таъкидлайди. Демак, хуштавозеъ киши бошқа миллат вакиллари билан ҳам ўз муносабатларини меҳрибонлик асосига қуриши туфайли самимий дўст бўла олади. Алишер Навоий «ҳамма таълимотларда ва ҳамма миллат кишилари қошида «яхшиликка яхшиликдан зиёда мукофот йўқлиги исботланган»¹ лигини XV асрда ёқ эътироф этди. Чунки

Кўнгилни олса малоҳат била, тафовут йўқ,
Хитойи ўлсину, ё армани ва ё ҳинду.

Навоийнинг замондоши Жалолиддин Довонийнинг (1427–1502) «Руҳият ҳақида китоб», «Болаларни тарбиялаш усуллари», «Истаклар ахлоқи» асарлари илмий педагогикага самарали таъсир кўрсатди. Абдулла Авлоний, Абу Тоҳир Самарқандийлар педагогик қаравашлари Довонийнинг педагогик қаравашлари таъсирида шаклланди. Довоний бола тарбиясида ўзидан олдинги қараваш – одамнинг тақдиди «олдиндан пешанасига ёзиб қўйилган, уни ўзгартириб бўлмайди», деган қаравашга ўзгартириш киритди. У бола тарбиясида муҳитнинг тутган ўрнини асослаб бериб, бола феъл-атворини тарбиявий муҳитни ўзгартириш орқали ўзгартириш мумкин, деган фикрни билдириди. Хуллас, Жалолиддин Довоний «бола қалби гўёки тоза тахта, унга тарбия ёрдамида исталган шаклни чизиш мумкин», – деган методологик фикрни Жон Локкдан қарийб 200 йил илгари айтган эди.

«Бобурнома» – йирик қомусий асар. Тадқиқотимиз нуқтаи назаридан бу асарни XVI асрда мавжуд бўлган миллий педагогик маданиятилизнинг кўзгуси деб аташ мумкин. «Бобурнома»даги персонажларга муаллиф томонидан берилмиш сифатлар ўша замон туркий тарбиясидаги ютуқ ва камчиликларнинг рамзий хужжати, дея уларни қайд қиласиз:

¹ Алишер Навоий. Маҳбуб ул-қулуб. – Т.: 1983, 59-бет.

Ижобий сифатлар – покиза эътиқодлилик, равон са-водхонлик, саховатлилик, хушхулқлик, шириңзабонлик, шужоъ ва мардоналиқ, хушсуҳбатлик, мерганлик, одил-лик, ҳаёлилик, шатранжни яхши ўйнаш, қуш илмини хўб билиш, мусиқий илмидин боҳабарлик, сахийлик, сиёқ илмини хўб билиш, одми ва асилиқ, толиби илм-лик, лугати бойлик, адолатпешалик, хуштаъблиқ, фази-латлилик, шеърхонлик, фижжакни покиза чалмоқ, қилич-га мардоналиқ, ҳикояти ширинлик ва ҳоказо. Салбий си-фатлар – муштазанлик, пуршарўлик (ғавғо чиқарувчи-лик), емоқда бетакаллуфлик, бенамозлик, рўза тутмас-лик, золимлик, кофирвашлик, ичи торлик, камҳафса-лиқ, фитначилик, баҳиллик, совуқ юзлилик, қаттиқ сўзлилик, ўқимаганлик, омилик, кўп ичиш, юраксизлик, шурб (ичкиликбозлик) ва зино билан машғул бўлиш, бефаҳмлик, айшга машғуллик, падаркушлик, танбаллик, кажхулқлик, бераҳмлик, шарирлик (одамларга зарар ет-казиш), нозук мараклик, уйда bemажлислик, бесуҳбат-лик ва ҳоказо¹.

XVII асрга келиб Марказий Осиёда давом этган эт-ник, сиёсий жараёнлар равшанлашиб, ўзбеклар этник, сиёсий гуруҳдан миллатга айлана бошлагач, уларнинг ўз худуди – бўлажак Ўзбекистоннинг тахминий чегаралари маълум бўлиб қолган эди. Ана шу ижтимоий, сиёсий бел-гиларни илғаган ҳолда шоир Турди (Фарофий) «ўзбек», «ўзбек ўғли», «ўзбек юрти» истилоҳларини қўллайди ва «Ўзбекистон» атамасини бадиий тасаррӯфотга киритади. Бу, ўз навбатида, миллий онгнинг шакланишига, мил-лий онг орқали миллий тарбия тарихида катта аҳамиятга эга воқелик эди. Чунки Турди рўй берадиган ижтимоий-сиёсий янгилик – туғилиб келаётган миллатнинг худудий бирлигини яратишга, бирлашувга, маҳаллийчилик, уруғ-чиликка берилиб парчаланиб кетмай, бир миллат бўлиб жисплашувга чақирап эди. Унинг бу тараққийпарвар ча-қириғи «Насабнома»да (XVI–XVII асрлар) қайд этилган 92 ўзбек қабиласи – Минг, Юз, Қирқ, Ўнгажит, Най-ман, Қипчоқ, Аргин, Бурлоқ, Буслоқ, Чекмарчин, Бўзай, Катай(Хитой), Жит, Жуот, Салжовут, Манғит, Қанғит,

¹ **Бобур.** Бобурнома. – Т.: «Юлдузча», 1990.

Оймавут, Улажи, Гулеген, Қишлиқ, Томо, Мечет, Кирдери, Рамадан, Жуйрат, Бўзажи, Уйсун, Татар, Тилов, Ширин, Ағир(Оғиран), Бузан, Бузак, Барин (Баҳрин), Мўғил, Нукус, Жалойир, Сарой, Ўнг, Қўнғирот, Олчин, Чичиок, Қалмоқ, Ойрат, Қорлуқ, Турғавут, Қатағон, Килечи, Кенагас, Буйрақ, Қиёт, Қангли, Ужже, Булужи, Упулачи, Фулун, Боёвут, Ўтарчи, Арлот, Керайит, Ўнгқут, Қачат, Меркат, Буркут, Қуралаш, Қарлон, Ўғлон, Кудей, Туркман, Дўрмон, Тобин, Мўмин, Адай, Тўқсона, Қирғиз, Уйружи, Жўрга, Баташ, Қўйсин, Сулдуз, Тумай, Қурлавут, Жилкаш, Югор, Ёбу, Мўйтган, Мажор, Кужалик, Чуран, Чурчут ва ўзбеклар келмасдан аввал Мовароуннаҳрда яшаб, сўнг уларга аралашиб кетган Барлос, Қовчин каби қабилалар вакилларида умуммиллий онгнинг ўсишига, маданий ва сиёсий бирликнинг ҳосил қилинишига туртки бўлди. Яъни «Тўқсон икки бови ўзбек юрти» бўлиб тенглик қилиш (Турди); «Агар барлос, агар тархон, агар арлат, агар сулдуз» бўлсалар ҳам бир назар билан қарашиб, «на суд ондики, агар у қўнғиротлиг ё қиётлиғидур», — дея ҳаммани ўртада кўришлиқ каби фикрларнинг кўтарилиб чиқиши (Мунис) катта воқеа бўлди. Натижада, ўзбекона фурур, ўзликни англаш маънавият ва тарбияда ҳам акс эта бошлади.

XVII асрда оташнафас шоир Бобораҳим Машраб ижодида ҳам «На малакман, на фаришта, мен ҳам одам наслидин», — деган фоя ва «миллат» истилоҳи пайдо бўлганини кўрамиз:

Йўл – хатар, манзил – узоқ тушти, бу умрим кам мани,
Гоҳ мўмин, гоҳ ориф, гоҳ тарсоман буқун.
Ҳеч билмасман ўзумни, қайси миллат халқиман,
Гоҳ восил, гоҳ маҳжур, гоҳ гумроҳман бу кун.

XIX аср ўрталарида халқимиз ҳаёти, феъл-атворини ўрганган можор олимни X. Вамбери ўзбекларнинг, тарбиядаги умумийликнинг натижаси ўлароқ, феъл-атвори билан бир хиллигини қайд этади. Ўша даврда ўзбекларнинг сони (Вамберининг ҳисоб-китобига кўра) икки миллионга тенг бўлган. Яъни Бухоро ҳукмронлигига бир миллион, Хива ҳукмронлигига – 700 минг, Афғонистон ҳукм-

ронлигидаги – 200 минг киши бўлган. XIX аср ўзбеклари ҳақида олим шундай дейди: «Олтин Ўрдада «ўзбек» деган ном анча олдиндан маълум бўлиб, «мусулмонча тарбияланган» дегандек тушунилган. Яъни улар «шафқатсиз одатлардан бош тортишиб, Ўзбекхон муқаддаслаштирган мусулмон – Осиё маданиятига йўл очишган: ўтроқ ва яrim ўтроқ, асл деҳқон; ҳарбий миллат; савдода оғир-вазмин; саноатда мўътадил; очиқ кўнгил, мард; жиддий, ҳақиқий туркий ҳимматга эга; маъюсликкача камгап, оғир-вазмин; совуққонлик одоб-ахлоқ намунаси ҳисобланади; бир гапни ўйлаб оғзидан чиқаргунча бир қанча дақиқалар ўтади; ўзбек ўйлаброқ гапиришга мойил, у буни табиий деб билади; садоқатли ва довюрак бўлиб, тўғри гапирадиган, тўғри ҳаракат қиласидиган (Авестони эсланг – М.К.), кўзга тик қарайдиган эркакни мукаммаллик намунаси деб билади. Давлат ҳимоясини ўз зиммасига олган, ўзбекларнинг оиласий муносабатларини асл намуна ҳисобласа бўлади – кўп хотинлик фақат ҳукмронларга хос; ўрта ёшга бориб қолган фарзандлар ўз ота-оналарига жуда хурмат ва эҳтиромли бўлишади. Ўзи 30–40 ёшларга бориб қолган ўғил отасининг бир қарашидаёқ чўчиб кетади ва ҳеч қачон отаси бор пайтда чилим чекмайди, биринчи ўтирумайди ва биринчи гапирамайди; туркий шевада гапирадилар; ўзбеклар художўйдир ва болалардан қунт талаб қилишади; мугамбирлик камдан-кам учрайди; ўзбеклар яхши мусулмондирлар – шу жиҳатдан анатолиялик туркларга ўхшайдилар; ашула ва мусиқани жон дилидан севишади¹ ва ҳ.к. Ушбу холисона тавсифнинг ўзи ҳам XIX аср ўрталарига келиб, миллий тарбиянинг мақсад ва вазифалари, услублари такомиллаша борганлиги туфайли ўзбек миллий характеристери – ўзбекчиликнинг янада муайянлаша борганлигини кўрсатади.

Миллий тарбия тизимининг ўткир воситаларидан бири – ҳар бир кишининг ўз аждодлари тарихини билиши лозимлиги ва шунга илк ёшларданоқ болаларнинг ўргатила бориши эди. «Турк ва тоҷикда барча одам фарзанди ичинда расм турар, етти отани санад қилмоқ. Турк

¹ Ўзбегим. «Звезда Востока» журнали кутубхонаси. «Ватан» серияси.
– Т.: 1992, 114–128-бетлар.

халқи айтур, етти орқадан бери темурчиман ва ё айтурки, менинг етти отам шу юртда ўтгандур» – деб ёзади «Шаҗараи турк» муаллифи Баҳодирхон Абдулғозихон. Хоразм тарихининг 1644–1664 йиллар соҳиби бўлган Абулғозихон ўзидан бошлаб то Одам Сафиуллоҳгача «отасини отаси фалонча», – дея номма-ном баён қиласди. Бу мисолдан илгари аждодларимиз етти ота наслини батафсил айтиб бера олганликлари аён бўлади. Аждодлар ёди ҳар бир кишининг ўзлигини англатиб, аждодлар номига доғ туширувчи хатти-ҳаракатлардан сақлаб, яхшилик, олижанобликка чорлаб турган.

Ўзбекона тарбиянинг турли қирралари улкан адибларимиз Абдулла Қодирий, Ойбек, Пиримқул Қодиров ва бошқаларнинг тарихий асарларида муваффақиятли акс этирилган. Абдулла Қодирий томонидан «Ўткан кунлар»нинг «ўзбеклар турмушидан тарихий румон» дея аниқлаштирилиши ҳам адибнинг миллий заминда қатъий турган ёзувчи эканлигининг мисолидир. Асарнинг миллий тарбиявий моҳиятини атоқли олим М. Кўшжонов шундай баён қиласди: «А. Қодирий ўзбекни ўзбекдай кўрсатди. Бир зум у яратган етакчи образлар – Отабек, Кумуш, Анвар ёки Раъно характерлари тасвирланган муҳитни ўзгартириб, уларни бошқа ном билан атаб кўринг. Биринчидан, муҳит ёт бўлиб, номлари мос тушмайди, Марғилонни Сибирь ёки Абдуллани Иван дегандек; иккинчидан, қандай муҳитда кўрсатманг ва қандай ном кўйманг, улар фақат Шарқ, яъни ўзбек фарзандлари экани кўриниб туради»¹.

Ўзбек миллий тарбияси тарихининг XIX асрига келиб анъанавий равишда Аҳмад Яссавийнинг «Чор китоб»ини, Вафоийнинг «Равнақул ислом»ини, Сўфи Оллоёрнинг «Ҳафтияқ»ини ва бошқаларни ўрганиб келган мактаб таълими мазмунига Маҳмудхўжа Беҳбудийнинг «Китоб ул-афтол», Саидрасул Азизийнинг «Устози аввал», Абдулла Авлонийнинг «Туркий гулистон ёхуд ахлоқ», Абдуқодир Шакурийнинг «Жоме-ул ҳикоят» ва Ризоуддин ибн Фахруддин, Фахрул Банот, Али Нозимо ва бошқа муаллифларнинг асарлари кириб келди. Бу эса мактабларга янги, ўз даврининг тарбиявий руҳини киритди.

¹ М. Кўшжонов. Адид маънавияти мустақиллик хизматида. «Ўзбекистон адабиёти ва санъати», 1993 йил июнь.

Туркистон мактабларининг асосий вазифаси миллий тарбиявий хусусиятга эга эди. Яъни болаларни Туркистон шароитида, уйда, жамоат жойлари, маҳаллада, қишлоқда ахлоқ-одобга, маънавий-маърифий ҳаётга ўргатиш эди. Шу мақсадда мактабларда миллий-диний ахлоқ қоидалари машқ қилинар, намоз ўқиши қоидалари ўргатиларди. Ҳайит кунлари дарслар тўхтатилиб, ўқувчилар байрамга қатнашишган. Барча мактабларда хушмуомалик, хуштавозелик қоидалари маҳсус ўргатилган. Ўқувчиларда эътиқодни, иймонни шакллантириш учун уларга жаннат, дўзах ҳақида, ҳар бир ёмонликнинг бу дунёда бўлмаса, у дунёда албатта жазоси борлиги уқтирилган.

Мактаб муаллимида учта – узунлиги уч хил хивич бўлган. Совет педагогика дарсликларида бу хивичлар асосан болаларни уришга мўлжалланган қурол, дея тавсифланар эди. Бироқ бу хивичлардан фойдаланишдан асосий мақсад бошқа бўлган: мактабларда таълим индивидуал (якка) ёндашув асосига курилган. Яъни синф – мактабда неча бола ўқишидан қатъи назар уларнинг ҳар бири ўз имкониятига хос ва мос – якка дастур асосида ўқитилган, синфдан-синфга кўчириш, ҳамма учун умумий мавзу бўлмаган. Бу таълимнинг «оз ва соз»лиги – сифатини белгилаган. Муаллим бирор ўқувчидан дарсни сўраса, у албатта ўзи ўрганаётган дастур бўйича жавоб берган. Ҳар бир ўқувчининг ўз дарсини баланд овоз билан тайёрлаши, такрорлаши натижасида синфда доимо шовқин хукм сурган. (Бу ҳатто узоқдан ҳам эшитилиб турган.) Натижада домла бирор ўқувчини чақириб, ундан дарсни сўраши учун қаттиқ қичқириб туришига тўғри келган. Қичқириш ўрнига домла турли узунликдаги хивичлардан фойдаланган: калта хивич учини биринчи, ўртача узунликдаги хивични ўрта қатордаги, узун хивич учини эса охирги қаторда ўтирган исталган болага теккизисиб, уни ёнига чорлаган.

Тўғри, мактабларда ўқувчиларни тан жазоси билан кўрқитиши кенг тарқалган эди. Фавқулодда ҳоллардагина ўқувчини хивич билан уришган. Муаллим айборд ўқувчи ни кўпинча ўзи жазоламаган. Бу ишни асосан бошқа ўқувчилар бажаришган. Оиласда ҳам оталар болаларини ўз кўллари билан урмасликка ҳаракат қилганлар. Бу камдан-кам учровчи кўнгилсиз вазифани бойлар хизматкорларига топ-

ширганлар. Боланинг кўнглини совутмаслик, унинг шахсиятига ҳурмат бунга сабаб бўлган.

Марказий Осиё хонликларида ўғил болаларнинг бошлангич диний таълим олишлари мажбурий бўлган. Аллоҳ қаломи – Куръони каримни ўқитгани учун пул олиш шариат томонидан тақиқланган. Демак, таълим бепул бўлиб, ҳар пайшанба куни нон, ҳайит кунлари совфа-саломдан иборат бўлган.

Шаҳар мактаблари баъзида 20–30 боладан, қишлоқ мактаблари эса 10–15 боладан иборат бўлган. Бироқ Туркестон мактабларининг собиқ ўқувчилари мактабларда ўқувчилар сонининг кўп бўлганлигини кўрсатувчи далилларни келтирадилар. Масалан, С. Айний ўзининг ўқувчишогирдлик даврини эслаб, «Бу вақтда у мактабхонада қанча бола ўқигани эсимда йўқ. Фақат шуни эслайманки, у вақтда уч юз уйлик қишлоғимизнинг тўрт яшардан ўн икки яшарга қадар бўлган барча болалари шу мактабнинг шогирди ҳисобланарди», – деб ёзади «Эски мактаб»да. Туркестон мактаблари тарихини қайта ўрганиш XIX асрда мактаблар сони сезиларли кўп бўлганлигини, собиқ совет педагогика тарихида бу масалага бир ёқлама ёндашилганлигини кўрсатмоқда. Масалан, собиқ Ўзбекистон ССР иқтисод институти томонидан 1950 йили чоп этилган «Ўзбекистон: иқтисодий-жуғрофий характеристика» китобининг 79-бетида «1914 йили Ўзбекистон территориясида 160 та рус мактаби, бир неча ўнта мусулмон мактаби бўлиб, улар ҳам диний мактаблар эди», – дейилади. Ҳолбуки, мусулмон мактабларининг назоратчиси И. Ф. Наливкин XIX асрнинг 90-йиллари бошида шахсан ўтказган ҳисоб-китобларидан келиб чиқиб, бутунлай бошқа маълумотни берган: «Мусулмон мактабларининг сони кишида ваҳима уйғотади – расмий рўйхатларда – 500 та, аслида эса таҳминан – 1000 та»¹.

Мачит ва мачит қошидаги мактаблар эркаклар учун хизмат қиласар эди. Марказий Осиё шаҳарлари ва қишлоқларида отин библиарнинг қизларга таълим ва тарбия беришга мўлжалланган мактаблари фаолият кўрсатарди. XX аср бошларига келиб, диний матнларни ўқиш билан бир

¹ Записка Наливкина о мактабах Туркестана в 1894 г. ЦГИА Уз, ф. 47.

қаторда қызларга ибратли ахлоқий ҳикоялар, қиссаҳонлик, уй ичидә хотин-қызларнинг вазифалари, яъни одоб-ахлоқ, мушорат усуллари, поклик, бичиш-тикиш, овқат тайёрлаш, табобатдан хабардор бўлиш, меҳмон кутиш каби бир қанча зарурий меъёrlарни ўрганишга бағишиланган адабиётлардан ҳам фойдаланилган.

Азалдан ўзбек қызлари тарбияси билан оналар шуғулланишган. Фарғонада бундан бир аср илгари ўзбек қызлари тарбияси қандай намоён бўлганлиги ҳақида қизиқарли хотиралар бор. «Ўзбек қызлари илк ёшлардан бошлабоқ ўз хатти-ҳаракатларидан хабардор, ўз-ўзини назорат қила бошлайди. Гарчи у тез, елиб-югуришни истаса-да, диний адаблилик унга шаҳдам қадам ташлаш, қўлларини силтаб юришга йўл қўймайди... Ана шу сипойилик, вазминлик белгилари унинг ахлоқий «мен»ининг намоён бўлишида ҳам кўриниб туради. Кўпчилик қызларда ўз таассуротларини нафислаб ва қош ҳаракатлари орқали билдириш баъзи ҳолларда юксак мукаммаллик даражасига кўтарилиган» (И. Наливкин). Ўзбек оиласарида қызларни миллий тарбиялашнинг намунавий мисоллари сифатида Абдулла Қодирий тавсифидаги Кумуш ва Раъноларни келтиришнинг ўзи кифоядир.

Ўзбек халқи узоқ тарихи давомида кўплаб маросимлар яратиб, уларни миллий одоб ва муомаланинг умумлашган меъёр ва тамойиллари сифатида авлоддан-авлодга етказиб, жамоатчилик фикри билан қўриқлаб, такомиллаштириб келди. Суннат, никоҳ тўйлари, ҳашар, мотам маросимлари ва бошқа маъракалар болаларда ватанпарварлик, миллий одоб, виждонийлик, элсеварлик фазилатларининг шаклланишига, чиниқтирилишига кучли воситалар бўлиб хизмат қилди.

Маърака-маросимларнинг миллий тарбиявий имкониятлари уларда қатнашувчиларнинг турли ёшдаги ижтимоий, касбий гуруҳлардан ташкил топиши: мулоқотлардаги ихтиёрийлик (бир-бирига бевосита боғлиқ эмаслик); эркинлик; ёши улуғ, муҳтарам кишиларга нисбатан ҳурматнинг яққол намоён бўлиб туриши; мулоқот мавзулари-нинг ранг-баранглиги; маросимларнинг шахс хулқ-авторининг оммавий назоратчиси сифатидаги хусусиятларида намоён бўлади. Бу хусусиятлар ёшларнинг ёши улуғ ки-

шилар билан маънан бирлигини – миллий фурурини мустаҳкамлайди, ўз турар жойи, маҳалласи, қишлоғидаги кишилар тўғрисидаги тасаввурларини кенгайтиради, теваракатрофдаги муҳитга диққат билан қарашиб малакаларини тарбиялайди, авлодлар орасида анъналарнинг узвийлигини ташкил этувчи бўғин бўлиб хизмат қиласди. Масалан, миллий-маънавий маданият кўрсаткичларидан бири – мотам маросимлари то шу пайтгача «реакцион диний маросим» деган дахрий муносабат туфайли тарбиячилар назаридан четда қолиб келди. Ўлим – ҳақ, мотам маросими объектив воқелик экан, уларга муносабат ўзгартирилиши керак. Чунки,

Эй дўст, ибрат олувчи кўз бўлса сенда,
Кўшни ўлими ёрқин мисол-ку бунда.

Ҳусайн Воиз Кошифий

Мотам маросимлари унда қатнашаётган барча кишиларни ота-она, қавму қариндошлар қадрига ўз вақтида етиш кераклигига, уларни ранжитмасликка, қариганда таянч бўлишга, ўзининг ва бирорлар умрининг қадрига етишга ундовчи восита, ўрнак эканини тан олмоқ керак. Қолаверса, ўсмирлар маросимларда қатнашиб, таъзияга боришнинг миллий одоби: кам гапириш, ортиқча фарёд қилмаслик, бемаъни гаплардан тийилиш, мотам эгасига сабру қаноат тилаш, қўлидан келгунча ёрдам бериш одатларини кузатадилар, ўрганадилар.

Миллий тарбия жараёнини «яшаш дарси»га қиёслаш мумкин. Ана шу дарсдан «аъло» баҳо олиш учун инсон боболар ҳикматларини, халқ мақолларининг мазмунини чуқур англаши керак бўлган. Боболар ҳикматини шоир Э. Воҳидов «Инсофли одам бехосдан тойиб кетса, бирор таёқ суқиб, эй йўловчи, эҳтиёт бўл, бу ерда чуқур бор, кўзингта қара» дея қилган ишора – таёқчага; бошқаларни ўйлаб очилган булоқ, экилган дарахтга; ўзларидан кейин келувчилар ҳам имонли, илм-маърифатли бўлсинлар деб, эллар, юртлар ўртасида яхши борди-келдилар бўлсин деб солинган масжид, мадраса, йўл, кўприк, карvonсарайларга ўхшатади. Шоир «ўзбекман» деган ҳар бир инсоннинг ўз юрти кечмиши ва ҳозирини мукаммал билмоғини, ўз она тилининг заргари бўлмоғини истайди. Дарҳа-

қиқат, ўзбек халқининг асрлар давомида «яшаш дарси»дан тўпланган бой тажрибаси кўплаб мақолларда ўз аксини топган. «Ҳар гулнинг ўз иси бор, ҳар элнинг ўз тузи бор» деганларидек, мақолларимиз халқимизнинг турмуши, урфодатлари, анъаналари ва энг муҳими — ўзбек боласининг қандай киши бўлиши ва қандай бўлмаслиги кераклиги ҳақида ибрат ва ўрнаклар жамланган маънавий, маданий меросдир.

XIX асрнинг иккинчи ярмидан ўзбек халқи миллий маданияти, маънавияти тараққиётида мустамлакалик даври бошланди. Чор Россияси ўзининг мустамлакачилик сиёсатида Туркистонни нафақат сиёсий, иқтисодий, балки маънавий мустамлакага айлантиришнинг режасига эга эди. Буни уларнинг ўзлари ҳам яширмас эдилар. Бу ҳақда М. А. Муропиев 1882 йил 30 август куни Тошкент ўқитувчилар семинариясидаги йигилишида «Мусулмонларимиз маорифининг асосида уларни руслаштириш... исломни бузиш ... умуман диний жиҳатларни бузиш... ётмоғи лозим»¹ деган бўлса; Туркистон генерал-губернатори И. А. Куропаткин эса кундаликларида «Биз 50 йил тубжой аҳолини тараққиётдан четда тутдик», — деб қайд этган эди².

Хўш, миллий-маданий, сиёсий, иқтисодий, педагогик турғунлик ўзбек миллати ҳаётида қандай акс этди? Энг аввало, миллий ўзликни англашнинг, миллий ташаббускорликнинг, миллатдаги яратувчилик қувватининг сезиларли сўндирилганлигига, илм-фан жабҳаларида орқада қолиш, хабарсизликда (Фитрат) намоён бўлди. Бу ҳақда Исҳоқхон Жунайдуллаҳўжа ўғли Ибрат (1862–1937) шундай ёзган эди: «Илмия тўғрисида биз халқда чандони аҳамияти йўқ, таназзулда турур, бўлак фирқаларни илмдан топган даража ва маданиятларини кўриб туруб ҳеч ҳаракат қилмайдурлар. Илмни асоси майшат эканини таҳиқ ила билганлари йўқ! Бу сабабдин омиллари кўб, ишларида аҳамияти йўқ, таваккул ила қоринлари тўқ!... Авлодлари ўйин-кулгига машғул бўлиб, умрни арzon ўйунга сарф

¹ Ўзбегим. «Звезда Востока» журнали кутубхонаси. «Ватан» серияси. – Т.: 1992, 151-бет.

² Ўша манба. 165-бет.

этуб, бовужуди бу мамлакатга жоидор, мусофирир бўлмасалар ҳам мусофириларидан майшатда ноқисдурлар. Ва аксар аҳолиси қарз балосига мубталодурлар. Шояд мундин бүён саодат ва фазилат қадрин билсалар!»¹ Истанбул, София, Афина, Рим, Кобул, Жидда, Бомбай, Калькутта шаҳарларида бўлиб ва яшаб, араб, форс, инглиз, ҳинд, урду тилларини билган Ибрат мавжуд аҳволни тузатиш мақсадида 1907 йилда Тўракўронда янгича усулда мактаб, босмахона очган эди. У араб, форс, ҳинд, турк, ўзбек ва рус сўзларидан таркиб топган «Лугат ситта алсина» (Олти тилли лугат, Тошкент, 1907) тузган. Лотин, юонон, славян, хитой, ҳинд, араб ёзувларининг келиб чиқиши ҳақида «Жомеъ ул-хутут», «Таърихи Фаргона» (1916), «Таърихи маданият» (1925) каби илмий асарларини чоп этди. Ибрат ўлкамиз тарихида ёрқин из қолдирган миллий-озодлик, замонавийликни шиор қилиб олган жадидчилар вакили эди.

Миллий янгиланиш, замонавийлашиш тоғаси Туркистонда XIX аср охирида миллий-маърифий кураш шаклида намоён бўлди. Бу ҳаракатнинг мақсади «Янги усулда таълим ва тарбияни Оврупо цивилизациясига мослаштириш эмас, балки Оврупо цивилизациясини ўрганиб, уни миллий маданиятга хизмат эттириш»нинг бир ифодаси эди. Туркистонлик жадидчилар ўлка истиқлонининг маърифий шартини, аввало, ёш авлодни замонавий Оврупо илмлари даражасида ўқитиш билан миллий тарбиялашни уйғунлаштиришда, деб билдилар. Ана шу мақсадда Фаргона водийсида, Самарқанд, Бухоро шаҳарларида усули жадид мактаблари очилди. Бу ҳақда «Маърифатчилар ўзликни англашни миллий тарбияда жуда юқори ўринга қўядилар. Ўз миллати, ўз ватани, ўз давлати – мана шулар шахсни шахс қиласи, шахсни мана шу миллатнинг бир ориф парчасига айлантиради. Ва мана шулар миллатга миллат унвонини беради»², – дейди кейинчалик замондошимиз ИброҳимFaфуров.

Бироқ Туркистонда жадидчиликка кескин қаршиликлар бўлди. Бунга сабаб, бир томондан, уларнинг мақсади-

¹ Исҳоқҳон тўра Ибрат. Танланган асарлар. – Т.: «Маънавият», 2005 й.

² И. Фофуров. Миллатнинг билурланиши. «Халқ сўзи», 1995 йил 5 январь.

ни тўғри тушуна олмаган Бухоро амири, иккинчи томондан, жадидчилардан инқилобий ҳаракат дея чўчиган Россия амалдорлари бўлсалар, учинчидан, жадидчиликни исломга душман бир ҳаракат деб тушунган, унинг асл моҳиятини англашни истамаган мутаасиб диндорлар эди. Мутаасиб руҳонийлар ёшларни миллий-замонавий тарбия йўли билан мустамлакачиликдан озод қилиш мақсадига интилган жадидчилар – Мулла Нафас, Зинҳорий, Авлиёкули, Мискин, Ибрат, Маҳмудхўжа Беҳбудий, Мунавваркори, Зоҳирий, Тавалло, Фитрат, Чўлпон, Авлоний, Ҳамза, Айний, Қодирий ва бошқа маърифатпарварларни кофир деб эълон қилдилар. Бу ҳақда Фитрат: «Ё раббий, кўлдан кетган маданиятимизни тиклашга ҳаракат қилган заҳотимиз уламоларимиз «кофир бўлдинг» деб, бизни йўқ қилиш пайига тушадилар»¹, – деган эди. Ҳолбуки, жадидчилар ўзбек миллий маданиятини, таълим-тарбияни ривожлантириш йўлида заҳмат чеккан ва:

Ҳар кун ўлурام шомгача ғамга гирифтор,
Ҳар шаб ёнарам оташа парвона каби зор.
Ҳеч кимса эмас мени аҳволима воқиф,
Мен хастаяму миллатим ўлмиш нега bemor?

(Абдулла Авлоний)

дея амалий чоралар қидирган ватанпарварлар эди.

Ташқаридан кўрсатилган ҳарбий, сиёсий, маданий хуружлар – араб, мўғул, Чор Россияси босқини ва совет даври ўз изларини қолдирган бўлса-да, ўзбек ҳалқи миллий ўзлигини сақлаб қола олди. XX аср охирида ҳам «Ўзбек ҳалқининг ўз руҳий қиёфаси, миллий хусусияти, миллий характеристери, миллий туйғуси, мижози (темпераменти), хулқ-автори, билиш жараёнлари, қобилиятининг аниқ йўналишга қаратилганлиги, эҳтиёжи ва қизиқишлари, миллий онги ўзига хос хусусиятларга эгадир»², – деб хуноса қилмоқдалар ватандош олимларимиз, психологлар Ҳ. Узоқов, Э. Фозиев, А. Тожиевлар. Улар ушбу ўзига хослик миллий маданиятда, миллий адабиётда, миллий ру-

¹ А. Фитрат. Ҳинд сайёхининг қиссаси. «Шарқ юлдузи», 8-сон.

² Ҳ. Узоқов, Э. Фозиев, А. Тожиев. Оила этикаси ва психологияси. – Т.: «Ўқитувчи», 1992, 76-бет.

хий (маънавий) ҳаётда ифодаланишини қайд этдилар. Олимлар ўзбек халқи руҳияти, феъл-атворидаги умумий ўзига хосликлар, деб қуйидаги сифатларни қайд қилишди: андишалилик, хушмуомалалик, шириңсуханлик, меҳмон кутишдаги самимийлик, иноклик, инсон қадрини юқори тутиш, иффатлилик, ўзаро ёрдам, виждонийлик ва бошқалар. Шунингдек, гўзалликни тушуниш, санъат, адабиёт, тасвирий санъат турлари, тили, байрамлари, пазандалиги, мақоллари, қомат тутиши, кийиниши, ибоси, имо-ишоралари, табассуми, уйқуси, хаёлоти, таъзими, маросимлари, халқ ижодиёти, таъби, диди ва бошқаларда анъанавий «ўзбекчилик» акс этиб туради. Бунинг бош сабаби – тарбиянинг ана шу хусусиятлардан келиб чиқишида, яъни миллий маданий моҳиятга эгалигидадир.

Ўзбек халқ миллий тарбиясининг юқорида келтирилган тарихий-педагогик талқини бизга қуйидаги хулосалар ясаш имконини беради:

- ўзбек халқ миллий тарбияси тарихи туркий қабилавий, уруғ ва элатлар тарбиявий тазимларининг тадрижий умумлашуви, ривожланишининг тарихи демакдир;
- қабилавий, миллий тарбия нуқтаи назаридан инсоннинг қандайлиги ундаги сўз, ният (фикр) ва иш бирлигига таянувчи учлик асосида баҳоланганд;

– ислом дини Марказий Осиё халқларининг миллатлараро мулоқот маданиятининг умумий манбаси, умуминсоний бирлашишга йўналтирувчи тарбиявий омил вазифасини бажарди ва бажармоқда;

Туркистонда ижтимоий-миллий тарбия жараёни ва мактаб тарбияси орасидаги мақсадга йўналтирилганлик шариат ақидалари асосида меъёрлаштириб келинган. Яъни, миллий ҳаёт ва мактаб тарбияси уйғун бўлиб, бир-бирини тўлдирган. Бу эса миллий тарбиямизнинг бой тарихий илдиз, пойdevорга эга эканлигини тасдиқлади;

«халқ педагогикаси», «этнопедагогика» илмий-педагогик йўналишлари янги тарихий, миллий-маданий шароитда миллий педагогиканинг таркибига киритилиши ҳамда миллий тарбия миллий педагогиканинг предмети сифатида талқин қилинмоғи керак.

Чор Россияси истибоди маданий мустамлакачилик – руслаштириш каби мақсадга йўналтирилган эди. Бу – жа-

ҳон мустамлакачилиги тарихидаги инглизлаштириш, французлаштириш каби типик ҳол эди. Бунинг оқибати эса бир томондан, миллий маданийлашувга, иккинчи томондан, замонавийлашувга тўсқинлик ҳосил қилди. Бироқ, миллийлик сусайса-да, у тарбиянинг объектив хусусияти бўлганлиги туфайли аждоддан-авлодга етиб келди, йўқолмади.

Ўзбекистонда совет ҳокимияти йилларида коммунистик тарбия яккаҳокимлиги даври бўлди. Биз бу даврга алоҳида тўхталамиз.

Коммунистик тарбиянинг педагогик асоратлари

Россияда Октябрь тўнтириши амалга оширилгач, пролетариат раҳнамолари миллий ҳаётдан узоқ, маҳсус пролетар маданиятини яратиш foясини кўтариб чиқдилар. Улар миллий турмуш маданияти билан ҳеч бир алоқаси бўлмаган янги, сунъий маданият яратишга киришдилар ва бу борада маълум «муваффақиятлар»га ҳам эришдилар. 20-йилларнинг совет педагогикаси ҳам ана шу оқим – на Ватан, на жаҳон маданиятини тан олмаган пролетар маданияти таъсирида эди. Бу эса совет маориф тизими, коммунистик тарбия асосларини белгилашда ўз аксини топди. Натижада, янги – совет педагогикаси тарбия соҳасида «ўтмишдан на мазмун, на услубларни ўзига қабул қилди... Коммунистик тарбия тизимини янгидан яратишга тўғри келди. «Янги жамиятнинг кишисини тарбиялаш назарияси» яратилди»¹.

Тарбия мақсадлари нималардан келиб чиқиши лозимлиги ҳақида А. Макаренко: «Албатта, у бизнинг ижтимоий эҳтиёжларимиздан, совет халқи орзу-истакларидан, революциямизнинг мақсад ва вазифаларидан, бизнинг курашимизнинг мақсад ва вазифаларидан келиб чиқади»², – деган эди. Шу тариқа «социализм», «коммунизм», «революция», «кураш» тушунчалари совет тарбия системасининг партиявий, синфий, мафкуравий, foявий асосла-

¹ И. Копров. Социалистическая революция и педагогика. Советская педагогика, № 7, 1967, с. 76.

² А. Макаренко. Проблемы школьного советского воспитания. – М.: Произдат, 1990, с. 42.

рини белгилаб берди. «Янги замоннинг янги кишисини тарбиялаш» байроғи остида совет халқлари, миллатлари ўз тараққиёти жараёнида тўплаган «эски» маданий, маънавий қадриятларига қарши кураш бошлади. Бу билан совет педагогикаси назарияси, бир томондан, миллий педагогика тарафдори – К. Д. Ушинскийни кўкларга кўтарган бўлса, иккинчи томондан унинг «тарбиядаги халқчиллик» тамойилини амалда инкор қилди. Чунки К. Д. Ушинский «охиригача материалистик позицияда туро олмаган» эди. Тарбияда халқчиллик, миллийлик билан курашиш, уларни «эскилий сарқитлари» сифатида бартараф қилиш коммунистик тарбия вазифаларидан бири, дея белгиланди. А. С. Макаренко ўзининг «Коммунистик одоб қоидалари ҳақида» мақоласида миллий одоб ахлоқ қоидаларини «ўткинчи, заарли ва умрини яшаб бўлаётган эски одоб қоидалари системаси» деб атади. «Хулқ-атворни кенг йўналтирувчи бу эски одоб қоидалири системаси диний негиздан ўсиб чиққан. Бунга мен нафақат православ ёки католикларни, балки яхудийни ҳам, мусулмонларни ҳам – синфий жамият тарихида йиғилган одоб қоидаларига эга бўлган ҳаётни қўшаман. Бу эски нормалардан бизда ҳеч нарса қолмагандай бўлиб кўринади. Лекин ахлоқий тажриба, асрлар бўйи шаклланган хулқ-атвор анъаналари ҳали ҳам мавжуд. Буларнинг ҳаммаси бизнинг жамиятимизда мураккаб яширин қолдиқ сифатида яшаб келмоқда...»¹

Аввалига пролетар, кейинчалик социалистик интернационализм – номиллийлаштириш сиёсатининг педагогик оқибатлари барча совет халқлари учун маданий нуқтаи назардан заарли кечди. Бу сиёсат учун қозоқнинг қозоқлиги, тожикнинг тожиклиги, руснинг руслигини ҳисобга олиш, ривожлантиришдан кўра уларни бир хиллаштириш ва «совет миллатига» айлантириш қулай, беташвиш иш эди. «Мен 1965 йили комсомол йиғилиши баёнини украин тилида ёзиб, «украин буржуа миллатчиси» деган ном олдим», – деб ёзади бир украин йигити. «Мўйлабимни ҳам, онам ўз қўллари билан тикиб берган украин-

¹ А. Макаренко. Проблемы школьного советского воспитания. – М.: Произдат, 1990, 48–49-бетлар.

ча күйлагимни ҳам таъна билан алоҳида урғу бериб эслатиши¹. «На Минске, на бирор вилоят марказида, на бирор шаҳар типидаги қўрғонда белорус мактабини топа олмайсиз. Инглиз, француз, испанча мактаблар бор, белорус мактаби йўқ», — деб куйиниб сўзлайди белорус ёзувчиси Нил Гилевич. Таниқли рус ёзувчиси Валерий Иванов эса «ривожланган социализм» асосчиларини славян халқлари бирлигини Украина, РСФСР, Белоруссия шаклида куч билан парчалаб юборгани; православ черкови ва миллий маданият намояндаларини ўлдириб, черковларни портлатиб, талаганликлари; рус миллий онги, халқ урфодатлари, дворянлик, улуг санъаткорларни улуғ рус шовинизмига қарши кураш байроби остида халқ хотирасидан ўчириб ташлаганликлари учун рус халқи номидан айблади².

Ўтган асрнинг 30-йилларига келиб СССРда ижтимоий ҳаётни тўрачилик, маъмурий-буйруқбозлик асосида бошқаришнинг сталинча усули кучайди. Бу турли минтақа, миллатлар болалари ўқиётган мактаблар ўқув режа, дастурларини бир хиллаштиришда намоён бўлди. Совет ёшларини ўз миллий маданий-тарихий қадриятларидан бегоналаштириш бошланди. Рус бўлмаган миллатлар мактабарининг II–III синфидан рус тилини ва V синфдан бошлаб рус адабиётини ўрганишни жорий қилишда ўз ифодасини топди.

Ўша йилларда маорифда тенг икки тиллилукка эришишга қаратилган ишлар ҳам амалга оширилди. Жумладан, таълим рус тилида олиб бориладиган мактабларда маҳаллий тилни ўрганишга III синфдан X синфгача ҳар ҳафтада уч соат ажратилиши ҳақида қарор қабул қилинди. Рус мактабларида маҳаллий тилни ўрганишдан мақсад: бошланғич синфларда маҳаллий тилда содда матнни ўқий олиш; оғзаки машқларни бажара олиш; V–VII синфларда лугат ёрдамида мураккаб матнларни ҳам ўқиб, маҳаллий нутқни тушуниш; VIII–X синфларга келиб эса, рус мактаблари ўқувчилари ўзбек, туркман, қирғиз тилларидаги китоблар, журнал, газеталарни лугат ёрдамисиз ўқий олишла-

¹ Коммунист, 1989, № 8.

² **В. Иванов.** Русский вопрос в ССР и пути возрождения русской нации. Русский вестник, № 1, 1991 г.

ри, ўз фикрларини баён қила олишлари керак эди. Рус мактабларини битирувчилардан маҳаллий тилнинг 2800—3000 сўзини ўзлаштириб олиш, маҳаллий тилда равон гаплаша олиш талаб қилинар эди¹. Бу ҳақда муаллифга Россия таълим академияси Бадиий тарбия илмий-тадқиқот институтининг бош мутахассиси, профессор В. А. Разумний куйидагиларни ҳикоя қилиб берганди: «Мен 1942 йили эвакуация қилинган аҳоли таркибида Украинадан Тожикистонга кўчирилдим, — дейди у тожик ва рус тилларида ги шаҳодатномани кўрсатиб. — Эътибор беринг-а, мен тожик ва рус тилларидан ҳам оғзаки, ҳам ёзма битирув имтиҳонларини топширганман. Миллий жумхуриятларда яшаётган бошқа миллат вакилларига менимча худди ана шундай мактаб сиёсати юритилиши керак эди. Афсуски, бундай бўлмади-да».

Дарҳақиқат, совет мактабларида тиллар тенглиги тамоили бузила бориб, рус мактабларида миллий тилни ўрганиш факультативга айлантирилди. ВКП(б)нинг 1938 йил март ойида қабул қилинган «Миллий область ва республикаларда рус тилининг мажбурий ўқитилиши ҳақида»ги қарори рус тилини ўрганишда ихтиёрийлик тамоилининг бу зилишини бошлаб берди. Бу қарорга ҳатто Н. К. Крупская ҳам қарши чиқиб: «Бу қарор улуғ давлатчилик шовинизмининг башарасини эслатмоқда. Мен бошқа халқлар учун русчадан таржима қилинган бир хил алифбе яратилишини ҳам заарли деб ҳисоблайман»², — деган эди.

1931 йилда «Партработник» ойномаси Алишер Навоий ва бошқа ўзбек адабиёти мумтоз шоирлари ижоди мөҳиятан мистик, яъни «ақлга тўғри келмаслиги»ни, уларни Шарқ халқларининг миллий ва маънавий жиҳатдан алоҳида хусусиятларга эгалигини даъво қилишда айбловчи мақолани эълон қилди. Муаллифлар ҳеч бир андиша ва исботсиз ўзбек халқи ўтмишида на ҳозир ва на келажакда фойдаланса бўладиган ҳеч нарса йўқ; бу маданий мерос бошдан-оёқ тараққиётга душман меросдир, деб даъво қилдилар. Ана шундай муаллифлар ва уларнинг чиқишлари кейинчалик ҳам совет республикаларида сақланиб қолган нодир қўлёзмаларнинг талон-торож қилинишига, миллий

¹ Проблемы истории советской школы и педагогики. Отв. ред. И. Равкин. — М.: 1991.

² Ўша манба. 39-бет.

меъморчилик ёдгорликларининг қаровсиз қолдирилишига, йўқотилишига сабаб бўлди.

Совет мактабининг ўқув режалари, дастурлари ҳамда дарсликлири мазмуни ўқувчилар онгида миллий маданиятга эътиборсизлик уйғотиши билан чекланиб қолмасдан, уларнинг тафаккурига ўз миллий маданиятига бегоналик, ёвқарашиб хислари «илмий асосланиб», мақсадли сингдириб борилди. Ушбу фикрнинг мисоли сифатида қўйидаги далилларни келтирамиз: «Ўтмишдаги маданий бойликлар антагонистик синфий тузумда яратилган... Антагонистик синфий жамиятда икки хил маданият, яъни прогрессия ва реакцион маданият мавжуд («Ўзбек адабиёти тарихи». 8-синф учун дарслик, 8-бет). «Ўткан кунлар» асари жиддий камчиликлардан холи эмас, бунга ёзувчининг социалистик реализмни эгаллашиб йўлидаги ижобий тажрибасининг етарли эмаслиги сабаб бўлган, албатта» («Ўзбек совет адабиёти». 9-синф дарслиги. 1978 й., 41–42 бетлар) ва ҳ.к.

Миллий маданий илдизлардан узоқлаштиришга қаратилган тарбиявий сиёsat педагоглар тайёрлашда ҳам устуворлик қилди. Жумладан, олий ўқув юртлари учун чоп қилинган дарсликлар орқали шундай фикрлар сингдирилди: «Яссавий реакцион феодал-клерикал гуруҳларнинг дунёқарашини ифода этган, ислом динини, бадбинлик ва таркидунёчиликни тарғиб қилган, меҳнаткаш халқ оммасини муҳтоҷлик ва ҳуқуқсизликка кўнишишга, эксплуататорларга қулдек тобе бўлишга чақирган энг реакцион тариқатдир» («Ўзбек адабиёти тарихи», 1976, 1-китоб, 151-бет). «Октябрь революциясигача ўзбек халқининг салкам икки процентигина саводли бўлган» («Хозирги ўзбек адабий тили», 1-қисм. 1980, 11–12-бетлар), «Узоқ асрлардан бери ҳукм суриб келаётган ваҳшиёна урф-одатлар, ўрта асрчиликнинг чиркин анъаналари, ўтакетган қолоқлик ва тарқоқлик социализмга ниҳоятда ёт эди... Бу нарса, айниқса, реакцион ислом дини чуқур томир ёйган Ўзбекистон шароитида фоят даражада оғир ва мураккаб ўтди» («Ўзбек адабиёти тарихи», 1976, 31-бет) ва ҳоказо. Социалистик мағкуравийлик, партиявийлик, синфийлик каби илмий нохолисликлар ҳақиқат юзига парда тортди. Ўзбек совет мактаби ўқувчиларида инқилобдан олдинги даврни мутлақо «қора», инқилобдан кейинги даврни бутунлай «оқ», камбағал образи – «яхши», бой бўлса – «ёмон»,

колхозга аъзо бўлганларни «яхши», аъзоликдан бош тортганларни – «ёмон», «кулоқ», «халқ душмани» сифатида таниш каби муносабатлар шакллантирилди. Шу тариқа тарих, адабиёт дарсликларида совет воқелигини бўяб кўрсатиш, ўрганилаётган воқеа ва фактларни ақидапарастларча ўқитиши, миллий фуурни умумсовет фуури орқали ўчириб юбориш ҳаракати авж олди.

Шўро педагогика институтларида мутахассисларни тайёрлаш, уларда педагогик тафаккурни ҳосил қилиш мақсадида кўплаб хрестоматиялар чоп этилди. Жумладан, 1976 йилда чоп этилган педагогика хрестоматиясида «Педагогикага кириш», «Мактаб педагогикаси», «Тарбия назарияси», «Таълим назарияси», «Мактабшунослик масалалари» ёритилди. Китоб мазмуни ҳам, жуғрофияси ҳам педагоглар тафаккурини партиявийлик, социалистик мағкуравийлик, педагогик нигилизм билан тўлдиришга қаратилганини тасдиқлайди. Шу тариқа совет педагогикаси ўзмоҳияти, мақсадини англашда тарихий, миллий педагогик тажрибаларга зидлиги учун ҳаётдан табора узоқлаша борди.

Шарқ педагогикаси, тарбияшунослик таълимотига эътиборсизлик билан қарашиб 1989 йили СССР Педагогика фанлари академияси тавсияси асосида педагогика бўйича мутахассислар учун нашр қилинган «Очерки истории школы и педагогической мысли народов СССР с древнейших времен до конца XVII в.» китобида ҳам яққол кўринарди. Фундаментал, 434 саҳифадан иборат бу асарда қадимий педагогик маданият бешиги бўлган Марказий Осиё ва Қозоғистон республикалари ҳудудининг педагогик тарихига атиги 14 бет ажратилганлиги ҳам совет педагогикаси тарихчиларининг миллий педагогикамизга эътибори қандай бўлганлигини кўрсатади. Китобда ўзбек халқ педагогикасига 4 саҳифадан ҳам кам ўрин берилганини, ҳатто бу соҳада мутахассис бўлмаган киши ҳам оқлай олмайди. Шу тариқа ўзга миллий руҳни ифодаловчи ва шу руҳда тарбияловчи материаллар 1991 йилгача таржима қилиниб, ўқитувчиларнинг ва улар орқали ўзбек болаларининг шаклланашаётган миллий фуурига, Ўзбекистон ватанпарварлигига, миллатлараро мулоқот маданиятига, миллий одобига салбий таъсир қилиб келди.

Собиқ Иттифоқ тарқалиб кетгач, айрим иттифоқдош республикалардан русийзабон аҳоли бир қисмининг кўчиб кетиш фактлари учрай бошлади. Бунинг маърифий мактабга бевосита боғлиқ бўлган сабаблари ҳам бор эди. Ана шулардан бири – таълим рус тилида олиб борилган мактабларда маҳаллий тилни ўрганишнинг қониқарсиз ташкил қилингандиги эди. Мустақил республикалар давлат тили ҳақида қонунларни қабул қилгач, рус мактабларини битирган аҳолининг аксарияти бу тилни билмаслиги янада яққол намоён бўлди. Собиқ иттифоқдош республикалар ичидаги биринчилардан бўлиб Ўзбекистонда русийзабон аҳолига давлат тилини ўрганишларига ёрдам бериш мақсадида маҳсус курслар ташкил этилди. Аслида бу, биринчидан, 70-йилларда совет педагогикаси назарияси ва амалиёти йўл қўйган хатолар ва уларнинг асоратларини тузатиш; иккинчидан, Ўзбекистонда миллатлараро тутувликни янада мустаҳкамлашга қаратилган стратегик тадбирлардан бири эди.

1984 йилда мактаб ислоҳоти бошланди. Шу муносабат билан мактабларнинг типовой дастурлари яратилди ва уларда она тилидан «ўқувчиларнинг рус тили ва адабиётини ўрганишини енгиллаштирувчи восита» сифатида фойдаланиш тавсия қилинди. Бу эса она тилига эътиборнинг янада сусайишига, ўқув режаларида соатларнинг қисқартирила боришига олиб келди. Маҳаллий тилни ўрганишга вақт, соат ажратиш иттифоқдош республикалар маориф министрликлари ихтиёрига ҳавола қилинди. Иттифоқдош республикалардаги таълим рус тилида олиб борилган мактабларнинг 1974/75 ўқув йилидаги ўқув режаларини ўрганиш шуни кўрсатадики, Украинадаги рус мактабларида маҳаллий миллат тили – украин тилига 37,5 соат (II–X синфларда), Белоруссияда – 24,5 (III–X), Ўзбекистонда – 16 (III–X), Қозоғистонда – 14 (II–VIII), Грузияда – 16,5 (III–X), Латвияда – 17 (II–X), Молдавияда – 14 (IV–X), Қирғизистонда – 10 (III–VIII), ота-оналарнинг хоҳишига қараб Арманистонда – 28 (II–X), Эстонияда – 35 (II–X) соат ажратилди. Бундай амалиётнинг натижаси шу бўлдикни, таълим рус тилида олиб бориладиган мактабларни битирганлар маҳаллий республика – ўз ватанларига ном берган миллатлар тилини ўргана олмадилар.

Натижада иттифоқдош республикаларда яшовчи русий-забон аҳоли орасида маҳаллий тилни билувчилар сони 15% дан 18% га ошган бўлса, рус тилида эркин сўзлаша олувчилар маҳаллий аҳоли сонининг учдан икки ҳиссасига қадар ошиди («Правда», 1988 йил 25 август).

**Собиқ СССРда миллий тилда таълим олган ўкувчилар сони
(ўкувчиларнинг умумий сонига нисбатан фоиз ҳисобида)**

	Рус тилида		Миллий тилда	
	1980/81 ў.й.	1988/89 ў.й.	1980/81 ў.й.	1988/89 ў.й.
СССР бўйича	63	66	97	98
РСФСР	97	98	97	98
Украина ССР	45	52	55	47
Белоруссия ССР	65	79	35	21
Ўзбекистон ССР	14	15	78	71
Қозогистон ССР	64	67	33	30
Грузия ССР	21	24	68	67
Озарбайжон ССР	14	18	83	79
Литва ССР	13	16	85	82
Молдавия ССР	37	41	63	59
Латвия ССР	44	48	56	52
Киргизистон ССР	34	36	53	52
Тожикистон ССР	10	10	64	66
Арманистон ССР	12	15	80	81
Туркманистон ССР	15	16	78	77
Эстония ССР	32	37	68	63

Келтирилган жадвал¹ таҳлили барча иттифоқдош республикаларда рус тилининг совет давлат тили сифа-

¹ «Учительская газета», 15 апреля 1989 года.

тида мавқеи оша борганилигини, тиллар тенглиги тамо-йилининг бузилганлигини кўрсатади. Натижада, рус тилида таълим оловчи ўқувчилар сонининг ошиши она тилида таълим оловчи ўқувчилар сонининг камайиши ҳисобига (Қозоғистонда – 3%, Ўзбекистонда – 7%, Қирғизистонда – 1%, Туркманистанда – 1%) содир бўлди. Бунинг қатор сабаб ва оқибатлари мавжуд эди. Жумладан, илмлилик, зиёлиликни юксак қадрловчи ўзбек халқининг фарзандлари она тилида техник билимларнинг дунёвий стандарти даражасига кўтарилишлари қийин эди. Чунки илмий-техникавий олийгоҳларда асосий фанлар рус тилида олиб бориларди. Ўзбек мактабларида рус тилини ўқитиш эса талабга жавоб бермас эди. Шу туфайли ўзбек ўғил-қизларининг бир қисми ўзбек, бир қисми рус тилида таълим ола бошладилар. Бунинг натижаси ўлароқ, рус ва ўзбек тиллари, маданиятлари руҳида тарбияланган ўзбек ўғил-қизлари орасида маданий бўлиниш, фарқ пайдо бўла борди. Бу сунъий бўлиниш ўғил-қизларимизнинг миллий одобида, миллий қадриятларга, ўзбек тилига муносабатида, кундалик турмушдаги муносабатларида намоён бўлди. Бир вақтнинг ўзида ўзбек, қирғиз, эстон, хакас бўла туриб, тил орқали бошқа миллий-маданийликни ўзига сингдирган кишилар (масалан, ўзи келиб чиқиши жиҳатидан А миллатга мансуб, лекин Б миллатнинг руҳи, маданиятини сингдиргандар) Farb ижтимоий психологияси, культурантропологиясида маргинал шахслар даб аталади. Маргиналлик ҳодисаси ижобий (икки халқ маданияти, урф-одатларини тўла ўзлаштирганлик) ва салбий (на ўз ва на бошқа халқларнинг маданияти, урф-одатларини яхши билмаслик) тавсифларга эга. Салбий маргиналлик сабаблари тарбиядаги номиллийликнинг оқибатлариdir. Собиқ совет мактабининг тарбиявий ишлар тизими ўқувчи-ёшларнинг кўпроқ салбий маргиналлашувига хизмат қилди.

Собиқ СССРнинг барча мактабларида тарбиявий ишлар мақсади, мазмуни, шакл ва воситалари узоқ йиллар «Ўқувчиларни тарбиялашнинг тахминий дастури» (И. С. Марьенко таҳрири остида) белгилаб келинди. Мавжуд услубий тавсиялар барча иттифоқдош республикалар

умумтаълим мактаблари учун марказдан – СССР Педагогика фанлари академияси, Маориф вазирлиги, шу вазирлик қошидаги мактаблар бошқармаси ва Тарбиянинг умумий масалалари илмий тадқиқот институти томонидан тайёрланар эди. Тавсияларнинг асосий мақсади – коммунистик тарбиянинг қўйидаги йўналишларини амалга оширишга қаратилганди:

коммунистик дунёқараш асосларини шакллантириш;
совет ватанпарварлиги ва социалистик интернационализм тарбияси;

меҳнат ва халқ мулкига коммунистик муносабатни шакллантириш;

коммунистик ахлоқни, онгли интизом, хулқ-атворни шакллантириш;

ўқишига онгли муносабатни, ақлий меҳнат маданиятини тарбиялаш;

коммунистик онглилик ва ижтимоий фаолликни шакллантириш;

политехник таълим, кўникма ва касбга қизиқишни ривожлантириш;

социалистик ҳуқуқий онг ва совет фуқаровий масъулиятини шакллантириш;

эстетик маданият ва бадиий қобилиятларни ривожлантириш;

жисмоний камолот, соғлиқни мустаҳкамлаш ва санитар-гигиеник маданият малакаларини сингдириш.

Ушбу йўналишларда I–III, IV–VIII, IX–X синфларда олиб борилиши керак бўлган тарбиявий ишларнинг мазмуни, шакл ва вазифалари белгиланди.

«Ўқувчиларни тарбиялашнинг тахминий дастури», «Замонавий мактаб ўқувчисининг шахси ва умумтаълим мактаби тарбиявий фаолиятининг вазифалари», «Умумтаълим мактабларининг – X синф ўқувчиларини тарбиялаш мазмуни», «Мактаб жамоаси фаолияти ва машғулотлар, тадбирларнинг тахминий турлари», «Мактаб, оила, ишлаб чиқариш жамоалари ва жамоатчиликнинг ўқувчиларни тарбиялашдаги ҳамкорлиги» асосида амалга оширилди. Мазкур тарбия йўналишлари:

тарбиянинг ижтимоий-сиёсий йўналтирилганлиги,

унинг ҳаёт ва коммунизм қуриш амалиёти билан алоқадорлиги; таълим ва тарбия бирлиги;

мехнат, актив фаолият орқали тарбиялаш; коллектив ва коллектив орқали тарбиялаш; болалар ва ўсмирларнинг мактабдаги коммунистик ташкилотларига таяниш;

педагогик раҳбарликнинг ўқувчиларнинг ташаббускорлиги, фаоллиги ва мустақил фаолиятига мослиги;

тарбия жараёнининг тўхтовсиз, узвий ва давомийлиги, унинг динамик ривожлана бориши; тарбия ва ўз-ўзини тарбиялашнинг ўзаро алоқаси;

ўқувчиларнинг ёш ва шахсий хусусиятларини ҳисобга олиш тамойиллари асосида амалга оширилди.

Кўриниб турганидек, Шарқ халқлари миллий тарбиясига хос хусусиятлар коммунистик тарбиянинг на мақсадида, на тамойилларида, на йўналишларида ва на вазифаларида акс этар эди. Ёш авлодларда миллий фуур, миллий одоб, Ўзбекистон ватанпарварлиги, миллий маънавиятнинг сусайишига, барча миллат ва элатлар болаларини бир хиллаштиришга йўналтирилган восита – «Дастур»нинг мажбурийлиги таъсир қилди. Чунки, дастурда «Ушбу қўлланмада кўрсатилган умумтаълим мактаблари тарбиявий ишлари йўналишлари, умумий ва ёш хусусиятларига қараб муайянлаштирилган тарбиявий вазифалар тарбиявий жараённи режалаштириш ва ташкил қилиш учун мажбурийдир», деб ёзиб қўйилар эди¹.

Тарбияда миллийликни инкор қилиш «Дастур»да белгиланган тарбия шаклларида ҳам намоён бўлди. Буни I–III синфлар учун «Совет тузумида илгари ишчи ва деҳқонлар қандай яшаганлар?» (сухбат), «Октябрь»(сухбат), «Ленин ҳақида»(сухбат), «Революция байрами» ҳамда I–IV синфлар учун «Коммунизм қуришда билимнинг роли», «Интернационал билан танишув», «Менинг Ватаним – СССР» ва бошқа мавзуларда ўтказилган тадбирларда ҳам кўриш мумкин эди. Бундай тадбирлар амалда ўқувчилар онги, ўзлигини англаш жараёнини миллий маданиятдан чалғитиш, «совет халқи», «совет миллати», «янги типдаги одам»ни яратишга қаратилган эди.

¹ Примерное содержание воспитания школьников. – М.: «Просвещение», 1980, с. 7.

Хар бир жамиятнинг ички инқизози тарбиядаги инқизордан бошланади. Совет тузумининг инқизозини ҳам, энг аввало, дунёдаги педагогик назариялардан бири – коммунистик тарбия назарияси ва амалиётининг инқизози деб қараш зарур. Бу инқизознинг сабаблари коммунистик тарбия назарияси ва амалиёти орасидаги тафовут, ҳаётдан узокълик, расмиятчилик, тарбиянинг синфий, партиявий, социалистик мағкуравий асосларга қурилиб, халқлар, инсонлар учун табиий бўлган миллийликка қарши курашганида бўлди. Бу эса, жамият назаридан, собиқ совет педагогикасини ва у орқали умуман педагогикани назарий ва амалий фан сифатида обрўсизлантирди.

Миллийликни миллатчиликка йўйиш, миллий нигилистик кўринишларга жавобан педагог-олимлар ҳам ўз хулосаларини билдирилар. Масалан, собиқ совет этно-педагогикасининг «отаси» профессор Г. Волков: «Дунёда совет мактаби каби номиллий мактаб бўлмайди... Бундан бўён халқ педагогикасидан эмас, аксинча, маънавиятсизликка олиб келиши исботланган номиллийликдан кўркиш керак»¹, – деган эди.

Жаҳон педагогикаси тўплаган жуда бой тажрибадан фарқли ўлароқ, совет педагогикаси миллийликка зидлиги ҳамда юқоридаги сабаблар туфайли истиқболсиз назария ва амалиёт сифатида боши берк кўчага кириб қолди. Ушбу аҳволнинг номиллийлик, маънавий-маданий асосдан ажралиб қолганликдан ташқари яна қатор илмий-назарий, илмий-ташкилий сабаблари ҳам бор эди. Россиялик академиклар А. Бодалев, В. Краковский, Л. Новиковаларнинг, академик Б. Лихачевнинг, собиқ ССРДа илм-фан тараққиётини ўрганиш билан маҳсус шуғулланган америкалик илмшунос Л. Грэхэм, Буюк Британиянинг «Nature» ҳафтаномасининг муҳаррири, доктор Д. Мэдокс ва собиқ совет педагогикасининг антропологик билимлар тизимидағи ўрнини бевосита тадқиқ қилган профессор В. И. Журавлев сингари муаллифларнинг илмий изланишлари натижаларини умумлаштирган ҳолда педагогик инқизознинг сабаблар тизимини туздик. Хуллас, совет педагогикасини инқизозга олиб келган хатолар жаҳон ва, жум-

¹ Педагогика, 1992, № 4–5.

ладан, мустақил Ўзбекистон педагогикасидан қуийдаги хатолардан огоҳ бўлишни тақозо қиласди:

1. Илмий-тадқиқот тизимида тезкорликнинг етишмаслиги.

2. Тадқиқотчилар учун илмий, яшаш шароитининг яратилмаганлиги.

3. Педагогика фанининг хориж илмий дунёсидан ажралиб, ўз қобигига ўралиб қолганлиги.

4. Илмий-тадқиқот тизимининг моддий базасидаги қашшоқлик.

5. Илмий тадқиқотларни ташкил қилиш ва бошқаришнинг талабга жавоб бермаслиги.

6. Айрим илмий йўналишларни ҳаддан ташқари рафбатлантириш ва бошқаларини асоссиз четда қолдириш.

7. Йўл қўйилган хатоларни кечикиб қайд қилиш.

8. Педагогикада буйруқбозлик муносабатларининг кенг кўлланилиши.

9. Педагогика фанини ислоҳ қилиш технологиясининг яратилмаганлиги.

10. Тарбия мақсадини тушунишдаги мавхумлик.

11. Педагогика кафедралари илмий-тадқиқот мавзууларини белгилашда илмий-ижодийликка асосланмаслик.

12. Педагогиканинг бошқа фанлар билан алоқаларининг ривожланмаганлиги.

13. Педагогика фанининг ривожланишини бошқарувчи Педагогика фанлари академияси раҳбарларининг педагог эмасликлари.

14. Методологиянинг номукаммаллиги.

15. Педагогларнинг назарий-педагогик қадриятларни ҳимоя қила билмасликлари.

16. Педагогика фанининг новаторликни тушунишга тайёр эмаслиги.

17. Тарбия амалиётида оғзакилик, расмиятчилик, шаклга зўр бериш.

18. Тарбиянинг объектив миллий характерга эга эканлигини англай билмаслик ва бошқалар.

Собиқ совет педагогикаси назарияси ва амалиётини миллий тарбия нуқтаи назаридан таҳлил қилиш қуийдаги холосаларни берди:

СССРнинг инқирози 20-йилларда совет педагогикаси

ўз мақсад ва вазифаларини пролетар маданиятига асосан белгилаб олган пайтидан, яни 70 йил илгари бошланган эди. Совет педагогикаси пролетар маданияти – мафкураси таъсирида шаклланди ва бу таъсир кейинчалик ҳам сақланиб қолди. Яни, тарбия назарияси, мазмунини белгилашда миллий маданиятдан, ўтмишдан на мазмун, на услубларни ўзига қабул қылғанлиги коммунистик тарбиянинг инқизозини муқаррар қилиб қўйган эди:

тарбиянинг халқчиллиги, миллийлиги билан курашиш «эскилик сарқитлари билан курашиш» дея оқланиб амалга оширилди;

жадидчилар томонидан кўтарилиган таълим ва тарбияда миллий цивилизациялашув гояси Туркистонда дастлаб хон, мутаассиб диндорлар ва чор Россияси мустамлакачилари тазиёқига учраган бўлса, кейинчалик совет тузуми томонидан мутлақо тор-мор қилинди. Сталин яккаҳо-кимлиги даврида эркпарвар фуқаролар каби хур фикрли, миллатпарвар ўқитувчилар «миллатчи» тамғаси билан қатагон қилинди;

СССРда педагогик дарсликлар мазмунини белгилашда Марказий Осиё педагогик маданияти четлаб ўтилди. Бу эса миллий тарбиянинг назарий ривожланишига, уни илмий-педагогик тушунишга йўл бермади;

тиллар тенглиги қўпол равишда бузилиб, рус тили совет давлат тилига айлантирилди. Бундан рус халқи эмас, ВКП(б), КПСС мафкураси билан суғорилган тузум манфаатдор эди. Она тили соатлари камайтирила борилди. Бу эса барча миллатлар болаларининг салбий маргиналлашувига, миллий ўзлиги, фурурининг сусайишига олиб келаверди;

тарбиявий ишлар марказда ишлаб чиқарилган ягона дастур – «Ўқувчиларни тарбиялашнинг тахминий дастури» асосида ташкил қилинди. Ўзбек халқининг миллий фурури, маданияти, тарихи ва истиқболига боғланмаган шу «дастур»ни ўзбек мактабида жорий қилиш мажбурий эди;

ўзбек совет мактабларида олиб борилган коммунистик тарбия мақсади, вазифалари, моҳияти билан ўзбек маҳалла, қишлоқларида объектив ҳолатда мавжуд бўлган миллий тарбиянинг мақсад, вазифалари орасида тафовут

мавжуд эди. Натижада, олижаноб миллий фазилатларимизнинг авлодларга узатилишида жиддий узишлишлар юз берди;

собиқ совет педагогикаси томонидан «Ўзбекистон ватанпарварлиги», «миллий фуурлилик», «виждонийлик», «иймонлилик», «миллий одоблилилк» тушунчалари илмий педагогик нуқтаи назардан ўрганилмади, мактабда ўқувчиларда шакллантирилмади.

Ўзбекистон миллий мустақилликка эришгач, шахс, миллат, мактаб ва давлат манфаатлари бирлашди. Коммунистик тарбия назарияси ва амалиёти жаҳон педагогик тажрибасида ўзига хос «ибратли» из қолдирди ва бундан буён ҳеч бир тарбия тизими миллий ўзаксиз мақсадга ета олмаслигини ўз инқирози мисолида исботлаб кетди.

Ўзбекистонда мустақиллик арафасида ва у қўлга киритилгач, ҳалқ, республика раҳбарияти томонидан кун тартибига қўйилган энг долзарб масала, эҳтиёжлардан бири – мактаб ва тарбиянинг миллийлашуви бўлди. Бу эҳтиёж мустақил Ўзбекистоннинг педагогика фанига берган илк буюртмасига айланди.

МУСТАҚИЛ ЎЗБЕКИСТОНДА МИЛЛИЙ ТАРБИЯ ФОЯСИНинг ТИКЛАНИШИ ВА РИВОЖЛАНИШИ

Собиқ СССРда «миллат», «миллийлик» муаммоси 60-йиллардан файласуфлар томонидан муҳокама қилина бошланди. Дастрас мактаби адабиётларнинг ўзаро таъсири, миллий маданиятларнинг ўзаро бир-бирини бойитиши, маънавий ҳаётнинг байналминаллашуви каби масалалар кун тартибига қўйилди. Бироқ маданият, санъат, анъана, руҳиятнинг миллийлиги эътироф қилинса-да, тарбиянинг миллийлиги эътибордан четда қолаверди. «Миллий тарбия» тушунчасининг фалсафий моҳияти илк бор фалсафа фанлари доктори, профессор С. Отамуродов томонидан кун тартибига қўйилди. Собиқ интернационал тарбияда йўл қўйилган хатоларни умумлаштирад экан, олим ўша даврнинг расмий нуқтаи назарига тамоман зид хulosага келди. Яъни, миллий тарбиясиз байналминал тарбия бўлиши ҳам мумкин эмаслиги; байналминал тарбияни миллий тарбия орқали амалга ошириш лозимлиги; чунки миллий тарбия ўз ҳалқининг маданий қадриятларини синг-

дирган инсонни шакллантириши ва ҳақиқий миллий маданият руҳида тарбияланган кишигина бошқа миллий қадриятлар руҳида тарбияланган кишидаги инсоний фазилатларни англаб, ҳурмат қила олиши; миллий тарбиянинг халқларнинг маънавий яқинлашувига асос бўлиши; миллий тарбия шакл ва услубларининг тиклаб қўлланилиши – жамиятни мафкуравий, маънавий яқдиллашувига, демократлашувига хизмат қилувчи янгича ёндашув бўла олишини фалсафий исботлади. Шўро даврининг сўнгти йиллари ни «миллий маданиятнинг чуқур инқироз ҳолати» деб баҳолаб, С. Отамуродов бу инқироздан кутулиш ҳар бир халқнинг маданий анъаналарини маърифий тиклашга, яъни онгли, мақсадга йўналтирилган тарбияга боғлиқлигини, миллий тарбия истиқболда миллатчилик ва шовинизм каби иллатларнинг олдини олишини асослаб берди.

Ҳар бир жамиятни психологик, мафкуравий ва иқтисадий тангликтан кутқазиш шарти – инсон характерини ўзгартиришга боғлиқ. Лекин тарихда бу вазифани инсон-парварона ҳал этиш ҳамма вақт ҳам амалга ошавермаган. Чунки мустамлакачилик манфаатлари, сиёсийлик, партиявийлик аксарият ҳолларда ушбу муаммони ҳал қилишнинг маърифий усулини инкор қилиб келган.

Инсон ва жамият характерини ўзгартириш қатор маърифий, педагогик ислоҳотлар орқали амалга ошади. Ана шу нуқтаи назардан Ўзбекистон Республикаси Президенти ҳузуридаги Давлат ва жамият қурилиши академиясининг очилиши мамлакатда миллий давлатчиликка хос ва мос миллий тарбия назарияси ва амалиётини ривожлантиришга кучли рағбат бўлди. Президент И. Каримов академиянинг вазифаси фақат муайян нафар кадр тайёрлаб беришдангина иборат бўлиб қолмаслигини, академия «ўзининг илмий, педагогик салоҳияти асосида бутун маориф тизимини ислоҳ қилиш учун янги муҳит, янги шароит яратиб бериши лозим»лигини уқтирди.

Чунки «биз ўзимизнинг ўқув дастурларимиз ва аҳолини маънавий тарбиялаш дастурларини қайтадан кўриб чиқмас эканмиз, ҳеч нарсага эриша олмаймиз»¹, – деди давлатимиз раҳбари.

¹ И. Каримов. Юксак малакали мутахассислар – тараққиёт омили. – Т.: «Ўзбекистон», 1995, 18-бет.

Миллийлик фояси Академия олимлари илмий ишларининг етакчи тамойилига айлантирилди. Натижада, миллий давлатчиликнинг ҳуқуқий асослари профессор А. Азизхўжаев, О. Ҳусанов, сиёсий асослари Р. Жумаев, маънавий асослари профессорлар Н. Комилов, М. Имомназаров ва бошқалар томонидан ишлаб чиқилиб, бойитила бошланди.

Ўзбекистон Республикаси Президенти ҳузуридаги Стратегик тадқиқотлар институтида яратилиб амалга оширилган «Маънавий янгиланиш» Давлат дастурида миллий маънавиятни сақлаб қолиш, тиклаш ва янгилашга қаратилган комплекс тадқиқотлар миллий тарбиянинг стратегик йўналишларини белгилашга замин яратди.

Давлат томонидан кўрсатилётган рағбат ва эътибордан келиб чиқиб, мустақил Ўзбекистонда миллий тарбия фоясининг ривожланишини ўрганиш муайян тамойилларга таянган ҳолда амалга оширилиши лозим. Бу тамойиллар куйидагилардан иборат:

1) республикамиз мустақиллиги арафасида ва бошида қандай маърифий-педагогик қийинчиликлар мавжуд бўлганлигини аниқлаш; 2) мавжуд қийинчиликларни юзага келтирган сабабларнинг аниқланиши; 3) муаммони ижобий ҳал қилишнинг энг тўғри, илмий асосланган йўлларини топиб олиш керак. Шу тариқа миллий тарбия фояси тараққиётини ўрганиш олдига ҳам республикамизда: 1) «миллий тарбия – педагогик муаммо» сифатида; 2) муаммони юзага келтирган сабаблар; 3) уни ечиш учун нималар қилмоқ кераклиги ҳақидаги саволларга жавоб излаш вазифаси қўйилди.

Тарбиянинг моҳиятан миллийлиги ва мактабни миллий руҳдан ажратиш ҳалокатли хато эканлиги ҳақидаги фикрлар илк бор собиқ СССР миқёсида халқ таълими ходимлари Бутуниттифоқ съездидаги (1988 йил 20–22 декабрь) кўтарилиди. Грузия вакили профессор Ш. А. Амонашвили депутатлар диққатини миллий (грузин ва бошқа) ва номиллий (совет мактаби) мавжудлигига қаратди. Таниқли олим ягона дастур, ягона ўқув режаси, ўқитувчи тайёрлашнинг ягона тарзи натижасида мактаблардан миллий маданият ҳайдаб чиқарилганлиги ҳақида гапириб, «Мактабда болаларнинг грузин, яъни она тилида ўқишлари ҳали бу миллий мактаб дегани эмас. Мактабда қачон грузин маданияти руҳи яшар экан, ана шундагина у мак-

таб миллий бўла олади. Рус мактабида ҳам, арман мактабида ҳам, умуман ҳар бир мактабда ана шундай бўлмоғи керак. ...Бизга миллий мактабни қандай қуриш кераклиги ҳақида буйруқ керак эмас. Наҳотки, марказдагилар ўз груzin болаларимизни бизлар – ота-оналар, ўқитувчилардан ҳам ортиқ севувчилар бор, деб ўйласалар», – деди¹. Мазкур чиқиш кейинчалик барча иттифоқдош республикаларда етилган муаммо – таълим-тарбия, мактабнинг миллийлиги ҳақидаги қизғин мунозараларнинг бошланиб кетишига туртки бўлди.

Халқ таълими ходимларининг Бутуниттифоқ съезди арафасида Москва педагогик дунёсида «концепциялар жангиги» кечди. Педагогика Фанлари академияси ўзининг «Умумий ўрта таълим концепцияси»ни съезд делегатларига тарқатди. Концепция мазмунида «миллий ва маҳаллий хусусиятларни ҳам ҳисобга олиш» тамойили илк бор тилга олиб ўтилди, холос.

Ўзбекистонда миллий тарбия муаммоси «миллий мактаб» муаммоси таркибида муҳокама қилина бошлади. Республикамиз жамоатчилиги П. Мусаев, Р. Ҳасанов ва Д. Қўлдошеваларнинг «Фан ва турмуш» ойномасида (1989 йил октябрь) эълон қилинган «Мактабимиз истиқболи ҳақида ўйлар» давра сұхбатини; ЎзПФИТИ бўлим мудири Р. Ҳасановнинг «Мактабга миллий асос керак» («Ўқитувчилар газетаси», 1989 йил 1 ноябрь); профессор К. Юсуповнинг «Миллий мактаб зарурми?» («Ўзбекистон адабиёти ва санъати», 1990 йил 19 ноябрь), «Янги миллий мактаб яратайлик» («Учительская газета», 1990 йил октябрь) сингари ва бошқа қатор чиқишларни катта ташналик билан кутиб олди.

Халқ – муштариyllар фикри газета ва журналларда «Етилган муаммолар ҳақида мактублар», «Таклиф ва мулоҳазалар», «Она тилимиз – бойлигимиз», «Бизнинг мактуб», «Яна миллий мактаб ҳақида», «Миллий мактаб муаммолари», «Мунозара учун мавзуу», «Меҳмоннома» ва бошқа рукнларда мунтазам бериб борилди. Мавзунинг долзарблик даражасини 1990 йил охирига келиб ушбу

¹ Всесоюзный съезд работников народного образования: Стенографический отчет. 20–22 декабря 1988 г. – М.: Выш. шк., 1990, 108-бет.

мавзу бўйича ўзбекистонликлардан ташқари Тожикистон, Қирғизистон, Туркманистон, Қозоғистон фуқароларидан ҳам таҳририятларга 1500 дан ортиқ хат келганлиги ҳам тасдиқлайди. Муҳарририятдагилар ҳам муштарийларнинг бу қадар фаоллиги камдан-кам учрашини қайд қиласланлар¹. Газетхонлардан келган хатлардан парчалар келтирамиз:

«...Шу вақтга қадар ягона совет педагогикаси система-сига амал қилиб келган мактабларимиз программадан чиқа олмади. Керакли-кераксиз фанлар ўтилган. Тарбия иккинчи планга тушириб қўйилди. Натижада, одамлар ўртасида меҳр-муҳаббат, одамийлик унутила бошланди. Миллий ғуур нималигини билмай ўсаётган ёшлар ўртасида безорилик авж олди. Борди-ю, шу ҳол давом этаверса, келгуси аср одамларини, уларнинг ўзаро ҳамкорлигини тасаввур этиши қийин. Аввало мактабга, тарбияга миллий асос бериш керак»² (Ж. Жиловов, Қашқадарё вилоят ўқитувчилар малакасини ошириш институтининг кабинет мудири).

«...Мактабда Макаренко, Ушинский, Сухомлинский ва бошқа атоқли педагогларнинг методикалари асосида иш юритилади. Булар бир жиҳатдан яхши. Бироқ методика ва педагогика бир жойда тўхтаб турмайди-ку! Чунки ёшлар дунёқарашлари ўзгариб бормоқда. Мен айтмоқчи бўлган фикр, яъни ҳар бир миллат фарзанди ўз миллий яшаши шароитида тарбияланади. Инсон бир хил бўлгани билан уларнинг урф-одатлари ҳар хил, яшаши шароити турлича. Шунинг учун Ўрта Осиёда ўқитувчилар ва ёшларни тарбиялаш учун олимларимиз ва актив педагоглар ҳамкорликда янги методика ва педагогика фанини яратишларини истайман. Ҳозир ёшлар фақат насиҳатгўйликни тингламоқдалар. Мактабда ва уйда, радио, телевидение ва матбуотда насиҳат кўпайиб кетди. Менимча: кўп ёшлар радио, телевизордаги насиҳатлардан кўра бадиий фильм бериладе-тган канални бурашади» (Р. Носирова. Янги методлар лозим. «Ўқитувчилар газетаси», 1990 йил 3 март).

«...Миллий мактаб яратишнинг биринчи босқичида ҳар бир ўқитувчи мавжуд программа ва дарсликларга ижодий ёндашиб, дарс жараёнида таълим мазмунини миллийлаш-

¹ Миллий мактаб пойдеворини яратиш йўлида. Матбуотда эълон қилинган мақолалар тўплами. Т.: ЎзПФИТИ, 1991, 94-бет.

² Ўша манба. 50-бет.

тирмоқни ўрганмоги лозим. Бунинг учун ўқитувчи ўтаёт-ган дарсига мувофиқ равишда юртимиз тарихи, географияси, халқимиз маданияти ва урф-одатлари, анъаналаридан ҳам тўлиқ хабардор бўлиши талаб этилади. Иккинчи босқичда мутахассисларнинг илмий изланишлари асосида миллий руҳда ёзилган қўлланма ва дарслеклар асосида ўқитувчилар дарс олиб боради»¹. (К. Тешабоев. Фаргона вилояти Риштон туманидаги 32-ўрта мактаб география ўқитувчиси).

«...Хўш, мактабларни миллийлаштириш шунчаки миллий ҳиссияётларга ёки ўз-ўзини англашга қаратилган бир тадбирми? Ундаи эмас. Мактабларни миллийлаштириш замидида кенг маъно бор. Бизнингча, миллий мактабларнинг яратилиши, биринчидан, ўзбек халқининг урф-одатлари, анъаналари, ахлоқ нормаларини, миллий қиёфасини тиклаш имконини беради. Иккинчидан, у миллий ғуурни шакллантиради, ўз-ўзини англаш, ўз халқи ва унинг келажагига жавобгар бўлган ва бу жавобгарликни ҳис этувчи ватанпарварларни етиштиришга кўмаклашади; учинчидан, мактабларда таълим мазмунини тез ва осон ўзлаштириш имконини беради; тўртинчидан, ўзбек халқини дунё маданиятида ўз ўрнини топишига шароит яратади; ниҳоят, охиргиси, ўзбек халқининг бирлигини таъминлаш ва иқтисодиётимизни яхшилашга йўл очиб беради»² (К. Фозилхўжаев, Р. Ҳасанов. Истиқболимиз гарови).

Кенг жамоатчилик томонидан билдирилган бундай таклифлар, мулоҳазалар нафақат соҳага алоқадор «Фан ва турмуш», «Мактабгача тарбия», «Бошлангич таълим» сингари нашрлар, балки «Ўқитувчилар газетаси», «Ўзбекистон адабиёти ва санъати», «Туркистон», «Халқ сўзи», «Ўзбекистон овози», «Ватан», «Оила ва жамият», «Маърифат» ва бошқа газеталарда, «Халқ таълими», «Совет шарқи мусулмонлари», «Ёш куч» каби журналларда, радио, телевидение эшиттирув ва кўрсатувларида буюк бир фаоллик, куюнчаклик билан билдирилди. Бу қадар фаоллик миллий мактаб яратиш, тарбияни миллий асосга куриш гояси республикамида ижтимоий онгга айланганлигини, ўзбек халқининг миллийликка, ўз фарзандлари-

¹ Миллий мактаб пойдеворини яратиш йўлида. Матбуотда эълон қилинган мақолалар тўплами. Т.: ЎзПФИТИ, 1991, 73-бет.

² Ўша манба. 80-бет.

да миллий рух, миллий одоб-ахлоқ, пок виждан, ватан-парварликни кўришни қанчалик исташларининг кўрсат-кичи эди.

Миллий тарбия зарурати нафақат матбуотда, балки республикамизда турли кўлам ва даражаларда педагогик, мағкуравий, маънавий-маърифий эҳтиёж сифатида қизғин муҳокама қилинди. 1990 йил 17 ноябрь куни Тошкент шаҳрида Ўзбекистон ўқитувчиларининг конференцияси бўлиб ўтди. Унинг резолюцияларида «Жумҳуриятда умумий ўрта таълимни қайта қуриш» бўйича Халқ таълими вазирлигига қўйидаги таклифлар билдирилди:

Ўзбекистон ССЖ Фанлар академияси билан ҳамкорликда жумҳуриятда мактаб таълими мазмунини жамият талаби даражасига кўтариш, миллий маданий анъаналарни, мавжуд имкониятларни ҳисобга олган ҳолда қайта кўриб чиқишга асосий дикқат-эътибор қаратилсин;

жумҳуриятнинг миллий мактаби Концепцияси ишлаб чиқилсин ва уни амалга ошириш дастури тузилсин.

Жумҳуриятда мактабдан ташқари тарбияни қайта қуриш ҳақида ЎзССЖ Халқ таълими вазирлигига:

– Миллий-маданий анъаналар ва умуминсоний қадриятлар ҳамда руҳий-педагогика фанининг замонавий ютуқларига асосланган ҳолда Ўзбекистон ўқувчи ёшларини тарбиялаш дастурини ишлаб чиқиш ишини яқин кунлар ичida амалга ошириш;

– Халқ таълими вазирлигига, халқ таълими вилоят бошқармаларига, Тошкент ижроқўми халқ таълими Бош бошқармасига, ноҳия (шаҳар) халқ таълими бўлимларига, мактабгача ва мактабдан ташқари муассасаларга, мактабларга, ҳунар-техника билим юртларига, педагогика билим юртлари ва олий илмгоҳларига, халқ таълими ходимлари малакасини ошириш институтларига ушбу резолюцияларни дастуриламал сифатида қабул қилиб, ўзларининг амалий фаолиятларида кенг қўллаб бориш таклиф этилди¹.

Миллий тарбия фоясининг давлат аҳамиятига молик масала сифатидаги кўламини кўрсатиш учун қўйидаги

¹ Ўзбекистон ўқитувчилари конференциясининг қарори. «Ўқитувчилар газетаси», 1990 йил 26 декабрь.

жадвалга мурожаат қиласиз. Зеро бу – миллий тарбия назарияси ва амалиётини илмий асослаш нуқтаи назаридан катта аҳамиятга эгадир.

Миллий тарбиянинг назарий ва халқаро, республика, вилоят миқёсларидағи амалий масалалари бевосита ва билвосита муҳокама қилинган айрим тадбир, анжуман, семинар, йигилиш, конференциялар

Т.р.	Мавзуси, йўналиши	Жойи, вақти	Шакли	Ташкилотчи
1.	Собиқ СССРда «миллий мактаб», «мактабда миллий маданият руҳи» тушунчаларининг муҳокама қила бошланиши	Москва 1988	Халқ таълимни ходимларининг Бутунитти-фоқ съезди	Ш. А. Амонашвили
2.	Ўзбекистонда миллий тарбия ғоясининг «миллий мактаб» муаммоси таркибида қизғин муҳокама қила бошланиши	1989	Республика миқёсида	
3.	Ўз ПМ Республика халқ маорифининг миллий асосдаги Концепциясини ишлаб чиқиш ҳақида қарор қабул қилди	1989	Ўз ПМ бюро қарори	
4.	«Мактабга миллий асос керак»	1990	Қашқадарё вилоят ўқитувчилар малакасини ошириш институтида баҳс, давра суҳбати	Қашқадарё ВУМОИ

5.	«Келажагимиз мактабда»	1990 «Ўқитувчи-лар газетаси»	Мурожаат-нома	
6.	Ўзбекистон Жумхуриягининг умумий ўрта таълим мактаби тўғрисида муваққат Низоми	1991 октябрь	Низом	Республика Халқ таълими вазирлиги
7.	Ўзбекистон ўқитувчилар конференцияси	1990 ноябрь	Конференция резолюциялари	Республика Халқ таълими вазирлиги
8.	«Миллий мактаб муаммолари» Республика жамоатчилик илмий Маркази	1992 февраль	Ойда бир ўтказилувчи семинарлар	ЎзПФИТИ Р.Хасанов
9.	«Кун тартибида – миллий мактаб»	1992 март	Фаоллар йиғилиши	Республика ўқитувчилар уйи
10.	«Ўзбек халқ педагогикасини қайта тиклаш йўриқномаси (концепцияси) эълон қилинди	1992 июль	Концепция	ЎзПФИТИ халқ педагогикасини ўрганиш бўлими
11.	«Миллий қадриятларимиз мактаб ва маҳаллаларда тарбия ишларини олиб боришда муҳим омил»	1992	Илмий-амалий конференция	ЎзПФИТИ
12.	Миллий – мактаб ва уни шакллантириш муаммолари	1992 март	Илмий анжуман	Низомий номли ТДПИ

13.	Ўқитувчининг педагогик маҳоратини оширишда олий ва умумтаълим мактабларининг ҳамкорлиги (тавсиялар)	1992	Пленум йиғилиши	Ўзбекистон педагогика жамияти
14.	«Ўзбек мактаби ўқитувчисининг сиймоси» (ички ва ташқи)	1992	Илмий марказ йиғилиши	ЎзПФИТИ
15.	«Миллий мактаб»: уни қачон шакллантирамиз?»	1992	Давра суҳбати	«Маърифат» газетаси
16.	«Миллий мактаб» тажриба ва истиқбол	1992	«Ўқитувчи-92» кўрик танлови	РУММ
17.	«Ўзбекистон тарихини ўқитишнинг долзарб вазифалари»	1992	Республика илмий-амалий конференцияси	Ўзбекистон Олий ва ўрта маҳсус таълим вазирлиги
18.	Шарқнинг улуғ мутафаккирлари меросида таълимтарбия масалалари	1993 январь	Республика илмий-амалий анжу-мани	Низомий номли ТДПИ
19.	«Тарбия – барча-нинг муқаддас иши»	1993	Республика ўқитувчилар уйи қошидаги уруш ва меҳнат фахрийлари кенгаши мурожаати	«Маърифат» газетаси

20.	«Билим масканларини миллийлаштириш муаммолари»	1993 апрель	Республика семинар кенгаши. ХТ вазир-лигининг кўчма ҳайъат йиғилиши	Бухоро вилоят ўқитувчилар малакасини ошириш институти
21.	«Миллий мактаб ва тарбиянинг тараққиёт истиқболлари»	1993 Тошкент	Республика педагог олимлари-нинг илмий ишлари тўплами	Низомий номли ТДПУ
22.	«Миллий мактаб: концепция ва ривожлантириш технологияси»	1993 март	Халқаро конференция	ЮНЕСКО
23.	«Президент И. Каримов асарларини ўрганиш ва тарғиб қилиш»	1993 июль	Илмий-назарий анжуман	Низомий номли ТДПУ
24.	«Ўзбек оиласининг этнопсихологик муаммолари»	1993 октябрь	Республика илмий-амалий анжу-мани	Республика ўқитувчилар малакасини ошириш институти
25.	«Мафкура ва тарбия муаммолари: назария ва амалиёт	1994 апрель	Республика илмий-амалий конференцияси	Тошкент кимё-технология институти

26.	«Ўзбекистон ўқитувчилари ва талабаларини миллий истиқдол руҳида тарбиялаш»	1994 сентябрь	Республика илмий-амалий анжумани	Олий ва ўрта маҳсус таълим вазирлиги; Республика маънавият ва маърифат жамоатчилик маркази; СамДУ; ВПХМОИ
27.	Миллий тарбияни юксалтиришда давлат бош ислоҳотчи бўлиши Ўзбекистоннинг сиёсий-ижтимоий истиқболининг асосий тамойилларидан бирига айлантирилди	1995 февраль	Президент И. Каримовнинг Ўзбекистон Республикаси Олий Мажлиси-даги маъруzasи	Тошкент

Тадқиқотимиз вазифалари социологик сўровлар ўтказиб, кенг жамоатчиликнинг, маориф ходимлари, раҳбарлари, ташкилотчиларининг тарбиядаги миллийликка ва уни ўзбек мактабларида жорий қилинишига муносабатларини ўрганишни тақозо қилди.

Миллий тарбия мақсадини янада муайян, замонавий талқин қилиш учун Ўзбекистон Республикаси халқ депутатлари сессиялари материаллари; Президент ва Вазирлар Маҳкамаси чиқарган фармонлар, қарорлар; мустақил Ўзбекистон Конституцияси; Ўзбекистон миллий истиқлол мағкурасининг илмий асослари; республиканинг иқтисодий ва ижтимоий талаблари ифодаланган давлат ҳужжатлари, шартномалари ўрганилди. Мақсад – юқорида зикр этилган ҳужжатлардан Ўзбекистон педагогикаси билан боғлиқ мазмунни аниқлаб олмоқ эди. Мақсадли маълумот қидирув олдига «Халқимиз ва давлатимиз миллий тарбиянинг мақсади, усувлари, шакллари, воситалари, натижасини қандай тасаввур қилмоқда?», «Ўқувчилар ха-

рактерида қандай сифатларнинг мужассам бўлишини истайди ва қайси сифатлардан норози?» каби муайян педагогик саволларга жавоб олиш вазифа қилиб қўйилди. Мақсад — халқимизнинг педагогик тафаккуридаги тарбиявий мақсадни англаб, уни илмий педагогик назария билан уйғунлаштириш ва шу орқали назария ва амалиётнинг, тарбия ва ҳаётнинг бирлигига эришиш эди.

Мустақил Ўзбекистонда юқоридаги саволлар ва мақсадга жавоб берувчи қудратли манба барпо қилинди. Бу — Ўзбекистоннинг миллий истиқлол мафкураси бўлди. Галдаги вазифа — мафкуранинг миллий асосларига миллий тарбиянинг илмий асосларини уйғунлаштириш эди. Чунки «миллий мафкуруни онгимизга сингдирувчи амалий тарбияни йўлга қўймоқ керак» (И. Каримов)лиги давлат аҳамиятига молик заруриттга айланган эди. Шу тариқа миллий тарбиянинг миллий мафкура билан уйғунлигига эришиш қўйидаги йўналишларда белгиланди:

Ахлоқда, хулқ-одобда ва фуқаролар онгидаги миллийлик руҳини, ҳис-туйғуларини ривожлантириш учун кенг имкониятлар яратиш... Ахлоқ ва онгда миллий фуурни шакллантириш;

— ахлоқдаги, хулқ-одобдаги миллийликни умуминсоний ахлоқий қадриятларни ўзлаштириш, уларни тарбияга сингдириш асосида юксалтириш, ахлоқий меросдан кенг фойдаланиш, ахлоқ ва онгни бошқа халқ ва миллатларга хайриҳоҳлик, дўстлик, улар билан тинч-тотувлик руҳида тарбиялаш, ёшларга байналминаллик туйғусини ҳамда миллий низоларга, камситишларга, менсимасликларга эса нафрат ҳиссини сингдириш¹. Шу тариқа Ўзбекистоннинг миллий истиқлол мафкураси илмий асосларидан келиб чиқувчи «миллий одоб», «миллий фуур», «миллатлараро мулоқот маданияти» каби фазилатларни шакллантириш миллий тарбиянинг вазифаларига айлантирилди.

Мустақиллик шарофати билан республикамиизда таълимни ташкил қилиш, лицейлар, колледжлар очиш, иқтидорли болаларга фамхўрлик қилиш, таълимнинг сифати-

¹ Ўзбекистон Республикаси миллий истиқлол мафкурасининг илмий асослари (лойиҳа). «Ўзбекистонда ижтимоий фанлар», 1993 йил, 74–75-бетлар.

ни жаҳон стандартлари даражасига етказиш йўлида хайрли ишлар бошланди. Галдаги вазифа – тарбия масаласини ҳам шу даражада ҳал қилиш эди. Зеро, собиқ совет педагогикасидаги «таълимнинг ўзи тарбиялайди», дея тарбияни иккинчи даражали иш деб қараш, ҳатто айрим билимли кишилардаги сўз ва иш орасидаги тафовутда намоён бўлмоқда эди. ОАВларида айрим билимли ишбилармонлар халқимизнинг хориждан валюта ҳисобига келтирилган ризқ-рўзини ўғирлаб, четга чиқариб сотганлари; бундай жиноятларнинг бошида 276 нафар мансабдор шахслар турганлиги (Ўзбекистон ТВ: «Шаҳар бедарвоза эмас кўрсатуви, 1993 йил 14 июнь»), қонунлар олий маълумотли кишилар томонидан ҳам бот-бот бузилаётганлиги, айрим мактаб ўқитувчиларининг ватанимиз келажагини ўйлаш у ёқда турсин, ҳатто маош, имтиёzlари ошириб қўйилгандан кейин ҳам ўз дарслари сифатини оширишга уринмаётганликлари ва бошқалар ҳақида ташвишли хабарлар билдирилмоқда эди. Республика Президенти бу ҳодисани виждан масаласи, яъни аҳолининг бир қисмида ният – сўз – иш орасида фарқнинг мавжудлигига деб баҳолади. Мавжуд ҳолат ёш авлодни ана шу иллатдан ҳимоя қилиш учун уларнинг нияти, сўзи ва иши бир – соф виждан соҳиблари этиб тарбиялаш заруратини педагогика фанига ижтимоий буюртма сифатида белгилашга асос бўлди.

Халқ таълими амалиётчиларининг миллий тарбия йўналишларига муносабатларини англаш ва шу асосда миллий тарбия мақсадида, республикамиз вилоятлари мактаблари директорлари, илмий бўлим мудирлари, тарбиявий ишлар ташкилотчилари орасида социологик сўровлар ўтказилди. Сўралганларнинг барчasi ҳар бир киши ўз халқи, миллати урф-одатлари руҳида тарбияланиши лозим, бу жараён мақсадга йўналтирилган бўлиши керак, деб ҳисоблади. Уларнинг фикрича, мактаблар ўқувчиларда миллий фазилатларни, қадриятларни системасиз, яъни қониқарсиз шакллантирмоқда (91,4%). Шунинг учун ўзбек мактабларида тарбия мазмуни тубдан, миллий асосда ислоҳ қилиниши керак. Сўралганларнинг 99,4 фоизи ўқувчиларнинг тарбияланганлигининг мавжуд даражаси мустақил Ўзбекистон истиқоли талабларига жавоб берга олмасли-

гини қайд этишди. Тарбиянинг моҳияти ҳақидаги саволга респондентларнинг 0,4% – ўзбек мактабларида ўқувчиларни совет давридагидек, 89% – ҳам миллий, ҳам замонавий, 10,6 – қадимий мусулмон анъаналари руҳида тарбиялаш керак, деган фикрни билдирилар.

«Ўқувчиларнинг ўз миллий тарихига, маданиятига қизиқишлари уларнинг бошқа миллат болалари билан муносабатларининг ёмонлашувига олиб келадими? Бу фикрга Сиз қандай қарайсиз?» деган саволга сўралган ўқитувчи-тарбиячиларнинг 8,6% и қўшилишини, 5,1% и бирор фикр айтишга қийналишини ва 86,3% и эса бу фикрга қўшилмаслигини билдириди. Шунингдек, сўралганларнинг 75% и ўқувчиларнинг ягона мактаб кийими бўлиши керак, акс ҳолда улар орасида моддий тенгсизлик кайфијати пайдо бўлиб, тарбияга зарар келтиради, деб ҳисобладилар. Бу фикрга сўралганларнинг 18% и қўшилмади.

Социологик-педагогик сўров натижалари мактабларимизда олиб борилаётган тарбиянинг мавжуд мақсади, вазифалари мустақил Ўзбекистонни жаҳоннинг энг тараққий этган давлатларидан бирига айлантиришнинг педагогик кафолатини яратишга тайёр эмаслигини; шунинг учун ҳам тарбия тизими тубдан ислоҳ қилиниши – ҳам миллий, ҳам замонавий Ўзбекистон фуқароларини – ватанпарварларини шакллантиришга йўналтирилиши лозимлигини; истиқлол мақсадларини мукаммал амалга оширувчи фазилатларни, жумладан, миллий фурур, ватанпарварлик, миллатлараро мулоқот маданияти, миллий одоб, мафкуравий онглиликни шакллантирмай туриб Ўзбекистонни жаҳоннинг энг тараққий этган мамлакатларидан бирига айлантириб бўлмаслигини кўрсатди.

Социологик-педагогик таҳлил юқоридаги конструктивоялар, фактлар билан бирга «Ўзбекнинг энг асосий фазилатлари, асосий хислатлари нималарда намоён бўлади?» деган саволга жавоблар тизимини ҳам белгилаб берди. Респондентлар жамиятимизнинг ҳаётида учраб турган салбий сифатларни ҳам қайд қилдилар. Бу эса нафақат ижобий сифатларни умумлаштириб, миллий истиқлолий фазилатларни асослаб олишга, балки салбий сифатлардан ўқувчиларни асрарнинг педагогик чораларини аниқлашга ҳам хизмат қилди.

Респондентлар қайд этган ижобий ва салбий сифатлар

Ижобий сифатлар

Дүйстга вафодорлик
Үртоқлык
Мәхмөндүстлик
Одамгарчилик
Инсонпарварлык
Табибиркор-чаққонлик
Ахлоқан теранлик
Түрмушга нафосат билан қараш
Үкүвлилік
Фазилатлилік
Сахийлік
Хүшмуюмалалык
Күп билан бирға бўлиш
Хәёлилік
Сизлаб муомала қилиш
Озодалик
Хушфеълік
Мардлик
Назокатлилік
Самимийлік
Зийраклік
Лутф-қарамалилік
Рўзгоршунослик
Шинавандалик
Она тилида соғ сўзлаш
Ташаббускорлик
Миллий мағкуравий эътиқодлилік
Миллий санъатга шайдолик
Миллий гуурлік
Ватанга муҳаббатлилік
Соғ вижданлилік
Ор-номуслилік
Бошқа халқларга ҳурмат
Вазминлік
Миллий ифтихор
Ўтмишга ҳурмат
Диёнатлилік ва бошқалар

Салбий сифатлар

Манманлік
Исрофгарчилик
Лаганбардорлик
Тилёғламалик
Хасислик
Тамагирлик
Шуҳратпарастлик
Худбинлик
Беҳаёлик
Манфаатпарастлик
Бемехрлик
Қонунбузарлик
Жиноятчилик
Безорилик
Гиёҳвандлик
Муаллимларни ҳақоратлаш
Ота-онага мәхрсизлик
Марҳумларни ёмонлаш
Миллий фуурсизлик
Маънавий қашшоқлик
Андишасизлик
Беҳаёлик
Маданий қашшоқлик
Қиморбозлик
Ичкиликбозлик
Ватан туйғусини ҳис қилмаслик
Тажовузкорлик
Сўз ва иш орасидаги тафовут
Халқ олдида бурчсизлик
Маҳаллийчилик
Уят сўзларни ишлатиш
Иймонсизлик
Бекарорлик
Ўтмишга бехурматлик
Хотин-қизларга дағаллик
ва бошқалар

Хуллас, XXI аср остонасида турган жамиятимиз ўсиб келаётган авлодларда юқоридаги ижобий, миллий сифатларнинг намоён бўлишини ва салбий сифатларнинг бартараф қилинишини истар эди. Бунинг асосий шартлари-

дан бири эса мактабнинг, тарбиянинг миллий асосга қурилишидир. Миллий мактаб, миллий тарбияга эҳтиёжнинг қанчалик ўткир бўлганлигини 1989–1993 йилларда республикамиз матбуоти, хусусан, «Маърифат» газетасида эълон қилинган «Амалий иш қачон?», «Қулоқ солинг, мутасадди ташкилотлар!», «Миллий мактаб зарур» ва бошқа мақолалардаги мисралардан ҳам яққол сезиш мумкин эди:

«Мактабда миллий маданиятга, миллий қадриятга ва болалар тарбиясига кўпроқ эътибор берилса, жамиятизмизда жиноят ва тартибсизликлар бирмунча камаяр эди... Сизлардан миллий мактаб масаласини ижобий ҳал қилишда кўмак беришингизни сўраймиз» (А. Юнусов, А. Илҳомов, У. Каримов, А. Юсупов – Иккинчи жаҳон уруши қатнашчилари (жами 677 имзо).

Барча соҳаларда бўлгани каби, ўтиш даври педагогикаси ҳам ўзига хос қарама-қаршиликларга эга эди. Жумладан, миллий истиқдолни мустаҳкамлашнинг маданий, маърифий воситаси бўлган «миллий мактаб», «миллий тарбия» foялари жойларда эскича талқин қилинди. Бундай муносабат Президент И. Каримовнинг 1993 йил апрель ойидаги республика ижодкор зиёлилари билан бўлиб ўтган учрашувидаги ўз мафкуравий баҳосини олди. Ўзбекистон ҳалқ ёзувчиси О. Ёкубов Президентта мурожаат қилиб, «Биз ўзбек ҳалқининг миллий туйғусига бағищланган бир кўрсатувда иштирок этдик. Афсуски, бизнинг чиқишимизга қаршилик қилганлар ҳам бўлди», – деганида, Президент бу воқеага ўз муносабатини билдириб, шундай деди: – «Ҳалқимиз орасида бир вақтлар унинг елкасига миниб, ҳаққини еб, ҳукмдорлик қилиб юрган одамлар жуда кўп. Зеро, биз совет тузумида уч-тўртта авлодни кўрдик. Улар қандай тарбия олди? «Кремль юлдузи»га итоат қилмасанг, мансабда ўтирамайсан», – деган гаплар бўлган. Кимки ўз юртини, ўз ҳалқини сотмаса, мансабдан кетарди. Мустақиллик, ҳалқнинг миллий анъаналари, гурурини тиклашга қарши чиқадиганлар ўша тоифадаги одамлардир. Менинг хавотир бўлаётган жойим ҳам шу. Агар аҳил бўлсак, ўзимиздан соткин чиқмаса, ўзбек ҳалқини ҳеч ким енга олмайди»¹.

¹ **И. Каримов.** Ўзбекистон XXI аср бўсағасида: хавфсизликка таҳдид, барқарорлик шартлари ва тараққиёт кафолатлари. – Т: Ўзбекистон, 1997. – 326 б.

Ўзбекистон Республикаси Кадрлар тайёрлаш Миллий дастури бу борадаги саволларга аниқлик киритди. Яъни, таълим соҳасини тубдан ислоҳ қилиш, уни ўтмишдан қолган мафкуравий қарашлар ва сарқитлардан тўла халос этиш, ривожланган демократик давлатлар даражасида, юксак ва ахлоқий талабларга жавоб берувчи юқори мала-кали кадрлар тайёрлашнинг «миллий тизимини яратиш» давлат сиёсатига айланди¹.

Хуллас, Ўзбекистонда мустақиллик арафасида ва у кўлга киритилгач, жамоатчилик томонидан кўтарилган энг муҳим масалалардан бири мактаб ва ундаги тарбиявий жараённинг миллийлашуви масаласи бўлди. Миллий тарбиянинг тикланиши ва ривожланишини ўрганиш натижасида ҳосил қилинган хulosалар қўйидагилардан иборат:

1. Миллий истиқлол арафасида ва у кўлга киритилганидан кейин ўзбек халқи ўз миллий қадр-қимматини англай бошлади. Аждодлар ёди, миллийлик, жонажон маданият ҳақида эълон қилинган кўплаб бадиий, публицистик, ижтимоий-тариҳий, диний, маърифий адабиётлар, телевизион кўрсатувлар ва радио эшиттиришлари педагогик ўзликни ҳам тиклаш эҳтиёжини уйғотди.

2. Мустақиллик Декларациясининг (1990) эълон қилиниши, СССРнинг парчаланиб кетиши, Президент бошқаруви тизимига ўтиш, миллий мустақилликнинг кўлга киритилиши, Конституциянинг қабул қилиниши, Ўзбекистоннинг дунёга, дунёнинг Ўзбекистонга юз тутиши, миллий истиқлол мафкурасининг халқ онгига сингиб бориши педагогик тафаккурда ҳам ўз аксини топа борди. Мактаб, ўқитувчилар, халқ ва давлатнинг миллий-тарбиявий қарашлардаги бирлиги тобора ойдинлаша борди.

3. Таълим ва тарбияда миллий қадриятларни тиклаш жамоатчилик асосида фаолият кўрсатувчи турли илмий марказларнинг семинарлари, конференциялари, кенгашларининг дикқат марказида турган мавзууларга айлана борди.

¹ «Баркамол авлод – Ўзбекистон тараққиётининг пойдевори». Президент И. Каримовнинг Ўзбекистон Республикаси Олий Мажлиси IX сессиясида сўзлаган нутқи. «Туркистон», 1997 йил 30 август.

4. Мустақил Ўзбекистоннинг истиқлол ва тараққиёт йўлиниң режалари; республиканинг бозор иқтисодиётига ўтишининг беш тамойили; Президент И. Каримов томонидан Ватан манфаатлари атрофидаги миллий бирликкина Ўзбекистонни жаҳоннинг энг тараққий этган мамлакатлари қаторига кўтаради, деган фояси; миллий тарбияни юксалтириш бош ислоҳотчининг тамойилига айлантирилиши кераклиги ҳақидаги миллий-маърифий фоялари; Кадрлар тайёрлашнинг миллий дастури давлатимизнинг миллий тарбияга ижтимоий буюртмасини ифодалади.

5. Мустақиллик шарофати билан собиқ коммунистик мафкура ўрнига Ўзбекистоннинг миллий истиқлол мафкураси амалга оширила бошланди. Бу эса республикада миллий тарбиянинг мафкуравий асосини яратди.

6. ЮНЕСКО ташаббуси билан «Миллий мактаб: концепция ва ривожлантириш технологияси» мавзуси бўйича ўтказилган конференцияда «Хозирги ривожланишнинг тезкор оқимида ҳар бир миллат фақат ўз миллий тарбияси тизимига таянгандагина ўзини сақлаб қола олиши мумкин»лиги тарбияни миллий асосга куришни умуминсоний педагогик зарурат даражасига кўтарди¹. Шу тариқа ўзбек давлатининг буюклиги, унинг қудрати ҳар бир фуқаронинг миллий фурури, ватанпарварлиги, иш ва сўз бирлиги, миллатлараро мулоқот маданияти, миллий одоби, миллий мафкуравий онглилигини тарбиялашга боғлиқ экани тобора ойдинлаша борди.

Иzlанишларимизнинг илмий педагогик талқини бизга ўқувчиларнинг миллий тарбияланганлик мезонларини ишлаб чиқиш имконини беради. Демак, қуйида биз замонавий ўзбек мактаби ўқувчисининг миллий тарбияланганлик мезонлари масаласига тўхталамиз.

Ўқувчилариининг миллий тарбияланганлик мезонлари

Кадрлар тайёрлаш миллий дастурини рўёбга чиқаришнинг биринчи босқичи(1997–2001)да таълим олувчиларнинг маданий ва маънавий-ахлоқий савияси сифатига

¹ «Учительская газета», 6 апреля 1993 года.

қўйиладиган зарур талабларни белгилаб берувчи давлат таълим стандартларини яратиш ва жорий қилиш кўзда тутилди. Бу – бевосита янги фазилатлар, янги мезонлар, янги талаблар масаласи демакдир.

Табиат ва жамиятда ҳар бир предмет, ҳодиса муайян илмий таърифга эга. Худди шунингдек, миллий истиқлолий фазилатларнинг ҳам муайян таърифини англамай туриб, уларни шакллантиришга киришишнинг самараси бўлмайди. Шу боис миллий-тарбиявий фазилатларнинг лугавий, этимологик мазмунларидан келиб чиқувчи педагогик таърифи аниқланиши лозим.

Тарбия назариясида янги тушунчаларнинг пайдо бўлиши ижтимоий, маданий, сиёсий, мафкуравий ҳаётда рўй берган ўзгаришлар билан белгиланади.


Миллий мустақиллик педагогика – тарбия ҳақидаги фанда ҳам кескин ислоҳотлар заруратини пайдо қилди. Бу эса, ўз навбатида, совет тарбия назариясида ўрганилмаган «ўқувчининг миллий гурури», «Ўзбекистон ўқувчисининг ватанпарварлиги», «ўқувчининг миллий одоби», «ўқувчи миллий виждони», «ўқувчининг миллатлараро мулоқот маданияти», «ўқувчининг миллий мафкуравий онглилиги» каби фазилат мезонларини илмий асослашни талаб қиласди. Зеро бу:

- замонавий педагогика фанининг моделлаштириш усулини самарали қўллаш;
- тарбия услубияти, технологияси бўйича педагогика қўлга киритган илмий ютуқлардан фойдаланиш;
- жаҳон тарбиявий тажрибалари намуналарига асосланиш;
- миллий тарбиявий фазилатларнинг Ўзбекистоннинг ўз истиқтол ва тараққиёт йўли талабларидан келиб чиқиб белгилаш;
- мезонлар мазмунида миллийлик, аждодларга, замондошларга хурмат, маданий ворислик тамойилларини сақлаш, рағбатлантириш;
- системалик, комплекслийк, яхлитлик, функционаллик, шахсий хусусиятларга асосланувчи ёндашувлар ўйғунлигига эришиш учун имкон яратади.

Ўқувчининг ўз фаолиятида, туйғу-ҳиссиёти ва бошқаларга қиласидиган муносабатида намоён бўладиган сифатлари, хислатлари унинг ҳаётда кўзлаган мақсадлари, ниятига қараб ё ижобий, ё салбий мазмун касб этади. Шу сабабли миллий тарбияланганлик мезонларини белгилашда ўқувчилар хулқ-атвори, ниятининг ижтимоий-маънавий йўналтирилганлигига эътибор берилди.

Миллий тарбияланганлик мезонлари ўқувчи шахснинг миллий хусусиятга бевосита алоқадор бўлган фазилатлари ва унинг ўзаро алоқадорлиги (миллий-маданий детерминизм) тамойилидан келиб чиқиб асосланди. Буни куйидагича шарҳлаш мумкин. Ўқувчининг «миллий фурури», «миллий одоби», «миллий мафкуравий онглилиги», «миллатлараро мулоқот маданияти» тушунчалари миллий ўзакка эга. Яъни, қандайдир мавхум «фуур», «мафкура», «одоб», «мулоқот маданияти» эмас, балки муайян хусусиятга эгалиги эътироф этилади. Ушбу фазилатлардаги миллийлик ўқувчининг миллий ўзлигини англаш жараёни билан бевосита боғланади. Натижада, ёш авлоднинг миллий туйғуси стихияли эмас, балки миллий истиқтол мақсадларига, яратувчилик мақсадларига йўналтирилади, хизмат қилдирилади. Бу – миллий фуурни миллатчиликдан, маҳаллийчиликдан, ўз халқига бефарқлиқдан, манқуртликдан ҳимоя қиласи.

Ўзбекистон ватанпарварлиги ўзбек ўғил-қизларидан алоҳида фидойиликни, масъулиятни, Ватан тақдирига онгли муносабатни талаб қиласи. Миллий виждонийлик эса универсал хусусиятга эга бўлиб, юқоридаги (миллий туйғуга бевосита боғланувчи) фазилатларни шакллантиришнинг ишончли кафолатини, яъни, билим – сўз – хатти-ҳаракат (амал қилиш) бирлигини таъминлайди, назорат қиласи.



МТ – миллий туйғу; ЎВ – Ўзбекистон ватанпарварлиги;
 ММО – миллий мафқуравий онглилик; В – виждонийлик; МММ
 – миллатлараро мулокот маданияти;
 MF – миллий фурур; МО – миллий одоб.

Муаммога бевосита алоқадор масалаларни мақсадли ўрганиш:

ватан тарихидан бехабарлик, миллий урф-одатлардан узоқлашиш натижасида ёшларда миллий виждон ҳисси сусая бошлаганини;

миллий ўзлик сўна бошлаганини, миллат, Ўзбекистон, она тили тақдирига лоқайдлик, бефарқлик муносабатлари қарор топганини;

миллий виждонни уйғотмай туриб ёш авлодга ўзининг қандай қавм, элат, миллатта мансублигини англашиб мушкул бўлишини;

нафақат ўқувчилар, балки бўлажак ўқитувчиларни ҳам ушбу фаолиятга тайёрлаш долзарб аҳамиятга моликлигини;

демак, бўлажак ўқитувчи-тарбиячиларда ҳам миллий виждонни шакллантириш вазифасини кун тартибига кўйиш лозимлигини кўрсатди.

Ушбу хуолоса кейинчалик ҳалқ таълимини ислоҳ қилишга қаратилган муайян хужжатларда ўз ифодасини топди. Ана шу истиқтолий буюртмадан келиб чиқиб, ўқувчи миллий виждонининг педагогик моҳияти асосланди. Бунда виждон фалсафий тушунчасининг педагогик талқинидан келиб чиқилди. Миллий виждон универсал виждон-

нинг хусусий кўриниши бўлганлиги боис, миллий туйғуга боғлиқ вазиятларда намоён бўлади. Ўқувчининг (ёшига мос равишда) миллат олдидаги маънавий масъулиятни ҳис этиши, миллат манфаати йўлида ижобий хатти-ҳаракатлар қилиб, миллат вориси сифатида ўз фаолиятига баҳо бериши; ўз миллати тарихи, ҳозирги ва буюк истиқболи тўғрисида қайғуриши; ўзининг миллат учун фойда келтираётганидан мамнуният ҳис қилиши; Ўзбекистонга муҳаббати, миллатлараро мулоқот маданияти, миллий одоби, миллий фурури, миллий мафкуравий онги доимо ва ҳамма жойда, муайян вазиятларда намоён бўлишида виждон ҳаракатлантирувчи куч вазифасини ўтайди.

Миллий фуур – ўқувчининг ёшига мос равишда ўз халқининг қадр-қимматини билиши, иззатлаши, унинг маданият, маънавият, иқтисодиётда қўлга киритган ютуқлари, бой меросини билиши ва ана шу юксак миллий-маданий ютуқларга мос бўлишга, уларни бойитишга интилишини ўз ичига олади. Бироқ миллий фуур стихияли ривожланиб, ўз-ўзига танқидий қарашдан ажраб қолса, ёш инсонда ўз миллатини бошқалардан устун қўйиш, миллий манманчилик каби салбий хусусиятларни пайдо қилиши мумкин. Шунинг учун ҳам миллий фуурни маҳсус, яъни яратувчан мақсадларга қаратиб, танқидийликни камтарлиқ билан уйғунлаштирган ҳолда шакллантириш лозим.

Ўзбекистон ватанпарварлиги – Ўзбекистонни ягона Ватан сифатида билиш ва севиш: унинг манбаатларини ҳимоя қилишга тайёрлик, Ўзбекистон тарихини, маданий меросини ҳурмат қилиш, унга қизиқиш, истиқдолга садоқат, Ўзбекистоннинг келажаги буюклигига ишонч, Республика манбаатларини шахсий, гурухий, маҳаллий, ҳудудий манбаатлардан устунлигини англаш ва намоён қилиш демакдир.

Миллатлараро мулоқот маданияти – ўқувчининг миллий ва ва байналминал онгининг уйғунлик даражаси бўлиб, бошқа миллат болалари, уларнинг маданияти билан бевосита ёки билвосита мулоқотда аниқ намоён бўлади. Бу фазилат бошқа миллатларнинг анъаналари, тили, миллий туйғуларига, қадриятларига самимий ҳурмат, эъзозли муносабатда кўзга ташланади.

Миллий виждонийлик – ўқувчи хатти-ҳаракатларининг ўзи томонидан ички назорат қилиниши, муайян вазиятда ўз бурч ва ҳукуқларини ўзи белгилаб, ўзи бажаришга шахсий масъулият туйғуси, миллий гуур, миллатлараро мулоқот маданияти, Ўзбекистон ватанпарварлиги, миллий одоб, миллий-мафкуравий онглиликни талаб қилувчи вазиятларда билим, сўз ва иш бирлигини таъминловчи ички маънавий назоратчидир.

Миллий мафкуравий онглилик – ўқувчининг ёшига мос равишда унинг тафаккурида, хатти-ҳаракатларида, ҳаётий мақсадида, муносабатларида миллий истиқбол мафкураси талабларига мослик, фаоллик даражасини кўрсатади.

Ўқувчиларнинг миллий тарбияланганлик мезонлари

1-босқич (1–4-синфлар)

Ватанинг англаш

Юқори даражса

Ҳар бир кишининг ватани битта бўлишини ва унинг ватани – Ўзбекистон эканлигини яхши билади; туғилиб ўсган ватани ҳақида ифодали мисоллар билан фикр юрита олади. Ўзбекистоннинг тарихий ва ҳозирги ҳаёти, мустақиллиги ҳақида ёшига мос тушунчаларга эга; ватанини ташқи душманлардан ҳимоя қилган қаҳрамонлар жасорати ҳақида фаол ҳикоя қилиб бера олади; уларга ўхшашга ҳаракат қиласи; Ўзбекистоннинг давлат рамзлари, Президенти ҳақида ҳикоя қилиб бера олади.

Ўрта даражса

Ватани Ўзбекистонлигини билади; ўлка тарихи, ҳозирги ҳаёти ҳақида тушунчалар беради. Ватанинг тарихи, ҳимоячилари жасоратидан хабардор; Ўзбекистон давлат рамзларини билади.

Паст даражса

Ватан ҳақидаги тушунчалари мавҳум; Ўзбекистон тарихи, ҳозирги ҳаёти ҳақида тасаввурлари тўлиқ эмас; Ватан ҳимоячилари, уларнинг жасорати бўйича билимлари паст; Ўзбекистон рамзлари тўғрисидаги тасаввурлари хира.

Салбий даражса

Ватани – Ўзбекистон ҳақида тушунчаларга эга эмас; Ватан тарихини, унинг ҳимоячиларини билмайди ва уларга бефарқ; Ўзбекистон давлат рамзларини танимайди.

Миллий ғурурлилик

Юқори даражасы

Дунёда миллатлар кўплиги, ўзининг ана шулардан бири – ўзбек миллатига мансублигини пухта, қониқиши билан ижобий англайди; «Ўзбек халқи» тушунчасининг маданий моҳиятини яхши идрок этади; ўзини шу халқнинг ўғли, қизи сифатида бурчларини англайди; ўзбек тилида равон, тоза сўзлайди ва бунда бошқаларга ёрдам беради.

Ўрта даражасы

Ўзининг ўзбек миллатига мансублигини англайди; «Ўзбек халқи» тушунчасини очиб бера олади; ундан ўз халқи нималарни кутаётганлигини билади; ўзбек тилида равон, тўғри сўзлайди.

Паст даражасы

Ўзининг қайси миллатга мансублигини англамайди; халқ олдидағи бурч тушунчасига эга эмас; она тилига муносабати эътиборсиз.

Миллий одблилилк

Юқори даражасы

Доимо, ҳамма жойда атрофдагиларга «ассалому алайкум» дейишни канда қилмайди; халқ ичида «яхши хулқ», «ёмон хулқ» деб баҳолангандан хатти-ҳаракатларни фаол фарқлайди ва ўз муносабатини билдиради; барчани «сиз»лайди, ўзидан катта ва кичикни доимо иззатлайди; синфдаги, кўча, маҳалла, қишлоғидаги дўстларининг ўқиши ва ишларидан хабардор; муаллим-устозни самимий ҳурмат қиласиди; уят сўз, сўкишни ҳатто уришган пайтида ҳам тилга олмайди; болаларни юқоридаги сифатларни эгаллашга рафбатлантиради; ота-она, оила аъзоларига меҳрини сўзда ҳам, муомалада ҳам, амалда ҳам, улар борликларида ҳам, йўқликларида ҳам доимо намоён қилиб туради; барча қариндошларининг исмлари, яқинлик даражаларини билади ва фарх билан айтиб юради; aka-опасини, ота-онасини севади; аждодлари ҳақида ҳикоя қилиб бера олади.

Ўрта даражасы

Ўзидан катталарга «ассалому алайкум» деб салом беради; «яхши хулқ»ни «ёмон хулқ»дан ажратса олади; ўзидан катта ўқувчиларни ҳам «сиз»лайди; синфдошлари,

дўстлари ҳаётидан хабардор; муаллимларни мактабда, синфда ҳурмат қиласди; ўғил ва қиз болаларга бир хил муносабат билдиради; сўкинмайди; ота-онасига сўзда, муомалада, амалда меҳрини намоён қилиб туради; қариндошларининг номлари, аждодларининг яқин тарихини билали; ака-опаларини ҳурмат қиласди; бобо-бувиларини иззатлади, хизматларини бажаради.

Паст даража

Онда-сонда катталарга салом бериб туради; «яхши хулқ» ва «ёмон хулқ»ларнинг фарқини билмайди; дўстлиги манфаат асосига қурилган, ўткинчи; атрофдагиларга дағал, бефарқлик билан муносабатда бўлади; қизишган пайтида уят сўзларни ишлатади, сўкинади; ота-онасига меҳри паст; қариндошларининг кимликларига қизиқмайди, ака-опалари билан муносабати яхши эмас; бобо-бувиларининг иззатини жойига қўймайди.

Салбий даража

Назорат қилинмаётган пайтида ҳеч кимга салом бермайди; ёмон хулқнинг ёмонлигини била туриб ёқлади, содир қиласди; самимий дўсти йўқ; муаллимларни масхара қиласди; муомаласи қўпол, дилозор; уят сўз, сўкишларни қўп ишлатади; ота-онасига меҳрсиз; қариндошларини ҳурмат қилмайди; ака-опалари билан қўп уришади; бобо-бувиларини писанд қилмайди.

Виждонийлик

Юқори даража

Доимо ва ҳамма жойда рост гапиради; яхши хулқقا ижобий, ёмон хулқقا салбий муносабатини жойида билдиради; кўнглидаги фикрни очиқ, тушунарли ифодалай олади; айтган сўзи билан амали доимо ва ҳамма жойда мос қелади.

Ўрта даража

Рост гапириши керак бўлган вазиятларда индамайди ёки ёлғон аралаштириб сўзлайди; яхши ва ёмон хулқларни фарқламайди ва уларнинг намоён бўлишига бефарқ туради; айтган сўзи ва амали орасида тафовутлар учрайди.

Салбий даража

Ўз фойдасини кўзлаб, онгли равишда ёлғон гапиради; ёмон хулқ намуналарини қўллаб-қувватлади ва ўзида намоён қиласди; сўзи ва иши бир-бирига зид.

Миллий мафкуравий онглилик

Юқори даражса

Барчани тенг кўради; кўча, гузар, маҳалла, қишлоқ, шаҳар, миллат, қариндошлиқка қараб ажратиш, имтиёз бериш, чеклашга қарши туради; ўзбек халқ алломалари ҳаёти, хизматини яхши билади, ўрнакли мисоллар келтиради; Ўзбекистон барча ўзбекистонликларнинг ягона ватани эканлигини тарғиб қиласди.

Ўрта даражса

Барчани тенг кўришни маъқуллайди; ўзбек халқи алломалари ҳаёти, қилган хизматлари ҳақида тушунчаларга эга; ватани Ўзбекистон эканлигини англайди.

Паст даражса

Маҳаллийчилик, қишлоқдошлиқ, қариндошлиқ, ўғил ва қиз болага қараб ажратишни маъқул кўради; ўзбек халқи алломалари ҳаёти, хизматлари ҳақида билимлари юзаки.

Салбий даражса

«Бошқа маҳалладан», «бошқа қишлоқдан», «бошқа миллатдан», «қариндош-бегона» деб синф болаларини ажратади, бир-бирига қарши қўяди; ўзбек халқининг алломалари, уларнинг мероси билан қизиқмайди, хорижий нарсаларга кўр-кўронади ўч ва буни қизишиб тарғиб қиласди.

2-босқич (5-9-синфлар)

Ўзбекистон ватанпарварлиги

Юқори даражса

Ватани Ўзбекистон ҳақида тасаввурлари кенг. Ёлғиз ватани Ўзбекистон эканлигини эътиқодга айлантирган; юртининг келажаги буюклигига сўзсиз ишонади; истиқлол тарихи, мамлакатимизда содир бўлаётган муҳим воқеаларни яхши билади; Ўзбекистон ва унинг буюк фарзандлари билан фахрланади; Ўзбекистон ватанпарварлиги моҳиятига эга бўлган тадбирларда кўнгилли равишда иштирок этади; ўлка табиатини эъзозлайди, бу ишга бошқаларни ҳам чорлайди; ўзини Ўзбекистон ҳимоясига тайёрлай боради; фидойи; Ўзбекистон тарихи, келажагига бефарқлик, уни севмаслик ҳолларини учратса, муросасизлигини намоён қиласди.

Ўрта даражса

Ўзбекистон тарихи, ҳозирги ҳаёти ҳақида тасаввурларга эга; Ўзбекистоннинг келажаги буюклигига ишонади; республикамизда содир бўлган мұхим воқеалар, тарихий сиймолар хизматлари, миллат шонига шон қўшган кишилар ҳақида билимларга эга; ўлка табиатини авайлайди; ҳарбий-ватанпарварлик малакаларига эга; фаол; Ўзбекистонга бефарқлик ҳолларини қоралайди; ўз келажагини унинг келажаги билан бирлигини тушунади.

Паст даражса

Ўзбекистоннинг тарихи, ҳозири ва келажаги ҳақида мустақил фикрга эга эмас; республика ҳаётига оид мұхим воқеаларни билмайди; табиатта бефарқ; ижтимоий фаолиятда суст; ватанга бефарқлик ҳолларини англамайди.

Салбий даражса

Ўзбекистоннинг ҳаёти, тақдирни билан қизиқмайди, бу ҳақда ўйламайди; табиатни, атроф-муҳитни бемалол ифлослаштираверади; ўзини ватан ҳимоясига тайёрлашдан олиб қочади; Ўзбекистон ватанпарварлигининг намоён бўлиш ҳолларини қабул қилмайди ёки бунга истеҳзоли муносабатда бўлади.

Миллий ғурур

Юқори даражса

Ўзининг етти пуштини, миллий фарзандлик бурчларини чуқур англайди; ўзбек халқига, унинг санъати, анъ-аналари, тили ва маданиятига ҳурматини доимо ва ҳамма ерда намоён қиласди; миллат тарихи, алломалари ҳақида чуқур билим ва миннатдорликни намоён этади; манқуртлик, миллий мажхуллик, халқ тарихи ва тақдирига бефарқликни кўрганида миллатдошларини бундан қайтаришга ҳаракат қиласди; «ўзбекчилик»нинг барча илфор қиррала-рини тараққийпарварлик билан уйғунлаштира олади.

Ўрта даражса

Ўзининг ўзбек халқи олдида фарзандлик бурчи борлигини англайди; ўзбек халқини, тилини, маданиятини, санъатини ҳурмат қиласди; халқи тарихи, алломалар месросини билади, ҳурмат қиласди; манқуртлик, миллий мажхуллик, миллат тарихи ва тақдирига бефарқликни қоралайди; ўзининг миллий масъулиятини англайди.

Паст даражса

Ўз халқи олдидаги бурч ва масъулиятни ҳис қилмайди; халқ санъати, тарихи, маданияти, тили, алломалари меросига эътиборсиз; манқуртлик, миллий мажхуллик ҳолларига, она халқи тарихи ва тақдирига бефарқ; «ўзбекчилик»нинг илфор жиҳатларидан бехабар ва унга қизикмайди.

Салбий даражса

Халқ олдидаги ҳар қандай бурч, масъулиятни инкор қиласи; ўзбек халқи тарихи, санъати, тили, алломалари меросига беписанд муносабатда бўлади; миллий мажхулликни, она халқи тарихи ва тақдирига бефарқлик ҳолларини англамайди, бошқа миллат миллийлигини ўз миллий қадриятларидан кўр-кўrona устун қўяди; ўзга маданиятлар салбий намуналарига кўр-кўrona тақлид қиласи ва буни турли йўллар билан намоён қиласи.

Виждонийлик

Юқори даражса

Доимо ва ҳамма жойда ростгўйликни намоён ва тарғиб қиласи; айтган сўзи ва қилган иши бир-бирига мос; аъло ўқиш кераклигини билади ва аъло ўқийди; бурчи ва масъулиятини ҳамма жойда сифатли бажаради; виждони пок; синф, мактаб, жамоа ҳаётидаги тадбирларда қўнгилли тарзда фаол иштирок этади; ноҳақлик, адолатсизликка доимо муросасиз; ноинсофлик, виждонсизликни кўрганида сўзи ёки ёмон кўриши билан унга қаршилигини намоён қиласи.

Ўрта даражса

Ростгўй, сўзини амалда намоён қилишга ҳаракат қиласи; аъло ўқиш кераклигини билади ва яхши ўқийди; бурч, масъулиятини яхши бажаради; виждонли, синф, мактаб, жамоа ҳаётида, тадбирларида иштирок этади; ноҳақлик ва адолатсизликни ёмон кўради; ноинсофлик, виждонсизликни ёқтирамаслигини намоён қиласи.

Паст даражса

Рост ва ёлғонни аралаш гапириб туради; сўзи ва амали орасида фарқ мавжуд; аъло ўқиш кераклигини билади, бироқ ўртача ўқийди (аъло ўқишга ҳаракат қилмайди) бурч, масъулиятни ҳис қилмайди; синф, мактаб,

жамоа ҳаётидаги тадбирларда фақат талаб қилингандаги-на иштирок этади; ноҳақлик ва адолатсизликнинг моҳиятини тушунмайди; ноинсофлик, виждонсизликни кўрганида бефарқ.

Салбий даража

Ёлғончи – ҳуда-бехуда қасам ичаверади; сўзи ва амали бир-бирига зид; аъло ўқиши кераклигини билиб туриб ёмон ўқийди; бурч, масъулиятини тан олмайди; қатнашиши кераклигини била туриб синф, жамоа ҳаётидан қочиб юради; ноҳақлик ва адолатсизлик моҳиятини англаган ҳолда ўзида намоён қиласи; ноинсофлик, виждонсизликни рағбатлантиради, тарғибот қиласи.

Миллатлараро мулоқот маданияти

Юқори даража

Ўзбекистоннинг гуллаб-яшнаши шу юртдаги барча миллатларнинг дўстлиги ва тотувлигига боғлиқлигини эътиқодга айлантирган; жаҳоннинг ҳар бир миллати ўз миллатидек гўзал анъаналар, маданият соҳиби эканлигини, миллатлар ўзаро фарқли ва тенглигини яхши англайди, тарғибот қиласи; миллатлараро муносабатларни та-комиллаштиришга қаратилган тадбирларда фаоллик, ташаббускорлик кўрсатади; Ўзбекистонга садоқатли барча халқларга ҳурмат туйғуси илия яшайди; миллатлараро мулоқот, муносабатларни ёмонлаштирувчи фикр билдирилгудек бўлса, унга дадил, асосли қарши туради.

Ўрта даража

Барча миллатлар ҳукуқларининг тенглигини яхши англайди; бошқа миллатлар вакиллари билан мулоқотга кириша олади; миллатлараро муносабатларни та-комиллаштиришга қаратилган тадбирларда қатнашади; Ўзбекистон халқларига ҳурмат ҳисси бор; миллатлараро муносабатларни ёмонлаштирувчи фикр билдирилганда, унга қўшилмайди.

Паст даража

Фақат ўз миллий анъаналарини қадрлайди, авайлаб-асрайди; бошқа халқлар миллий анъаналарига эътиборсиз; бошқа миллатлар вакиллари билан мулоқотдан ўзини тортади; миллатлараро муносабатларни та-комиллаштиришга қаратилган тадбирларда талаб қилинсагина қатнашади;

миллатлараро муносабатларни ёмонлаштирувчи фикр билдирилганида унинг заарли эканлигини англамайди.

Салбий даражса

Бошқа миллатлар маданияти, урф-одатларини камситади; бошқа миллат вакиллари билан атайлаб ёмон муносабатда бўлади; ўз халқини бошқа халқлардан устун қўяди; миллатлараро муносабатларни ёмонлаштирувчи фикрлар билдиради, хатти-ҳаракатлар қиласди.

Миллий одоб

Юқори даражса

Ота-онага самимий яқин, меҳрини гоҳ пинҳон, гоҳ ошкор доимо билдириб туради; ўзбекона ахлоқ меъёрларига инсонийликни сақлаб қолиш кафолати сифатида онгли, эътиқод билан амал қиласди; аждодларга, ёши улуғларга хурмат-эҳтиромни ҳамма жойда намоён қиласди; меҳмондўстликни сўз ва амалда кўрсатади; ўзидан катталарни, ёшларни самимий хурмат қиласди; жаҳли чиққанида ўзини одоб меъёрида идора қила олади; шодлик ва мотам маданиятининг соҳиби (тўй, мотам маросимларида ўз ўрнини, хизматини билади ва фаол амалга оширади); миллий одобга зид хатти-ҳаракатларни ҳамма жойда фаол қоралайди.

Ўрта даражса

Ота-онасини хурматлайди; ўзбекона ахлоқ меъёрларининг риоя қилинишига хайриҳоҳ; ёши улуғларни хурмат қиласди; меҳмондўст; жаҳли чиқса ўзини идора қила олади; маросимларда ўзини тута олади; миллий одобга зид хатти-ҳаракатларни ёқтирумайди.

Паст даражса

Ота-онасининг хурмат-иззатини жойига қўя олмайди; ўзбекона ахлоқ меъёрларига бефарқ муносабатда бўлади: манфаатли бўлса, бирор киши кўриб, кузатиб турганлигини, баҳолашини сезса, ёши улуғларни хурмат қиласди; меҳмондўстлик маданиятини тушунмайди; tengkўrlarini «сен»лайди; қизишса, ўзини идора қила олмайди; маросимларда ўзини тута билмайди; миллий одобга зид хатти-ҳаракатларни бефарқ, бемалол кузатади.

Салбий даражса

Ота-онасини хўрлайди, қақшатади; дилозорлик қиласди; ўзбекона ахлоқ меъёрларига эскилик сарқитлари, «ма-

данийтсизлик» дея муносабатда бўлади; ёшу қариларни хурмат қилмайди; сўкинади, барчани сенсирашга мойил; жоҳил; маросимларда бузғунчилик қиласди; миллий одоб меъёrlарини сурункали бузиб юради.

Миллий-мафқуравий онглилик

Юқори даражаса

Жонажон Ватани – Ўзбекистоннинг жаҳон ва Марказий Осиёда тутган мавқенини асосли англайди; Ўзбекистон Президенти, ҳукуматининг ички ва ташқи сиёсатидан ёшига мос даражада хабардор; миллий Давлат манфаатларининг гуруҳий, фирмавий, маҳаллий, қон-қариндошлий манбаатларидан устунлигини теран англайди, далиллар билан асослайди; Ўзбекистон халқининг мафқуравий бирлигига зид ташқи (бошқа давлатлардан) ва ички (миллатчилик, маҳаллийчилик, гуруҳбозчилик ва бошқа) бўлинишларга қарши турса олади.

Ўрта даражаса

Ўзбекистоннинг мустақиллиги, тараққиёт йўли, ички ва ташқи сиёсатидан хабардор; миллий давлат манбаатларининг гуруҳий, фирмавий, диний, маҳаллий, қон-қариндошлий манбаатларидан устунлигини тушунади; Ўзбекистоннинг миллий истиқлол мафқурасига зид ташқи ёки ички ҳаракатларнинг зарарини англайди.

Паст даражаса

Ўзбекистонда содир бўлган ва бўлаётган ислоҳотлар ҳақида тушунчалари саёз, юзаки; миллий давлат манбаатларининг устун туриши шартлигини англамайди; Ўзбекистоннинг миллий истиқлол мафқураси моҳиятини тушунмайди.

Салбий даражаса

Ўзбекистоннинг жаҳон ва Марказий Осиёдаги ўрни, мавқеи билан қизиқмайди; шахсий, гуруҳий, диний, маҳаллийчилик манбаатларини миллий давлат манбаатларидан устун кўяди; Ўзбекистон миллий истиқлол мафқурасига зид хатти-ҳаракатларни ёқлади.

Ўқувчиларнинг миллий тарбияланганлик даражасини қайд қилиш учун юқори (4), ўрта (3), паст (2) ва салбий даражаса (1) баллик ўлчовдан фойдаланилди. У ёки бу кўрсаткич бўйича ўқувчидаги барча юқори кўрсаткичлар мавжуд бўлса, унга юқори балл кўйиш назарда тутилди. Са-

наб ўтилган кўрсаткичларнинг фазилатларга, тадқиқот услубларининг фазилатларга мутаносиблигини таъминлашга алоҳида эътибор берилди. Кузатиш, сұхбат ўтказиш, анкета тўлдириш, иншо олиш, тарбиявий вазиятлар ҳосил қилиш каби усулларнинг бир-бирларини тўлдиришига эришилди.

Хуносалар:

ҳар қандай тарбиявий иш, фаолиятнинг самарадорлиги, илмийлиги, миллий истиқболий қиммати унинг аниқ мезонларга асосланишига боғлиқ. Бунинг учун дастлаб мустақил Ўзбекистон истиқтолининг педагогика фанига бераётган миллий-тарбиявий буюртмаси асослаб олинмоғи керак. Шу билан биргаликда, Ўзбекистон педагогикасида илмий ўрганилмаган, мустақилликни мустаҳкамлаш учун ёшларимизда шакллантириш зарур бўлган ва шахснинг миллийлигига бевосита алоқадор фазилатларни белгилаш, илмий асослаш зарурати пайдо бўлди.

Миллий тарбиявий фазилатлар сифатида «Ўзбекистон ватанпарварлиги», «миллий ғурурлилик», «миллий одобилик», «миллатлараро мулоқот маданияти», «виждонийлик», «миллий-мафкуравий онглилик» асосланди. Мазкур фазилатларнинг педагогик моҳиятини белгилашда барча ижтимоий фанларда, ҳалқ орасида ҳозир ҳам мавжуд бўлган эмпирик ахлоқий мезонларга ва шахсий сифатларни шакллантиришнинг психологик манбаларига таянилди.

Миллий тарбияланганлик мезонларини белгилашда ўзбек ҳалқ педагогикаси ва илмий педагогик ёндашувлар үйғунлигига таянилди. Бунда шахснинг моҳиятини очиб берувчи қадимий учлик мезон – яхши сўз, яхши ният ва яхши иш ҳамда унинг педагогик-психологик талқини – шахс шаклланнишининг интеллектуал – рационал, эмпирик – иродавий ва амалий фаолиятга доир қирралари ҳақидаги қарашлар үйғунлигидан келиб чиқилди.

Миллий-тарбиявий фазилатнинг шаклланганлик даражасини аниқлаш учун ҳар бир фазилатга хос асосий белгилар йиғиндиси асос қилиб олинди.

Мазкур илмий ва эмпирик кўрсаткичлар, даражалар, мезонлар үйғунлиги ўзаро бир-бирини тўлдириб, тадқиқот ва тарбия услубиятининг бир-бирига мутаносиблигиги белгилашга асос бўлади.

МИЛЛИЙ ТАРБИЯ ТИЗИМИНИ УМУМИЙ ЎРТА ТАЪ- ЛИМ МАКТАБЛАРИГА ЖОРИЙ ҚИЛИШНИНГ НАЗАРИЙ ВА АМАЛИЙ ЙЎНАЛИШЛАРИ

Миллий тарбиянинг мазмун ва услублари тавсифи

Миллий тарбия мазмунини энг яхши ўзбек оиласарида амал қилган ва амал қилиб келаётган тарбия мазмуни, шунингдек, мустақиллик шароитида давлат ва жамият мактаб тарбиясига қўйган талаблардан мужассамланган фазилатлар ҳосил қиласди. Муайян фазилатларнинг изчил, турли вазиятларда, турли воситалар ёрдамида сингдирилиб, тузатилиб, такомиллаштирилиб борилиши, пировард натижада, давлат ва жамият, оила, маҳалла, мактаб учун намунавий ўкувчи, ўғил-қиз ахлоқини ҳосил қиласди. Ана шу нуқтаи назардан келиб чиқсан ҳолда миллий давлатчилигимиз, халқимиз тарихи, ҳозири, истиқболи ва истиқболи талабларини умумлаштирган ҳолда ҳозир ўкувчиларимизда шакллантирилиши долзарб аҳамият касб этажтаган фазилатлар таснифини туздик. Барча инсоний фазилатлар каби мазкур фазилатлар ҳам рационал, эмоционал ва фаолиятта асосланган таркибий қисмлар уйғунлигига таянади. Шу туфайли оила, мактаб, маҳалла мактабдан ташқари муассасаларнинг изчил, амалий ҳамкорлиги бу фазилатларни шакллантиришнинг барқарор сурат ва сифатини таъминлайди.

Миллий-истиқболий тарбия мазмунини қуйидаги билим, кўникма ва малакалар уйғунлигини педагогик таъминлаш ташкил қиласди: каттаю кичик билан аввал саломлашиб, кейин сўз бошлаш; ота-онага меҳрлилик; нафақат ёши улуғларни, балки ўзидан кичикларни ҳам самимий иззат қилиш; тўй-маърака, жанозада ўз ўрнини билиб хизмат қилиш; бошқа миллат болаларини ҳам худди ўзидек миллатпарвар билиб, хурмат билан эъзозлаш, уларнинг миллий маданиятига самимий қизиқиш; ноҳақлик ва ахлоқизликни кўрса, хоҳ катта, хоҳ кичикни хотўғри ишлардан қайтариб, инсофга чақира олиш; жамоат транспортида ўзидан катта ва кичикка иззат кўрсатиш; ўзи мансуб жамоа муаммоларига тегишли йиғилиш, мажлис, хайрияларда фаоллик; қаноатлилик; халқлар, миллатлар орасидаги фитна-фасод, жаҳолатга қарши туриш;

умуммиллий жипсликни ҳамشاҳарлик, маҳаллийчиликдан устун қўя олиш; ўзининг табиатга, жамиятга, ўзига бўлган муносабатларини «яхши ният», «яхши сўз», «яхши иш» асосига қура олиш; тавозелик, очиқ чеҳралик; инсон умри, вақтини қадрлаш; гуноҳ ёхуд хато қилса кечирим сўрай олиш; ўзининг етти пушти тарихини муфассал айтиб бера олиш; барча қариндошларининг яқинлик дараҷалари ва номларини билиш ва уларга меҳрини намойиш қилиш; синфдоши, ўртоғи оиласида нохуш воқеа содир бўлганида, bemor бўлганида бориб ҳол-аҳвол сўраш; танишлари, дўстлари, нотаниш болалар аразлашганда уларни яраштиришга ҳаракат қилиш; бироннинг шодлигидан шодланиш, қайғусига ҳамдард, шериклигини билдира олиш; (ўғил болалар учун) қиз болаларни ҳар томонлама нозик деб эъзозлаш, уларга ўз ҳурматини амалда намоён қилиш; (қиз болалар учун) ўғил болаларни фуурли, мард, шижаотли деб билиш, уларга ўз ҳурматини билдириш; aka ва опани ота-она каби иззат қилиш; бир марта кўришган кишининг исмини сўраб қўйиш ва эсда сақлаш; вафот этган ёки ўзи шу ерда йўқ киши ҳақидаги фийбат ва туҳматдан хазар қилиш; ўзига ишонган кишининг сирини сақлай олиш; «ёмон» деб ном чиқарган болалардан ўзини нари тута олиш; яхши кишиларга ҳавас ва тақлид қилиш; бироннинг айбига кулмаслик, юзига солмаслик; кек сақламаслик; бадавлат кийинган бола қаршисида ўзини хор тутмаслик, камбағал кийинган бола олдида кеккаймаслик; ўғил бўлиб қизларнинг, қиз бўлиб ўғилларнинг кийимини киймаслик; миллый ахлоқ ва шароитга хилоф хатти-ҳаракатлардан тийилиш; ўзига топширилган ишни олий даражада бажаришни илоҳий эътиқод даражасида тушуниш; синаб дўст бўлиш; миллат, ватан манфаатларига зид ҳаракат қилган дўстидан кеча олиш; ота-онаси лозим кўриб берган овқат, кийим-бошга қаноат қилиш; nonni эъзозлаш; она тилида соғ фикрлаш, сўзлаш; уят, ҳаром сўзларни ҳеч қачон, ҳеч қаерда, ҳатто уришган пайтида ҳам тилга келтирмаслик; катталарнинг ижобий ахлоқ намуналари ни дикқат билан кузатиш ва аста-секин ўз хатти-ҳаракатларига сингдириш; ҳар бир жиддий ишни ота-она билан маслаҳатлашган ҳолда бошлаш, ўз халқи тарихи, алломалар хизматлари ҳақида миннатдорлик билан ҳикоя қилиб

бера олиш; миллий-маданий ёдгорликлар тарихини яхши билиш ва уларни асраршга хизмат қилиш; савдо-сотиқ, бозор муносабатларида инсофли, чаққон, журъатли бўлиш; миллий истиқдол мафкураси фояларини ўзлаштириш, ижтимоий-сиёсий воқеаларга тарихий нуқтаи назардан туриб мустақил муносабат билдира олиш; китобхонлик; сабрли, андишалилик; ўз келажагига тааллуқли масалалар бўйича мустақил, ёшига мос фикр юрита олиш ва ҳ.к.

Миллий тарбия мазмунини тўлатмоқ учун миллий тарбия услубларини тикламоқ керак. Зоро, ўзбек тарбиячилик маданияти ўзининг бой услугбий манбаларига эга. Мустақил юртимиз умумтаълим мактабларида тарбиядаги ислоҳот ҳалқимиз орасида болага тарбиявий таъсир ўтказиш усувларини ўрганиб, педагогик асосслаб миллий тарбия услугиятини бойитишни тақозо этади.

Маълумки, сўзлар, иборалар кўпинча бир неча хил маънени англатади. У ёки бу сўзниңг илмий педагогик атамага айланиши эса, бир сўзниңг муайян бир маънени англатишни талаб қиласди. Масалан, «кечирмоқ» сўзи тўрт хил, «ўйнамоқ» сўзи ўн хил маънога эга. Бу сўзларниңг атамаларга айланиши учун уларниңг «фан, техника, касб-хунарниңг бирор соҳасига хос муайян бир тушунча («Термин». Ўзбек тилиниңг изоҳли луғати, Т.: 1981, 2-том, 165- бет)га айланниши талаб қилинади. Бунга «Ботаника атамалари», «Заргарлик атамалари», «Ҳуқуқшунослик» атамалари ва бошқалар мисол бўла олади. Хуллас, сўз-атама-услуб ҳаракати орқали юқоридаги сўзлар аниқ ва барқарор педагогик тушунчаларга айланади. Масалан, «кечирмоқ» – тарбияланувчига тарбиявий таъсир ўтказиш мақсадида у йўл қўйган хато, гуноҳни афв этмоқ усули; «ўйнамоқ» атамаси – болада ижобий сифатларни ривожлантириш, салбий сифатларни камайтириш мақсадига йўналтирилган, маълум қоида ва усувларга асосланган ўйинлар ўйнаш усули ва ҳ.к.

Кўриниб турибдики, мазкур сўзлар «тарбия усули» тушунчасининг барча талабларида жавоб беради. Зоро, миллий тарбия услублари – бу ўзбек ҳалқининг ўз фарзандларида ижобий фазилатларни ривожлантириш, салбий хулқ-атворларни бартараф қилиш мақсадида кўлла-

ган ва қўллаётган йўл-йўриқлар, ҳаракат тартиблари, тарзлари тизимиdir.

Куйида шарҳданаётган услублар халқимизнинг ўғил-қизларга маданий, меҳрли-талаబчан муносабатини, бола шахсига ҳурматини сақлаб қолиб, мактаб тарбиясида қўллаш имконини беради. Болага тарбиявий таъсир ўтка-зишнинг салбий усуллари ҳам мавжуд. Амалиётда барта-раф қилиш учун улар ҳам таҳлил қилиниб, ўрганилмоғи керак. Бу эса айрим ўқитувчилар, ота-оналарда учраб турадиган педагогик хатоларни тузатишга ёрдам беради.

Айбламоқ – болани қилган гуноҳи, хатоси учун адолатли равишда айбли деб топмоқ, айб қўймоқ ва боланинг буни англашига эришмоқ. **Аразламоқ** – қилган салбий қилиғи учун болани айбситиб, ундан ўпка қилиб юрмоқ ёки тарбиявий мақсадда вақтингча ундан юз ўғирмоқ. **Баҳоламоқ** – бола хулқига унинг аҳамияти, қадр, қиймати ҳақида ижобий ёки салбий фикр билдиримоқ. **Баҳслашмоқ** – ўқувчи билан(мактабда), ўғил-қиз(фарзанд) билан мактабда, уйда илмий, адабий, ахлоқий, миллий-мағфуравий мазмунда мунозара қилмоқ. **Бегона қилмоқ** – боланинг ёлғон гапиргани аниқлангач, қўполлиги муҳокама қилингач ва ҳ.к. ундаги виждонни жунбишга келтириш, айбига пушаймон қилиши учун ўқитувчи ёки ота-она ёки она уни ўзидан вақтингча узоқ тутиб юриши. **Биритирмоқ** – одоб-ахлоқда, бирор ҳунарда кўпчиликка намуна бўлган устоз тарбиясига бермоқ. Ўтмишда кўпни кўрган ота-оналар фарзандларини одамлар, бегоналар билан муомала қилишни, ҳаётни ўргансин, деб ўғилларини чойхоначига хизматкорликка берган эканлар. **Битим** – боланинг ҳаётига, ўқишига, келажагига оид жиддий масалани унинг ўзи билан муҳокама қилиб, ўзаро ижобий келишув, тўхтам, қарорга келмоқ. **Буюрмоқ** – вазиятнинг тақозоси билан тарбиявий мақсаддан келиб чиққан ҳолда боланинг ўзи, жамоаси, миллати, Ватани манфаатларини кўзлаб буйруқ бермоқ. **Ваъда олмоқ** – боланинг сўзига содиклигини, сўз ва иши бирлигини синаш мақсадида ундан бирор ишнинг, мажбуриятнинг бажарилиши ҳақида сўз олмоқ. **Гиргиттон бўлмоқ** – меҳрибонлик билан, «айланай», «ўргилай» сўзларини ишлатиб, исмига «жон», «хон» қўшиб болани эркалаш. **Ёрилмоқ** – боланинг сиздан ноўрин хафалигини билгач, танҳо қолдириб, асл мақсадингиз – унинг муваффа-

қияти эканлигини айтишингиз. Хайрихоҳлик, самимийлик бу усулда муваффақият келтиради. **Иноклашмоқ** – бола билан яқин, дўстона муносабат боғламоқ, аҳиллашиб кетмоқ. **Кафил бўлмоқ** – бола билмай, адашиб хатога йўл қўйган чоғда унинг яхшилиги ҳақида бошқалар (ўқитувчи, ўқувчилар)ни ишонтириб, бола учун масъулиятни ўз устига олмоқ. **Кенгашмоқ** – синф жамоаси олдида турган муаммони биргаликда муҳокама қилмоқ. **Койимоқ** – жазо беришнинг енгил тури. Болага танбеҳловчи сўз айтмоқ, танбеҳ бермоқ, уришиб қўймоқ. **Кузатмоқ** – синф аҳлиниң, ҳар бир боланинг хулқ-авторини зимдан қараб, текшириб турмоқ, кўздан кечирмоқ, қайд қилмоқ. **Кўрсатмоқ** – болага, болаларга ўрнак ёки ибрат олишлари ёки уларда янги тушунча, билим ҳосил қилиш мақсадида бирор нарсага диққат-эътиборларини жалб қилиш. **Мақтамоқ** – болани унинг ўзига ёки бошқалар олдида яхши томонларини кўрсатиб гапирмоқ, яхши қилиб кўрсатмоқ. **Насиҳат** – сокин, хайрихоҳ вазиятда болани яхши йўлга солиш, таълим бериш мақсадида айтилган гап, маслаҳат, панд, ўйт. **Овутмоқ** – бола ёки унинг оиласи, яқинлари бошига бирор кулфат тушганда, унга тасалли бериб юпатмоқ, овунтиromoқ, йифлашдан тўхтатмоқ. **Одатлантироқ** – одоб меъёрларини машқ қилдириш. Масалан, саломлашиш, мурожаат қилиш, меҳрибонлик кўрсатиш ва ҳоказоларга одат пайдо қилиш, ўргатиш. **Оқламоқ** – шундай вазиятлар бўладики, бола йил бўйи ажойиб хулқ-автор, ўқиши намуналарини кўрсатиб келади-ю, билиб-билмай бир хатога йўл қўяди. Масалан, бирор билан уришиб қолади; ҳашарга келмай қолади ва ҳ.к. Шундай ҳолда ўқитувчи – синф тарбиячиси уни (олдинги намунали хулқи ҳурмати) оқламоғи керак. **Сўрамоқ** – боланинг илмий ва ахлоқий билимлари ҳақида маълумот олмоқ, текширмоқ, норасмий имтиҳон қилмоқ. **Талаб** – тарбиялаш мақсадида боладан бирор нарсани қаъият билан сўраб туриш. **Тасалли бермоқ** – муваффақият-сизлиқка учраган болани юратиш, кўнгил кўтариш учун гапирмоқ, ҳаракат қилмоқ. **Таъбирламоқ** – болада, синф аҳлида, жамоат аҳлида учраб турувчи хатти-ҳаракатларни сифатламоқ. **Таъкидламоқ** – болалар билан ўтказилган ҳар бир вазиятда, уларга малол келмайдиган ахлоқий мазмунни уқтириб, тайинламоқ. **Тақдирламоқ** – ўқувчини, фарзандни қадрлаш, муносиб баҳолаш, болага унинг қадри бор

эканлигини сездериш. **Тақиқламоқ** – тарбиявий мақсадда болага, ўқувчига бирон нарсани ман этиш. **Таҳсиламоқ** – ўқувчини, фарзандни «балли», «офарин» каби сўзлар билан қарши олиш, мақтаб юксак баҳолаш. **Тенглаштироқ** – бола, ўқувчи бирор таҳсинга сазовор иш қилганда унинг хатти-ҳаракатини энг ҳурматли, азиз кишилар хулқига қиёслаш, ёмон иш қилганида эса ўз қишлоғи, маҳалласи, ҳудудидаги «ёмон» деб ном қозонган шахс хулқига ўхшатмоқ, таққосламоқ. **Тергамоқ** – вақти-вақти билан болага етарли даражада қаттиққўлликни намоён қилиб, текшириб, ножӯя хатти-ҳаракатлари учун койиб, «йўли»-дан қайтариб туриш. **Уялтироқ** – номаъкул қилифи учун болага ўта нокурайлик туғдириш, хижолат, номус қилдирмоқ. **Шавқлантироқ** – боланинг хулқи, ўқишидаги муваффақиятлари, келажагига foят мамнунлик ҳисси билан қизиқмоқ, руҳий кўтаринкилик билан завқланмоқ ва завқлантироқ, қаноатлантироқ. **Эркалатмоқ** – ўғил болани «қўзичогим», «шерим», қиз болани эса «оппоғим», «онажоним» дея силаб-сийпаламоқ, сўймоқ. **Ялинмоқ** – агарда бошқа хил усул кор қилмаслигига кўз етса, бола қалбида меҳрни янгилаш, уйғотиш мақсадида уни бирор нарсага кўндириш учун илтимос қилмоқ, ўтиниб сўрамоқ. **Яраштириш** – оиласда, синфда баъзан учрайдиган ўзаро уриш-жанжални тўхтатиш, уришмасликка аҳд қилдирмоқ, муносабатни яхшиламоқ, тотувлаштироқ. **Ўйнамоқ** – бола билан унда ижобий сифатларни ривожлантириш, салбий сифатларни йўқотиш мақсадига йўналтирилган маълум қоида ва усувлар билан ижро этиладиган ўйинларни бирга ўйнаш. **Ўргатмоқ** – болага бирор иш-ҳаракат (масалан, чой дамлашни, турли жой, вазиятларда ўзини тутишни, гапиришни ва ҳ.к.) бажариш усулини, йўл-йўригини тушуништироқ, билдиримоқ ва шу ишни мустақил бажара оладиган қилмоқ. **Ўқитмоқ** – ёзилган нарсани ёки матнни ундаги белгилар, ҳарфлар воситасида айнан айтиб, эшиттиримоқ. **Қайтармоқ** – бола, ўқувчи жаҳли чиқиб, қизишиб бирор кор-ҳол, ёмонлик қилишга қарор қилса ёки важоҳати шуни кўрсатса, уни бундай номақбул, ножӯя ишдан, хатти-ҳаракатдан ўзини тутишга ундармоқ, тиймоқ. **Қизиқчилик қилмоқ** – ўқувчи, бола билан муносабатда расмийатчиликни, психологик тангликтни бартараф қилиш мақсадида мавзуни буриб юбориш, эрмак, ҳазил қилиш,

болани күлдириш. **Совға бериш** – болага байрам, ҳайит-лар муносабати билан имкон даражасида тұхфалар қилиб, унинг меҳрини янгилаб, ошириб туриш. **Хомийлик қилиш** – болага, бирор соҳага қизиқиб, берилиб шуғулланса, бу ишда унга ёрдам, мадад бериш, муҳофаза этиш.

Шу билан биргаликда ўқувчи, болага тарбиявий таъсир ўтказышнинг салбий усуслари мавжудлиги ва уларга барҳам бериш учун улардан намуналар келтирамиз:

Алдамоқ – ёлғон-яшиқ гаплар билан, ваъдалар билан аврамоқ, лақиіллатмоқ. **Бачканалашмоқ** – ўқитувчи, ота-онанинг катталарга, улугларга номуносиб қилиқлар, хатти-харакатлар қилиши. **Вайсамоқ** – болаларни, ўқувчиларни томбнларга бўлиб, бир-бирига қарши оёқлантириб, тезлаб, улар орасидаги зиддиятни кучайтиromoқ, низони авж олдирмоқ, олқишиламоқ. **Гина қилмоқ** – ўқувчига, болага нисбатан дилда хафалик, кек сақламоқ. **Ёмонламоқ** – боланинг олдида ёки орқасидан уни ёмонлаб, ёмонга чиқариб, қоралаб гапирмоқ. **Зарда қилмоқ** – болага, ўқувчига ҳадеб зарда, жаҳл қиласвериш. **Зорланмоқ** – болалар қошида бирор нарсадан, вазиятдан нолимоқ, шикоят қилмоқ, ҳасад қилмоқ, ноchorликни намоён қилмоқ. **Мажбур қилмоқ** – ҳеч бир асоссиз ўқувчининг, синфнинг муносабати билан ҳисоблашмай, амр, зўрлик билан ёки бирор нарса тақозоси билан бир ишни қилишни буюриш, кўр-кўронада талаб. **Низо** – ўқитувчи ва ўқувчи, бола ва ота-она орасида ўзаро келишмовчилик ёки қарама-қаршилик, душманлик, адватли муносабат, ихтилоф, нифоқ ҳосил қилиш. **Сўқмоқ** – болани ёмон, уят сўзлар билан уришмоқ, ҳақорат қилмоқ. (одатда бу усул сўқилувчининг сўкувчига бемеҳрлигига олиб боради). **Хўмраймоқ** – фарзандга, ўқувчига қовоғини солиб тикилмоқ, ёмон кўз билан қарамоқ. **Қарғамоқ** – фарзандга, болага ёмонлик, баҳтсизлик ёки ўлим тилаб койимоқ, ёмон ният тиламоқ.

Амалга оширилган назарий, услубий, амалий изла-нишларни таълим жараёнинга, синфдан ва мактабдан ташқари ишлар тизимишининг барча таркибий қисмларига комплекс жорий қилиниши миллий тарбиянинг технологик тизимини белгилашгага асос бўлди. Чунки ижтимоийлашув, болага жамият, миллий маданият томонидан кўрсати-

ладиган тарбиявий таъсиrlар унинг онги ва хулқига системали таъсиr кўрсата олмайди. Мактаб эса ўзига хос технологик имкониятлари мавжудлиги туфайли миллий тарбияни мақсадли амалга ошира олади. Бу эса мактабнинг ўқувчиларда миллий тарбия мезонларини ҳосил қилувчи билим, тушунчаларни хулқ-атвор меъёрларига айлантиришнинг реал имкониятларига эга эканлигини кўрсатади. Ана шу нуқтаи назардан: 1) мактаб – Ўзбекистонда етук миллий, замонавий ёш авлодни тарбиялаб етиштира оловчи асосий давлат муассасасидир; 2) мактаб тарбиявий жараёни илмий асосга қурилсагина самарали, маҳсус воситаларга эга бўлади; 3) ўқиш – мактаб ёшидаги болаларнинг асосий вазифаси, етакчи фаолиятидир. Бола мактабга келишининг биринчи куниёқ у ахлоқий қадриятлар, меъёрларнинг ўзи учун янги дунёсига кириб боради, яхши ўқиш, яхши хулқилик – ўзининг оиласи, мактаб олдидаги бурчи эканини англай бошлиди; 4) турли касб эгалари бўлмиш ота-она, қариндош, маҳалладошлардан фарқли ўлароқ, энди унинг тарбияси билан маҳсус педагогик тайёргарлик кўрган мутахассислар – ўқитувчилар шуғулланадилар; 5) ўқувчи ўтказадиган ҳар бир куннинг катта бир қисми мактаб, ўқиш масалалари билан банд бўла боради ва ҳ.к.

Юқоридаги хусусиятлар туфайли ўқувчиларда муайян инсоний сифатларнинг ривожланишини қайд қилиш, кузатиш, тарбиялаш имкониятлари пайдо бўла боради. Масалан, ўқиш – боладан интизомлиликни, масъулиятни, вақтни билиб, тежаб ишлатишни, иродавий сифатларни намоён қилишни талаб қиласи. «Мактабгача тарбия ёшидаги боланинг бегам ҳаёти, – деб ёзади бу ҳақда Л. И. Бажович, – масъулиятга тўла ҳаёт билан алмашади: у мактабга қатнаши, дастур билан белгилаб қўйилган фанлар бўйича ўқиши, дарсда ўқитувчи талабларини бажариши, мактаб режимига, хулқ-атвор меъёрларига бўйсуниши, дастурларда белгиланган қоида, билим ва кўнікмаларни яхши ўзлаштириб олишга масъулдир»¹. Буни чизмада қуйидагича тасвиirlаш мумкин.

¹ **Б. Бгажноков.** Культура общения и этнос: А-реф.дисс. д-ра ист. наук. – М.: 1984, с. 207–208.

Миллий тарбия (МТ)нинг технологик тизими

Ижтимоий буюртма

Миллий давлатчилик ва жамият қурилишининг тарбиявий (педагогик) омили сифатида миллий тарбияни юксалтириш.

Миллий дастурнинг «таълим ва тарбиянинг миллий йўналтирилганлиги» тамойили

Илмий-педагогик талқин

Матннинг назарий, услубий асослари, миллий тарбиявий фазилатлар

Мактаб

Ўқув-тарбиявий тизими

МТ мақсади

МТ мазмуни, услуб, шакл, мезон, кўрсаткич, даражалари

МТ субъектлари: ўқитувчилар, синф раҳбарлари, ота-оналар, маҳалла

Таълим мазмунни, усуллари, тамоийиллари, воситалари, шакллари

Тарбия мазмунни, усуллари, тамоийиллари, воситалари, шакллари

Омиллар: оила, маҳалла, мактабдан ташқари тарбия муасасалари

МТ обьектлари: ўқувчилар

Ташхис

Муқояса

МТ нинг такомиллашган мақсади

Дарс вақтининг ҳамма учун бир хил давом этиши, синфдошлари билан муросаю мадора қилиш зарурати ўқувчилардан ўқишга масъулиятлилик, бурч, виждонийлик, бошқалар билан тил топа билиш, миллий ва миллатлар

аро мuloқот маданиятини талаб қила боради. У жамоат жойи бўлмиш мактабда ўзидан катта, кичик, танишу но-
таниш, ўқувчилар, ўқитувчилар билан мавжуд миллий одоб муҳитида мuloқотга кириша боради, муносабатлар-
нинг обьекти ва субъектига айланади. Дарслар мазмуни орқали Ватан, мустақиллик, истиқдол, миллат ҳақидаги назарий билимларни ўзлаштиради. Синф жамоасининг миллий онги (миллий ўзлигини англаши) ўқувчининг миллий дунёқараши, миллий идентификация жараёнига, миллий тарбиявий фазилатларнинг шаклланишига таъсир кўрсатади. Миллий ўзликни англаш бола миллий ахлоқи-
нинг норасмий бошқарувчиси (регулятори) сифатида ҳар бир боланинг хатти-ҳаракатига, хулқига таъсир кўрсата боради. Синф жамоасининг миллий онги боланинг шах-
сий фазилатлар ҳақида олган тушунчаларини унинг шах-
сий миллий онгига ва хатти-ҳаракатларига ўтказади. Масалан, миллий фуур, виждонийлик аста-секин ташки талаб (синф жамоасининг миллий онги, виждонийлиги даражаси) таъсирида сайқаллаша бориб, ўқувчининг ички эҳтиёжи, одатига айлана боради. Ўқувчининг адабиёт, одобнома, тарих ва бошқа фанлардан олган ахлоқий билимлари унинг кундалик хулқ-атвори, дунёқарашини бойитиб, миллийлаштира боради. Чунки, инсон илк ёшлариданоқ «Шах-
сий фазилатлар ҳақида илк тасаввурларга эга бўлиб, ўз хатти-ҳаракатларини «яҳши» – «ёмон» дея ажратишга қодир бўла боради»¹. Демак, миллий фуур, ватанпарварлик, виждонийлик ва бошқа фазилатлар асослари ҳам мазкур тушунчаларни ўзлаштириш орқали кечади ва боланинг хулқ-атвор тажрибасида шакллана бориши мумкин. Миллий тарбияланганликнинг юқори даражаси нафақат шахсий фазилатлар ҳақидаги билимларга эгаликда, балки мавжуд билимларни кундалик турмушда қўллай боришда ва уларнинг бузилишига ўз муносабатини билдиришда ҳам намоён бўлади. Халқимиз орасида кенг тарқалган тақиқ ва рафбатлар тизими-
нинг бола тилига кўчиши – «офарин», «балли», «яшанг», «ундай қилманг», «савоб бўлади», «уят бўлади», «увол бўла-
ди» ва бошқалар буни яққол кўрсатиб туради.

¹ А. Запорожец , Д. Элконин. Психология личности и деятельности дошкольников. – М.: Просвещение, 1965.

Умумий ўрта таълим мактабининг миллий-тарбиявий имкониятлари ва улардан фойдаланишнинг ҳолати

Кадрлар тайёrlаш миллий дастурини рўёбга чиқаришнинг биринчи босқичи (1997–2000)да мавжуд кадрлар тайёrlаш тизимининг ижобий салоҳиятини сақлаб қолиш асносида ушбу тизимни ислоҳ қилиш ва ривожлантириш учун илмий-услубий шарт-шароитлар яратиш кўзда тутилган. Ана шу заруратдан келиб чиқсан ҳолда, умумтаълим мактаби ва унинг миллий-тарбиявий имкониятлари ни ўрганиш жараёнида биз тадқиқотнинг икки ўзаро боғлиқ ва нисбатан мустақил тизимлари: а) таълимнинг миллий-тарбиявий имкониятлари; б) мавжуд тарбиявий тизимнинг миллий-тарбиявий имкониятларини алоҳида ҳисобга олиш заруратидан келиб чиқамиз.

Таълимнинг тарбиявий имкониятлари масаласи кейинги йилларда айрим россиялик олимлар томонидан «офзаки тарбия» дея танқид қилинаётган бўлса-да, бу муаллифлар келтираётган мисоллар таълимнинг тарбиявий имкониятини очиб беришнинг салбий намуналаригагина таянгандигини кўриш мумкин. Биз таълимнинг тарбиявий нуқтаи назардан қатор имкониятлари мавжудлиги (айниқса, миллий тарбияланганликнинг биринчи – рационал таркибий қисми – фазилатлар мазмуни ҳақидаги билимлар бериши)ни қатъий эътироф этамиз.

Таълимнинг миллий-тарбиявий имкониятлари унинг мазмунида кенг кўламда очилади. Миллий мустақиллик ўзбек мактабларидағи таълим мазмунини ислоҳ қилиб, унинг истиқтолий ўзгаришларига маърифий ва мафкуравий замин яратди. Ўзбекистон Республикаси Халқ таълими вазирлиги томонидан барча дарсликларни туб миллий манфаатлар асосида ислоҳ қилиш ҳаракати бошланди. Бу ҳаракатнинг илк натижалари ўзбек мактабининг гуманитар фанлари дарсликларида намоён бўлди. Бу табиий, қонуний зарурат эди. Чунки, миллий истиқтолга интилувчи, «ўзбек давлатчилиги анъаналари»га асосланувчи давлатнинг маориф сиёсати пойдевори қурилмоқда эди.

Президент И. Каримовнинг маънавий, маданий мустақилликка ҳар бир фуқаронинг она табиатга, она тилига, миллий маданият, тарихга, Ватанга муҳаббатисиз ети-

шиб бўлмаслиги ҳақидаги фоялари, қатор қонунлар, миллий истиқтол мафкураси, Ўзбекистон ватанпарварлигига қилинган урғу биргалашиб миллатни, мустақил давлатимизни таракқиётнинг янги босқичига кўтарувчи омилларга айланди. Галдаги вазифа – яна шу тарихий, маърифий, илмий-педагогик ўзгаришни илмий англаш ва миллий тарбия мазмуни билан уйғуналаштириш, мувофиқлаштириш эди.

Ўзбек мактабларида таълим ва тарбия мазмунини миллий асосга қуриш фояси 1992 йилнинг бошларидан йўрикнома даражасида амалга оширила бошланди. Бу борада Ўзбекистон педагогика фанлари илмий-тадқиқот институти олимлари ташабbus кўрсатдилар. Жамоатчилик асосида фаолият кўрсатувчи «Миллий мактаб муаммолари» илмий-педагогик Марказининг фаолияти ҳам айнан ана шу институтда бошланди. Институтнинг «Бошланғич мактаб» бўлими томонидан «Миллий бошланғич мактаб қандай бўлиши керак?», «Мустақил Ўзбекистоннинг бошланғич мактаби таълим-тарбия тизимида қандай ўзгаришлар содир бўлади?» каби саволлар устида машаққатли меҳнат «Тўрт йиллик бошланғич мактаб йўриқномаси»да ўз сарасини кўрсатди.

Миллий тарбиянинг таълимий асосини таъминлашда ўзбек мактабларига «Одобрение» дарсларининг жорий қилиниши катта туртки бўлди. Дастреб, 1992 йилда 10-синфлар учун «Одобрение дарслари режаси ва дастури», «Одобрение» кўлланмаси (Т. Курбонов), 1993 йилда 10-11- синфлар учун «Ҳаёт ва турмуш одоби» дастури яратилиб, чоп қилинди. 1-4-синфлар учун «Одобрение» дастури яратилди. Республика мактабларида янги гуманитар фан бўлмиш «Одобрение»нинг миллий тарбиявий самарадорлигини таъминлашда педагог олимларнинг, илфор халқ таълими ходимларининг ҳиссалари катта бўлди.

Миллий дарсликларнинг ўқувчилар томонидан ўзлаштирилиши болаларнинг миллий ўзликни англашида катта аҳамиятга эгадир. Бу борада Ватан туйғуси ва унинг идрок этилиши ҳақида тўхталмоқ керак. Дарсликларда Ватан туйғусини талқин қилиш борасида кескин ўзгариш рўй берди. Яъни, илгари «Менинг Ватаним – СССР» тушунчаси ни сингдириш бош вазифа бўлган бўлса, эндиликда «Ме-

нинг Ватаним – Ўзбекистон» тушунчасини ўзбекистонлик ўқувчилар эътиқодига айлантириш долзарб вазифага айланди. Бошланғич синфлар гуманитар фанлар дарсларида қадрдан ўлка, она халқ, миллат, она тилининг макони – Ўзбекистон эканлигини мунтазам, изчил ўқтира бориш имкони яратилди.

Бироқ, гуманитар фанлар ўқитувчиларининг дарс конспектларини ўрганиш, дарсларини таҳлил қилиш кўплаб ўқитувчилар дарснинг мақсадини миллий тарбиявий вазифаларни бажаришга йўналтириш борасида зарурӣ кўникума ва малакаларга эга эмаслигини кўрсатди. Кузатилган дарсларнинг 11 фоизидагина дарснинг тарбиявий мақсади миллий истиқлол вазифаларига боғланганлиги қайд қилинди.

Республикамизнинг илфор мактабларида таълим мазмунини тарбиявий талқин қилиш ва тарбиявий ишларни миллийлаштириш борасида ижобий натижаларга эришилди. Жумладан, Тошкент вилоятининг Зангиота тумани 8-ўрта мактаб педагогик жамоаси гуманитар таълим мазмунини миллийлаштириш, уни тарбиявий ишлар билан уйғунлаштириш масаласига комплекс ёндашдилар. Дарсда ва синфдан ташқарида тарбиявий ишларни ташкил қилишда миллий касблар: ганч ўймакорлиги, ёғоч ўймакорлиги, наққошлиқ, кулолчилик, тикувчилик ва ҳатто новвойлик касбларини ўргатишни бошладилар. Ҳар бир ўқитувчи ўз дарсида ўзбек алломалари бисотидан намуналар беришга ҳаракат қилди. Ҳадис намуналаридан фойдаланиш, «Оз-оз ўрганиб доно бўлур» факультатив курсини ташкил қилиш, ўзбек мақоллари айтишувини уюштириш, тарих дарсларида Ўзбекистон ва ислом тарихини ўргатиш, мусиқа дарсларида фольклор, этнографик ва насиҳат ашулаларини эшиттириш, расм-чизмачилик дарсларида нақш чизиш, ганч ва ёғоч ўймакорлиги нусхалари билан танишув, меҳнат дарсларида ўғил болаларни нақш, ганч, ёғоч ўймакорлиги, кулолчилик, деҳқончилик билан, қизларнинг тикувчилик, дўппичилик, йигирувчилик ва новвойлик каби касбларни эгаллаши, «Одбонома» дарсларининг айрим соатларида қизлар ва ўғил болаларни алоҳида ўқитиш, гуманитар фанлар дарсларида урф-одатларимизнинг инсонпарварона моҳиятини баён қилиш, синфдан

ташқари тарбиявий ишларда атама ва номлар (кишилар исми) мазмунини ўрганиш, Беруний, Хоразмий, Ибн Сино, Форобий, Улуғбек, Навоий ҳақида бадиий саҳналарни намойиш қилиш, тўгаракларда миллий ўйинларни ўрганиш, истеъодоли ўқувчилардан этнографик дасталар ташкил қилиш натижасида эришилган миллий тарбиявий натижалар ушбу мактабни туманнинг «Йил мактаби – 91» кўрик-танлови голибига айлантирди.

Ўзбек мактаби – миллий-маданий, иқтисодий тарақ-қиётнинг бешиги, қудратли тарбиявий омилидир. Агарда унинг имкониятларидан унумли, илмий асосда фойдаланилса, ўқувчига кўрсатилаётган етакчи тарбиявий таъси-рот мактабники бўлади. Лекин бу омилнинг қудрати бутун мактаб педагогик жамоаси тарбия мақсадини бир хил, илмий, мафкуравий асосда тушуниб, амалга оширасагина намоён бўлади. Биз 434 нафар ўқитувчига улар тафаккуридаги миллий истиқлоннинг педагогик талаблари бора-сидаги билимларни аниқлаш мақсадида қатор саволлар билан мурожаат қилдик. Мактаблар ҳужжатлари билан та-нишдик. Жумладан, «Сиз ҳозир ўз фаолиятингизда (собиқ коммунистик тарбия ўрнида) қандай тарбияни амалга оширмоқдасиз?» саволига улар «ўқувчиларни

мустақил Ўзбекистон фарзанди бўлиб етишиш руҳида;

миллий анъаналар, аждодларга ҳурмат руҳида;

ёш кадрларнинг илмли, ақлли, кучли бўлиши руҳида;

Ватанга муҳаббатлилик руҳида;

тўғрилик, яхшилик руҳида;

замон талаблари даражасида;

миллий маданият руҳида;

мустақил Ўзбекистон келажагини ўйладиган иродалилик руҳида;

мустақиллик, миллий урф-одатларни ҳурмат қилиш ва келажакни ўйлаш руҳида;

одобли, тўғри сўз бўлиш руҳида;

кагталарага ҳурмат, ватанпарварлик руҳида;

ҳозир бизда олиб борилаётган тарбия аниқ эмас;

бошқаларга тақлид қилмай, замон талабларига мос кишиларни тарбияламоқдамиз;

Ватанга, халқقا фойда келтирадиган болани етиштирмоқдамиз;

ҳар томонлама ривожланган Ўзбекистон фуқаросини камол топтириш руҳида тарбиялаяпмиз» сингари жавоблар бердилар. Бу эса миллий тарбиянинг айрим вазифалари эмпирик даражада амалга оширилаётганини кўрсатади. Ўқитувчиларимизнинг тарбия мақсадини айнан шундай – миллий мазмунда белгилаётганликларининг асоси нимада? Асос – Ўзбекистондаги ижтимоий, маънавий, мафкуравий муҳит, миллий истиқбол манфаатлари ва буни ўзида акс эттираётган газета, журнал, телевидение, радио – миллийлашаётган ҳаётдир. Ўзгараётган ҳаёт маънавият, мактаб тарбиясини ҳам миллийлаштирум оқда, замонавийлаштирум оқда эди. Ана шу боис ҳам «мактабда тарбиявий ишларни такомиллаштириш» учун нималар қилиш керак? деган саволга сўралганларнинг аксарияти «миллий тарбия бўйича маҳсус қўлланмалар, услубий тавсиялар чоп қилинса, мактаб тарбиявий ишлари анча тартибга тушар эди» деган фикрни айтдилар. Аникроғи, ўқитувчиларимиз мактабнинг миллий тарбиявий имкониятларини тиклаб, янгилашиб, изчил олиб бориш учун қуидагиларни бажариш керак, деб ҳисоблашади:

биринчи синфданоқ «Одбнома» дарси киритилса, соати кўпайтирилса;

тарбиявий соатлар мавзулари ёритилган китоблар чоп қилинса;

ўзида ижобий ва салбий мисолларни мужассам қилган тавсиялар керак;

болалар учун тарбиявий китоблар керак;

бошлангич синф ўқитувчиларига тарбиявий қўлланмалар керак;

вилоят, тумандан келувчи комиссиялар тарбиявий соатларни ҳам текширса;

одоб, ҳадисшунослик бўйича синфлараро мусобақалар ташкил қилинса;

тарбиявий ишларнинг аниқ режаси чоп қилинса;

бошлангич синфлар учун янги номда янги журнал чиқса;

Ўзбекистон давлат рамзларига ва бошқа мавзуларга бағишиланган адабий, мусиқий кечалар матни чоп қилинса;

отахон-онахонлар билан болаларнинг учрашувларини ташкил қилиш керак;

мактабга миллий кийим ва урф-одатлар киритилиши керак;

нафақат мактаб, балки телевидение қиёфаси, мазмун-моҳияти, ўқувчи кийими, дарсликлардаги суратлар ва бошқалар ҳам миллий бўлмоғи керак;

дарсларнинг тарбиявий жиҳатини кучайтириш керак;

ота-оналар учун ҳам тарбиявий қўлланмалар чиқариш керак;

синф раҳбарлигини танлаб топшириш керак;

тарбиянинг янги методлари, тадбирлари керак;

Мактаб ва оиласнинг миллий-тарбиявий қарашларини, талабларини бир хиллаштириш лозим ва ҳ.к.

Дарҳақиқат, ўзбек мактабининг миллий тарбиявий имкониятларидан тўла, самарали фойдаланиш кўп жиҳатдан ўқитувчиларимиз қайд қилган шартларнинг таъминланишига ҳам боғлиқ эди.

Мактабнинг миллий тарбиявий имкониятларини ўрганиш бу ишнинг муҳим бўгини – тарбияланганлик мезонлари ва уларни қайд қилиш илмий асосга қўйилмаганлиги, «оғзаки тарбия», тадбирбозликка берилиш кайфияти ҳали ҳам кучлилигини кўрсатди. «Ўқувчиларнинг тарбияланганлик даражасини қандай ва нималарга асосан белгилаямиз?» деган саволга, асосан, «юриш-туришига», «ўзини тутишига», баҳоларига қараб деган жавоблар бериларди. Муаллимларнинг бир қисми «Ўқувчиларни ҳозирги шароитда тарбиялаш мумкин бўлмай қолди» дея нолиса, баъзи бирлари «Тарбияланганликни ҳам ўлчаб, баҳолаб бўларканми?» қабилида ҳайрон бўлдилар. Ўша мактаб раҳбари уларнинг фикрини «Болаларнинг тарбияланганлигини келажак кўрсатади. Чунки ўқитувчи меҳнати мева эмаски, бир йилда билинса», – дея хаспўшлади. Шу тарика бу тоифа ўқувчиларининг қандайлигини, улардаги миллий фурур, ватанпарварлик, мафкуравий онглилик даражасидаги ўзгаришларни аниқлашга лаёқатсизликларини кўрсатдилар. Бундай педагогик ҳаваскорлик, лаёқатсизликнинг жамият учун ҳавфи, зарари шундаки, шундайлар қўлига тушадиган ўнлаб, юзлаб, минглаб ўқувчилар – эртанги Ўзбекистон болалари ўзлигини йўқотишлири, жамиятда мафкуравий, маънавий бўшлиқ яралиши мумкин. «Тарбияланганликни ҳам ўлчаб бўларканми?» са-

волининг негизи педагогика институтлари ва университетлардаги педагогик таълим тизимиға бориб тақалиши кундай равшан.

Ўқувчиларнинг миллий мафкуравий онглилик дара-жаларини ўрганишда проектив вазиятлар ҳосил қилиш усулидан фойдаланиш яхши самара беради. Биз ана шу услубни қўллаб, юқори синф ўқувчиларидан улар агарда Ўзбекистон Президенти бўлиб қолсалар, мактаб ўқувчиларига қандай тилаклар билдиришини сўрадик. Ўқувчиларнинг 21 фоизи қарашларида Президентимизнинг ёшлардан кутаётган умидлари акс этди. Яъни, улар болаларни «одобли, иноқ бўлишга, миллий фуурли, ватанпарвар бўлишга, институтларга ўз кучлари билан киришга» чақиришларини билдиридилар. Ўқувчиларнинг 16 фоизи, аввало, «арzonчиликка эришишга, порахўрликка қарши курашишга, порахўрликни ман қилиш»га киришишларини билдиридилар. Лекин сўралган ўқувчиларнинг 63 фоизи миллий мафкуравий онгининг шаклланмаганини кўрсатиши. Бу тоифанинг аксарияти берган жавобларида майший, саёз ниятлар ҳам учради. Аслида бу, ўқувчиларнинг эмас, балки мактаб, синфда миллий мафкуравий тарбиянинг қандай даражада олиб борилаётганлиги, синф раҳбари ишининг кўрсаткичи эди.

Дарҳақиқат, ўқувчилар «яхши хулқ» деганда ишчанлик, хушмуомалалик, хушчақчақлик, яхши ўқиш каби ахлоқий тушунчалар билан чекланиб қолмоқдалар. Бу ўқитувчиларнинг шогирдларидан тарбиячи сифатида нимани талаб қилаётганининг инъикосидир. Бу ўқувчилар ватанпарварлик, миллий фуурлик, миллатлараро мулоқот маданияти, виждонийлик каби тушунчаларни деярли ишлатмайдилар. Бу эса ушбу тушунчалар ҳақида уларда аниқ тасаввурлар йўқлигини, ушбу фазилатлар улардан талаб қилинмаётгани – тарбияланмаётганини кўрсатиб турарди. Салбий сифатлар ҳақида ҳам шундай хulosани келтириш мумкин. Бундан, мактабда миллий тарбиявий ишлар ташкилотчилари, синф раҳбарлари, фан ўқитувчиларининг савияси, лаёқати, муносабатини жиддий ўрганиш лозимлиги аёнлашади.

Тадқиқот жараённада мактабларда таълим-тарбия ишини ташкил этувчи раҳбарлар – мактаб илмий бўлим муз-

дирларининг миллий тарбиявий тасаввурларини ўргандик. Сўралган 223 илмий бўлим мудирининг бир қисми (43,6%) миллий тарбиянинг моҳиятини тўғри тушунишини намоён қилишди. Лекин кўпчилик (52,1%) қисми миллий тарбияни асосан тор, қадимийчасига талқин қилдилар. Масалан, бир груп устозлар «Ўқувчиларимизни миллий қадриятларимизнинг бой жиҳатлари, намуналари асосида ўтмишдагидек тарбиялаш»ни муҳим санашади. Бу тушунча миллий тарбиянинг кечаги ҳолати ва даражасига ургу бериш билан чекланиб қолинаётганини кўрсатади. Ваҳоланки, миллий тарбия бугун ҳам амалга ошмоқда ва у истиқбол, истиқболга хизмат қилишга йўналтирилган бўлиши керак. Шу нуқтаи назардан жizzахлик бир ўқитувчининг «Миллий тарбия, менимча, бу ўтмиш аждодларимизнинг анъаналарини давом эттириб, удумларга ҳурмат билан қараган ҳолда, маданий савиямизни тобора ошира бориш, келажак авлодларни Навоий, Бобур, Улуғбеклар орзу қилганидек кишилар бўлиб етишишга қаратилган тарбиядир» деган фикри – тўғри талқиннинг намунасиdir. Сўралганларнинг 2,3 фоизи миллий тарбия «менимча, мавхум тушунча», «байналминалчилик – бош шиоримиз», дея миллийликни умумисонийликка қарши қўядилар. Респондентларнинг 2 фоизи бу саволга умуман жавоб бермади.

Маълумки, ҳар бир ишнинг самараси, бирор натижа бериш-бермаслиги унинг аниқ ҳисоб-китобга асослангани, мақсад сари йўналтирилгани ёки йўналтирилмаганига боғлиқ. Ўрганишларимиз натижасида мактабларда амалга оширилаётган тарбия жараёни аниқ мезонларга асосан қайд қилиниб, ҳисоб-китоб этиб борилишининг аҳволи қуидагича бўлиб чиқди. Яъни, сўралган илмий бўлим мудирларининг 17,9% и тарбияланганлик мезонлари ҳақида тўғри, 22% и қисман тўғри, 52% и эса нотўғри тасаввурга эга. Бу ҳақда илмий бўлим мудирларининг 8,1% и ташвиш билан «Ўқувчиларнинг тарбияланганлиги тўғри баҳоланмаяпти», «фанлардан олган баҳосига қараб баҳоланмаяпти», «умуман баҳоланмаяпти», дея муносабат билдирилар. Олинган жавобларни умумлаштириш шуни кўрсатдик, ўқитувчи-тарбиячилар ўқувчининг хулқини баҳолашда уларнинг кўриниб турган жиҳатларига (acosan «тинч

ўтиришига») таянишар экан (69,5%). Ҳатто яхши хулқ-нинг ортида нима тургани, уни ҳаракатга келтирувчи кучларни «кўришга», қайд қилишга-да синф раҳбарларининг аксарияти ожиздир. Бизнингча, мактаб тарбиясининг буюк имкониятларини бўғиб турган бош кулфатлардан бири шундадир!

Кишини бир оз юпатадиган жиҳати – (миллий тарбиянинг мақсад-вазифаларини тўғри талқин қила олмасаларда, тарбия мезонлари ва уларни қайд қилишни ўзлаштиргмаган бўлсалар-да) синф раҳбарларининг 73,8% тарбиявий иш режаларида миллий тарбия вазифаларини режалаштироқдалар, «амалга оширмоқдалар». Чунки ... «ҳозир шуни талаб қилишмоқда» (жавоблардан).

Хўш, (мақсад-вазифаларини, услубларини, тарбияланганлик мезонларини қайд қилишни яхши ўзлаштиргмаган бўлсалар-да, бари бир режалаштирилаётган) миллий тарбияни амалга оширишда қандай услубий адабиётлардан фойдаланилмоқда? Мактабнинг миллий тарбиявий имкониятларини ўрганиш жиҳатидан бунга жавоб беришнинг аҳамияти катта. Олинган маълумотлар қуйидагиларни кўрсатди: (аҳамиятилигининг камая бориши бўйича):

1. Куръони карим, ҳадис.
2. Газета, журналлар.
3. Мутафаккирлар, алломалар билдирган фикрлар.
4. Маҳаллий урф-одатлар, мисоллар.
5. Мақоллар.
6. Шахсий намуна.
7. Услубий тавсиялар.

Ушбу рўйхат ҳар бир педагог олимни ҳам ўйлатиб қўяди. Ислом динининг бебаҳо тарбиявий манба, ҳазиналигига, ундан ахлоқий мақсадда фойдаланиш заруратига шубҳа келтиргмаган ҳолда шуни айтиш керакки, Куръони карим, ҳадисларга ўйлаб, билиб, тушуниб мурожаат қилиш керак. Яъни, бу йўналишда қайси гояни, нима учун, қай меъёрда, кимга, қайси вазиятда, қай мақсадда ишлатиш ҳали илмий педагогик асосга қўйилган эмас. Бироқ бизнинг айрим синф раҳбарларимиз (мақсад-вазифаларини, тарбияланганлик мезонларини қайд қилишни яхши ўзлаштиримасдан режалаштираётган, амалга ошираётган) миллий тарбияни қадимийчасига тушуниб, бу манбалардан

палапартиш фойдаланмоқда. Натижада, бир томондан, ўзлари эплай олмаётган иш – миллий тарбияга Қуръони каримни шерик қилиб, уни ҳам ўқувчилар назаридан тушираётгандикларини сезмаяптилар; иккинчидан, бу фаолиятнинг конституциявийлик даражаси номаълум. Бу саволларга жавоб бериб, муаммоларни ечувчи услубий тавсиялар етишмаслиги эса юқоридаги мисол – услубий тавсиялардан фойдаланишнинг еттинчи даражага тушиб қолганлигидан ҳам аён. Услубий-тарбиявий «қаҳатчилик» ўқитувчи-тарбиячиларимизнинг миллий тарбиявий эҳтиёжларида ўз ифодасини топмоқда. Бу борада илмий бўлим мудирларининг тилак-истакларини юқорида келтирганимиз туфайли уларни такрорлаб ўтирамаймиз. Шунингдек, «ўғил ва қиз болалар ажратиб ўқитилиши керак» таклифи миллий тарбиянинг «ҳаёт ва тарбия бирлиги» тамоилига зидлиги, «яхши ишлаш керак», «интилиш керак» каби гапларларнинг бор-йўғи куруқ чақириқлиги, «фан ўқитувчилари ставкаларини ошириш», «5–11-синфлар дарсликлари сифатини яхшилаш керак», «Дин тарихини фан сифатида киритиш керак» сингари таклифлар миллий тарбия таркибига бевосита кирмаслигини таъкидлаймиз.

Ўзбек мактаби миллий тарбиявий имкониятларини кенгайтирувчи омиллардан бири – мактаб ўқувчилар ташкилотидир. Бугун собиқ совет мактабига хос бўлган октябрят, пионер, комсомол ташкилотлари ўрнида қолган бўшлиқни тўлдириш, мактаб тарбиявий тизимининг ушбу самарали бўғинини қандай фоя, мазмун билан эгаллаш, ўзбек мактабининг тарбиявий имкониятларини ошириш муаммоси ҳал қилинмоқда. Мазкур заруратни ҳал қилиш, изланишнинг ташаббускорлари сафида Чирчиқ шаҳар халқ таълими бўлими ходимлари ҳам бор эди. Шаҳарнинг 12-сон мактаби директорининг тарбиявий ишлар бўйича ўринбосари М. Усмонова «Ниҳол» дастурини ишлаб чиқди. Дастур ўқувчиларни Ўзбекистон халқлари тарихи, маданияти, анъаналари, урф-одатлари билан таништиришини мақсад қилиб қўйган. «Ниҳол» дастури кўйи ва ўрта босқичларни ўз ичига олади. Унинг ўз рамзи, тузилиши бор. Дастурда кўзда тутилган тадбирлар, тарбиявий ишларнинг шакллари ранг-баранг ва, албатта, миллий хусусият, анъаналарга асосланилган. «Ниҳол» дастурини амалга

оширишга ота-оналар фаол қатнашмоқда. Бу дастурни ўқувчилар ташкилоти фаолиятини миллий тарбиявий вазифалар асосига қуришнинг илфор намуналаридан бири деса бўлади.

Чирчиқ шаҳар 16-сон ўрта мактабида изланувчи ўқувчилар ташаббуси билан бошланғич синф ўқувчиларининг «Ватан республикаси» фаолияти бошланди. Бу «республика»нинг иш услубидаги ўзига хослик – клублардир. Унинг шиори – «Ватан – яхшилик ва адолат учун» бўлиб, бу шиорни амалга ошириш ўқувчиларнинг «Олий мажлис»и, «Меҳнат вазирлиги», «Таълим вазирлиги», «Соғлиқни сақлаш вазирлиги» ва «Адлия вазирлиги» орқали кечмоқда.

Шаҳарнинг 5-сон мактабида фаолият кўрсатаётган «Лочин» мактаб ташкилоти 10–13 ёшли ўқувчиларни бирлаштиради. Ташкилот уч босқичдан: 1–4–5-синфлар, 2–6-синфлар ва 3–7-синфлар ўқувчиларидан иборат. Ташкилотга собиқ пионер ташкилоти каби ёппасига, синф билан эмас, ихтиёрий қабул қилинади. Ихтиёрийлик ҳам камлик қиласи. Яъни, «лочин»га аъзо бўлиш учун аввал ўқувчи қандайдир бир олижаноб, савоб, муҳим иш қилиши кепрак ва ҳ.к.

Ўзбек мактабларининг миллий тарбиявий имкониятларини бевосита ўрганиш, уларнинг мактаб маъмурияти томонидан тасдиқланган, ҳаракатдаги иш режаларини таҳлил этиш қуйидаги хуносаларга асос бўлди:

1. Барча синф раҳбарларининг иш режаларида миллий тарбиявий вазифалар, озми-кўпми, учрайди («Бизнинг қишлоғимиз», «Ватанимиз сиёсати» мавзуларида сұхбат, «1 сентябрь – Ўзбекистоннинг мустақиллик куни» дарси ва ҳ.к.). Лекин уларнинг, миллий тарбия назарияси нуқтаи назаридан чуқур англамаганлиги, вазифаларни ифодалаш, белгилаш ва амалга оширишда системалик, изчиллик йўқлиги туфайли, самарадорлиги номаълумлигича қолмоқда.

2. Миллий тарбия вазифаларини белгилаш (демак, амалга оширишда ҳам) ўқувчиларнинг ёш, шахсий, жинсий хусусиятлари ҳисобга олинмаяпти (ўғил болалар ва қиз болаларни бир хил тарбиялаш давом этмоқда). Айрим ҳоллардагина «қизлар билан ишлаш» бўлими учрайди. Ўғил

болалар – бўлажак йигитлар тарбияси ҳали маҳсус фаолият, тарбия вазифасига айлантирилмаган.

3. Айрим синф раҳбарларининг тарбиявий иш режаларида ижодийлик шиори остидаги бошбошдоқлик, системасизлик учрайди. «Ҳозир шуни талаб қилишяпти» тамойилидан келиб чиқиб, ўзлари ҳали яхши билмайдиган миллий тарбия жараёнига бундай «ижодий» ёндашиш фойдалан кўра кўпроқ зарарга ишлаши мумкин.

4. Тарбиявий соатлар мавзуларида тарбиявий муаммо кам учрайди. Уларнинг аксарияти – чақириқлар («Ҳайвонлар – бизнинг дўстимиз!», «Спорт – соғлик гарови!», «Табиатни асранг!», «Гулла, яшна, жон Ўзбекистон!» ва ҳ.к.) асосига қурилган. Бу тарбиявий ишларга расмий ёндашув мавжудлигини кўрсатади.

5. Синф раҳбарларининг иш режасидаги «Ота-оналар билан сұхбат» бўлимининг 92%ининг мавзуси «ёмон ўқишига», 8%и эса «ёмон хулқ» муҳокамасига бағищланган. Бу ҳол синф раҳбарлари фаолиятини баҳолаш синфнинг тарбияланганлик даражасига эмас, балки ўқишидаги кўрсаткичларга – табелдаги баҳолар, ўқувчиларнинг «тинч ўтиришига»га асосан амалга оширилаётганини кўрсатади.

6. Синф жамоаси тавсифномаларининг аксариятида ўқувчилар сони, ўғил-қизлар сони, яхши, ёмон, аъло ўқувчилар сони, кўп миллатли мактабларда – болаларнинг «миллати» белгиланади. Синф жамоасининг тарбияланганлик даражасига эса «ўқувчилар бир-бирларига меҳрибон-аҳил», «ҳамма ўқувчилар жамоат ишида актив», «синф жамоаси физкультура ва спорт ишларида актив» сингари баҳо берилиши тарбиявий ишларнинг: а) илмий асосга қўйилмаганини; б) синф раҳбарларининг педагогик тафаккури миллий-истиқолий тарбия foяси билан ислоҳ қилинмаганини кўрсатади.

7. Синф раҳбарлари тарбиявий иш режаларидаги «Ташкилий масалалар» бўлимида режалаштирилган тадбирларнинг 75%ини ташкилий-дидактик (дарслик билан таъминлаш, обунани ташкил қилиш ва ҳ.к.), 25%ини тарбиявий (ўқувчилар интизоми ва ўзлаштиришини кўтариш, мактаб жамоа ишларида актив қатнашиш) мазмундаги на режаси, на муддати, на кўлами ва на механизми бор ишлар ташкил қиласи.

8. «Мактаб ва оила ҳамкорлиги»да аксарият ҳолларда сұхбат билан чекланиб қолинмоқда.

9. Тарбиявий ишлар режасидаги сиёсий-ғоявий тарбия, мәхнат тарбияси, эстетик тарбия, жисмоний тарбия, иқтисодий тарбия, миллий тарбия орасыда уйғунликка эришилмаган.

10. Синф раҳбарларининг ўқувчилар билан олиб борган сұхбатларида энг күп учровчи бош мавзулар: 1) безорилик қылғанлиги; 2) дарс қолдирғанлиги; 3) уй вазифаларини бажармаганлигидир. Демакки, синф раҳбари билан ўқувчининг сұхбати аксарият ҳолларда жазолаш ва жазоланиш маросимига айланиб қолған. (Синф раҳбарлари тарбиявий услублар, шакллар ичидан энг күп күлланувчи шакл сифатида «сұхбат»ни бежиз белгилашмagan.) Бунда ўқувчиларнинг яхши фазилатлари қарийб рағбатсиз қолдирилмоқда.

11. Иш режаларида ўтган йилги тарбиявий иш натижаларидан келиб чиқувчи, янги ўқув йилида эришилиши лозим бўлган тарбиявий мақсад аниқ белгиланмайди. Бу – тарбияда аниқ мақсад йўқлиги, ҳисоб-китоб йўқлигини кўрсатади.

12. Мактабларда таълим ва тарбия бирлиги тамойилига тўлиқ амал қилинмаяпти. Бу гуманитар фанларни ўқитишида мақсаднинг мавҳум қўйилаётганида ёки умуман қўйилмаётганида намоён бўлмоқда.

13. Дарслар мазмуни Халқ таълими вазирлиги, Республика таълим маркази томонидан тобора миллийлаштирилмоқда ва ўзбек мактабларида кенг жорий қилинмоқда.

Ўқувчилар, синф раҳбарлари, тарбиявий ишлар ташкилотчиларининг педагогик тафаккури миллий истиқлолий ғоя, мазмун билан ислоҳ қилинмоқда. Лекин бунинг суръати ва сифати такомиллаштирилиши лозим.

14. Мактабнинг оила билан ҳамкорлиги асосан иккисабаб – ота-оналар йиғилиши ва ота-онани фарзандлари томонидан содир қилинган бирор кори ҳол сабаб чақиришириш орқали амалга ошмоқда эди. Вазият мактабнинг ота-оналарга ўз хуқуқ ва мажбуриятларини уқтириб, ихтиёрий, манфаатли ҳамкорликка чорлашини, системалаштиришни талаб қилади.

15. Маҳалла, қишлоқ, жамоатчилик билан тарбиявий ҳамкорлик амалга ошмоқда, лекин бу ҳамкорлик миллий тарбиявий – сифат ўзгаришига кўтарилиши керак. Буни қуйидаги ташвишли расмий хабарлардан ҳам кўриш мумкин: «Ўзбекистон Халқ таълими вазирлиги ҳайъатининг навбатдан ташқари йиғилиши бўлиб ўтди. Унда тарбия тизимидағи салбий ҳолатлар тўғрисида матбуотда бонг уриш зарурлиги, жойларда бир ой муддатда жорий ўкув йилининг якунларини чукур таҳлил этиш, шунингдек, эътиборни тарбиявий ишларнинг натижаларига қаратиш зарурлиги алоҳида қайд этилди»¹.

Мавжуд ҳолат Ўзбекистон ҳукумати, Президенти, миллий истиқлолнинг умумтаълим мактабларига қўяётган тарбиявий талабларига жавоб бера олмаслиги табиий. Биз ана шу камчиликларни бартараф қилишнинг муҳим йўлларидан бири – мактабнинг миллий тарбиявий имкониятларини такомиллаштириш, деб биламиз.

Таълимнинг миллий-тарбиявий мазмuni ва уни такомиллаштириш

Мустақил Ўзбекистонда таълим мазмунида рўй берган тадрижий ўзгаришлар, айниқса, ижтимоий фанлар мазмунида яққол акс этди ва синфиийликдан носинфиийлика, партиявийликдан партиясизлашувга, коммунистик мафкуравийликдан миллий истиқлолий мафкуравийлика ўтишда акс этди.

Мазкур педагогик ўзгариш таълимнинг инсонпарварлашуви, миллий маданийлашувига йўл очди. Чунки ҳар бир миллий маданият фаолият жараёнида яратилади, наёмён бўлади, ўргатилади, ўзлаштирилади. Ана шу сабабларга кўра, бу фаолият тарбияловчи ва ўқувчиларнинг миллий маданиятини, миллий истиқлолга муносабатини шакллантирувчи моҳиятга эга. Модомики, маданий билимлар миллий хусусиятга эга экан, Ўзбекистонда таълим мазмуни ўқувчиларни миллий маданиятга, миллийликка муносабатини шакллантирувчи объектив хусусиятга эгадир. Мазкур назарий холосага мувофиқ, миллий тар-

¹ Янгиланишнинг долзарб вазифалари. «Маърифат», 1994 йил 1 июнь.

биявий заруратни таълим мазмуни, мақсади билан муво-
фиқлаштириш, пировард натижада эса, таълим мазмуну-
ни миллий тарбиянинг потенциал омилидан реал омили-
га айлантиришга кучли эҳтиёж пайдо бўлади.

Ислоҳот таълим ва тарбия мазмунини, мақсадини,
тамойилларини мувофиқлаштириши, ўқувчиларни тамо-
мила янги ижтимоий шароитда яшашга тайёрлаши, бо-
зор муносабатларига ўтиш ва шу билан бирга миллий
фурур, виждонийлик, миллатлараро мулоқот маданияти,
миллий одоб, Ўзбекистон ватанпарварлиги, миллий маф-
куравий онг соҳиби бўлишларига хизмат қилиши лозим
эди. Ушбу сифатларни ўзида намоён қилиш учун ўқувчи-
лар дастлаб шу тушунчаларни ва уларнинг таркибий қисм-
ларини ўзлаштиришлари, англашлари талаб қилинарди.
Чунки ватанпарвар, миллий фурур, виждонийлик каби ту-
шунчаларнинг истиқолий моҳиятини англамай туриб,
ўқувчи бу фазилатларни ўзида ҳис қила олмайди. Ҳис
қилинмаган фазилат эса шахснинг хулқ-авторида онгли,
устувор намоён бўлмайди. Хуллас, Ўзбекистон мактабла-
рининг тобора миллийлашаётган таълим мазмунининг
миллий тарбиявий имкониятларини ўрганиш, аниқлаш-
тириш ва ўқитувчиларга бу борада услубий ёрдам кўрса-
тиш мақсадида дарсликларнинг миллий-тарбиявий имко-
ниятлари ўрганилиши керак эди.

Бошланғич синфлар гуманитар дарсликларининг мил-
лий тарбиявий имкониятлари таҳлил қилинар экан, ўқув-
чиларнинг ёши, руҳий, физиологик миллий хусусиятла-
ри назарда тутилди. Жумладан, бошланғич синф ўқувчи-
сида давра, гуруҳий ўйинлар, тенгқурлар билан мулоқот-
га киришиш учун боланинг ўз устида турли ижтимоий
ролларни синаб кўриши, хаёлотининг ўсиши, виждоний-
лик туйғусининг намоён бўла бошлиши, миллий ўзлиги-
ни англашнинг ривожлана бориши, бошқа миллатлар
ҳақидаги тасаввурларнинг кенгая бориши, Ватан тушун-
часини англай бориши рўй беради.

Бу даврнинг ўзига хос хусусиятларини олимлар «ин-
теллектуал операциялар даври» (Ж. Пиаже), «иккинчи
болалик даври» (Г. Гримм), «мактаб болалик даври»
(Д. Бромлей), «боланинг ижтимоий жонзот эканлигини

англаш даври» (Л. Бажович), «асосий фаолияти ўқиш бўлган кичик мактаб ўқувчилиги даври» (Д. Элконин) деб атаганлар. Миллий тарбия нуқтаи назаридан эса, бу даврни **ўқувчининг ўзини у ёки бу халқ фарзанди сифатида англашининг илк босқичи**, деб аташ мумкин. Бошланғич таълим мазмунидаги миллий руҳ мазмуни илк бор ўзбек боласининг иккинчи сигналлар системаси мазмунига, у орқали эса интеллектуал операциялари предметига айланади. Ана шу нуқтаи назардан келиб чиқиб, бошланғич ва умумтаълим ўрта мактаблар ўқитувчиларига дидактик ёрдам кўрсатишга киришилди.

Она тили, адабиёт фанларини ўқитиши, болаларнинг адабий асарларни ўқий бошлиши миллий тарбия нуқтаи назаридан алоҳида аҳамиятга эга. Атоқли тилшунос олим А. Рустамов ҳар бир яхши адабий-бадиий асар маърифий-тарбиявий ва бадиий қийматга эга бўлиши кераклиги, акс ҳолда ўқувчи бундай асардан қониқмаслигини ёзди. Адабий асар вазифаларининг тақсимоти қуйидагича: билим ташналигини асарнинг маърифий томони қондиради, амалда эзгу йўлга солиш вазифасини унинг тарбиявий жиҳати бажаради ва завқ талабига унинг бадиияти жавоб беради... Асарнинг бу уч жиҳати ўз вазифасини бажаришда бир-бирига кўмаклашади. Бадиият асарнинг тарбиявий таъсирининг ошишига ва маърифий жиҳатининг яхши ўзлашишига ёрдам беради. Тарбиявийлик маърифатга бўлган интилишнинг ва бадииятнинг таъсирини оширади. Маърифийлик асарнинг тарбиявий ва бадиий томонларини мустаҳкамлайди¹. Биз тил ва адабиёт дарслари ўқитувчиларига миллий тарбиявий тушунчаларни шакллантиришда адабий асарларнинг ана шу хусусиятларига таянишни тавсия этган бўлардик.

Шуни ҳам қайд қилиш керакки, республиканизнинг мустақилликка эришиши, ўзбек тилига давлат тили мақомининг берилиши барча дарсликларни янги, замонавий талабларга жавоб бера оладиган қилиб яратиш заруратини яратди. Жумладан, «Ўқиш китоби», «Ўзбек тили», «Табиатшунослик», «Адабиёт» дарсликларига миллий маз-

¹ А. Рустамов. Сўз хусусида сўз. – Т.: «Ёш гвардия», 1987, 61-бет.

мунга эга дидактик материалларни кўпроқ киритиш Республика ўқув-методик маркази томонидан таклиф қилинди. Бу соҳадаги изланишларнинг кўламини тасаввур қилиш учун бошланғич синфлар ўқув дарслкларида миллий мазмун бериш бўйича олиб борилган ишлардан айрим намуналарни келтирамиз.

2-синф «Ўқишиш китоби» мазмунининг РЎММ томонидан ислоҳ қилиниши

Собиқ ўзбек мактабидаги шакли	Мустақил Ўзбекистон мактабида ислоҳ қилинган шакли
«Октябрятлар ҳаёти ва иши» бўлими	«Биз иноқ болалармиз» бўлими
«Улуғ Октябрь» бўлими	«Олтин куз» бўлими
«В. И. Ленин ишчилар иши учун курашувчи» бўлими	«Навоий бобокалонимиз» бўлими
«Ватанимиз – Совет Социалистик Республикалар Иттифоқи» бўлими	«Ўзбекистон – Ватаним маним» бўлими
«Кизил байроқ» шеъри, «Давлатимиз герби», «ЎзССРнинг байроби ва герби» мавзулари	Юлдузлар қани, бувижон» (М. Муродов), «Фермада» (М. Зайнитдинова), «Дўппи» (З. Маликов), «Набирагинам» (С. Барноев) шеърлари билан алмаштирилди)

3-синф «Ўқишиш китоби»

«Улуғ Октябрь социалистик революцияси» бўлими	«Ватанимиз ўтмишидан» бўлимига алмаштирилди. Унда, жумладан, «Малик Санжар қўзголони», «Маҳмуд Торобий қўзголони» (Х. Содиқов) материаллари берилди
---	---

«Ленин – тириклардан
тирик» бўлими

«Навоий бобокалонимиз»
бўлими ва ҳ.к.

4-синф «Ўқиши китоби»

«Бизнинг жонажон армия»
бўлими

«Кушлар ва ҳайвонлар
бизнинг дўстимиз» бўлими
ва ҳ.к.

Шунингдек, Республика ўқув методик маркази ўзбек мактабларида таълим мазмунини миллийлаштириш бўйича ўз кўрсатмаларида шундай мурожаат қилди: «Машқлар учун матнлар, шеърлар ва гаплар танлашни бошлангич синф ўқувчиларимизга ҳавола этамиз, уларнинг ижодкорлиги, изланувчанлигига ишонч билдирамиз. Бунда ўқитувчилар қўйидаги талабларга риоя этишлари зарур.

1. Аввало танланган материал мазмунан миллий, одобахлоқ талабларига жавоб бериши, сиёсий мавзуга мутлақо тегишли бўлмаслиги лозим.

2. Матнлар, шеърлар дастурнинг танланган бўлими мавзусини очиб беришга қаратилган бўлиши лозим.

3. Танланган материаллар болалар ёшига мос, уларнинг фикрлаш қобилиятини ўстирадиган, болалар онгига яхшилик уругини экадиган, ёзилиши эса содда, равон, тушунарли бўлмоғи керак.

4. Матнлар, шеърлар, гаплар ўқитувчилар томонидан янги – 1992–93 ўқув йилига қадар тайёрланиши ва методик бирлашманинг биринчи йигилишида муҳокама этилиши ҳамда тасдиқланиши зарур»¹.

Янги таклиф қилинган мавзуларда таълимнинг тарбиявий вазифасига алоҳида эътибор берилди. Масалан, 3-синф «Ўзбек тили» дарслигининг 215-машқи учун «Донишмандлар тарбия хусусида» (Ш. Зуннун, Т.: Ўқитувчи, 1982) китобидан парчалар келтирилган бўлиб, улар тўла тарбиявий қимматга эгадир. Машқ-топшириқда: «Ўқинг. Ажратиб кўрсатилган сўзларга сўроқ беринг, улар нимани билдираётганини айтинг», дейилди.

«Азиз ўқувчилар! Ўқитувчиларингиз сизнинг маънавий оталарингиздир. Шунинг учун уларни чин кўнгилдан

¹ Бошлангич синф ўқитувчилари учун методик тавсиялар тўплами.
– Т.: «Камалак», 1992, 80-бет.

севинг, насиҳатларини жону дил билан қабул қилинг. Ўқитувчиларингизни ҳурмат қилиб, ҳузурларида адабли ўтиринг. Ўқитувчиларингиз ёнингизда ўтирсалар, дарҳол ўрнингиздан туриб, салом бериб қарши олинг, буйруқларини кутиб туринг. Бирор нарса сўрасалар, яхши жавоб беринг. Дарсда тушунмаган саволларингизни мулойимлик билан сўранг. Мактабни тамом қилганингиздан кейин ҳам шу ҳурматли устозларингизни асло унутманг¹.

1993—94 ўқув йилида ҳам дарс ва дарсликларни миллийлаштириш имкониятларини ошириш изчил давом эттирилди. Республика ўқув методика маркази ҳалқ таълими ходимларининг август кенгашига тавсияномалар йўллади. Фан мутахассислари томонидан йўл-йўриқлар «Фанлар бўйича ўқув дастурларини қандай режалаштириш керак?», «Қайси фанларни ўқитишда қандай жиҳозларга эътибор бериш лозим?» каби саволларга жавоб тариқасида тайёрланниб, мустақилликни мустаҳкамловчи, миллий гуур, Ўзбекистон ватанпарварлиги ва бошқа сифатларни тарбиялашга алоҳида эътибор бериш лозимлиги тавсия қилинди.

Тадқиқот доирасига кирган мактаблардаги ўқитувчиларга гуманитар фанларни янгича ўқитиш, миллий тарбиявий вазифаларни белгилаш дастлаб қийин бўлди. Бунинг икки сабаби бор эди. Биринчидан, илмий истиқтолий тарбия назарияси ва услубияти билан ўқитувчиларнинг қуроллантирилмагани; иккинчидан, ўқитувчиларнинг тарбия назарияси, таълим ва тарбия бирлигини амалга ошириш бўйича умумпедагогик тайёргарлик даражаси пастлиги эди. Шу боис ўқитувчиларнинг гуманитар таълимнинг миллий мазмуни ва тарбия вазифаларини уйғунлаштиришига фаол ёрдам бермоқ талаб қилинарди. Мазкур заруратни қондириш мақсадида ўзбек мактаби гуманитар таълим мазмунида миллий тарбиявий мазмунни асослаш, қайд қилиш тамойили белгиланди. Тамойилнинг моҳияти ва мазмuni — қўлланилган тушунчалар ичидан миллий тарбиявий нуқтаи назардан энг аҳамиятлilarини ажратиб, уларга тарбиявий тус бериб, изоҳлашдан иборатдир. Аста-секин ўқитувчилар ушбу тамойил асосида мавзуларнинг миллий-тарбиявий имкониятларидан самарали фой-

¹ Бошлангич синф ўқитувчилари учун методик тавсиялар тўплами. — Т.: «Камалак», 1992, 90-бет.

Ж ж ҳарфи	Жавлон-полвон (бадантарбия, саломатлик)
Ц ц ҳарфи	Она ип йигириув цехида ишлайди... Онага меҳр
<i>Ўқиши бўлими</i>	
Ўқиши билдим	Ўқиши – ўқувчининг бурчи
Фазога йўл	Ватан учун билимли бўлиш, хизмат қилиш
Алишер билан булбул	Аждодларга ҳурмат
Шоир билан шоҳ	Ватанга, миллатга хизмат қилиш фояси
Ҳикматлар	Бирлик
Ҳалқа	Аждодларга ҳурмат
Зафар Диёр	Аждодларга ҳурмат
Серкүёш ўлка	Ўзбекистон ватанпарварлиги
Чол билан бўри	Миллий одоб, виждонийлик
Нима яхшию, нима ёмон	Миллий одоблилий
Трамвайда	Миллий одоблилий
Мақоллар	Миллий одоблилий
Бахтиёрлар қўшиғи	Ўзбекистонлик болаларнинг ватанпарварлиги
Юлдузлар қани, бувижон	Ўзбекистон ватанпарварлиги, виждонийлик
Қанотли дўстларимиз	Ўзбекистон ватанпарварлиги
Жаҳон болаларининг талаби	Миллатлараро мулоқот маданияти, миллий мафкуравий онглилик
Қ. Муҳаммадий «Нон»	Ўзбекистон ватанпарварлиги, миллий-мафкуравий онглилик, миллий одоблилий, виждонийлик
Қ. Муҳаммадий «Ўзбекистон»	Ўзбекистон ватанпарварлиги, миллий мафкуравий онглилик, миллий турурликини шакллантириш

даланишнинг кўникма ва малакаларига эга бўла бордилар. Миллий тарбиянинг мақсади, вазифаларидан келиб чиқиб адабиёт, тарих, мусиқа, одобнома фанларидаги ҳар бир мавзуга миллий тарбиявий таҳлил қилиш тамойилини қўллаш юзасидан ўқитувчиларга тавсиялар берилди. Шу тариқа дарсликларнинг миллий тарбиявий имкониятларини педагогик таҳлил қилиш усули ишлаб чиқилиб қўлланилди. Буни қўйидаги намуналарда намойиш қиласми:

Қ. Абдуллаева. «Алифбе» дарслиги, 6 ёшлилар учун (максус редактор К. Қосимова) 7-нашри. – Т.: Ўқитувчи, 1992.

МАВЗУЛАР	Ўқитувчи миллий-тарбиявий нуқтаи назардан нимага ургу бериши керак: фазилатлар, буюмлар, маънавий тушунчаларни уқтириш
1–22-бетлар	Ўқувчиларни миллий ҳаёт манзаралари билан таништириш: полизда; чол ва шолғом; узум узиш; уй ҳайвонлари; онага меҳрибонлик...
А а ҳарфи	Appa, асал
О о ҳарфи	От, олча
Н н ҳарфи	Нон, она, ой, ниначи ва чумоли
И и ҳарфи	Ит, ип
Л л ҳарфи	Лола, илон, лайлак
Р р ҳарфи	Рубоб, танбур
Б б ҳарфи	Бобом, дадам, онам, укам
Т т ҳарфи	Тулки (айёрлик, росттўйлик)
Ә ә ҳарфи	Экин, кўм-кўк, эл
Ч ч ҳарфи	Йўлчи чилдирма чалди
Ң ң ҳарфи	Гулсум синглим, ука
Ю ю ҳарфи	Юлдузлар (аҳиллик тушунчаси)
Ҳ ҳ ҳарфи	Шаҳримиз, Ўзбекистон, миллий боғ
Ҷ ѵ ҳарфи	«Аъло Ватанга ким бўлса фарзанд, ҳамма сизни қиласи тенг иззат»

«Ўзбек адабиёти» 5-синф. Дарслик-мажмуа. Б. Саримсоқов,
Т. Халилов, Б. Қурбонбоев. – Т. «Ўқитувчи», 1993.

Ўзбекистон Республикаси Давлат мадҳияси. М. Бурхонов, А. Орипов	Ўзбекистонга муҳаббат, алломалар, аждодлар руҳига ҳурмат, Ўзбекистон ватанпарварлиги, миллий онглилик
Халқ оғзаки ижоди	Аждодлар руҳига ҳурмат, миллий санъатга қизиқиш, виждонийлик
Мақоллар	Миллий одоб, Ўзбекистон ватанпарварлиги, аждодлар руҳига ҳурмат
Тўмарис	Аждодлар тарихига, маънавиятига ҳурмат, миллат тарихига қизиқиш, ватанпарварлик
Широқ	Аждодлар руҳига ҳурмат, миллий гурур, фидойилик
Асотирлар	Миллат тарихини билиш, миллий маданиятта ҳурмат, аҳиллик
Ҳайвонлар ҳақида	Миллий маданиятта ҳурмат, миллатлараро мулоқот маданияти
Афсонавий эртаклар. Латифалар	Аждодлар тарихига ҳурмат, ватанпарварлик, миллий маданият, тарихга ҳурмат
Маҳмуд Кошғарий	Аждодлар руҳига ҳурмат, миллат тарихини билиш, миллий одоблилик
Аҳмад Яссавий	Аждодлар тарихига ҳурмат, эътиқодлилик, миллий-мағфуравий онглилик
Рабғузий «Нуҳ пайғамбар кема сафари ҳикояти»	Аждодлар тарихига ҳурмат, эътиқодлилик, миллат тарихини билиш, жониворларга шафқат
Хожа	Эътиқод, донишмандлик
Абдулла Авлоний	Миллий гурур, аждодлар руҳига ҳурмат, топқирлик, фаросатлилик, жаҳолатта қарши туриш
Ҳамза Ҳакимзода Ниёзий	Миллат тарихига қизиқиш, миллий маданиятта, билимга интилиш

Чўлпон	Миллий фуур, аждодлар руҳига ҳурмат, Ўзбекистон ватанпарварлиги, замонавийлик
Абдулла Қаҳҳор	Аждодлар тарихига ҳурмат, ҳамдардлик
Миртемир	Миллат тарихига қизиқиш, табиятсеварлик
Усмон Носир	Аждодлар руҳига ҳурмат, миллий маданиятга қизиқиш, Ўзбекистон ватанпарварлиги, миллий фуур
Ҳамид Олимжон	Ўзбекистон ватанпарварлиги, табиятни ва юртни севиш
Faфур Fулом	Ўзбекистон ватанпарварлиги
Асқад Мухтор	Ўзбекистон ватанпарварлиги
Эркин Воҳидов	Ўзбекистон ватанпарварлиги, миллий одоб, қариндошларга иззатлилик
Абдулла Орипов	Ўзбекистон ватанпарварлиги, аждодлар руҳига ҳурмат, миллат тарихига қизиқиш
Ўткир Ҳошимов	Ота-онага меҳрлилик, миллий одоб
Худойберди Тўхтабоев	Ота-онага меҳрлилик
Шукур Холмирзаев	Ота-онага меҳрлилик, табиятсеварлик
Алишер Навоий	Аждодлар руҳига ҳурмат, ватанпарварлик, виждонийлик, миллий одоблилик
Кайковус	Аждодлар руҳига ҳурмат, ота-онага меҳрлилик
Бердақ	Ўзбекистон ватанпарварлиги, миллатлараро мулоқот маданияти, миллий мафкуравий онглилик

«Ватан адабиёти». 9-сinf учун дарслер-хрестоматия.**Тузувчилар: Н. Каримов, О. Мадаев, А. Фазлитдинов,****Ш. Ризаев. – Т.: «Ўқитувчи», 1993.**

Алпомиш	Халқни, миллатни бирлаштириш гояси, баҳиллик, саҳийлик тушунчалари. 10000 уйли қўнғирот эли. «Закот», «эл» тушунчалари; ака- укалик, халқпарварлик, 16 уруғ қўнғирот эли; диёнат, миллӣ фуур, шаън, миллӣ тарих; Ўзбекистон ватанпарварлиги, фидойилик, садоқат, виждонийлик
XIV–XVI асрлар адабиёти Алишер Навоий	Халқпарварлик, тилга ҳурмат, ростгўйлик, шумлик, мулойимлик, хушфеълийлик, ёқимтойлик, ёлғончилик, виждонийлик
XIV–XVIII асрлар адабиёти Махмур	Ижобий ва салбий сифатлар шарҳи: «порахўр» қозилар, лаганбардорлик, виждонийлик
XIX асрнинг иккинчи ярми ва XX аср бошлари адабиёти Муқимий, Фурқат	Ҳукмрон табақалар қонун- қоидаларидан норозилик, тўй, хатми Куръон, баҳиллик, очкўзлик, мунофиқлик, янгилик – жадидчилик
Завқий	Миллӣ фуур, шаън, замонавийлик
Аваз Ўтар	Ҳимматлийлик, саҳийлик, олижаноблик, холис яхшилик, ширин сўзлийлик
Ҳамза	Ватанпарварлик, миллатпарварлик, бидъат, жаҳолат, жадидлик, қадимчилик, замонавийлик. Миллӣ маданиятга ҳурмат, миллӣ мустақиллик, миллӣ шеърлар, миллӣ фуур, маданий қадрият, мустамлакачилик, замонавий ватанпарварлик, Туркистон, миллӣ руҳсизлик, миллӣ жаҳолат
Комил Яшин	Диёнат, «сиз» ламоқ, маҳаллийчилик, ӯзбек маданияти

Эркин Воҳидов	Аждодларга ҳурмат, ота-онага меҳрлилик
Абдулла Қаҳҳор «Ўтмишдан эртаклар» «Ҳур қиз»	Қариндошларга меҳрлилик, маҳаллийчилик. Миллий одобга зид ҳоллар, шафқатсизлик «1917 йил ўзгариши...», эркин ҳаёт, зулм, жаҳолат
Пиримқул Қодиров	Юлғичлик, диёнат, ҳалоллик, манфаатпарастлик, ҳушомадгўйлик, «эски-янгилик», қолоқчилик, тарқоқчилик
Абдулла Орипов «Жаннатта йўл» достони	Ҳасадгўйлик, қора юраклик, олчоқчилик, иғво, тухмат, гуноҳ, бефарқчилик, ота-онага меҳрлилик, худбинлик, виждан, миллий одоб
Одил Ёкубов	Миллий замонавийлик, ҳаё, миллий одоб, жисмоний ва маънавий гўзаллик, ҳалоллик, покизалик
Мирмуҳсин «Меъмор»	Миллий маданиятга ҳурмат, урф-одатларга ҳурмат, миллий фурур, ҳалоллик, ишбилармонлик, хиёнаткорлик, разиллик, виждонийлик
Мухтор Аvezov	Миллатлараро мулоқот маданияти, туркий халқларга ҳурмат, миллий фурур
Рабинранат Тагор	Ватанпарварлик, маърифатлилик, манфаатпарастлик, Ўзбекистонга дўст мамлакатларга биродарлик ҳисси, миллий замонавийлик, қадимийчилик, «овруполашган бенгал зиёлилари», овруполашув, гарбийлик, ҳинд аёлларига хос мустаҳкам ирова, покиза ахлоқ, чидам, матонатлилик тавсифи

Ҳар бир фазилатни шакллантиришнинг асосий шартларидан бири – дастлаб ана шу фазилат, сифат ҳақида ўқитувчиларда, кейин эса ўқувчиларда тушунча, билимнинг мавжудлиги ҳисобланади. Акс ҳолда бу фазилатлар шахс хулқ-атворида намоён бўлмайди, намоён бўлса-да, англамаганлиги туфайли ўткинчи характерга эга бўлиб қолади. Иккинчидан, фазилат, сифат ҳақида тушунча, билимнинг тарбияланувчи онгидаги даражасини қайд қилиш лозим. Чунки бунда биз қўрсатаётган тарбиявий таъсир, миллый таълим мазмуни ўқувчилар томонидан қандай ва қай даражада қабул қилинаётгани, бу ишда нималар та-комиллаштирилиши ва нималар тузатилиши кераклиги аниқланади. Дарҳақиқат, шахснинг ҳар бир сифати шу сифатнинг таркибий қисмлари бўлмиш интеллектуал, эмоционал-иродавий ва амалий фаолиятнинг шаклланганлигига ва улар орасидаги уйғунликка боғлиқ. Шу туфайли миллый тарбияланганликнинг ҳар бир фазилати қандай ривожланганини аниқлашда дастлаб ўқувчининг ёшига мос тарзда мазкур фазилат ҳақидаги тасаввурлари, тушунчалари, билимлари ўрганилади. Учинчидан, бу республика мизда амалга оширилаётган таълим мазмунини миллыйлаштириш чоралари қандай самара берётганини ўрганиш ва такомиллаштириш лозим бўлган янги қирраларини белгилаш имконини беради.

Ана шу қарашларга таяниб, ўрта ва юқори синф ўқувчиларига (уларнинг ёш, заковат хусусиятлари инобатга олиниб ишлаб чиқилган мезонлар ва синф раҳбарларининг кузатишларига (педагогик консилиум аъзоси сифатида) асосланган ҳолда) миллый тарбиянинг асосий тушунчаларини шарҳлаб бериш таклиф қилинди. Ўқувчиларга қўйидаги сўров варақаси тарқатилди.

СЎРОВ ВАРАҚАСИ

Муҳтарам ўқувчи! Қўйидаги сўзлар, ибораларнинг маъносини Сиз қандай тушунасиз? Марҳамат қилиб, қўйидаги гапларни ўз фикрингиз билан давом эттириб, тутатсангиз:

Миллый фурур бу –

Ўзбекистон ватанпарвари деб шундай кишини айтиш мумкинки, у	
Виждонийлик бу –	
Миллатлараро мулоқот маданияти бу –	
Миллий одоб бу –	
Миллий-мафкуравий тарбия бу –	

Ўқувчиларнинг жавоблари: сўз, ибора маъноси тўлиқ, чукур очиб берилса – 3, қисман очилса – 2, нотўғри жавоб берса ёки жавоб бера олмаса – 1 балл билан баҳоланди. У ёки бу тушунчага қўйилган баллар жамланиб, йифинди жавоблар синфга бўлинди. Шундай қилиб, ўқувчиларнинг миллий-истиқтолий тушунчаларни қандай тушунганларлари аниqlанди. Ниҳоят, олинган ўртача балларнинг умумий рейтинги тузилди.

Ўқувчиларнинг миллий-тарбиявий фазилатларни тушуниш даражалари ва уларнинг рейтинги (уч балли тизимда)

Ўрни	Тушунча, ибора	балл
1.	Миллий одоб	2,1
2.	Ўзбекистон ватанпарварлиги	1,94
3.	Миллатлараро мулоқот маданияти	1,85
4.	Миллий гурур	0,83
5.	Виждонийлик	0,89
6.	Миллий-мафкуравий онглилик	0,51

Кўриниб турганидек, ўқувчиларда миллий-тарбиявий фазилатлар ҳақидаги умумий тушунчалар даражаси дастлаб жуда паст эди. Мавжуд тасаввурлар ҳам тор, ўзаро боғланмаган, ҳаётий мустаҳкамланмаган эди. Бу эса ҳар бир ўқувчи даражасида, ҳар бир синф миқёсида миллий- мафкуравий онглилик, ижтимоий онг, фикр, хуроса, баҳо, муносабат, хатти-ҳаракатнинг фаол намоён бўлишини таъминлай олмас эди. Чунки жавобларда ўқувчиларнинг Ўзбекистон, миллат олдидаги бурчлари, аждодларга ҳурматини намоён қилиш муайян тарзлари ишга туширилмаган эди. Бунга ойдинлик киритиш учун ўқувчилардан олинган айрим характерли жавобларни келтирамиз: «Ватанпарварлик» тушунчасини сўралган ўрта ва юқори синф ўқувчи-

ларининг 43,3 фоизи «ватанга муҳаббат», «туғилган жойини севиши», «ота-онага муҳаббат», «бағрикенглик» каби маъноларда тушунишлари аниқланди. 30,8 фоизи эса ватанга хизмат қилиш, уни куйлаш, мадҳ қилиш, ҳимоя қилиш дея талқин қилишди. Ўқувчиларнинг 8,8 фоизи «ватанпарварлик – бу мамлакатда амалга оширилаётган мустақилликни мустаҳкамлашга ўз ҳиссасини қўшмоқ, Ватан олдидаги қийинчиликларни ҳал қилишда ҳозиржавоблик, меҳнатсеварлик билан қатнашиш» эканлигини билдирилар. Ўқувчиларнинг 13,2 фоизи бу саволга жавоб бериша олмади.

«Миллатлараро мулоқот маданияти» ўқувчиларда турлича жавобларни юзага келтириди: сўралганларнинг 2,8 фоизи бу тушунчани «бошқа халқлар тарихи, маданиятини билиш» деб англаған бўлсалар, 35,1 фоизи – одамлар орасидаги дўстлик, бирлик, биродарлик деб атадилар. Ўқувчиларнинг 19,4 фоизи бу тушунчани байналминал жангчиларга ҳурмат, 11,7 фоизи эса халқлар орасидаги ҳамкорлик дея талқин қилдилар. 15,5 фоиз ўқувчилар «турли мамлакатлар болаларининг бир-бирига хат ёзишлари, бир-бirlари билан учрашиб туришлари» деган жавобни берган бўлсалар, 15,4 фоиз ўқувчилар бу иборани шарҳлай олмадилар.

Ўқувчиларнинг «миллий фуур, миллий истиқдол мафкураси, виждонийлик»ни тушунишларида ҳали мавхумлик ҳукмрон эди. Чунки 70 йилдан ортиқ давом этган совет тарбия тизимида «виждон» тушунчаси ўрганилмаган, тарбия предметига айланмаган, кундалик педагогик луғатда фаол ишлатилмас эди. Миллий истиқдол мафкуравий онги эса эндиғина шаклланаётган, унинг педагогик асослари ҳали ишга туширилмаган эди.

«Миллий фуур» тўғридан-тўғри «миллатчилик» дея тушунтирилиб, унга қарши муносабат ҳосил қилинганди. Бу ўқувчиларга берилган «миллатчилик нима?» деган саволга олинган жавобларда ҳам акс этди. Масалан, «Магазин, автобусларда ўзбекча гапириш – миллатчилик деб ўйлайман», «Мен ўзимни миллатчи деб ҳисоблайман, чунки ўз халқимдан фаҳранаман», «Миллатчилик бу – ўз

миллатини ҳимоя қилиш. Мен миллатчиликни ёмон кўраман» ва ҳ.к. Ўқувчиларнинг бир қисми миллатчиликнинг асл моҳияти – бир миллатни иккинчи миллатга қарши кўйиш, ўз миллатини улуғлаб бошқаларни пастга уриш эканлигини тўғри баён қилишди.

Ўқитувчиларга юқорида баён қилинган услубий ёрдам тизими кўрсатилиши – тадқиқот амалга оширилган мактабларда гуманитар фанлар бўйича дарс, мавзу олдига миллий тарбияланганлик даражаси кўрсаткичини кўтариш сари қўйилган самарали таълимий қадам бўлди. Илмий-амалий тадқиқот охирида олинган натижаларни қиёслаш ўқувчиларнинг «миллий одоб» ҳақидаги тасаввурлари 2,1 дан 2,9 га, Ўзбекистон ватанпарварлиги ҳақидаги қарашлари 1,94 дан 2,5 га; миллатларо мулоқот маданияти ҳақидаги билимлари 1,85 дан 2,6 га; миллий фурур ҳақидаги тушунчалари 1,83 дан 2,8 га, виждонийлик ҳақидаги тушунчалари 0,89 дан 1,97 га; миллий-мафкуравий онглийлик ҳақидаги англаш кўрсаткичлари 0,51 дан 2,2 га ошганлигини кўрсатди.

Албатта бу чоралар миллий-тарбиявий тушунчаларни шакллантириш, ўқувчиларни миллий истиқдол руҳида тарбиялашнинг муҳим бир қисми эди, холос. Чунки Ал-Хоразмий таъбири билан айтганда, «Сўз – гул, иш – мевадир». Яъни миллий-тарбиявий тушунчаларнинг пухта эгалланганлиги ҳали ушбу фазилатларнинг ўқувчиларда шаклланганининг кафолатини бера олмасди. Ўқувчиларда бу фазилатларнинг намоён бўлиши (мевага айланиши учун) миллий-тарбиявий фаолият турлари, шакллари, услублари тўлиқ ишга туширилиши лозим эди.

Ўқувчиларнинг дарсдан ташқари фаолиятида миллий-тарбиявий имкониятларини ишга тушириш

Юқорида биз ўқувчиларнинг миллий тарбияланганлик мезонлари ва уларни ўрганиш, таълимий, миллий-тарбиявий имкониятларни такомиллаштириш услублари орқали уларни миллий-тарбиявий ислоҳ қилиш ҳақида сўз юритдик. Мазкур вазифа масалага комплекс,

системали ёндашишни тақозо қиласы. Бу эса: 1) миллий тарбия мақсадини мактаб педагогик жамоасининг мағкуравий мақсадига айлантириш; 2) педагогик жамоани миллий-тарбиявий вазифаларни ҳал қилишга назарий, услугий тайёрлаш; 3) ўқитувчи, синф раҳбарларини миллий-тарбиявий воситалар, услугий тавсиялар билан таъминлаш; 4) мактаб тарбиявий тизимини шу вақтгача учрамаган миллий-тарбиявий тадбирлар билан бойитиш; 5) ўқувчиларнинг синфдан ташқари фаолиятларини миллий-тарбиявий мақсадга йўналтириш; 6) мактабдан ташқари тарбия муассасалари билан миллий-тарбиявий ҳамкорликнинг илгор шакл, мазмун, услугбларини қўллаш каби вазифаларни ҳал қилиш имкониятларини берди.

Мақсадга йўналтирилган миллий тарбия ўқувчи фаолиятининг муайян шакллари орқали амалга оширилади. Фаолиятга асосланган ёндашувда мукаммал ҳал қилиш манфаатидан келиб чиқиб, мактабларда ўқувчиларнинг дарсдан ташқаридаги фаолиятининг жорий шакллари ўрганилди. Жумладан, ўқитувчиларга «Сиз ўқувчиларнинг дарсдан ташқари фаолиятини ташкил қилишда қандай услуб, шакллардан фойдаланяпсиз?» деган савол билан мурожаат қилдик ва жавобларни таҳлил қилдик.

Сўралган 342 нафар халқ таълими ходимларининг 100 фоизи ўқувчиларнинг дарсдан ташқари фаолият турларидан суҳбат, тарбиявий соат, тарихий саналарни нишонлашга асосий эътибор бермоқдалар. Сўралганларнинг 30–40 фоизи мушоира, мунозара, конференция шакллари ва ниҳоят 10–15 фоизи учрашув, сайр-саёҳат, мусобақа ва бошқа ижтимоий фаолият турларини кўрсатдилар. Кўриниб турганидек, ўқувчиларни тарбиялашда асосан тарбиянинг оғзаки услуб ва шакллари етакчилик қилмоқда эди. Бу эса ўқувчиларда миллий-истиқлолий тушунчаларни маълум даражада шакллантирса-да, тушунчаларнинг хатти-ҳаракат меъёрларида намоён бўлишини таъминлашга қодир эмасди. Шундай қилиб, суҳбат, тарбиявий соат, тарихий саналарни нишонлаш шаклларини миллий-тар-

биявий мазмун, фоя билан бойитиш ва бошқа тарбиявий шакл, услуглар самарадорлигини кўтариш, ўқувчиларнинг амалий фаолиятини кучайтириш тадқиқот йўналишларидан бирига айлантирилди.

Ўқувчиларнинг дарсдан ташқари фаолиятида миллий фурурни шакллантиришни педагогик таъминлаш вазифаси бу жараёнга янги воситалар, услублар, мазмунни киритишни тақозо қиласди. Чунки ҳали миллий фурурни яратувчилик мақсадларида тарбиялаш назарий, амалий жиҳатдан ишлаб чиқилмаган ва бу жараён аксарият ижтимоий тарбияда амалга ошмоқда. Бу жараённи илмий-услубий таъминлаш янги тадбир ва воситалар тизимини ишлаб чиқишни талаб қиласди. Ана шундай воситалардан бири – мустақил Ўзбекистонда амалга оширилаётган миллий-маданий тадбир – «Мерос» Давлат дастуридир. Дастур бевосита мустақилликни мустаҳкамлаш, миллий қадриятларни тиклашга қаратилган бўлиб, Ўзбекистон халқ анъаналари ва маросимларини тиклаш, тарих ва маданият ёдгорликларини сақлаш, ўрганиш ва таъмирлаш, 2000 йилгача бўлган даврда республикада туризмни ривожлантириш концепцияси ва дастури деб номланди. («Ўзбекистон адабиёти ва санъати», 1992 йил 12 июнь). Бироқ мазкур дастурнинг Ўзбекистон мактабларида ўтказилган миллий-тарбиявий тадбирлари учун фоят бой, мафкуравий-маънавий, маданий имкониятлари услубий жиҳатдан ишлаб чиқилмаган эди. Бу дастурнинг «2000 йилга қадар Ўзбекистон Республикасида ўтадиган катта тўйлар, ижодкорларнинг юбилейлари, маданий тадбирлар» бобидаги тадбирларни мактаб тарбиявий ишлар тизимиға жорий қилиш йўллари қидирилди. Ишлаб чиқарилган тадбирлар «Даҳо куни» умумий рукни остида амалга оширилди. «Даҳо куни» ўқувчиларни ўзбек халқи ва бошқа халқлардан етишиб чиқсан буюк сиймолар, шоир, файласуфлар, олимларнинг болалиги, ҳаёти, ижоди билан таниширишга хизмат қиласди ва ўқувчиларда миллий фурурни, миллий-тарбиявий онглиликни, миллатлараро мулоқот маданиятини шакллантиришга хизмат қиласди...

Мактабларда доимий, энг кўп қўлланилаётган тарбиявий шакллардан бири – тарбиявий соатдир. Тадқиқот жаравенида биз тарбиявий соатларнинг янги, экспериментал мажмуини ишлаб чиқиб, тадқиқот доирасидаги мактабларга жорий қилдик. Тарбиявий соатни режалаштириш, ташкил қилиш, ўтказиш, уни ҳаёт билан, ўзидан олдинги ва кейинги мавзулар билан боғланишига алоҳида эътибор берилди.

Миллий-тарбиявий тадбир шакл ва суҳбатлар мазмунни, мавзуси ўқувчиларнинг ёш хусусиятлари, имкониятлари, ижтимоий тажрибага эгаликларига (миллий роль субъекти сифатида) қараб танланди. «Биз киммиз?» руҳни доирасида қўйидагилар амалга оширилди:

Биз нечун севамиз Ўзбекистонни? (мунозара).

Миллий ўйинларимиз (суҳбат).

Исмингизнинг маъноси (маъруза).

Ҳашарнинг моҳияти нимада? (мунозара)

Салом ва алик (тренинг).

Дастурхон, таом, одоб (маҳалла фаоллари билан учрашув).

Меҳмон ва мезбон (маҳалла фаоллари билан учрашув).

Кийиниш одобимиз қандай? (баҳс)

Наврӯз, ҳайитлар (Маънавият ва маърифат маркази вакили билан учрашув).

Ўзбек тўйлари, тўёна (маҳалла фаоллари билан учрашув).

Боболар одати эскиликми? (этнографик суҳбат)

Уруғ. Шажара. Миллат. Инсоният (давра суҳбати).

Виждонийлик ҳақида (мунозара).

Ўқувчиларнинг миллий маросим одоблари (баҳс).

Мисол тариқасида «Боболар одати эскиликми?» мавзусидаги суҳбатнинг миллий-тарбиявий имкониятларига намуналар келтирамиз.

Савобнинг маъноси

Ўқитувчи: «Ота-боболаримиз ҳам бир вақтлар худди сизлардек ёш бўлганлар. Ўша пайтларда ўзбек шаҳар-қишлоқларида бир одат бўларди: айрим уй, ҳовлиларнинг кўча

эшиги олдида бўш кўза, чељакни кўриш мумкин эди. Бу нимани англатган? Бу – «Биз хонадонда қариялар (ёки беморлар) яшаймиз. Сувимиз тугади. Сувни келтиришга қувватимиз етмаяпти» деган маънони англатар эди. Бу ердан ўтиб кетаётган ўсмиirlар (ҳозирги боболаримиз) қанчалик шошилмасинлар, қанчалик ўйинни севмасинлар, «бояқиши кампир, бемор киши сувсиз қолибди», деб кўза, чељакни олиб, қудуқ ёки ҳовуздан сувга тўлдириб, ўша муҳтоҷ киши яшайдиган эшик тагига келтиргач, унинг ҳалқасини бир-икки қоқиб кетишарди. Ота-боболаримиз бу ишни «савоб, хайрли иш» деб билганлар.

Боболаримиз одамларга шу сингари ёрдамлар беришга доимо тайёр бўлганлар, ариқлардан, йўллардан ахлатларни, тошларни четга олиб ташлаганлар, катталарга, аёлларга қўлидан келганча кўмак беришга ҳаракат қилганлар».

«Боболар одати» суҳбатида ўртага ташланган саволлар:

1. Нима учун айрим ҳовлилар эшиги олдида бўш кўза, чељак турган?

2. Ўша пайтлар ёш бола бўлган боболаримиз нима учун бу идишларни кўриб, ўтиб кетавермаганлар? Ахир касал кишилар сувни ким келтирганини бари бир билмаганлар-ку?

3. Сиз боболарингизга ўхшаб савоб иш, яхшилик қилган кишиларни кўрганмисиз? Ўзингиз-чи? Мисоллар келтиринг.

4. Имконияти бўла туриб савоб иш қилмаганларни-чи? Мисоллар борми?

5. Синф жамоасининг бу масалага муносабати қандай? Биз қандай болалар, кишилар бўлмоғимиз керак? Нима учун?

1992–1993 ўқув йилида, шунингдек,

Сўфи Оллоёрнинг 300 йиллиги;

Нодиранинг 200 йиллиги;

Мирийнинг 150 йиллиги;

Хуршиднинг 100 йиллиги;

Массон ва Беляев ўқувлари;

Беруний «Ҳиндистон» асарининг 960 йиллиги;

Абдураҳмон Жомий вафотининг 500 йиллигига бағишлиланган хотира кечаларини ўтказиш.

1993—1994 ўқув йилида:

Захирiddин Мұҳаммад Бобурнинг 510 йиллиги;

Завқийнинг 140 йиллиги;

Эргаш Жуманбулбулнинг 125 йиллиги;

Фози Олим Юнусовнинг 90 йиллиги;

Элбекнинг 90 йиллиги;

«Шоҳнома»нинг 1000 йиллигини ўтказиш.

1994—1995 ўқув йилида:

Улуғбекнинг 600 йиллик халқаро тўйи;

Ферузнинг 150 йиллиги;

Сўфизоданинг 125 йиллиги;

Аваз Ўтарнинг 110 йиллиги;

Абдулла Қодирийнинг 100 йиллиги;

Ботунинг 90 йиллиги;

Боровковнинг 90 йиллиги;

Аюб Гуломовнинг ва Фаттоҳ Абдулаевнинг 80 йиллиги;

«Кутадфу билиг»нинг 925 йиллиги;

«Хазойин ул-маоний» куллиёти тузилганининг 500 йиллигини ўтказиш.

1995—1996 ўқув йилида:

Мұҳаммад Солиҳнинг 540 йиллиги;

Ойбек, Ҳоди Зариф, Отажон Ҳошим, Уйғун, Собир Абдулла, Собиржон Иброҳимов, Улуғ Турсунов каби ижодкор олимларнинг 90 йилликлари;

Зулфиянинг 80 ёшлик тўйини ўтказиш.

1996—1997 ўқув йилида:

Хиромийнинг 200 йиллиги;

Фитратнинг 110 йиллиги;

Фозил Йўлдош ўғлининг 125 йиллигини ўтказиш.

1997—1998 ўқув йилида:

Чўлпоннинг 100 йиллиги;

Абдулла Қаҳҳорнинг 90 йиллиги;

Ҳомил Ёқубовнинг 90 йиллиги;

Эркин Воҳидовнинг 60 йиллиги;

«Алпомиш» достонининг 1000 йиллиги;
«Девони лугатит-турк»нинг 925 йиллигини ўтказиш.
1998—1999 ўқув йилида:
Огаҳийнинг 190 йиллиги;
Пўлкан шоирнинг 125 йиллиги;
Фурқатнинг 140 йиллиги;
Ҳамзанинг 110 йиллиги;
Фулом Зафарийнинг 100 йиллиги;
Шайхзода, Ҳамид Олимжоннинг 90 йилликлари;
«Қиссаси Рабғузий» асари яратилганининг 690 йиллигини ўтказиш.

2000—2001 ўқув йилларида:

Муқимийнинг 150 йиллиги;

Ҳабибий, Шокир Сулаймон, Солиҳ Муталлибовларнинг 100 йилликлари, Миртемир, Мансур Абзалов, В. Решетовнинг 90 йилликлари;

Ибн Синонинг машҳур «Қонун ат-тиб» асари яратилганининг 1000 йиллигини йирик маросимлар сифатида режалаштириш ва нишонлаш тавсия этилди.

Дастурда маҳсус қайд этилганидан ташқари, Беруний, Аҳмад Яссавий, Сўфи Оллоёр, Алишер Навоий, Бобур, Машраб, Огаҳий, Фурқат, Фитрат, Чўлпон, Абдулла Қодирий, Усмон Носир кунлари ҳар йили нишонланади.

«Мерос» дастурида миллий санъат турларини ривожлантириш ва санъаткорларимиз руҳи покларини шод этишга алоҳида эътибор қаратилди. Жумладан, Маннон Уйфур, Юнус Ражабий, Хожи Абдулазиз Абдурасолов, Юсуфжон қизиқ уй-музейлари, Бухорода домла Ҳалим Ибодов, Намангандга Уста Рўзимархон, Хивада Матпаноота, Урганчда Комилжон Отаниёзов уй-музейлари барпо этилиши мўлжалландиди, бу ишлар ҳам умуммиллий, ҳам минтақавий хусусият касб этиб, миллий тарбия нуқтаи назаридан муҳим аҳамият касб этади. Шу тариқа тарбиявий ишлар тизимида энг кўп, мунтазам, расмий байрам қилинаётган «Тарихий саналарни нишонлаш» шакли «Мерос» давлат дастури билан мувофиқлаштирилди ва экспериментал мактаблар тарбиявий тизимига жорий қилинди.

Миллий-тарбиявий фазилатларнинг асослари ўқувчилар ўртасида кичик мактаб ёшидан бошлаб аста-секин такомиллаштирилиб борилди. Чунки (ўғил ва қиз) бола биринчи синфга қадам қўяр экан, у ўзи билан бирга ўз оиласидаги ҳаёт тарзи, муносабатлар тажрибасини ҳам олиб келади. Мактаб эса уларни барчага баробар умумий талаблар, ҳаммага бир хил муносабатда бўлувчи ўқитувчи сиймосида кутиб олади. Шунинг учун ҳам бошлангич синф ўқувчилари мактабдаги «янги ҳаёт»га тез кўниказилар. Яъни, биринчи синфдан бошлаб улардан қандай фазилатлар талаб қилинса, уқтирилса, уларни меъёр сифатида табиий қабул қиласидилар ва бажарадилар. Бошлангич синфларда (мустакил ҳаётий тажриба етишмаслиги туфайли) болалар аввало ўқитувчиларига тақлид қиласидилар, уларнинг фикрларига алоҳида эътибор билан қараб амал қиласидилар. Янги шароитнинг янги талабларини баён қилувчи, кўрсатувчи ва қайта сўровчи – «ҳамма нарсани билувчи» биринчи ўқитувчиларнинг юқори даражада ва табиий ҳолда хурмат қилиниши ҳам шу билан изоҳланади. Яъни, бошлангич синф ўқувчиларига хос: ўқитувчиларнинг сўзлари, талабларига бўлган юксак ишонч, фаол ижро этиш, тийрак идрок, софлик, беихтиёрик, эргашувчанлик, мактабга, ўқишига иштиёқ, тақлид орқали хулқ-атвор меъёrlарини тез, қаршиликсиз ўзлаштириш миллий тарбиянинг самарали омилидир.

Бошлангич таълим ўқувчиларда миллий-тарбиявий фазилатларни шакллантиришнинг ilk ва энг қулай даври эканлиги бизнинг тажрибамиизда тўла тасдиқланди. Мисол тариқасида миллий одобнинг қирраларидан бири – каттаю кичикни «сиз»лашга ўргатиш тажрибасининг натижаларини кўрсатамиз.

Самарқанд тумани 63-таянч мактаби 1-синф ўқитувчиси М. Туюнов, Самарқанд шаҳар 64-ўрта мактаб 3-синф ўқитувчиси З. Фуломовлар ижросида ўтказган тажрибалаrimiz – синфда болаларнинг бир-бирларини «сиз»лашлари нафақат миллий муомала гўзаллигига, балки болаларнинг ўзаро муносабатларида ҳам ажиб бир маънавий-

ликни пайдо қилди. Юқорида қайд қилинган ва бошқа мактабларда ўтказилган тажрибалар умумлаштирилди ва ушбу фазилатни жорий қилиш педагогик консилиум аъзоларининг куйидаги баҳоларига асос бўлди:

1. «Сиз»лаш ва «сиз»ланиш орқали илгари фақат «сен»ланган болалар бирорни «сиз»лаб ҳурмат қилишдан, бошқалар эса «сиз»ланиб ҳурмат қилинишдан мамнун бўлиши кузатилди. Болалар ўзларидаги «Мен»нинг қадрини била бордилар.

2. Ўқувчиларнинг муносабатлари илиқлашди, самимилашди.

3. Боланинг ўз тенгдоши томонидан «сиз»ланиши – «сиз»ланишга лойиқ бўлиш мажбуриятини юклиди ва уларни салбий ҳаракатлар қилиб, бирорни хафа қилиб, «сен»ланишдан сақлай бошлади.

4. «Сиз»лаш З-синфдан жорий қилинган синфларда илгари тез-тез эшитилиб турган «сен», «ў-ў-в», «ўл», «жинни» каби дағал, ёқимсиз сўзларга барҳам берди.

5. Болалар бирорни ҳурмат қилиш, буни намоён қилиш шакли қандай бўлишини ва қандай бўлмаслиги кераклигини амалда кўра бошладилар. Бу эса, педагогик консилиум аъзоларининг хулосаларига кўра, келажакда:

а) «Миллатни бирлаштиришга халақит берадиган нарсалардан озод бўлишимиз керак» (И. Каримов)лиги ҳақидаги истиқтолий заруратни амалга оширишга; ўзбеклар орасидаги, Ўзбекистоннинг турли миллатлари вакиллари орасидаги муносабатларда учраб турган сенсираш, дағал, ёқимсиз ҳазил, қўполликларнинг аста-секин йўқолишига, умуммиллий маънавий бирликка олиб келади;

б) Фарбда тобора кенг тарқалиб бораётган «авлодлар орасидаги тафовут», худбинлик, индивидуализм ва эгоизмнинг Ўзбекистонга кириб келишига қарши маънавий иммунитетни кучайтиради.

Тажриба синфларида миллий одоб ва виждонийлик фазилатлари уйғунлигига эришиш ҳаяжонли натижалар оғушида кечди. Ўқувчиларга «дўстлик» тушунчасини уқтиришда унинг намоён бўлиши, чегараси, бурчлари ва одоби ҳаётий мисолларда кўрсатилди. Жумладан, бир ўртоқ

бемор бўлиб қолса, бу унинг учун, ота-онаси учун қайфу келтириши, ана шунда bemorni йўқлаб бориш – ҳар бир дўст, биродар, пок вижданли синфдош, танишнинг ўзбекона бурчи экани, bemor кўришнинг миллий одоби – кўнишка ва малакалари таъсирчан қилиб сингдириб борилди. Бу ишнинг самараси 5-«а» синф ўқувчиси Азиз Б. буйрагидаги тош туфайли узоқ муддат касал бўлиб ётганида унинг синфдошлари ўзаро келишиб, ўртоқларидан хабардор бўлиб турганликларида намоён бўлди. Азизнинг отаси бола 5 ёшлигида вафот этган бўлиб, рўзгорнинг барча ташвиши онаси – Гулнора хола зиммасида эди. Синфдошлар ўзаро маслаҳатлашиб, гурух-гурух бўлиб касал ҳолидан хабар олиб турдилар. Биз «Дўстлик» мавзусидаги тарбиявий соатда: «Бемордан ҳол-аҳвол сўрашга борганда бирон нарса олиб бориш шарт эмас. Гап ширин сўзлаб, bemorning ruҳини кўтаришда, унинг димоғини чоғ этишда», деган эдик. Азизни кўришга борган биринчи ва иккинчи гуруҳлар ҳеч нарсасиз, мактабдан чиқиб, тўғри боришиди. Иккинчи гуруҳ болалар Азизни кўриб қайтгач, олижаноблик кўрсатдилар. Улар 1994 йил 1 март куни Илҳомжон бошчилигига боришиб олишди ва унинг «Бирор нарса олиб бормаймизми?» деган таклифини жондилдан қувватладилар ва баҳоли қудрат кимдир бир парча гўшт, кимдир бир коса гуруч, кимдир сабзи, кимлардир кўшилишиб 2 та ширмой нон олишиб, бир жойга йифилишиб боришиди. Бундай ҳамдардлик ва самимиятни кўрган Гулнора холанинг кўзларига ёш келди. Албатта, гап болалар келтирган егуликда эмас эди, балки ўзининг 12 ёшли тўнгич ўғлининг бегона болалар томонидан бу даражада эъзозланишини кўрганлигига эди. Болалар чаққонлик билан Гулнора холага у-бу ишларда, дастурхон тузашда ёрдам беришиди. Йўқлаб борган ўқувчилар учун Азизларнинг хонтахтаси торлик қилиб қолди. Ўқтам, Ваҳоб ва Матлаблар Гулнора холага қўшнининг хонтахтасини олиб келишда кўмаклашдилар ва ҳ.к. Синфдошлар 2 соатлар чамаси Азиз билан гаплашиб ўтиришиди, синфда, мактабда рўй берган қизиқ воқеалар, янгиликлардан боҳабар қилдилар. Бирга овқат еб, фотиҳа қилишиб, нарсаларни йифиштириб, хонтахтани элтиб бериб, хайрлашиб уй-уйларига кетишиди.

Гулнора хола бундай оқибатли, фаросатли, муруватли болаларга раҳматлар айтиб, кўзда ёш билан уларни кузатиб қолди...

Миллий одоб туркумига саломлашиш маданиятини шакллантириш ҳам маҳсус вазифа сифатида киритилган эди. Дастрраб ўқувчиларга саломлашишнинг маъноси, мақсади, ҳикмати ва унинг маданий қўринишлари ҳақида билимлар берилди. Кейин саломлашиш одоби, хатти-ҳаракатлари кўрсатилди. Билимларни мустаҳкамлаш, ҳаёт билан боғлаш мақсадида ўқувчиларга турли вазиятларда: биринчи бўлиб салом бериш; қулоқ очиб кўришиш; қўл бериб кўришишнинг имкони бўлмагандан; йигин ўтаётган хонага кирганда; телефонда; оиласда; маросимларда; транспортда; йўлда пиёда кетаётган пайтлардаги саломлашиш қоидалари, меъёрлари, табассум уқтирилди, кўрсатилди ва машқ қилдирилди.

Дастрраб ўқувчилар буни ўзларига хос шўхлик билан енгил қабул қилдилар. Бироқ кейинчалик уларнинг муносабатлари ўзгариб, жиддийлаша борди. Чунки ушбу кўникума — саломлашиш одоби уларга сингдирилаётган миллийтарбиявий таъсир тизимининг таркибий қисми эди. Иссиқ, самимий ва табассум билан саломлашиш улар илгари ўйлаганидек оддий, эътиборсиз нарса эмас, балки кишига гўзал ва самимий муносабатни ва бу орқали бошқа кишиларда ўзига ҳам гўзал ва самимий муносабатни ҳосил қилиши, бу эса ўқувчилар учун, яъни бўлажак врач, фермер, тижоратчи, менежерлар учун қанчалик муҳимлигини тушунтириш уларда қизиқиши, маънавий ва ҳатто моддий манфаатдорлик ҳисларини қўзгатди. Бу чоралар омухталашиб, пировард натижада ўқувчиларда «миллий одоб» туркумини тарбиялашнинг муваффақиятини таъминлади.

Миллий тарбия нуқтаи назаридан қараганда, ўсмирлик ёши (11–14 ёшлар) миллий онгнинг, тушунчаларнинг, эътиқоднинг шаклланиши, ижтимоий муносабатларни баҳолаш тизимини қўллай бошлиши билан муҳимдир. Миллатлараро мулоқот маданияти учун муҳим бўлган, бегона кишилар маънавий дунёсини ҳис қилиши, уларнинг қайғусига ҳамдард, шодлигидан шодлана олиш (эмпатия)

қобилияти ҳам айни шу даврда яққол намоён бўлади. Бундан ташқари, ўсмирлик даври яна шуниси билан характерлики, жамият учун фойдали ишнинг мотивлари ўсмирларнинг ижтимоий-психологик эҳтиёжларига мос келади (Э. Д. Фельдштейн). Бу эса, ўз навбатида, ўсмирларни Ўзбекистон ватанпарварлиги, миллий истиқлол мафкураси руҳи билан сугорилган ижтимоий фойдали фаолиятга жалб қилиш имконини беради. Бундай фаолиятда ўсмирлар миллий тарбиявий фазилатларни амалда намоён қилиш имконига эга бўлишади.

Миллий истиқлол ҳақидаги билимлар, миллий қадриятни тиклаш ҳаракати, турли миллатларга мансуб кишилар билан бўлган мулоқот таъсирида ўсмирнинг миллий мафкуравий дунёқараши шакллана боради. Ўсмир бошқалар билан фаол мулоқотда бўлишни, ўз ҳис-туйфуларини бошқалар тушунишларини, қалбидаги ҳис-туйфуларни бирорвга айтишни, ўртоқлашишни истайди. Аммо бу эҳтиёжларни қондириш учун унда ҳаётий тажриба етмайди. Ана шу иштиёқ, интилиш, ўсмирнинг ўзига дўст излашидан миллий тарбия мақсадларида унумли фойдаланиш мумкин.

Ўсмирлик даври Шарқ муҳитида кескин зиддиятлардан холи кечса-да, бу даврнинг баъзи хусусиятлари миллий тарбия жараёнини мураккаблаштириши мумкин. Ўсмирларга хос теварак-атрофга, ижтимоий, мафкуравий, миллий-маданий соҳаларга дахлдор воқеаларга баҳо беришда ўта ошириб ёки камайтириб юбориш ҳоллари ўжарлик туйгуларининг бекорлигига, бу эса баъзи ҳолларда маҳаллийчилик, миллий худбинлик, нигилизм, мақтанчоқлик, этноцентризм кайфиятларининг намоён бўлишига олиб келиши ҳам мумкин. Ана шу салбий оғишларнинг олдини олиш учун ўсмирлар миллий туйгуларини қаровсиз қолдирмаслик керак, балки ўз вақтида миллий мафкуравий онглилик, Ўзбекистон ватанпарварлиги фазилатлари билан омухталаштириш даркор. Бунинг учун Ўзбекистон барча фуқаролар – турли миллат вакилларининг ягона, ёлғиз Ватани экани, демак, Ўзбекистон байроби – барчамизнинг байробимиз экани, демак, Ўзбекистонда ис-

тиқомат қилаётган барча халқлар: рус, қозоқ, туркман, тожик, арман, уйғур – барчанинг мақсади ана шу ягона Ватанни гуллатиш бўлиши лозимлиги ва то абад шундай бўлиб қолиши кераклиги; Ўзбекистоннинг қуввати, обрўси, бойлиги, миллатидан қатъи назар, ҳар бир фуқаронинг қуввати, обрўси, бойлиги, фаровонлиги экани; Ватан, эл бошига иш тушганда, иқтисодий ёхуд бошқа қийинчиликлар пайдо бўлганида миллатдан, Ватандан нолиган, уни ташлаб енгил ҳаёт излаган киши «инсон» деган номга лойиқ эмаслиги, қайси миллат ўз Ватанини севмаса ўша Ватаннинг, миллатнинг келажаги йўқлиги; Ўзбекистонимизнинг келажаги буюклиги ва уни барпо этиш ҳар бир болага боғлиқлиги ўқувчиларнинг эътиқодига айлантира борилмоғи қерак.

8-синф раҳбари Салоҳиддин ака навбатдаги тарбиявий соатни ўтказиш учун биз тавсия этган материал асосида шайланиб келдилар.

«Болалар, – деб секин гап бошлади у киши. – Бугунги тарбиявий соат мавзуси «Ватаннинг баҳоси борми?» деб аталади (ўспириналар бир-бирига ҳайрат, ажабланиш билан қараб кўйдилар). Ҳа-ҳа, адашмадим. Кечаги ҳафта телевизорда бир воқеани кўрсатишиди. Азбаройи тўлқинланниб кетганимдан айрим рақамларни ҳам ёзиб олдим.

Божхона хизматини биласизлар-а? Икки давлат чега расида мол, товарларнинг келиб-кетишини текшириб, қонуний ва ноқонунийлигини аниқловчи ташкилот. Мени аччиқлантирган нарса – икки ўзбек врачининг қилмишлари бўлди. Улардан бири 40 тонна лимонни ноқонуний равишида, давлатни, божхоначиларни алдаб Россияга олиб ўтмоқчи бўлиди. Умрида лимон экиб кўрмаган бу одам, Ўзбекистон Қизил яримой жамияти номидан Санкт-Петербургдаги, ҳеч қачон бўлмаган бир фирма билан қалбаки «шартнома» тузиб, халқимиз бозорини қиммат қилиб, ҳаром фойдага ружу қўйибди.

Иккинчи учар ҳам врач экан. Уни мен ҳеч қачон ке чира олмасам қерак. Чунки бу одам ўзимизда ватандошларимиз қидириб юрган тансиқ дори – церебризинни Россияга яширинча олиб ўтмоқчи бўлиди. Автомобиль

ҳалокати туфайли ёки бошқа бирор сабаб билан бош мия силжишига учраган bemорлар кўпинча церебризинсиз тузалмайди...

— Дарвоқе, Мақсуджон, сизнинг дадангиз бултур йўлтранспорт ҳалокатига учраган эдилар-а? Ҳозир яхши бўлиб кетдиларми? Билишимча, дадангиз ана шу доридан наф кўрган эдилар.

— Ҳа, акам бу дорини бозордан келтирган эдилар.

— Нархи ёдингиздами?

— Йўқ, ёдимдан кўтарилибди.

— Мен аниқладим, қўлда бу дори ниҳоятда қиммат. Донаси 3000 сўм-купон (бу ерда миллий валютамизгача бўлган давр назарда тутилмоқда) экан. Ўша врач ватандошларимизни даволаши керак бўлган 2 000 000 сўм-купонлик церебризини Россияяга олиб бориб, 30 000 000 сўм-купон фойда қилмоқчи бўлибди. Қани, сизлар ҳам энди ёш бола эмассизлар — бундай кишининг ўз ватани — Ўзбекистонга қилган қилмишини қандай баҳолайсизлар? Шаҳлохон, Нодиржон, Эсиргап, сизлар врач бўлиши орзу қилмоқдасиз. Шу ишга нима дейсизлар?»

Болалар «ноинсофлик», «очкўзлик», «ўғрилик», «ватанга хиёнат» деб жавоб бердилар.

«Тўғри айтасизлар. Лекин ҳамма нарсани очиқ айтиш керак. Ҳозир республикамиз бозор иқтисодиётига ўтаётган, мураккаб давр. Демак, бизда ҳам тижоратчилар кўпаяди. Орангиздан кимлардир тадбиркор, тижоратчи бўлар, бироқ ватанпарвар тижоратчининг нияти, қўли, виждони пок бўлади. Шунинг учун мен бу икки нусханинг қилмишини, аввало, виждонсизлик, дегим келади. Чунки улар бу ишнинг ноқонуний, жиноят эканлигини, турли миллатга мансуб Ўзбекистон ҳалқи бу дориларга муҳтож бўлиб турганини кўриб-билиб туриб шу ишни қилишган. Мен бу нусхаларни ватансевмаслар, дегим келади. Чунки, аввало виждон, кейин Ўзбекистон қонунлари олдидаги бурч бузилган. Ватанпарвар одам Ўзбекистонга фойда, обрў, хурмат келтиради, ватансевмас эса худди ўз уйидаги нарсасини ўғирлаб сотган кишидек, зарар келтиради. Тўғри, 30 миллион сўм-купон катта пул, давлат. Бироқ Ватаннинг, миллатнинг баҳоси, қадри 30 миллион сўм-купон

эмас-ку! Ватан – бебаҳо, Ватан, миллат сотиб олинмайди, сотилмайди. Бунга Ўзбекистоннинг миллий фуурорли ватанпарварлари ҳеч қачон йўл қўймайдилар, тўғрими?»

Тарбиявий соат давомида ўсмиirlар аста-секин мунозарага киришиб кетдилар. Асосий мақсад ўқувчиларда Ўзбекистон ватанпарварлиги, виждонийлик, миллий-мафкуравий онглиликни уйғунлаштириш эди. Тарбиявий соат давомида Ўзбекистон ватанпарварлигига, виждонийликка ва миллий мафкуравий онглиликка ижобий ҳаётий намуналар ҳам келтириб, холоса ясалди.

Миллий мафкуравий онглиликни шакллантириш ва бу жараённинг ҳаётийлигини оширувчи воситалардан бири – ўқувчиларни вақтли матбуотни ўқишга, ўрганишга жалб этишdir. Бунда ҳам таълимий, ҳам тарбиявий йўналишлар бирлигидан келиб чиқиш ўз самарадорлигини кўрсатди.

Матбуот материалларидан ўқув ва миллий-тарбиявий жараёнда фойдаланиш намунасини 13-сон умумтаълим мактабининг 9-«б» синфи раҳбари А. Саҳаддинов фаолияти мисолида келтирамиз. Биз синф раҳбарига дастлаб:

даврий матбуот материаллари бўйича синф кундалигини тутиш;

миллий истиқлол мавзуси бўйича матбуотда берилган материалларни қирқиб йифиш, альбомлар тайёрлашни эса ўқувчиларга топшириш;

мавзу бўйича тарбиявий соат ўтишни режалаштириб, мустақил Ўзбекистоннинг ички ва ташқи сиёсати кўрсатгичларини матбуот материаллари асосида ўрганиб, диаграмма, жадваллар тузиш;

тарбиявий соат мавзуси билан боғлиқ мақолалар бўйича мунозаралар ташкил қилиш;

матбуотда ёритилаётган хабарларни ўқиш ва шарҳлаш, муҳокама қилишда Ўзбекистон ва жаҳон хариталаридан фойдаланишга доир илмий-услубий тавсиялар берилди.

Ўқувчиларда миллий-мафкуравий онглиликни шакллантиришда матбуот материалларидан фойдаланишнинг тематик кундалик шакли ҳақиқатан ҳам самарали бўлиб чиқди. Жумладан, А. Саҳаддиновнинг тажрибаси давомида:

«Ўзбекистон ҳукуматининг ички ва ташқи сиёсати», «Марказий Осиё мамлакатларида», «Жаҳон воқеалари», «Миллий истиқлол мафкураси ҳақида», «Миллий қадриятларимиз – бизнинг қадриятларимиз» каби бўлимлар ўқувчилар томонидан қизиқиш билан кутиб олинди, матбуот билан ишлаш ҳар бир ўқувчининг вазифасига айланди; синф ўқувчиларида мустақиллик, миллий мафкуравий онглилик, дунёқарашнинг кенгайиши, миллий тарбиянинг ҳаётийлиги намоён бўла бошлади.

Ўқувчиларда виждонийликни тарбиялаш миллий тарбиянинг марказий вазифаларидан бўлиб, **ундан мақсад:**

ҳар бир ўқувчидаги ўзининг ўқувчилик, фарзандлик, ватанпарварлик, бўлажак миллий, фуқаролик бурчларини мукаммал англаш ва уларга доимо амал қилишни;

доимо ва ҳамма жойда ростгўй бўлишни;

миллий одобга, Ўзбекистон ватанпарварлигига, миллатлараро мулоқот маданиятига, миллий истиқлолий мафкурага, миллий фурурга зид хатти-ҳаракатни таний билиш ва уларга қарши туриш, ўртоқларини бундай йўлдан қайтаришга ҳаракат қилишни;

ваъда берса мукаммал бажаришни;

билмай хато, гуноҳ қилса дарҳол ўзи кечирим сўрай олишга, ёлғончилик, тутуриқсизлик, субутсизликни доимо, ҳамма жойда қоралашга қодирликни шакллантириш эди.

Виждонийликни тарбиялашга, ривожлантиришга халақит бераётган омиллар, ўқувчиларда ахлоқий билим ва унга амал қилиш орасидаги тафовут сабаблари ўрганилди. Улар қуйидагиларда намоён бўлди:

ота-оналарнинг болаларни алдашлари, ваъда бериб бажармасликлари, йўқ нарсалар билан қўрқитишлари;

оиласда, кўча-кўйда виждонийликка зид, салбий мисолларни кўриш (сўкиниб гапириш уятлигини билиш, лекин кўчада айрим катталарнинг сўкиниб гапираётганини кўриш, эшитиш; укасининг онаси томонидан алдаб овунтирилганини кўргач, «ёлғон гапириш мумкин экан» деган фикрга кўп марта келиш ва ҳ.к.);

тарбиянинг асосан сўз орқали амалга ошириб қолинаётгани;

ўқувчига қўйилаётган педагогик ва бошқа талаблар нинг ҳаддан ташқари соддалиги ёхуд аксинча – мураккаблиги;

ўқувчининг ёш, шахсий, психологик хусусиятларини ҳисобга олмаслик;

ўқувчиларда ўзи қилаётган ҳар бир хатти-ҳаракатнинг тўғрилигига эътиқод ва масъулиятнинг шакллантирилмагани;

ўқувчи фаолият турларининг мазмунан камбағаллиги, чеклангани;

ўқувчиларда оила, маҳалла, мактаб, кўча ва жамоат жойларида ўзини қандай тутиш бўйича малака, одатлар нинг маҳсус шакллантирилмагани ва машқ қилдирилмагани. Натижада, «Одамларга нисбатан ахлоқ нормалари ва қоидаларининг бузилганлиги, ахлоқий бурчнинг, жамият олдидаги вазифаларнинг бажарилмай қолиши кишида уялиш ҳисси ва виждан азоби сингари кечинмалар туғилишига сабаб бўлди»¹;

ўқитувчи, тарбиячи, ота-оналар, маҳалланинг ўқувчилар томонидан ахлоқ меъёrlарининг бузилишига эътиборсизлик, ҳафсаласизлик, кўриб-кўрмасликка, билиб-билимасликка олиши;

ўқувчиларга миллий тарбиявий фазилатлар ҳақида билим бериш билан чекланиб қолиб, шу фазилатларни намоён қилишни талаб қилувчи фаолият турларини ташкил қилмаслик (масалан, ўқувчига саломлашиш маданияти ҳақида билим бериш, лекин саломлашиш маданиятини синфга жорий қилмаслик, назорат қилмаслик, изчиликнинг етишмаслиги);

айрим ўқитувчиларнинг ўқувчиларга адолатсиз муносабатлари (масалан, «гап қайтарганик учун» кимёдан «2» қўйиш ва ҳ.к.);

оила ва мактабнинг миллий-тарбиявий талабларининг мувофиқлаштирилмагани ва бошқалар.

Мазкур ҳолатнинг педагогик таҳдилидан келиб чиқиб,

¹ В. Иванов. Умумий психология. Педагогика институтларининг студентлари учун қўлланмана. Тузатилган ва тўлдирилган 3-нашр. – Т.: Ўрта ва олий мактаб. 1962, 341-бет.

тадқиқот жараёнида ўқувчиларда миллий истиқолий вижденийликни тарбиялашнинг қуидаги чоралари белгиланди ва амалга оширилди:

- а) ўқувчиларнинг ижтимоий фойдали, жамоатчилик фаолиятига миллий рух, тоялар сингдирилди;
- б) миллий тарбиявий тушунчалар ва фазилатлар мөҳиятини очиб бериш маҳсус ташкил қилинди;
- в) миллий тарбиявий фазилатларнинг муҳолифлари – беадаблик, ватанга бефарқлик, маҳаллийчилик, вижденисизлик, манқуртлик каби иллатларга қарши салбий муносабат шакллантирилди;
- г) дарсдан ташқари фаолиятни вижденийликни тарбиялашга йўналтирилди;
- д) ўқувчиларни сўз ва иш бирлигини намоён қилиш талаб этилувчи фаолият турларига жалб қилинди;
- е) ўқитувчиларга, ота-оналарга ўқувчиларда вижденийликни тарбиялаш масалаларига оид педагогик тавсиялар берилди;
- ё) таълимнинг миллий тарбиявий мазмунидан унумли фойдаланилди.

Вижденийлик фазилатини шакллантирувчи воситалар ўқувчиларнинг ёш, заковат хусусиятларидан келиб чиқиб, оддийдан мураккабликка тамойили асосида ривожлантирилди. Ана шундай воситалардан бири сифатида Балкиз Амиддиннинг «Ал-Амин» ҳикояси танланди. Синф раҳбари С. Бозорова пайғамбаримиз Муҳаммад алайҳиссаломнинг ёшликларида ҳам пок виждон соҳиби бўлганликлари ҳақида маълумотлар берди. «Бир куни ёш Муҳаммад бир киши билан кўча муюлишида учрашмоқчи бўладилар. Муҳаммад айтилган жойга бориб, кутиб турадилар. Аммо ҳалиги одам ваъдасини унутади. Уч кундан кейин қараса, Муҳаммад ҳамон кўча муюлишида кутиб турганмишлар.

- Мени уч кундан бери кутаяпсизми? – сўрайди у.
- Ҳа, – деб жавоб берадилар Муҳаммад.
- Шунча кутмай, кетавермайсизми?
- Кутаман, деб сўз берганман. Бас, сўзимда туришим керак, – деб жавоб берадилар Муҳаммад».

Ҳикояни тутатиб синф раҳбари ўқувчиларга: «Муҳаммадни одамлар нима учун «Ал-Амин» (садик, ишончли)

деб аташган? Ваъдани ким бузган? Бизнинг синфимизда Мұҳаммадга ўхшовчилар қўпми, озми? Мисоллар келтириңг-чи. Биз кимга ўхшашимиз керак? каби саволлар билан ўқувчиларга сўз ва иш бирлиги, фидойилик, лафзида туриш каби фазилатларни тавсифлаб, уларни ушбу фазилатларни эгаллашга рағбатлантириди.

Ўқувчилар орасида миллий-тарбиявий фазилатлар мөҳиятини тушуниш даражасини ўрганиш натижалари уларда бу соҳада қисман бўлса-да, тасаввурлар борлигини кўрсатди. Лекин бу ҳали уларни амалда фаол қўлляяптилар, дегани эмас эди. Билиш ва уни ихтиёрий амалга ошириш орасида виждан деган ҳиссий қўприк мавжуд. Ўқувчиларнинг мактабда, оиласда, синфда, кўчада – ўз кундалик фаолиятида виждонийлик даражасини намоён қилишини ўрганиш, турли вазиятларда – мактабга бориш-келиш пайтида катталарга ҳурмат, дўстга ёрдам; масала-мисолларни бир-биридан кўчириш, кўчиртириш; ҳашарда қатнашишга муносабат ва қатнашиш; синфдаги ўзаро муносабатларда миллий одоб меъенини сақлаш ва унга амал қилишлар кузатилди. Шулардан бири сифатида ўқувчиларнинг дўстлик маъносини, бурчларини тушуниши ва амалда қўллашларини қиёслашга қаратилган соддалаштирилган проектив тест қўлланилди. «Сиз 8-«г» ва 8-«в» синфларига мактаб мажлислар залини шоира Нодиранинг 250 йиллигига бағишланган тантанани ўтказиш учун супуриб-сидириш топширилди. Сиз ўзингизга топширилган ишни бажариб бўлганингиздан кейин нима қиласиз? Ўзингизга мос келган жавобни белгилаб қўйинг:

А. Уйга кетаман.

Б. Дўстларим, синфдошларимга ёрдам бериб, улар билан бирга кетаман.

В. Синфимиз ишни барвақт тугатса, қўшни синф болаларига ёрдам бераман.

Тадқиқот давомида шунга ўхшаш вазиятлар яратилиб, ўқувчиларнинг сўзлари ва ишлари орасидаги бирлик си наб кўрилди. Виждонийликнинг ilk даражаси ва шу мақсадга мувофиқ тарбияланганидан кейин қуйидаги ўзгаришларга эришилди.

**Ўқувчиларнинг сўз ва ишлари орасидаги
мутаносибликнинг нисбати**

Ўқувчиларнинг сўзлари	Тадқиқот бошида		Тадқиқот охирида	
	сўзда	амалда	сўзда	амалда
Уйга кетаман	10,2	75,4	8,6	32,7
Дўстларим, синф- дошларимга ёрдам бериб, улар билан бирга кетаман	56,0	23,4	50,5	45,5
Синфимиз ишни барвақт тутгатса, қўшни синф болаларига ёрдам бераман	31,4	1,2	38,5	21,8
Жавоб бермадилар	3,4	—	2,4	—

Ота-оналар билан маслаҳатлашган ҳолда тадқиқот мактабларида «Қизлар гурунги» клуби ташкил қилиниб, унда «Қизларнинг ҳаёт ҳақидаги ўйлари», «Қизлар турмуш қуришга қадар нималарни билишлари керак?» мавзуларида мунозаралар ўтказилди. Дастребаки ойларда клуб иши асосан саволлар ва уларга жавоблар шаклида давом этди. Клуб раҳбари М. Мустафоқулова билан маслаҳатлашиб, агар клуб иши шу зайлда давом этаверса, қизларимиз зерикиб, қатнашчилар сони камайиб кетиши мумкин, деган хulosага келинди ва фаолийт турлари бойитила борди. «Сўзана тикишни ўрганамиз», «Сиз қандай пиширасиз?», «Торт қандай пиширилади?» каби амалий машғулотлар, «Қизлар ҳаёси», «Маҳалланинг ораста хонадони», «Замонавий ўзбек қизи ва унинг фурури қандай бўлиши керак?» мавзуларида мунозаралар, амалий машғулотлар ўтказилди. «Яқин ва узоқдаги тенгдошларимиз» мавзуси орқали ўзбек қизлари турли вилоят, шаҳар ва қишлоқларда яшовчи ўзбек, тоҷик, рус, қирғиз, туркман қизлари ва хорижлик тенгдошлари ҳаёти, ўша халқлар маданияти билан таништирилди. Натижада, «Қизлар гурунги» клуби миллатлараро мулоқот маданиятини тарбиялашнинг ўзига хос шаклига айланди. Ана шундай «гурунг»лардан бири

япон қизлари ҳаётига бағишиланди. Клуб раҳбари М. Мустафоқурова қизларга даставвал япон миллий характери – мақсадга интилувчанлик, дунёни шоирона идрок этиш, миллийликка ҳурмат эътиқодга айлангани ҳақида ҳикоя қилиб, жумладан, шундай деди: «Япон миллати, тарихи ва маданияти ҳар бир япониялик учун, ҳар бир япон қизи учун мўътабар саналади. Қизларнинг маҳсус байрами бўлиб, у Хина матсури дейиларкан. Бу байрам ҳар йили 2 майда нишонланаркан. 15 ноябрда эса 3, 5, 7 ёшга кирган қизлар байрам қилишар экан. «Хина матсури»да қизлар бир-бири-никига меҳмонга боришади. Шу куни маҳсус шеър, қўшиқларни кўйлаб, маҳсус таомлар билан сийланадилар. Қиз бола 7 ёшга етганида ота-онаси уларга япон аёли киядиган миллий, қадимий ва замонавий либос – кимоно ҳадя қила-дилар. Шу кундан бошлаб қизлар ўз оналаридан япон аёллари билиши, қила олиши керак бўлган урф-одатларни ўрганишга киришади.

Қизларжон, биласизми, бизнинг ўзбек халқимизда ҳам шундай байрам бор. Айтинг-чи, шу байрамни ким билади? Топа олмадингларми? Бу байрам – «Мучал тўйи» деб аталади. Илгари 12 га тўлаётган барча ўғил-қизлар олдиндан маҳсус тикиб, тайёрлаб қўйилган оқ лиbosни кийишган. Чунки оқ ранг тозалик ва покликнинг рамзиdir. Наврӯз сайлида мучал ёшига тўлган ўғил ва қиз болалар бир-бirlариникига кириб дўст, дугоналарини қутлашган, сўнгра белгиланган жойга тўпланишган. Одатда «оқ либосли ёшлар» Наврӯз ўтказаётган жойга ташриф буюришганда, барча уларни қутлаб, яхши ниятлар билдирган. Ҳали мучал ёшига тўлмаган болалар уларга баҳор чечакларини ҳадя қилишган. Хонадонларда ота-оналар мучали тўлган болаларга атаб зиёфатлар беришган. Тарозининг бир палласига мучали нишонланаётган бола, иккинчи палласига новвот, каллақанд солинган. Каллақанд оғирлиги мучал тўйи нишонланаётган ўғил ва қиз бола оғирлигини босгач, уни тушириб, дастурхон тўрига ўтқазишган. Каллақандни кулча устига қўйиб, ҳаммасини меҳмонларга улашганлар.

Ҳар бир қиз 12 ёшга етгач, ўсмир дейилади. Ўсмирлик

эса болалик эмас, қиз боланинг ораста, юриш-туришию муомалада эътиборли, ота-онасига сирдош, ёрдамчи бўлиши кераклигини англатади. Қаранг-а! Жаҳоннинг энг илфор мамлакатларидан бири – Японияда миллий урф-одатлар шунчалик эъзозланар экану, шуролар даврида биз ўзимизнинг ўзбекона, гўзал анъаналаримизни қарийб унутаётимиз. Сизларга насиҳатим, оилангизда 12–13, 24–25, 36–37, 48–49, 60–61 ёшлар орасидаги кишиларнинг туғилган кунлари нишонланганида уларни «мучал тўйларингиз муборак», дея чиройли табриклаб қўйишни унумтсанг. Қачон биз ўз маданиятимизни, қадриятларимизни қадрласак, Ватанимиз учун тинмай ўқиб, ишласак, яқин йилларда Ўзбекистонимизни бутун жаҳон тилларида достонга айлантира оламиз, турмушимиз фаровон, ўзимиз баҳтиёр бўламиз».

М. Мустафоқуллованинг педагогик маҳорати, изланувчанлиги туфайли «Қизлар гурунги» ўзбек қизларида миллий фуур, миллий одоб, Ўзбекистон ватанпарварлиги, миллатлараро мулоқот маданияти, миллий-истиқолий онглийкни ҳам ривожлантиришга хизмат қилди. Бу эса объектив ҳолда ўқувчиларнинг миллий тарбияланганлик даражаларида ижобий акс этди.

Тажрибани амалга ошириш арафасида ўқитувчилар орасида тарқатилган «Сиз ҳозир ўқувчиларингизда миллатлараро мулоқот маданиятини қандай баҳолайсиз?» саволига сўралганларнинг 16 фоизи «Мактабимизда фақат ўзбек болалари ўқишиади. Шунинг учун бу йўналишни амалга оширишга зарурат йўқ», деб жавоб беришган эди. Амалий тадқиқот доирасига кирган мактаб ўқитувчилари, синф раҳбарлари, директор ўринbosарларига бундай қарашиб янглиш ёндошув эканлиги, миллатлараро мулоқот маданиятини бевосита ва билвосита йўллар орқали амалга ошириш нафақат кўп миллатли, балки бир миллатли мактабларда ҳам зарурлиги, зоро, ҳозирги бир миллатли мактаб бити-рувчилари кейинчалик турли миллат вакиллари билан мулоқотга киришишлари муқаррарлиги тушунирилди. Ўқитувчилар, синф раҳбарлари бир миллатли мактаб, синфларда

миллатлараро мuloқот маданиятини тарбиялашнинг илмий-услубий тавсиялари билан таъминландилар¹.

Тажриба давомида мактаб ўқитувчилари, синф раҳбарлари билан олиб борилган семинар, инструктаж, на-мунавий дарслар ўтиш, тадбирлар ўтказиш ва бошқа чоратадбирлар самарадорлиги қайта текширилди ва бунда ўқитувчилар фикрларидағи ўзгаришлар қайд қилинди. Жумладан, ўқитувчи, синф раҳбарлари, тарбиявий ишлар ташкилотчиларига берилган «Сиз ҳозир ўз ўқувчила-рингиздаги қуйидаги фазилатларни қандай баҳолайсиз?» саволига мана бу жавоблар олинди:

Миллий-тарбиявий фазилатлар	Юқори		Ўрта		Паст		Салбий	
	а	б	а	б	а	б	а	б
Ватанпарварлик	22,1	32	53	54	19,8	11	5,1	3
Миллий ғуур	27,5	48,5	59	44,7	10,5	5,5	3	1,3
Миллатлараро мuloқот маданияти	16,5	30,5	68	55,5	10,5	10	5	4
Миллий-мағкура- вий онглилик	3,5	17	37,5	73,5	40	4,5	19	5
Миллий одоб	6	21	51,5	49	36,5	26	6	4
Виждонийлик	3,5	12	65,2	73	24,3	12	7	3


Изоҳ: а) тадқиқот бошида; б) тадқиқот охирида.

Илгариги ва мазкур бўлимда баён қилинган миллий тарбиявий жарабённи такомиллаштириш, режалаштириш, мақсадга йўналтиришга қаратилган чоралар ўз самарасини кўрсатди. Миллий тарбияланганлик дарражасини комплекс ўрганиш, қайд қилиш, олинган натижаларнинг статистик услублар орқали таҳдил қилиниши экспериментал ва назорат мактаблар, синфлар орасида тадқиқотнинг

¹ Ю. Ахроров, М. Қуронов. Ёшларда байналминал мuloқот маданиятини шакллантириш. – Самарқанд, «F. Фулом номидаги адабиёт ва санъат» нашриёти бўлими, 1990.

бошида ва охирида қайд қилинган кўрсаткичлар ўртасида жиддий ўсишни кўрсатди. Миллий-тарбиявий фазилатлар мезонлари, даражалари мустақил Ўзбекистоннинг мактабларимизга қўяётган миллий-истиқолий талаблари ва мактабда буни амалга ошириш орасидаги тафовутнинг камайганлигидан далолат берди. Бу, тадқиқот бошида ва охирида амалга оширилган миллий тарбияланганликни, муайян фазилатларни ўлчаш натижаларида намоён бўлди.

Миллий-тарбиявий фазилатлар динамикаси



Назорат ва тажриба-тадқиқот синфларида кўрсаткичлар орасидаги фарқ орта борди. Жумладан, миллий одоб(1)да 2,1 дан 2,9 га, Ўзбекистон ватанпарварлиги(2)да 1,94 дан 2,5 га, миллатлараро мулоқот маданияти(3)да 1,35 дан 2,6 га, миллий фурур(4)да 1,83 дан 2,8 га, виждонийлик(5)да 0,89 дан 1,98 га ва миллий мафкуравий онглилик(6)да 0,51 дан 2,2 га қараб ўсиш кузатилди. Бунинг қатор сабаблари бўлиб, уларнинг энг муҳими – республикамиизда амалга оширилаётган қадриятлар тикланишининг жамият маънавиятига ижобий таъсири ўқувчиларнинг миллий одоби, Ўзбекистон ватанпарварлиги, миллатлараро мулоқот маданиятида ҳам самарали натижалар берадиганидир. Иккинчидан, миллий фурур, виждонийлик, миллий-мафкуравий онглиликдаги ўсишларнинг салмоғи, юқорида қайд қилинганидек, мактаб таълим мазмунини миллийлаштириш услугуб ва тамойилларидан самарали фойдала-

ниш натижаси бўлди. Учинчидан, ўқувчиларнинг дарсдан ташқари фаолиятини миллий тарбиявий мақсадларга йўналтиришдаги изчиллик миллий-тарбиявий фазилатларни самарали шакллантиришнинг педагогик шарти эканлиги тасдиқланди.

Шу билан биргаликда, мактабда миллий тарбия ишларини талаб даражасига кўтариш нафақат дарс мазмунини миллийлаштиришни, балки ўқувчиларнинг дарсдан ташқари фаолиятини ташкил қилишда учраётган илмий-услубий камчиликларни тугатишни ҳам тақозо қиласди. Хуллас:

энг аввало, мактаб тарбиявий ишлари мақсади миллий-истиқолий гоя, миллий дастур талаблари асосида ислоҳ қилиниши керак;

синф раҳбарлари иш режаларида, миллий-тарбиявий вазифаларни белгилашда ва амалга оширишда системалий, изчиллик шартлари таъминланиши лозим;

тарбияда якка, табақалаштирилган услуб, ёндошувларни такомиллаштириш орқали ўғил ва қиз болалар миллий тарбиясининг умумий ва хусусий ҳолатлари ҳисобга олиниши керак;

семинар, педагогик кенгашлар, услубий кенгаш, на- мунавий тарбиявий соатларнинг режали, мақсадга йўналтирилган тизимига ўтиш орқали мактабда миллий тарбия жараёнининг технологик асосга қўйилишига эришиш керак;

тарбиявий соатлар мажмуаси аниқ мақсадга йўналтирилиши, системали, ўзаро боғлиқ бўлиши даркор. Тарбиявий соатлар тизими миллий тарбиявий мазмундаги мавзулар билан бойитилмоғи керак;

илгари ўқувчиларнинг хулқи, синф раҳбарининг отоналар билан суҳбатлари, ўқувчилар билан якка ишлаш, синф мажлисларининг асосий мавзуси «ёмон ўқиши» бўлган бўлса, энди бунинг ҳақиқий моҳияти англаниб, ўқувчиларнинг миллий тарбияланганлик мезонлари билан ислоҳ қилиниши керак ва бунинг учун синф раҳбарлари миллий тарбия жараёнини ўрганиш, қайд қилиш, баҳолашнинг кўникма ва малакаларига эга бўлишлари лозим;

синф жамоаси тавсияномаларида ўқувчиларнинг миллий одобилилиги, Ўзбекистон ватанпарварлиги, миллатлараро мулоқот маданияти, виждонийлиги, миллий мафкуравий онглилиги аниқ мезонлар орқали баҳолаб борилиши керак;

синф раҳбарлари ва тарбиявий ишлар ташкилотчилари миллий тарбиявий ишлар натижаларининг аниқ ҳисобкитобидан келиб чиқиб, йил давомида эришилган ижобий ва салбий натижалар, уларнинг сабабларини таҳлил қилиши, келаси йил тарбиявий ишлар мазмуни, мақсадини қандай белгилаш ҳақида илмий-педагогик асосга ва малакаларга эга бўлишлари лозим.

Мактаб, оила ва маҳалланинг миллий-тарбиявий ҳамкорлик йўналишлари

Бошқа халқлар қатори ўзбек оиласида ҳам шундай тарбиявий анъаналар борки, уларни тиклаш, бойитиш, замонавийлаштириш, мактаб тарбияси билан уйғунлаштириш, нафақат ҳар бир оила, балки бутун Ўзбекистон ижтимоий-маданий ҳаётини маънан бойитишга самарали хизмат қила олади. Қолаверса, мустақил Ўзбекистон Конституциясида ота-онанинг бола тарбияси учун давлат олдидағи жавобгарлиги қайд қилиниши, Президент И. Каримовнинг ёшларни ўқитиши, тарбиялаш ҳар биримизнинг муқаддас бурчимиз эканлиги ҳақидаги дастурний фикрлари («Туркистон», 1993 йил 22 июль) ота-оналар, маҳаллалар олдига қатор янги, миллий-истиқлолий талабларни кўймоқда.

Миллий истиқлолнинг муваффақияти ҳам кўп жиҳатдан оиланинг миллий-тарбиявий имкониятларининг мунтазам такомиллаштирилишига боғлиқ. Зеро, оила низомсиз бўлса, унинг ёмон оқибати бутун мамлакатга таъсир этади ва шу сабабдан фазилат ўрнига разолат, тараққиёт ўрнига тубанлик урчиб боради. Худонинг ўзи асрасин-ку, агарчи бирор миллат ҳаётида бундай ҳол кучайса, билингки, у миллат китобининг сўнгги варафи очилгусидир¹. Бу

¹ Ризоуддин ибн Фахруддин. Оила. – Т.: «Мехнат», 1991, 3-бет.

мусулмон оиласининг тарбиявий имкониятларига бир мисол бўлса, иккинчи тарихий мисол сифатида тадқиқотимизнинг керакли ўрнида Ҳ. Вамберининг ўзбек оиласи ҳақидаги кузатув натижаларини келтирган эдик. Тадқиқотимизнинг ушбу жойлари бевосита оила ва маҳалла тарбиясига боғланганлиги туфайли яна янги далилларга му- рожаат қиласиз.

Маълумки, VIII аср бошида Қутайба ибн Муслим бу- хороликларни уч марта мусулмон қилган, улар эса яна эски динларига қайтган эдилар. «Тўртинчи марта келганида, Қутайба жанг қилиб, Бухоро шаҳрини олди... Қутайба араблар буҳороликлар билан бирга яшаб, уларнинг хатти-ҳаракатларидан хабардор бўлиб турсалар, улар заруратдан мусулмон бўладилар, деган мақсадда Бухоро аҳоли- сига ўз уйларининг ярмини арабларга беришга ундан, буйруқ чиқаришни тўғри топди. Ва шу йўл билан у мусул- мончиликни ўргатди... , – деб ёзган эди Наршахий¹. Хул- лас, араб аҳли Ажамни мусулмонлаштириш ишини энг муҳим ўрин – оилани мусулмонлаштиришдан бошлаган. Натижада, дастлаб оила мусулмонлашган ва у, кейинчалик, Бухорони «Қуббат ул-ислом» – ислом динининг гум- базига айлантириб, шуҳратга буркаган. Ана шу тажрибадан келиб чиқиб, миллий тарбияни дастлаб оиладан бош- лаш кейинчалик маҳалла, қишлоқ, шаҳарлар – Ўзбекистоннинг бутун ҳудудида тез ва соз жорий қилинишига олиб келади, дея ишонч билан айтиш мумкин. Бу эса Ўзбекистоннинг истиқбол ва тараққиёт йўлининг педагогик ка- фолатини таъминлашга замин яратади.

Миллий ўзликнинг чукур англаниши ва яратувчанлик мақсадларига йўналтирилишида оиланинг улкан ҳиссаси бор ва бундан оиланинг ўзи ҳам манфаатдордир. Шу ту- файли оила миллий ўзликни англаш ҳиссини тарбиялаш- нинг илк ва доимий омилига айлантирилиши лозим. Чун- ки, ҳар бир ўзбекистонликнинг ўз ота-онаси, бобо-буви- лари, катта бобо ва катта буви ва бошқа аждодларини

¹ Самария. Тарихий эссе. Тахрир ҳайъати: Б. Аҳмедов ва бошқ. – Т.: «Камалак», 1991, 123-бет.

яхши билиши орқали давлат, халқ, миллат тарихига дахлдорлик эшиги очилади.

Оила тарбияси тарихидан шу нарса маълумки, унда «мөҳнат қилиш» тушунчаси табиий зарурат сифатида талқин қилинган, чунки оиласлар ишлаб чиқариш жамоаларини эслатар, бунда болалар имкониятига яраша юмушни бажарар, катталар билан бирга мөҳнат қилар эдилар. Оилавий мөҳнат унинг мустаҳкамлигини оширди, болаларни улғайтириш, ёшларда мөҳнатсеварлик, ҳалоллик, сўз ва иш бирлиги каби бебаҳо сифатларни авлоддан-авлодга тарбия орқали ўтказиш воситасига айланниб келди.

Ўзбек оиласи миллий дунёқарааш манбаи ҳамдир. Бу ҳозирги ўқувчиларда миллий истиқлол мафкурасини шакллантиришда катта аҳамиятга эга. Ҳар бир авлод ўз ота-оналаридан ўзлаштирган дунёқараашни интериоризация қилиб, ўз оилавий дунёқараашига айлантирап ва шу асосда фарзандларнинг миллий дунёқараашини шакллантириб, мерос тарзида узатиб келдилар. Дунёқараашнинг бирлиги – миллийлиги туфайли авлодлар орасида ҳамфирлилик, ўзаро ишонч, иззат, мақсад бирлиги, самимийлик тантана қиларди.

Ўзбек оиласи ўғил-қизларда миллий феъл-атвор, ҳусни хулқ тарбияси манбаи бўлиб келди. Ота-оналар ҳар кунлиқ, ҳар соатлик, ҳар дақиқалик тарбиявий мулоқот жараёнида болаларга хатти-ҳаракатлар, юриш-туриш, сўзлаш, кулиш, овқат ейиш, ювиниш, муомалага киришиш, мезбон ва меҳмон муносабатлари меъёрларини сингдириб келадилар. Айниқса, ўғилни оталикка, қизни оналикка, уй бекалигига тайёрлаш миллий тарбияда йирик икки йўналиш – ўғил ва қиз болалар тарбияси мавжудлигини кўрсатади.

Ўзбек оиласи фарзандлар учун тансиҳатлик тарбиясининг ўзига хос мактаби бўлиб келди. Бу ўринда опанинг водопровод жўмрагидан сув ичмоқчи бўлаётган 7 ёшли укасига «Умиджон, тўхта! Совуқ сув ичма, томоғинг оғрийди» ёки «Ойи мана, мактабимиз йўлида ўсан экан, укамнинг ичи кетса, қайнатиб ичирасиз», – дея зубтурум дастасини бериши; 11 ёшли аканинг 7 ёшли синглисига:

«Марҳабо, юзингни чала ювибсан, телевизордан узоқроқ ўтири, кўзинг оғрийди», – дея уқтириши ва бошқа кўплаб мисолларни келтириш мумкин. Бундай мисоллар ибтидоий тиббий тушунчаларнинг замонавийлашиб, отоналардан болаларга ўтиш намуналари дир. Дарҳақиқат, илгари ҳар бир ўзбек онаси чақалоқни бедард катта қилиш ҳақида миллий тиббий чораларни ўрганган ва қўллай билган. Тиббиётнинг халқ табобатига айланганлиги ҳам миллатимизнинг юқори тиббий маданиятга эга бўлганлигини кўрсатади. Бунда, жумладан, табобат илми асосчиси Ибн Синонинг инсон ўз соғлигини сақлаш учун туғилган кунидан то умрининг охиригача амал қилиши лозим бўлган тадбирлар хусусидаги ўгитлари ҳам муҳим роль ўйнаган.

«Оила ижтимоий тарихий белгига эга бўлган муайян тузилишли ижтимоий гуруҳнинг кўриниши дидир», деб ёзадилар ўзбек олимлари Ҳ. Узоқов, Э. Фозиев ва А. Тожиевлар. Уларнинг таъкидлашича, «Оила аъзоларини қариндош-уруғчилик, никоҳ, турмуш шароитининг бирлиги, одоб-ахлоқ меъёрларининг умумийлиги, маънавиятнинг бирлиги каби алоқалар ўзаро боғлаб туради. Оила мураккаб ижтимоий гуруҳ бўлиб, биологик-ижтимоий, ахлоқий, мафкуравий ва руҳий муносабатларнинг бирлашуви натижасида вужудга келади»¹.

Оиланинг муҳим маънавий, маданий хусусиятларидан яна бири – унинг миллийлигидир. Шу туфайли у ўзида муайян миллий маданият, миллий тарбия маданиятини ҳам у ёки бу даражада акс эттиради. Оилани миллий, истиколий тарбиянинг фаол омилига айланиши учун унинг миллий-маданий, мафкуравий, маънавий муҳити ўрганилиши керак. Жумладан, оилаларда миллийликка муносабат қандай эканлигини тадқиқот қилиш зарур. Ушбу нуқтаи назардан ўзбек оилаларини шартли равишда 4 гуруҳга бўлиб ўрганиш мақсадга мувофиқдир:

¹ Ҳ. Узоқов, Э. Фозиев, А. Тожиев. Оила этикаси ва психологияси: Умумий таълим мактаблари, ўрта маҳсус ҳамда ҳунар-техника билим юртлари ўқитувчилари учун қўлл. – Т.: «Ўқитувчи», 1992, 128-б.

1. Бола тарбиясига қадимийчасига ёки авторитар ёндашув.
2. Либерал – күнгилчан ёндашув.
3. Миллий-замонавий, демократик ёндашув.
4. Маргинал ёндашув (бошқа миллий маданият асосида тарбиялаш).

Ота-она обрўси миллий тарбиянинг асосидир. Айнан шу омил орқали улар фарзандларининг онгига, хулқ-атворига маънавий таъсир қиласидилар. Ота-она обрўси баланд бўлган оиласаларни болаларнинг катталарга ҳурматиззати, эътибори, мўътабар онага маслаҳат сўраб қилган муносабатларидан ҳам таниш мумкин. Ота-онанинг оиласадаги ҳурмати, обрўси, мавқеи эса уларнинг бола тарбияси билан маҳсус шуғулланнаётгани ёки шуғулланмаётганига боғлиқ. Собиқ шўро даври, хусусан, 80-йилларда оталарнинг ушбу йўналишдаги вазифаси қониқарли бажарилмас эди. Ўтказилган тадқиқотлар собиқ СССРда ҳар 9 боланинг бири отасизлиги, оталарнинг фарзанд тарбиясига бир кунда 8 дақиқагина вақт ажратганинги кўрсатган эди¹. Ота-она обрўсини, аслида, уларнинг фарзанди шахси билан қизиқиши, ўқувчи фарзандларининг ўсиб бораётган эҳтиёжларини ўрганиб, бошқариб, қондириб бориши оширади. Кузатувлар ҳаётда ота-онанинг тарбиячи сифатидаги обрўсини туширувчи сабаблар ҳам мавжудлигини кўрсатди. Булар:

ота-онанинг ўзини асосан фарзандининг бокувчиси сифатида англаб, тарбиячи ҳам эканини чукур англамаслиги;

оиласарда учровчи ахлоқсиз турмуш тарзи;

ота-онанинг болаларига айтган сўzlари, панд-насиҳатлари ва амалдаги хатти-ҳаракатлари орасидаги тафовут;

ота-онанинг фарзандига қилган хизматини миннат қиласериши, улар билан асосан, буйруқ, ҳукм тарзида муомала қилиши;

ота-онанинг ўқувчи фарзандлари ҳаёти, қизиқишла-

¹ Н. Асомов, Л. Никитина, Д. Воронцов. Страна детства. Сборник. — М.: «Знание», 1991, с. 191.

рига эътиборсизлиги, уларга вақт ва диққат ажратмасликлари, оила юмушларига меъёрда жалб құлмаслиги (ўсмирлар ўзларига нисбатан бундай бефарқылдан қаттық изтироб чекадилар, у ота-она ва ўсмир орасига совуқлик туширади);

ўқувчи фарзандлар билан муносабатда уларнинг ёш хусусиятларидан келиб чиқмаслик ва бошқалар.

Бошланғич синф ўқувчилари ота-онанинг қарашлари, феъл-авторига күчли тақлид қыладилар. Ўсмирик бошлангач, болада кескин ўзгариш – ўтиш даври бошланади. Ота-оналар ва болалар орасидаги зиддиятларнинг асосий қисми шу даврга түғри келишининг боиси ҳам шундан. Ота-онанинг фарзандига хос ёш хусусиятларини билмаслиги ўсмирларнинг ота-онадан (кўпчилик ҳолларда отадан) қалбан узоқлашувига олиб келади. Қолаверса,

- ота-онанинг ўзини фарзанди учун ҳар куни, ҳар соат, ҳар дақиқада шахсий намуна эканини англамаслиги;
- ота-она, оила аъзолари орасида ўқувчи фарзанд олдига қўйиладиган тарбиявий талабларда яқдилликнинг етишмаслиги;
- ўқувчи кундалик ҳаётидаги режасизлик, тартибсизлик, аниқ мақсадга йўналтирилмаганлик;
- рағбатлантириш ва жазолашда тарбиявий мақсад устуворлигини англамаслик;
- миллий қадриятларга ҳурмат ҳиссини шакллантиришда изчилликнинг етишмаслиги;
- болани тан жазоси билан қўрқитиш;
- ота-онанинг фарзандлар кўз ўнгидаги тез-тез жанжаллашиб туриши;
- уйда ошкора ичкиликбозлик қилиниши;
- беҳаё сўзлар, қарғишилар, сўқинишлар;
- ўз фарзандини ҳеч шубҳасиз «энг яхши» деб ҳисоблаш;
- «Биз қийналганимиз, болаларимизро қылсан», – деб қараш туфайли фарзандни эркалатиб юбориш;
- болаларни ясантиришга ҳирс қўйиш ёки бунинг акси;
- «Бола қийналиб катта бўлса, ота-онанинг, меҳнатнинг, ҳаётнинг қадрига етади», – дея кўр-кўронада қаттиқ-қўллик, зарда қиласвериш;

- ўқувчи-фарзандига вайда бериб бажармаслик;
- мактаб билан таълим-тарбиявий ҳамкорликдан ўзини четга олиш;
- ўқувчи болаларини ўз аждодлари, шажаралари билан таништирилгаслик ва тарбиядаги бошқа кўпдан-кўп катта-кичик қусурлар кўз ўнгимизда шаклланаётган шахснинг тақдирида кучли салбий асоратлар қолдириши мумкин.

Ўзбек оиласида юқорида келтирилган камчиликларни бартараф қилишда оталарнинг роли ҳал қилувчи аҳамиятга эгадир. Зеро, мақолларимизда қайта-қайта такрорланниб келинганидек, «Отанинг очган йўли бор, онанинг бичган тўни бор», «Отаси борнинг унуми бор, онаси борнинг тиними бор», «Ота – оламнинг фахри», «Эрта тур, отангни кўр, отангдан сўнг отингни кўр», «Отангни кўрсанг, отдан туш», «Ота бўлиш осон, оталик қилиш қийин», «Ота болага синчи», «Ўғлингни севсанг, қулингдай ишлат», «Оталар сўзи хитоб бўлур, ани йигсанг, китоб бўлур»...

Онанинг ўзбек оиласидаги ҳурмати, ўрни алоҳида, жисплаштирувчи аҳамиятга эга. Чунки «Онага бўлган муҳаббат – Ватанга бўлган муҳаббатнинг куртаги», «Онанинг кўнгли болада, боланинг кўнгли далада», «Онанг ўтай бўлса, отанг ўзингники эмас», «Бола – лой, она – кулол», «Бола ҳам она дейди, она ҳам она дейди», «Онангнинг яхшилигини бемор бўлсанг биларсан» ва ҳ.к. Бу эса ўзбек қизларини оналика тайёрлашга – уларда меҳри-бонлик, фамхўрлик, майинлик, яқин кишиларни қадрлаш, ҳимоя қилишга эҳтиёжни шакллантиришга алоҳида эътибор беришни талаб қиласди. Ота-онанинг изчил тарбиячилик меҳнати эса уларни яхши фарзандларнинг отоналари бўлиш шарафига муюссар қиласди. Ўз тарбиячилик бурчларини бажармаслиги ёки бажара олмасликлари натижасида улар «ёмон» деб ном чиқарган ўғил-қизларнинг ота-оналарига айланадилар. Чунки ўғил-қизларнинг «ёмон» бўлиб туғилмасликлари бундан қарийб 1300 йил илгари Юсуф Ҳожиб томонидан «ўғил-қизнинг феъ-

ли-хулқи яхши ёки ёмон бўлса, унинг сабабчиси ота ва онадир¹ шаклида ифодаланган эди.

Ота-онага меҳрлилик ўзбек боласи миллий одобининг энг биринчи сифатидир. Шу билан бирга, ушбу сифат нинг энг биринчи, бош тарбиячиси ҳам оила, ота-она нинг ўзиdir. Кейинги йилларда илмий-педагогик адабиётларда «ота-она назокати» тушунчаси пайдо бўлди. Бу педагогик хислат ота-оналар томонидан фарзандларга оқилона тарбиявий таъсир ўтказа олиш: тўғри ва илиқ муносабатда бўлиш, ғамхўрлик қилиш, фарзандларига омилкорлик билан талаблар қўя олиш, инсон қадр-қимматини ҳурматлашга ўргатишни ўз ичига олади. Хуллас, «ота-она назокати» тушунчаси келажакда ҳар бир ота-она илмий педагогик маданиятининг таркибий қисмига айлантирилмоғи керак. Ота-онанинг илмий педагогик маданияти – ота ва она умумий маданиятининг таркибий қисмидир. Унда ота-она мансуб ҳалқнинг тарих давомида тўплаган оиласвий тарбия тажрибаси синтезлашади ва муайян ота-онанинг оиласвий тарбиячилик фаолиятида намоён бўлади.

Миллий-тарбиявий фазилатларни шакллантириш мактаб, қишлоқ ва маҳаллаларнинг мустаҳкам ҳамкорлигини тақозо этади. Тошкент шаҳар Янгиарик маҳалласида жойлашган 96-ўрта мактаб педагогик жамоаси ва маҳалла оқсоқоллари ҳамкорлиги бунга мисол бўлади. Бу илфор тажрибанинг сири шундаки, ота-оналар қўмитасидан бир киши синф раҳбарлари, ўқитувчилар билан бирга ҳар чоршанба куни тарбияси бузилган болалар билан суҳбатлар ўтказади. Ота-оналар қўмитаси раиси, Ўзбекистонда хизмат кўрсатган маданият ходими Абдуфаттоҳ ота Набиҳўжаев мактабда «Қадрият» тўгарагини ташкил этган. Тўгаракда ўзбек ҳалқига хос одоб-ахлоқ меъёрлари, урф-одатлар, миллий-маънавий тарбия масалалари муҳокама қилинади. Ёшлар орасида кенг ва тез тарқалаётган фарбийлик (юриш-туриш, ўзини тутиш, кийиниш, дунёқарашда Фарб кишиларига кўр-кўrona тақлид қилиш)нинг миллий фурур,

¹ Юсуф Ҳос Ҳожиб. Қутадгу билиг. – Т.: «Фан», 1972.

ватанпарварлик, миллатнинг маънавий салоҳиятига заарлари ҳақида ваъзлар, ибратли суҳбатлар ўтказилади. «Қадрият» тўгараги ўқувчилар орасида аждодларга ҳурмат ҳиссини тарбиялашга самарали таъсир қилмоқда.

Ўқувчи ёшларда аждодлар ёди, руҳи покига ҳурмат, садоқатни тарбиялашга мазкур тадқиқотда иштирок этган масканлардан бири – Самарқанд шаҳар Темирйўл тумани Дамариқ маҳалласида алоҳида аҳамият берилмоқда. Масалан, маҳалла қўмитаси раиси, собиқ ўқитувчи Ф. Нарзиев ва қўмита фаоллари Н. Ёкубов, X. Болтаевлар маҳалла хонадонларида бўлишиб, қабристоннинг атрофини тозалаш ҳашарига маҳалла аҳлини даъват этдилар. Ҳар йилги ҳашарлардан фарқли ўлароқ, ҳашарга ўқувчи ёшларни ҳам таклиф қилиш кераклиги, бунинг аҳамияти ота-оналарга тушиунирилди.

4 апрель куни ҳашарчилар орасида ўспиринлар камроқ кўринди. 11 апрель куни уларнинг сони 12 нафарга, 18 апрель куни эса 23 нафарга етди. Яъни, дастлабки кунлари ўз ўғилларини ҳашарга олиб чиқмаган оталар қўидаги ўрнакли ҳолатни кузатдилар: ҳашарнинг буюк миллий-тарбиявий аҳамиятини англаб етган, болалари тарбиясига ҳафсалали оталар ўз ўғилларига марҳум бобо, буви, қариндошларининг қабрларини кўрсатдилар, кўпчилик билан биргаликда меҳнат қилиш завқидан ўспиринлар баҳраманд бўлдилар.

Хўш, 18 апрелдаги ҳашарда ёшлар ўзларини қандай тутдилар? Уларнинг бир қисмигина (5 таси) офтобдан пана жойда ўтириб, белкуракларини бошқаларга бериб турдилар, 7 нафар ўсмир катталардан кўрсатма кутиб, айтилган юмушларни бажарди. Лекин уларнинг кўпчилиги (11 нафари) фаоллик кўрсатди: шох-шаббаларни, темир-терсакларни териш, ер ағдариш, тошларни териб, чет жойга элтиб ташлаш, дараҳтларнинг қуриган шохларини кесиб ёқиш каби ишлар билан ихтиёрий машғул бўлдилар. Энг муҳими, улар ўзларининг аждодлар олдидаги бурчларини меҳнат билан оқлаётганликларини илк бор, амалда туйдилар.

Ҳашар тугади. Маҳалла қўмитаси раиси Ф. Нарзиев

ҳашарчилар қаршисида ваъз қилиб, шундай деди: «Азизлар! Бугун сиз ва биз мархум бобо-бувиларимиз, ота-оналаримиз руҳларини шод қилди. Уларнинг мозорларини хас-хашаклардан покладик. Баъзи одамлар ота-оналарининг қадрларига улар тириклигига етмайдилар. Насиҳат қилсалар, «қарисиз, нимани ҳам тушунардингиз» дегандек беписандлик қиласидилар. Бундайлар ота-оналари мархум бўлганларидан кейин ҳам уларни иззатламайди. Мархумларнинг қабрларидан хабар олмайди. Ўз бобо-бувиларининг қабрларини танимайдиган ёшларни ҳам кўрмоқдамиз. Худога шукурки, халқимизга имон, инсоф қайтяпти. Имоним комил, кўпчилик, айниқса бугун ҳашарга келган ёшлар келажакда ўз ота-оналарига меҳрли бўладилар. Чунки сизлар бугун инсон умри абадий эмаслиги, ҳар бир киши – ота ҳам, она ҳам вақти келиб вафот этиши, шунинг учун уларни тириклигига иззат қилиш лозимлиги ҳақида дарс олдингиз. Барчангизга раҳмат. Илоҳим тупроқда ётган яқинларимизни раҳмат қиласин».

Шундан сўнг маҳалла масжиди имоми Низом бобо дуои фотиҳа қилди. Шу билан ҳашарга якун ясалди. Ҳашардан қайтаётган ўспириналарнинг қиёфасида ажаб бир жиддийликни, аждодлар тарихига дахлдорлик туйғусини ҳис этаётганликларини сезиш мумкин эди...

Қишлоқ фаоллари ва мактаб миллий-тарбиявий ҳамкорлигига ҳаётийлик тамойилини амалга оширишга яна бир мисол тариқасида Самарқанд туманидаги 95-сон умумтаълим мактаби ва Бўз қишлоғи фаоллари, уруш фахрийлари олиб бораётган ишларни келтириш мумкин.

Ражаб ота Рассоқов Самарқанд шаҳрининг жанубида Гулистон жамоа хўжалигига қарашли Бўз қишлоғининг муҳтарам оқсоқолларидан бири. У киши узоқ йиллар ўқитувчилик қилиб, нафақага чиққан. Қишлоқ марказидаги Иккинчи жаҳон урушида ҳалок бўлган 80 нафар бўзлик Ватан ҳимоячиларига қурилган ёдгорлик жамоа хўжалиги, мактаб раҳбарлари ва ўқувчилар кучи билан ташкил қилинганига қишлоқ этнографик музейи гувоҳлик бериб туради. Р. Рассоқов қишлоқнинг фаол эркагу аёлларини, юқори синф ўқувчиларини ёнига тўплаб, «Ота-

боболаримиз ўз вақтида фойдаланган, ҳозир кераксиздек қолган анжомлар, эгар-жабдуқ, омоч, шамдон, кетмон ва бошқа шу каби ашёларни кўп кўрамиз. Келинглар, аждодларимиз нафаси, кўллари теккан шу тарихий буюмларни бир жойга йифиб асралик, йўқолиб кетмасин», – деганлар. Қишлоқ ҳудудини шартли 5 қисмга бўлиб, 5 гурухга топширган. Белгиланган кишилар, ўқувчилар ҳовлиларни айланиб, турли-туман ашёларни (омочдан тортиб қадимий танга, қоғоз пул, паранжигача) топиб келишган. Натижада, қишлоқ музейи учун етарли экспонат тўплантган ва қишлоқ ҳаётига оид турли фотосуратлар билан бойитилиб, мўъжаз музей ўз ишини бошлаб юборган. Бугун музейга экскурсияга келган ўқувчилар, Р. Раззоқовнинг айтиб берган ҳикоялари туфайли, туғилиб ўсаётган қишлоқлари, ўтган аждодлари ҳаёт тарзини ўз кўзлари билан кўришга, тасаввур қилишга мұяссар бўлади.

Кунларнинг бирида Р. Раззоқов ушбу сатрлар муаллифига: «Ҳар бир ўқувчи, ҳар бир бола Ватанни ўз қишлоғидан, маҳалласидан бошлаб кашф эта боради. Шундай экан, ўқувчилар ўз она қишлоқлари тарихини иложи борича батафсил билишлари керак. Мен қишлоғимиз тарихини ўрганиш билан маҳсус шуғулланганман. Бўз тарихини сизга баён қилсам, сиз уни назмга солсангиз, ўқувчиларимизни Ўзбекистон ватанпарварлиги руҳида тарбиялашнинг янги, самарали бир воситаси яратилар эди», – дея мурожаат қилиб қолди. Бу таклиф мактаб маъмурияти, жамоа хўжалиги раҳбарияти, оқсоқоллари томонидан ҳам қўллаб-қувватланиб, «Бўз қиссаси» яратилди. Шеърий қисса дастлаб мактабнинг, кейинчалик қишлоқнинг «Наврўз сайли»да адабий-драматик композиция шаклида намойиш қилинди. Қарангки, қиссанинг миллий-тарбиявий самараси нафақат ўқувчилар, балки катталар учун ҳам сезиларли бўлди. Чунки то шу пайтгача Москва, Кремль ҳақида шеър тинглаб келган кишилар энди ўз аждодларининг тарихини ўз қишлоқларида, фарзандлари оғзидан эшиитмоқда эдилар. Айниқса, Наврўз тантанаси, оммавийлик руҳи барча қатнашчиларни ҳаяжонлантириди. Ўғилқизлар она қишлоғи ҳақидаги ушбу сатрларни тўлқинланаб айтдилар:

БЎЗ ҚИССАСИ

Бадиий ўқиши

1-ўқувчи:

Мустақиллик қудратидан кашфи имкон айладик,
Қомуси истиқолни тилга қалқон айладик,
Ўзбекистон халқини дўсту қадрдан айладик,
Бўзлик аждодлар руҳин гулистон айладик.

Ўқувчилар: нақарот

Она Бўз тарихининг сатрини достон айладик,
Тинглаган ҳар бўзлик кўнглини осмон айладик.

2-ўқувчи:

Ишладилар кеча-кундуз, касби – чорвадорлик,
Фаллакор ерлар очилди, яшнади боғдорлик,
Меҳнатидан келди нони – кўрмадилар хорлик,
Ўтди юз йил, яна минг йил – қилдилар дилдорлик,

Ўқувчилар: нақарот

3-ўқувчи:

Николайнинг миршаби «Кўч!» дея шитоб айлади,
Тўра эллик бошимиз халқига хитоб айлади:
«Эй биродарлар, юринг! Оқпошшо хуноб айлади,
Миллатимизнинг кўзин ёшини селоб айлади!»

Ўқувчилар: нақарот

4-ўқувчи:

«Мардикор бер!» деб Николай айлади фармонини,
Бўзлик ва тўрт йигит кўйди гаровга жонини,
Додини айтиб, худодан сўради дармонини,
Бир йил ўтмай қайтдилар, ташламай чакмонини.

Ўқувчилар: нақарот

5-ўқувчи:

Очди мактабни – Бўзнинг кўзини Ҳайдар Умар,
Ўргатиб бийрон она сўзини Ҳайдар Умар,
Ўқитиб ўғил-қизини – Бўзни Ҳайдар Умар,
Қилди раҳматга муносиб ўзини Ҳайдар Умар.

Ўқувчилар: нақарот

6-ўқувчи:

Ўттиз учинчи йили бўлди ёмон очарчилик,
Ҳар учинчи бўзлиқдан олди жон очарчилик,

Хайдади Қаршию Хишрав, Жом томон очарчилик,
Қанчани қирди вабо, касби қирон очарчилик.

Ўқувчилар: нақарот

7-ўқувчи:

Кетдию жанги жаҳонга қайтмади саксон йигит,
Етмиши келдию, аммо қайтмади саксон йигит,
Куйдиріб оқсоч келинни қайтмади саксон йигит,
Қотилин кимлигини айттолмади саксон йигит.

Ўқувчилар: нақарот

8-ўқувчи:

Бу шаҳид саксон йигитнинг ҳар бирига минг дуо,
Соф-омон қайтганларнинг ҳар бирига минг дуо,
Саждагоҳ меъморларининг ҳар бирига минг дуо,
Ул Ражаб, Омон, Жума боболарига минг дуо.

Ўқувчилар: нақарот

9-ўқувчи:

Ўзбекистон халқининг тошдан бўлсин боши,
Ҳар куни томоша, тўй, бўлсин кабобу оши,
Раҳбари соҳиб адолат, элсевар Юртбоши,
Шул сабаб айлар дуо ҳар кун қарию ёши.

Ўқувчилар: нақарот

Миллий мустақилликнинг кўлга киритилиши ўзбек оиласарида моҳиятан янги, сифат ўзгаришни содир қилмоқда. Бу собиқ «социалистик оила»дан «миллий оила»га кўтарилишни, яъни маънан, маданий-ахлоқий, гоявий бойишни англатади. Демак, оиланинг ички ва ташқи муносабатлари ҳам миллийлик ва замонавийлик билан тобора бойитила борилиши лозим. Чунки миллий мустақиллик оила манфаатларини миллат, давлат ва мактаб манфаатлари билан уйғунлашувига замин яратди. Ана шу тарбиявий бирлик эҳтиёжи мактаб, ўқитувчилар томонидан ўқувчи ва унинг оиласини педагогик ўрганиш ва такомиллаштириш орқали таъминланади.

Оилани миллий педагогик ўрганиш синф раҳбарига ўқувчи ўсаётган оиланинг турмуш тарзи; миллий-тарбиявий имкониятлари, оила таркиби, оиланинг миллий, ис-

тиқолий қадриятларга муносабати ва бошқалар ҳақида қимматли маълумотлар тўплашга имкон беради. Оилани миллий педагогик ўрганиш бола мактабга қабул қилинган кундан бошланиши лозим. Бу кейинчалик ҳар бир ўқувчининг миллий тарбиясига алоҳида ёндашув дастурини яратиш имконини беради. Оилани миллий педагогик ўрганиш усууллари қуидагилардан иборат:

- ўқувчиларнинг миллий одоби ва ўқишини кузатиш;
- оилаларга ташриф буюрганда ота-она, она-бала, ота-бала, ака-ука, ва ҳ.к.лар орасидаги муносабатларни кузатиш;
- оилавий маросимларда қатнашиш;
- ота-онани мактабга таклиф қилиб, яккама-якка сухбатлашиш;
- оиласада миллий маданият, ўтириш-туриш, жихозлар, маърифатга, маънавий қадриятларга муносабатни кузатиш;
- телевидение, радио, газета, журналлардан қандай мавзуларни ёқтиришларини аниқловчи анкета-сўровларни ташкил қилиш;
- ўқувчиларга ўз оилалари, аждодлари ҳақида иншо ёздириш;
- ота-оналар қўмитаси йигилишлари ишига миллий тарбиявий вазифаларни киритиш ва ҳ.к.


Юқоридаги услубларнинг фаол қўлланилиши, ота-оналар билан ўtkазилган тарбияга оид ҳуқуқ ва мажбуриятлар ҳақидаги сухбатлар, уларни замонавий болалар тарбияси муаммоларига жалб этиш, миллий тарбияни маҳалла, қишлоқ оқсоқоллари кенгашлари фаолияти йўналишига айлантириш ва бошқа чоралар ота-оналарнинг тарбиячилар сифатидаги фаолликларининг ортишига олиб келди. Синф раҳбарлари тарбиявий ишлар ташкилотчilarининг системали олиб борган ишлари миллий тарбияни амалга оширишда оила, маҳалла имкониятларини тўлароқ ишга солишни таъминлади. Бунинг натижаси ўлароқ, тажриба мактабларида фаол ота-оналарнинг салмоғи орта борди (ота-оналарнинг умумий сонига нисбатан фоиз ҳисобида):

Умумий ўрта таълим мактаблари	1991/92 ў.й.	1992/93 ў.й.	1993/94 ў.й.	1994/95 ў.й.
Пастдарғом тумани 33-сон мактаб	7,3	10,5	19,7	30,4
Кўшработ тумани 13-сон мактаб	5,7	11,4	17,3	25,9
Самарқанд шаҳри 64-сон мактаб	10,1	18,4	27,6	39,1
Каттакўргон шаҳри 2-сон мактаб	14,2	20,5	29,7	42,2
Самарқанд тумани 95-сон мактаб	9,3	14,9	26,8	38,7


Хуллас, умумий ўрта таълим мактаблари таълим мазмунини миллий-тарбиявий мақсадларга системали йўналтириш тамойилларидан унумли фойдаланиш; ўқувчиларнинг дарсдан ташқари фаолиятини миллий-тарбиявий имкониятларини очиш ва мақсадли қўллаш; мактаб, оила, маҳалланинг миллий тарбиявий ҳамкорлигининг ҳаётий услугуб, воситаларини жорий қилиш ўқувчиларда миллий-тарбиявий фазилатларни шакллантиришга комплекс, системали ёндашувни таъминлади. Бу эса ўқувчиларда миллий одоб, Ўзбекистон ватанпарварлиги, миллатлараро мулоқот маданияти, виждонийлик, миллий-мафкуравий онглилик даражаларининг узвий кўтарилишига – миллий тарбияланганлик умумий даражасининг ўсишига олиб келди.

Ўқувчиларнинг миллий тарбияланганлик даражалари диалектикаси

1991/92 ўқув йилида



1994/95 ўқув йилида



ҮҚИТУВЧИЛАРНИ МИЛЛИЙ-ТАРБИЯВИЙ ЖАРАЁНГА РАҲБАРЛИККА ТАЙЁРЛАШ

Мустақил Ўзбекистон ўқитувчисининг миллий тарбиячи сифатидаги наънавий андаза-модели

Мустақил Ўзбекистоннинг маънавий соғлом ёш авлоди, миллатнинг бўлажак ватанпарварлари, миллий гуур, одоб, виждонийлик соҳибларини тарбиялашнинг энг мушкул юки пировард натижада ўқитувчининг зиммасига тушади. Шу туфайли у нафақат кенг ва чуқур билимли ўқувчиларни, балки, энг аввало, ана шу билимни эгаллашни ўзининг бурчи деб билувчи миллий кадрларни шакллантиришга масъулдир. Бу республикамизнинг миллий истиқоли, мағкураси мактаб олдига кўйган долзарб буюртма бўлиб турибди ва шундай бўлиб қолади. Шунинг учун Ўзбекистон ўқитувчиси нафақат математика, адабиёт ва ҳ.к.ларни кенг ва чуқур билиши, балки тарбиявий жараённинг моҳир ташкилотчиси, ўқувчиларнинг устози бўлиши, миллий истиқолол талабларидан келиб чиқиб ўқувчиларнинг маънавий дунёсини шакллантира билиши талаб қилинади.

Ўқитувчиларни миллий-тарбиявий фаолиятга тайёрлашда самарадорликка эришиш қатор зиддиятларнинг ижобий ҳал қилинишига боғлиқ. Булар қўйидагилардан иборат:

мустақиллик, бозор иқтисодиётiga ўтиш, миллий ис-тиқол мағкураси талабларидан келиб чиқиб ўқитувчига қўйилаётган тарбиявий талабларнинг тобора ошаётганлиги, бундан кейин янада ортиши ва республика педагогика институтлари ва университетларида ўқитувчиларни тай-ёрлашда бу талабларни қондиришнинг илмий-педагогик шарт-шароитлари яратилмаганлиги орасидаги зиддият;

педагогика фанининг миллий-мафкуравий, маънавий аҳамияти кучаяётганлиги (нафақат ёшлар, балки катта-ларни ҳам мағкуравий, маънавий тарбиялаш ҳақидаги фан сифатида) ва умумпедагогик билимлар мазмунида, услуб, воситаларида миллий истиқолий йўналтирилганлик да-ражаси орасидаги зиддият;

педагогика институтлари, университетлари ўқитувчи-ларидан миллий тарбиянинг назарий, услубий билимла-рини чуқур билишлари талаб қилинаётганлиги ва бу би-лимларнинг реал даражаси орасидаги зиддият;

Ўзбекистон халқи, давлати, Президентининг миллий фуур, виждонийлик, миллатлараро мулоқот маданияти, Ўзбекистон ватанпарварлиги, миллий-мафкуравий онг-лийкни тарбиялаш ҳақидаги талабларининг тобора дол-зарблашаётганлиги.

**Бўлажак ўқитувчилар олаётган билимлар гурӯҳи ва нисбати
(Республика Ўқитувчилар уйи намойишгоҳидан олинди (1993 й.).**



Ушбу зиддиятларнинг сабаби, бир томондан, тарбия жараёнининг мураккаб, узоқ давом этиши ва зиддиятлиги, иккинчидан, миллий тарбия назарияси ва услубларининг педагогика институтлари ва университетларида ҳали мустақил курс сифатида ўрганилмаётганлиги бўлса, учинчидан, педагогика институтлари ва университетлари ўкув соатлари ҳажмида педагогика ва психологияга соатларнинг кам ажратилганлиги бўлиб чиқди (юқоридаги чизмага қаранг). Бу ҳолат амалиётда ўзини намоён қилмоқда. Тажрибали мактаб директорларидан бири С. Содикованинг фикрича, «педагогика институти ва университетини битириб келган ёш ўқитувчилар дастлаб ўкувчилик билан муносабатда ўзларини «домла» каби тутадилар. Агарда педагогика билим юртлари битирувчиларининг мактаб ўқув-тарбиявий ишларига тўла киришиб кетишлари учун 1–2 ой керак бўлса, педагогика институтлари битирувчиларига 6 ой, педагогика институтлари кечки бўлимлари ва университет битирувчилари учун камида бир йил керак бўлади». Бу фикрни университетлар, педагогика институтлари битирувчилари орасида ўтказилган сўровлар ҳам тасдиқлади

Давлат имтиҳони арафасида талабаларнинг педагогика институтлари ва университетларида олган билим, қўнимка ва малакалари даражаларининг баҳоланиши

(Педагогика ва бошлангич таълим услубияти, ўзбек филологияси, тарих, жисмоний тарбия, меҳнат таълими ва услубияти факультетлари талабалари мисолида (сўралганларнинг умумий сонига нисбатан фоиз ҳисобида).

Саволлар	Жуда яхши	Яхши	Қони-қарсли	Қони-қарсиз	Тайёр эмасман	Жавоб бермади
1. Сиз миллий истиқтол шароитида ўзингизнинг тарбиявий ишларга тайёр гарлигингизни қандай баҳолайсиз?	—	4	26	64	5	1

2. Ўзбекистоннинг ўз истиқтол йўлидан келиб чиқувчи тарбиявий вазифалар ҳақидаги билимларингизни қандай баҳолайсиз?	—	2	32	56	7	3
3. Оила билан тарбиявий ҳамкорликни ташкил қилишга тайёргарлигиниз қандай?	—	8	24	60	8	—
4. Миллий тарбияни амалга оширишда қишлоқ, маҳалла билан ҳамкорлик қилинганми?	—	—	20	60	20	—
5. Ўқувчиларнинг миллий тарбияланганинг даражалари қайд қилинганми?	—	—	11	77	4	—

Хуллас, тадқиқот жараёнида миллий истиқтолнинг Ўзбекистон ўқитувчиси, синф раҳбаридан миллий тарбиявий билим, малака, кўникмаларга эгаликни талаб қилаётгани, мавжуд кўрсаткичлар эса қониқарли эмаслиги қайд қилинди. Педагог ходимлар малакасини ошириш бўйича тўпланган тажриба ҳам «Ўқувчилар тарбияси ва билимининг самарадорлиги тўғридан-тўғри ўқитувчининг билими, касб маҳорати, обрўси ва унинг маданиятига боғлиқ»¹ лигини қайта-қайта таъкидламоқда эди. Бўлажак ўқитувчиларнинг 85 фоизидан ортиқроғи фақат ўз фанлари бўйича дарс беруб, тарбиячилик фаолияти билан шуғулланмасликни афзал кўришлари бу ҳолни янада долзарблаштиради. Ваҳоланки, ёш ўқитувчиларнинг 80–90 фоизи мактабга келишлари билан синф раҳбарлари этиб тайинланадилар. Бунинг натижасида ёш ўқитувчиларда пайдо бўлувчи ноҷорлик, ҳафсаланинг пир бўлиши баъзан уларнинг касбини ўзгартиришига сабаб бўлади. Мавжуд вазият педагогик таълим жараёнида ўқитувчи профессиограммасидаги

¹ Педагогика, 1992, № 4–5.

миллий тарбиячилик сифатларини кучайтиришни, тако-
милластиришни тақозо қылмоқда эди.

Үқитувчиларнинг миллий тарбия жараёнининг таш-
килотчилари сифатидаги фаолиятларини ўрганиш улар-
нинг, қисман бўлса-да, миллий тарбия вазифалари, мақ-
садидан хабардорликларини, бу ишни эмпирик даража-
да амалга оширишга ҳаракат қилаётганликларини кўрсат-
ди. Бунинг мисоли сифатида уларнинг иш режалари,
тарбиявий соатлар тематикасидан жой олган миллий ах-
лоқий мавзуларни, тадбирларни келтириш мумкин. Ле-
кин бу ишларнинг аниқ мақсадга йўналтирилмаганли-
ги, системалашмагани, изчил назорат қилинмагани ту-
файли бош мақсадга эришмай қолинган. Чунки синф
раҳбарларининг миллий-тарбиявий фаолиятини баҳолаш
мезонлари ишлаб чиқилмаган. Ана шу сабабдан бўлажак
ўқитувчиларнинг миллий тарбиячи сифатидаги фаолия-
тининг модели, кўрсаткичларини асослаш зарурати ту-
ғилди. Булар:

- миллатлараро мулоқот маданиятининг;
- виждонийликнинг;

— миллий мафкуравий онглиликнинг яхлит шакллан-
ганилик даражалари сифатида ифодаланди. Ушбу кўрсат-
кичларни тўрт даражадан иборат мезонлари белгиланди.
Тажриба синфларининг миллий тарбияланганлик дара-
жаларини (яъни синф раҳбарининг миллий-тарбиявий
фаолияти самарадорлигини) ўрганиш кузатув, мустақил
ҳайъат, илмий бўлим мудирлари, тарбиявий ишлар таш-
килотчилари, директорлардан олинган холис тавсифно-
малар билан солиштириш йўсинида ташкил этилди. Биз
белгилаган мезонлар тизими аксарият ҳолларда (76%)
синф раҳбарларининг миллий-тарбиявий фаолиятини хо-
лис акс эттириди. Шундай қилиб, синф раҳбарларининг
миллий-тарбиявий фаолиятининг самарадорлик кўрсат-
кичлари — мезонларининг юқори, ўртача, паст ва салбий
даражалари аниқланди. Натижа эса, синф раҳбарининг
миллий тарбия борасидаги фаолияти самарадорлиги ни-
маларга боғлиқлиги, алоқадорлиги ўрганилди. Бундай

омиллар: а) синф раҳбарининг миллий-тарбиявий ишларни олиб боришга назарий, услубий йўналтирилганлиги; б) шахсий ва касбий сифатларининг уйғун шаклланганлиги; в) ижодийлик бўлиб чиқди.

Фаолияти юқори ва яхши даражада баҳоланган синф раҳбарларида миллий-мағкуравий онглилик, фаол ахлоқийлик, ижтимоий фаоллик, ижтимоий тафаккур, топқирлик, педагогик одоб, талабчанлик, виждонийлик, адолатпарварлик, тадбиркорлик, ўзини идора қила олиш, кўтаринки руҳ, болаларга меҳрлилик каби сифатларнинг ўзаро чамбарчас боғлиқлиги кузатилди. Мазкур касбий ва шахсий сифатларнинг уйғунлашуви уларга турли вазиятларда топқирлик билан, янгиликка интилиб тарбияни миллий, истиқтолий асосга қуриш имкониятини бермоқда эди.

Фаолияти қониқарли ва паст даражада баҳоланган синф раҳбарларида эса, миллий тарбиянинг назарий ва услубий асослари ҳақида билимларнинг бўшлигидан ташқари, интеллектуал чекланганлик, ўқувчиларнинг миллий фазилатларига бефарқлик, бўшанглик, ўқувчилар билан мулоқотга кириша олмаслик, уларни ўзига эргаштира билмаслик, одамовилик, ўқувчиларга зарда қилиш, кўп гап – насиҳатга ортиқча берилганлик, баъзи ҳолларда эса ҳатто педагогга номуносиб сифатлар ҳам учраши кузатилди. Шуни қайд қилиш жоизки, фаолиятлари учинчи ва тўртинчи гуруҳга киритилган синф раҳбарлари орасида ўз фанининг билимдонлари ҳам учрайди. Лекин ўқитувчининг ўз фанини чуқур билиши, унинг синф раҳбари – миллий тарбия ташкилотчиси сифатидаги билим, кўникмалар даражасига ҳамма вақт ҳам мос келавермаслиги тасдиқланди.

Жамланган илмий тадқиқот материаллари ўқитувчининг синф раҳбари сифатидаги фаолиятининг самарадорлиги унинг педагогика институтлари ва университетларида миллий-тарбиявий фаолиятга маҳсус йўналтирилишига; шахсий фазилатларига; миллий тарбия бўйича муайян назарий ва амалий тайёргарлик даражасига боғлиқлигини

кўрсатди. Бу эса бўлажак ўқитувчининг миллий тарбиячи сифатидаги шахсий ва касбий сифатларининг намунавий мажмуасини тузиш имконини берди.

СИНФ РАҲБАРЛАРИГА МИЛЛИЙ ТАРБИЯНИ АМАЛГА ОШИРИШЛАРИ УЧУН ЗАРУР БЎЛАДИГАН ШАХСИЙ ВА КАСБИЙ СИФАТЛАР МАЖМУАСИ

Шахсий сифатлар

Маънавий етуклик; миллий-мағкуравий онглилик; миллий одоблилий; фаросат; нозик дидлик; ўз касбига садоқат; виждонийлик; ташаббускорлик; болажонлик; талабчанлик; адолатпарварлик; педагогик одоб; тадбиркорлик; қатъийлик; ҳар қандай вазиятда ўзини идора қила олиш; миллатлараро мулоқот маданияти; қузатувчанлик; самимийлик; топқирлик; бирорга бегараз ёрдам беришга тайёрлик; келажакка ишонч; хушмуомалалик; миллий фурурлилик; маънавий поклик; Ўзбекистон ватанпарварлиги; озодалик ва ҳ.к.

Билимлар

Ўзбекистоннинг истиқбол ва тараққиёт йўлининг моҳияти, беш тамойил, тараққиётимизнинг ахлоқий негизларини билиш; миллий тарбиянинг маънавий моҳиятини чукур англаш; Кадрлар тайёрлаш миллий дастури ва илфор педагогик технологияларни билиш; ўз фанининг миллий-тарбиявий имкониятларини сезиш; Ўзбекистон ҳукумати, Президентининг ички ва ташқи сиёсатидан мукаммал хабардорлик; миллий тарбиянинг назарий ва услубий асосларини чукур билиш; ўзи туғилиб ўсган жой, ўзбек ҳалқи тарбиявий анъаналарини пухта билиш; ўғил ва қиз болаларнинг миллий-тарбиявий хусусиятларини билиш; қиёсий педагогик ва этнопсихологик билимлар, ижтимоий фалсафий ва руҳшунослик билимлари, ўзбек маданиятини чукур, атрофлича билиш; миллатнинг тараққиёт қонунларини билиш; одобнома, сиёсат, маънавият, тарих, ўлкашунослик, адабиёт ва санъат, ахлоқшунослик, ҳуқуқшунослик, техника борасида билимларга эгалик; ўз ҳалқи тарихини яхши билиш ва ҳ.к.

Кўникма ва малакалар

Конструктив

Миллий-тарбиявий ишларни режалаштириш малакалари; ҳар бир бола шахсининг педагогик ташхисини, боланинг педагогик тарихи, ҳозири ва истиқболини кўра билиш; миллий тарбияда умумпедагогик усулларни қўллай олиш; бир миллатли ва қўп миллатли ўқувчилар жамоасида ҳар бир ўқувчини миллий тарбиялашнинг хусусий дастурини тузиб, амалга ошира билиш; тарбиялашувчиларга алоҳида, гуруҳий ва табақалашган ҳолда ёндашув, уларнинг ёш, психологик, жинсий, маҳаллий хусусиятларини ҳисобга ола билиш малакалари ва бошқалар.

Ташкилотчилик

Синфнинг фаол ўқувчиларини, жамоасини миллий-тарбиявий мақсадларда жипслаштириб, бошқара олиш; синф аҳлининг жамоа билан якка фаолият турларини ташкил қила олиш; ўқувчиларнинг ижтимоий-миллий фаолликларини рағбатлантириш, ривожлантириш; ўқувчиларга миллий-тарбиявий мақсадларда топшириқлар бериш ва уларнинг бошқарилишини назорат қилиш, ёрдам бериш; маҳалла, қишлоқ, оила, ҳомий ташкилотлар билан миллий-тарбиявий ҳамкорликни ташкил қилиш ва ҳ.к.

Коммуникатив

Ўқувчилар, ўқитувчилар, ота-оналар, маҳалла, қишлоқ оқсоқоллари билан алоқа ўрната олиш; ўқувчилар орасида, шахслараро, гуруҳлараро, миллатлараро муносабатларни бошқара олиш; ҳар бир ўқувчи қалбига йўл топиб, ўзига мойиллик уйфота олиш; жамоага, ўқувчига кўрсатилиши керак бўлган тарбиявий таъсирнинг қандай натижা беришини олдиндан кўра олиш; дунёга, ўзига ва мазкур вазиятга ўқувчисининг кўзлари билан қарай олиш; теварик-атрофни, муносабатларни, миллий маданиятни ўқувчи даражасида (ўзини ўқувчиси ўрнига қўйиб) тасаввур, идроқ қила олиш (эмпатия) ва ҳ.к.

Гностик

Ўқувчини миллий тарбия объекти сифатида педагогик ўрганиш; миллий-тарбиявий фаолиятда педагогик-психологик билимлардан, илгор тажриба намуналаридан, адабиётлардан фойдаланиш; изланувчанлик; миллий-тарбиявий восита, ташкилий шакл, услугуб, йўл-йўриқларни муқобил танлаш; ўзининг касбий ва шахсий сифатларини таҳлил қилиб такомиллаштириш; миллий истиқлол талабларидан келиб чиқиб, ўз фаолиятини ислоҳ қилишга тайёрлик, ислоҳ қила олиш ва ҳ.к.

Амалий

Яхши расм солиш, рақсга туша олиш, мусиқа асбобини чала олиш, қўшиқ куйлай олиш, у ёки бу буюмларни ясад, тузата олиш ва ҳ.к.; миллий-тарбиявий тадбир, байрамларни режалаштириб, ташкил қилиб, бошқариб ўtkаза олиш; таълимнинг миллий-тарбиявий имкониятларини, техник воситаларини тайёрлаш ҳамда қўллаш.

Педагогик маҳорат

Ўқувчиларни ўзига жалб қила олиш, иштиёқини уйғота олиш, миллий замонавийлик гоясини сингдириб, миллий-тарбиявий вазифаларга руҳлантира олиш; ўзини «мукаммал, замонавий ўзбек зиёлиси» сиймосига онгли равишда тайёрлаш ва такомиллаштира бориш; ўзбек тилида соф, тиник, ифодали, таъсирли, оҳангдор сўзлаш; нотиқлик ва актёрлик маҳорати; юз-қиёфа, кўз, кўл, гавда ҳаракатлари орқали ўз нутқининг таъсирчанлигини ошира олиш; ҳис-туйгуларни жиловлай олиш; ўқувчиларга бевосита ва параллел таъсир кўрсата олиш ва ҳ.к.

Шундай қилиб, ҳозирда педагогика институтлари, университетлар талabalari бўлмиш бўлажак педагогларни миллий-тарбиявий фаолиятга тайёрлашда юқоридағи касбий ва шахсий сифатлар, билимлар, кўнишка ва малакалар тизимини мақсадли шакллантириш зарурати мавжуд эди. Ушбу заруратни таъминлаш учун дастлаб педагогик таълимнинг мавжуд имкониятларидан келиб

чикиб, «бўлажак ўқитувчиларни миллий-тарбиявий фаолиятга тайёрлаш» йўналиши бўйича қўшимча имкониятлар яратилди. Яъни, 1) ижтимоий кафедралар илмий тадқиқот йўналишларидағи миллий-истиқдолий, мафкуравий, маънавий, тарихий мавзуларни ўзаро боғланнишига эришилди; 2) диплом ишлари, курс ишлари, реферат ишлари тематикасида миллий-тарбиявий мазмун кучайтирилди; 3) ҳар бир педагогик-психологик кафедра, ҳар бир фанни ўқитишнинг бўлажак ўқитувчиларни миллий-тарбиявий фаолиятга тайёрлаш бўйича қўшимча имкониятлари очиб берилиб, улардан фойдаланиш йўлга қўйилди. Хусусан, фалсафа, динлар ва хурфикрлилк тарихи, Ўзбекистон халқлари тарихи, маданиятшунослик, нафосатшунослик, социология ва бошқа фанларнинг бўлажак ўқитувчиларнинг миллий-мафкуравий дунёқарашини шакллантиришдаги имкониятларидан унумли фойдаланилди. Ушбу услуг бўлажак ўқитувчи – миллий тарбиячиларда мустақил Ўзбекистоннинг ўз истиқдол йўли, ички ва ташқи сиёсати, тарихи, ҳозири ва истиқболи ҳақида билимлар билан уларнинг миллий-истиқдолий педагогик тафаккури орасида уйғунликка эришишга хизмат қилиб, эътиқодини мустаҳкамлайди.

Бўлажак ўқитувчиларни миллий-тарбиявий фаолиятга тайёрлашнинг қўшимча воситаларидан бири сифатида ушбу сатрлар муаллифи томонидан тайёрланган ва «Бошланғич таълим» илмий-педагогик журналида (1994 йил 3-сон) эълон қилинган «Ўзбекистон ўқитувчисининг қасамёди» матнидан фойдаланилди. Ушбу воситанинг миллий-мафкуравий, маънавий, тоявий, касбий аҳамиятини кўрсатиш учун «қасамёд» матнини тўла келтиришни лозим топдик.

ЎЗБЕКИСТОН ЎҚИТУВЧИСИННИНГ ҚАСАМЁДИ

«Менким _____ ўқитувчиликдек шарафли касбга ўзимни бағишилаб, Ўзбекистоннинг ватанпарвар ёш авлодини тарбиялашга киришар эканман, Ватаним, халқим, Президентим ва устозларим олдида барча касбий масъулиятларимни чуқур англаган ҳолда;

тарбия орқали ўқувчиларимда миллат, давлат, Ватан манфаатлари бирлигини таъминлашга;

ўқувчиларимга ижобий инсоний жиҳатларим билан на- муна бўлишга;

ўз фанимни ўқитишни тобора тақомиллаштира боришига; бола шахсини ҳурматлашга;

тарбиявий мақсадга эришишда талабчан бўлишга;

педагогик жараённи илмий асосга қуришга тантанали равишда қасамёд қиласман. Берган қасамёдимнинг ҳар бир бандини бажаришда шахсий жавобгарлигимни тантанали равишда баён қиласман».

Бўлажак ўқитувчиларни миллий-тарбиявий фаолиятга тайёрлашда ўзига хос қийинчиликлар ҳам мавжуд эди. Улардан бири – талабаларга миллийлик, тарбия, маданият, шахснинг миллийлиги ҳақида, миллий истиқлол мафкурасининг педагогик моҳияти тўғрисида маълумотлар бериши лозим бўлган маҳсус илмий адабиётларнинг ҳали чоп этилмаганлиги эди. Булардан Куръони карим, ҳадис, «Муошарат одоби», «Одбонома», «Амир Темур ўғитлари», «Ўзбек тўйлари» каби қатор маърифий-оммабоп рисолалар мустасно, албатта. Ушбу адабиётларда миллий ва умуминсоний одоб-ахлоқ ҳақида ҳикоя қилиниб, ўқувчиларга миллий одоб, виждонийлик, имонлилик ва бошқа сифатларни тарғибот қилишни мақсад қилиб қўйилган. Халқимиздаги миллий қадриятларга бўлган оммавий қизиқиш, уларни сақлаш истаги бу рисолаларнинг харидоргирлигини таъминлади, таъминлашмоқда. Лекин бу рисолалар асосан тарихий хусусиятга эга бўлиб, «Ҳозир ва келажакда Ўзбекистоннинг умумтаълим мактабларида ўқувчи болалардан қандай миллий фазилатларни, қай даражада, қай меъёрда, нима учун, ва энг муҳими, қандай қилиб шакллантириш мумкин?» деган илмий-педагогик саволларга тўла жавоб бера олмас эди. Зоро, бу китобларнинг муаллифлари, тузувчилари ўз олдиларига аввал-бошдан бундай мақсадларни қўймаган эдилар. Вужудга келган муаммони ижобий ҳал қилиш мақсадида ҳаётимизда содир бўлаётган миллий яратув-

чиликка қаратилган уйғонишнинг моҳиятини уқтириш, уларда миллий истиқдол мафкурасини шакллантириш мақсадида ижтимоий фанлар ўқитувчиларига йўл-йўриқлар берилди. Жумладан, талабаларга миллий-мафкуравий мавзуларда рефератлар тарқатишларини, реферат ишларини бажариш учун талабалар республика газета-журналларида чоп қилинган миллий-тарбиявий мақолалар, тарихий ҳужжатлар, маданий мерос билан пухта танишишларини шарт қилиб қўйишларини тавсия қилдик. Талабаларга бу ишда ёрдам бериш учун адабиётлар рўйхатига 1989–1997 йиллар республика матбуотида чоп этилган миллий тарбиянинг турли қирраларига оид мақолалар, рисолалар, давлат ҳужжатлари, Президентимизнинг тарбиявий қарашлари акс этган чиқишлиари, нутқлари киритилди. Бу тадбир бўлажак ўқитувчиларнинг миллий-тарбиявий фаолиятни олиб боришларида зарур бўлган миллий-мафкуравий дунёқарашиб, миллий одоблилилк, виждонийлик, миллатлараро мулоқот маданияти, миллий ғурур, Ўзбекистон ватанпарварлиги каби фазилатларнинг, миллий-истиқолий эътиқоднинг заминини яратишга хизмат қилди.

Хуллас, мустақил Ўзбекистон ўқитувчисининг миллий тарбиячи сифатидаги андаза – моделини белгилаш қўидагиларни аниқлаш имконини берди. Мустақил Ўзбекистон ўқитувчисини умумпедагогик тайёрлаш жараёни ўзига хос қонуниятлар асосида кечади. Яъни:

мамлакатда ўқитувчини умумпедагогик тайёрлаш тизими унинг миллий хусусиятларига асосланса, бу жараённинг самарадорлиги ошади;

Ўзбекистон ўқитувчиларини умумпедагогик тайёрлаш тизими республикамизнинг ўз истиқдол ва тараққиёт йўлидан келиб чиқувчи педагогик вазифалар билан белгиланиши керак;

бўлажак ўқитувчиларнинг миллий-тарбиявий билим, кўникма ва малакалари сифати педагогика институти, университетларидағи ўкув, амалий ва мустақил амалий

фаолиятлар мазмуни, шакл ва усулларининг миллий тарбиявий вазифаларни ҳал қилишга йўналтирилишига боғлиқ;

бўлажак ўқитувчиларнинг миллий-тарбиявий фаолиятга тайёргарлик даражаси, мазмуни, самарадорлиги талабанинг шахсий инсоний сифатлари, мафкуравий дунё-қараши ва касбий лаёқатларининг уйғунлаштирилишига боғлиқ.

Шундай қилиб, ўқитувчининг миллий тарбиячи сифатидаги андоза-моделидан келиб чиқиб, миллий-тарбиявий фаолиятга тайёрлашнинг услугий тизими аниқланди. Галдаги амалий-педагогик вазифа сифатида талabalарнинг шахсий сифатлари, миллий-мафкуравий дунёқарашидаги ижобий ўзгаришларни уларнинг касбий билим, кўникма ва малакаларини шакллантириш билан уйғунлаштиришга киришилди.

Бўлажак ўқитувчиларни миллий тарбиянинг педагогик-психологик асослари билан қуроллантириш

Миллий истиқдол Ўзбекистон мактабларида таълим ва тарбияни такомиллаштириш ва бунинг учун, аввало, бўлажак ўқитувчиларнинг касбий тайёргарликларини тақомиллаштириш заруриятини кун тартибига қўйди. Ушбу ижтимоий буюртмани бажариш университет ва педагогика институтларида ўқув-тарбиявий жараённи оқилона ташкил қилишни, бўлажак ўқитувчиларни миллий-тарбиявий фаолиятга тайёрлашнинг самарали шакл, услуг ва воситаларини излаб топишни, талabalарни миллий истиқлолнинг педагогик эҳтиёжларини тўғри талқин қилишга ўргатишни, миллий тарбия назарияси ва услубияти ҳақидаги илмий билимлар билан қуроллантиришни, миллий тарбиячилик кўникма ва малакаларини маҳсус шакллантиришни тақозо қилди. Бошқа томондан, бу муаммо республикамиз педагог-олимларининг мақолаларида, мунозараларида долзарб мавзуга айланба борди. Педагогик жамоатчилик фанимизнинг 90-йиллар боши-

даги ҳолатига «педагогика илмидаги чуқур инқизор» деб ташхис қўйдилар. Бу инқизорнинг туб илдизлари, энг аввало

- педагогиканинг миллий заминдан, кўҳна Шарқнинг минг йиллик теран анъаналаридан узилиб, мутлақо ўзга миллий асосларга таянган ҳолда талқин қилинганида;
- педагогик қонуниятлар масаласининг жуда кучсиз ишланганида;
- бу борада ҳамон умумий мунозаралардан ташқарига чиқилмаётганида;
- Ўзбекистонда узоқ вақт бошқа миллий педагогикалар тарихини ўрганиш урф бўлгандигида ва бошқа омилларда эканлиги чуқур асослаб берилди¹.

Мазкур камчиликлар ўқитувчи-тарбиячи тайёрлашнинг назарий, фоявий жиҳатларини ўз ичига олган бўлса, бошқа томондан, педагогик амалиётда — ёш ўқитувчиларнинг тарбиявий ишларни ташкил қилишдаги нўноқликларида қайта-қайта акс этмоқда эди. Бу эса ҳақиқатан ҳам ўқитувчи-тарбиячи тайёрлаш тизимини миллий-истиқдолий тараблар асосида ислоҳ қилишни долзарб мавзуга айлантирганди. Шу тариқа мустақиллик, миллий истиқдолнинг Ўзбекистон ўқитувчисига қўяётган миллий-тарбиявий тараблари ва ўқитувчиларимизнинг миллий-тарбиявий фаолиятга тайёрлик даражалари орасида номувофиқлик мавжуд эди.

Мазкур камчиликларни бартараф қилиш учун бўлајак ўқитувчиларни миллий тарбиянинг назарий, услубий асослари билан қуроллантириш:

- талабаларни назарий хulosалар чиқариш;
- педагогик вазиятларни мустақил таҳлил қилиш;
- педагогик сабаб ва оқибатлар орасидаги боғланишларни кузатиш;
- педагогик таъсир мантиқини эгаллаш;
- педагогик диагностика, технология, прогностика услубларини қўллаш;

¹ К. Юсупова. Ўзбекистонда педагогика илмининг истиқболи, «Маърифат», 1994 йил 9 февраль.

ўрганилган назарий билимларни амалиёт билан боғлашга ўргатиш каби педагогик-психологик вазифаларни ҳал қилиш лозим эди.

Бўлажак ўқитувчиларни педагогик-психологик тайёрлаш жараёни педагогика институтлари ва университетларида «Ўқитувчилик касбига кириш» курсини ўрганишдан бошланади. Мазкур курс талабаларга илк машғулотлардан бошлаб ўқитувчи-тарбиячилик касби ҳақида, унга миллий мустақиллик шароитида қўйилаётган талаблар, миллий истиқболни мустаҳкамлашда мактабнинг роли, ёш авлодни миллий истиқбол руҳида тарбиялашнинг аҳамияти ҳақида билимлар беради. Бу талабаларда педагогик, психологик, маънавий, фоявий, мафкуравий дунёқарашни шакллантиришнинг илк босқичидир. «Ўқитувчилик касбига кириш» курсининг мазмуни асосан, 1) ўқитувчилик касби ва мустақил Ўзбекистоннинг ўқитувчига қўяётган талаблари; 2) бўлажак ўқитувчилар мутахассис сифатида фаолият кўрсатиши лозим бўлган ўқув муассасалари: гимназия, умумтаълим мактаби, лицей, колледж, мактаб-интернатлар тавсифи; 3) педагогик таълим тизими, мустақил ишлаш, ўз-ўзини тарбиялашнинг аҳамияти ва шакллари; 4) кутубхонада ишлаш, адабиётларни таҳдил қилиш, маъруза, семинар, лаборатория машғулотлари тўғрисидаги ва бошқа билимлардан иборат. Мазкур курснинг бўлажак ўқитувчиларни миллий-тарбиявий фаолиятга тайёрлашдаги аҳамиятидан келиб чиқиб, ўқитувчиларга аниқ тавсиялар берилди.

Жумладан:

- Шарқда ўқитувчи-устозларнинг жамиятда эгаллаган юксак мавқеи билан талабаларни таништириш;
- Шарқ маданияти, маънавияти, илмининг шуҳратида уларнинг тутган ўрнини кўрсатиш;
- Ал-Форобий, Алишер Навоий, Абу Али ибн Сино, Абу Райхон Беруний ва бошқа алломаларимизнинг шаклланишида ўқитувчи-устозларнинг тутган ўрни, устозшогирдлик анъаналари ҳақида билимлар бериш;
- педагогика ва педагогларнинг мамлакатимиздаги миллий давлатчилик, тикланишдаги ролини тушунтириш;

— мустақил Ўзбекистон ўқитувчисига қўйилаётган талаблар, ўқитувчидан талаб қилинувчи шахсий ва касбий сифатлар тизими ҳақида батафсил тўхталиш;

— чуқур миллий-тарбиявий тушунчалар бериш ва ҳ.к.

Семинар машғулотларида одоб-ахлоқдаги миллийлик, инсонларга хос ижобий ва салбий сифатларнинг педагогик табиатини асослаб, ҳәётий педагогик вазиятлар ҳосил қилиб, талабаларнинг ўз касбларига қизиқишлари оширилди, уларни мактаб ва ўқувчилар билан илк учрашувга тайёрлаб борилди.

«Педагогиканинг умумий əсослари» бўлимининг «Педагогиканинг предмети ва илмий-тадқиқот усуллари» мавзусини ўрганишда талабаларга педагогиканинг фан сифатидаги обьекти – инсон, предмети – тарбия эканлигига алоҳида урғу берилди. Инсоннинг турфа хусусиятларидан бири, унинг у ёки бу миллат вакили эканлиги ҳисобга олинди. Совет педагогикасидаги жиддий назарий камчилик ҳам бартараф қилинди – педагогиканинг обьекти ма-саласига ойдинлик киритилди. Педагогиканинг предметини шарҳлашда ҳам обьект – инсон ва тарбиянинг миллий хусусияти назарий-мантиқий асосланди. Бу фоя педагогиканинг илмий-тадқиқот услублари: шахс ва унинг камолоти; педагогик жараённинг қонуниятлари; узлуксиз таълим тизими каби мавзуларда ҳам ривожлантирилди. Жумладан, ўқувчини ўрганишда у ўсган маҳаллий, миллий муҳитга эътибор бериш, миллий қадриятларга муносабати ва уларни эгаллаганлик даражасини қайд қилиш, ўқувчидан бошқа сифатлар билан бир қаторда миллий фуур, виждонийлик, ватанпарварлик, миллий одоб, миллатлараро мулоқот маданияти, миллий-мафкуравий онглиликнинг шаклланганлигини ўрганишнинг аҳамиятига урғу бериб ўтилди.

«Педагогик фояларнинг тарихий ривожланиш босқичлари» бўлимида «Ўзбекистонда мактаб, маориф ва педагогик фикрлар тараққиёти тарихи» маҳсус мавзу қилиб белгиланган эди. Университетларда то шу пайтгача ушбу мавзу ўзбек мутафаккирларининг фикрларини шарҳлаш билан чекланиб келинган эди. Бу мавзуни ўтишда ҳар

бир даврда тарбия иши миллий, диний хусусиятга, мақсад ва вазифага эга яхлит технологик жараён бўлганлигига эътибор кучайтирилди. Масалан, «Россияда педагогик foяларнинг ривожланиши» мавзусида К. Д. Ушинский ва унинг тарбия халқчиллиги ҳақидаги принципи атрофлича очиб берилди. «Чет эл педагогикасининг таълим ва тарбия соҳасидаги асосий йўналишлари ва тизимиға қисқача обзор» мавзусини ўрганиш самарадорлигини ошириш учун қиёсий-педагогик ёндашув усулига эътибор кучайтирилди. (Ушбу масала бизнинг «Халқ таълими» (1993 йил 8–9-сон) журналида эълон қилинган «Миллий тарбия йўриқномаси: Farb ва Шарқ тарбиявий тажрибалари намуналарининг таҳлили» мақоламизда атрофлича ёритилган.)

«Дидактика» бўлимига «Ўзбекистон мактабларида таълимнинг мазмунни» маҳсус мавзу қилиб киритилди. Бу орқали нафақат тарбия, балки таълим, унинг мазмунни ҳам муайян халқ, мамлакат ва давлат манфаатлари билан белгиланишига ургу берилди. Айниқса, гуманитар соҳа бўйича ўкув предметларининг миллий-тарбиявий имкониятлари мисоллар ёрдамида кенг намойиш қилинди.

«Тарбиявий ишлар назарияси ва услубияти» бўлимининг бой миллий-тарбиявий имкониятларидан ҳам самарали фойдаланилди. Хусусан, тарбиявий жараён, унинг тамойиллари, ўқитувчининг тарбиявий ишлари тизими ни ўрганиш каби масалаларни таҳлил қилишда уларнинг жуда бой имкониятта эга экани намоён қилинди. Тарбия натижасига бу жараённинг «қачон», «қаерда», «кимлар билан», «нима мақсадда» олиб борилиши бевосита таъсир қилиши ва юқоридаги саволларга жавоблар асосида белгиланиши талабалар кўз олдида асосланди.

«Тарбиянинг ҳаёт билан бирлиги», «Бола шахсига ҳурмат ва талаб бирлиги», «Тарбиянинг узвийлиги, изчиллиги» ва бошқа тушунчаларни ҳозирги замонда, Ўзбекистон шароитида қандай амалга ошириш йўллари изоҳланди. «Тарбия ва ўқитувчининг педагогик маҳорати», «Тарбиянинг умумий услублари ва педагогик таъсир», «Ўкувчиликлар жамоасини шакллантириш ва унинг ўкувчи шахси-

га таъсири» мавзуларида миллий педагогика услублари, воситалари баёнига кенг ўрин ажратилди.

Ўқувчиларда миллий дунёқарашиб шакллантириш ва ахлоқий тарбия масалаларини ўрганишда дунёқарашиб, дунёни идрок қилишнинг миллий тарзлари мавжудлиги; одоб мавхум шаклда мавжуд бўла олмаслиги, балки у турли ижтимоий гуруҳ ахлоқи, жумладан, миллий шаклда на-моён бўлиши; миллий ахлоқ-одоб икки йўл – кундалик турмуш, миллий маданият орқали ва мактабда маҳсус уюштириладиган миллий одоб тарбияси орқали ўзлаштирилиши ва бунга бевосита ва билвосита таъсир қилувчи омиллар тизими очиб берилди. «Меҳнат тарбияси, касбга йўналтириш» мавзусида талабалар эътибори халқимизда ҳар бир инсоннинг моҳияти унинг меҳнатга муносабати билан баҳолангандигига, миллий хунармандчиликда устоз-шогирдлик, оиласвий касбий сулолалар анъаналарига, миллий касб-кор, хунарлар ва уларни ўргатишнинг тарихий ва замонавий хусусиятларига жалб қилинди.

«Эстетик тарбия», «Жисмоний тарбия» мавзулари-ни очиб бериш халқ амалий санъати турлари: наққошлиқ, гиламдўзлик, каштачилик, зардўзлик, меъморчилик, шеърият, раққослиқ, қўшиқчилик билан чамбар-час боғланди. Турли-туман миллий ўйин-мусобақалар – кураш, қулоқчўзма, тунги ва кундузги, фаслий ўйинлар ҳақида маълумотлар берилиб, ўзбек болаларининг жисмоний баркамол кишилар бўлиб етишишларида бу ўйинларнинг тутган ўрни кўргазмали намуналар, физиоло-гик далиллар орқали талабалар педагогик тафаккурига сингдирилди.

«Ёшлилар ташкилотларининг тарбиявий ишлари. Ўқувчиларнинг ўз-ўзларини бошқариш» мавзусига алоҳида эътибор берилди. Чунки нафақат Ўзбекистонда, балки барча собиқ иттифоқдош республикаларда пионер, ком-сомол ташкилотлари ўрнида қолган бўшлиқни тўлдириш педагогик муаммога айланган эди. Республикализ мактабларида тўпланган илфор тажриба (жумладан, Чирчиқ шаҳри мактаблари амалга ошираётган «Ватан» ҳаракати ва бошқалар) намуналаридан фойдаланган ҳолда Ўзбе-

кистон ўқувчилар ва ўсмирлар уюшмасининг мақсад ва вазифалари миллий-тарбиявий нуқтаи назар билан бойитилди.

«Хозирги замон ўқитувчиси» мавзусида мустақил Ўзбекистон давлатининг ўқитувчилар олдига қёйётган истиқтолий талаблари, ундан кутилаётган шахсий ва касбий фазилатлар тизими баён қилинди. Бунда мазкур ишимиzinинг олдинги саҳифаларидағи «андаза»га таянилди. «Синфдан ва мактабдан ташқари ишлар», «Мактаб, оила ва жамоатчиликнинг тарбия соҳасидаги фаолияти» мавзуларини ўрганиш республика «Маҳалла» жамғармасининг тарбиявий вазифалари, 2000 йилгача мўлжалланган «Мерос» тадбирлар Дастурига боғлаб амалга оширилди. Шунингдек, ота-онанинг бола тарбияси учун конституциявий жавобгарликлари ва бунинг республика бозор иқтисодиётiga ўтаётган ҳозирги паллада foят муҳимлиги алоҳида таъкидланди.

«Ўқувчиларни экологик ва иқтисодий тарбиялаш муаммолари» мавзусини ўрганишда ушбу йўналишларни ҳосил қилган сабаблар, Ватан табиатини асрар, ўқувчиларнинг ўз уйлари, ҳовлилари, қишлоқ, маҳаллаларидағи хунукликларга салбий муносабатини шакллантиришдан бошланиши уқтирилди. Иқтисодий тарбиянинг миллий тарихи, анъаналари мавжудлиги ва замонавий Ўзбекистон шароитида кўзда тутилган мақсади, вазифалари, хусусиятлари асосланди.

Хуллас, курсни ўргатишда уни миллий-истиқтолий тарбия мазмуни билан тўлдириш, бойитиш бир неча усулларда амалга оширилди: 1) университет «Педагогика» курси дастурига тарбиянинг объектив миллий хусусияти; миллий тарбия – тарбиянинг мустақил йўналиши сифатидаги моҳияти маҳсус ўрганилди; 2) маъruzалар мазмунини баён қилишда миллий тарбиянинг мақсад-вазифалари киритилди; 3) маъruzалар охирида «Тарбия жараёнида ўқувчилар томонидан ўқувчиларнинг миллий хусусиятлари қандай ҳисобга олинмоқда?», «Таълим жараёнининг миллий-тарбиявий имкониятларидан қандай фойдаланиш мумкин?», «Адабиёт дарсларининг миллий фурурни шакллантиришдаги имкониятлари нималардан

иборат?», «Ўқувчиларнинг миллий-мафкуравий онглилиги қандай объектив шароитлар ва субъектив омиллар таъсирида шаклланади?» каби саволлар атрофида талабаларнинг мушоҳадага берилиши ташкил қилинди; 4) семинар-машғулотлар учун республика газета-журналарида чоп қилинган миллий мактаб, миллий тарбия масалалари ҳақидаги мақолалар, рисолалардан фойдаланиш тавсия қилинди.

Амалий-тадқиқот гуруҳларида «Тарбиявий ишлар назарияси ва услубияти» бўлимига «Миллий тарбия масалалари» мустақил мавзу сифатида киритилди. Бу – бўлажак ўқитувчиларни миллий тарбиявий фаолиятга тайёрлаш самарасини оширувчи туртки бўлди ва миллий тарбиянинг моҳиятини маҳсус баён қилишга йўл очди. Мавзу доирасида тарбиянинг киши онгига, хоҳишига боғлиқ бўлмаган, объектив миллий тавсифга эгалиги; миллий маданият – миллий тарбиянинг асоси эканлиги; АҚШ этнопсихологияси мактабларидағи «Миллий шахс» назарияси; тарбиянинг миллийлигини асослаган А. Авлоний, М. Мид, Ф. Бенедикт, К. Ушинский, Ал-Ҳусрий, Жалол Али Аҳмад ва бошқаларнинг қарашлари; Ўзбекистонда миллий тарбиянинг замонавийлиги, тамойиллари, тизими; қишлоқ ва шаҳар болаларининг миллий шаклланиши; миллий тарбиянинг шакл, услублари ва бошқа масалалар муҳокама қилинди.

Педагогика институтлари учун «Педагогика тарихи» курси бўйича илк ўқув қўлланмалар олий педагогик таълимни илмий асосга қуришда муҳим аҳамият касб этмоқда. Мисол тариқасида «Ўзбекистоннинг илм-маърифат тарихидан»¹ ўқув қўлланмасини келтириш мумкин. Ушбу ўқув қўлланмаси уч қисмдан иборат бўлиб, у нафақат ҳалқ педагогикаси, балки мамлакатимизнинг атоқли алломалари миллий-тарбиявий қарашларини ҳам ўз ичига олган. Буни яққолроқ кўрсатиш учун бир неча мавзулар ва уларнинг бўлажак ўқитувчилар педагогик тафаккурини шакллантиришдаги аҳамиятини келтирамиз.

¹ Э. Тўракулов, Н. Ражабов, Н. Эргашева. Ўзбекистоннинг илм-маърифат тарихидан. Самарқанд, СамДУ нашри, 1993 й.

**«Ўзбекистоннинг илм-маърифат тарихидан» ўқув
қўлланмасининг миллий-тарбиявий мазмуни
(Айрим мавзуулар)**

Мавзуулар	Миллий-тарбиявий вазифаларнинг акс эттирилиши
Амир Темур – буюк саркарда	<p>Амир Темурнинг болалиги. Соҳиб-қирон шаклланган оила, мухит, устози Шайх Зайнiddин Абу Бақр Тойбодийдан олган таълим-тарбия мазмуни.</p> <p>Амир Темур амал қилган ҳикматлар: «Иш ва сўз бир бўлсин», «Инсонпарварлик ва мардликни Оллоҳ ҳам, ҳалқ ҳам улуғлайди» ва бошқалар.</p> <p>Амир Темурнинг мактаб, мадраса, маданият, фан ва санъат ривожи учун қилган саъӣ-ҳаракатлари.</p> <p>Амир Темурни соҳибқирон даражасига кўтарган фазилатлар: ватанпарварлиги, жасурлиги, тадбиркорлиги, адолатпарварлиги, қатъийлиги, эҳтиёткорлиги ва шижаоти.</p> <p>Фазилатлар шарҳи.</p> <p>Темур тузуклари – подшоҳларнинг ахлоқ ва одоби меъёrlарининг баёни.</p> <p>Амир Темур йўл-йўриқлари: 1) иймонли бўлиш; 2) ҳар бир табақага алоҳида хусусиятларини инобатга олиб ёндошиш; 3) маслаҳат, кенгаш билан иш юритиш; 4) қонун-қоиданинг устуворлиги; 5) одамларга таълим-тарбия бериш, мардликка йўллаш; 6) адолат; 7) илм аҳлини рағбатлантириш; 8) бошлаган ишни охирига етказиш; синааб дўст тутиш, бузуқликка қарши кураш; 9) каттага ҳурмат, кичикка иззатда бўлиш; 10) яхшиликни рағбатлантириш; 11) ватанпарвар кишиларни доимо ҳурмат қилиш.</p> <p>Амир Темур маърифатпарварлиги. Темурийлар ахлоқи.</p>
	<p>Бобурнинг болалиги, ҳаёти, шахс сифатида шаклланишига таъсир қилган омиллар. «Бобурнома», Бобур шеъриятида Ватан ёди мавзуси. Бобур</p>

Бобур – гуманист, маърифатпарвар	<p>қадрлаган фазилатлар: ўз манфаатини миллат манфаатидан устун қўймаслик, ҳалол, софдиллик, нафс овораси бўлмаслик, ҳалқарварлик, тўғрилик, меҳрибонлик, илмпарварлик, покизалик, вафодорлик.</p> <p>«Бобурнома»да она табиатни эъзозлаш, ватаннинг гуллаб-яшнаши учун боғу роғлар барпо этиш, кўп миллатли фуқаро орасида аҳиллик ўрнатиш.</p> <p>Бобурнинг болалар тарбияси мураккаблиги ва бунда тарбиячи ҳамда атрофдаги кишиларда ўрнашиб қолган одатнинг аҳамияти катталиги ҳақидаги фикрлари.</p> <p>Бобурнинг умумфуқаровий ватанпарварликка даъвати. «Бобурнома»да Ватан, миллат тарихи, табиатининг баёни.</p>
Огаҳий таълим-тарбия ҳақида	<p>Огаҳийнинг болалиги. Хива хонлиги даврида миллий низолар, тўқнашувлар: ўзбек, туркман, қорақалпоқ ҳалқларининг ўзаро гиж-гижланиши ва бунинг ҳалокатли оқибатлари.</p> <p>Огаҳийнинг яхшилиқ: олижаноблик, меҳмондўстлик, поклик, тўғрилик, ҳиммат, шижаот, мардлик, гайрат, саховат, иффат, ҳаё, вафо, мурувват, қаноат ва ёмонлик: дилозорлик, нодонлик, жоҳиллик, мунофиқлик, ёлғончилик, хиёнат, ҳасад, фийбат, танбаллик, текинхўрлик, хасислик ва бошқаларга бўрган таърифлари.</p>
	<p>Зебуннисо хислатлари: араб тилини мукаммал билиш, мантиқ, ҳикмат тарихини пухта ўзлаштирганлик, хаттотлик, олим ва созандалиги.</p> <p>Зебуннисонинг ростлик, ҳаққонийлик, яхшилиқ, адолатпарварликни тарғиб қилиши.</p> <p>Нодирағимнинг истеъододли қалам соҳибаси, файласуф, педагог сифатидаги хислатлари. Унинг</p>

Ўзбек маърифатпарвар аёллари илм-маърифат ва тарбия ҳақида XVII–XIX асрлар	<p>яхшилик, мурувват тимсоли сифатида фуқарога марҳаматлари, илм толиблари учун дилни равшан қилувчи салобатли мадрасалар бино қилдириши. Мақбул асарлар, диний китоблар ва аниқ фан рисолаларини кўплаб кўчиритириши, кутубхона барпо қилдириши.</p> <p>Нодиранинг Шарқ, ўзбек аёлининг маънавий сарбаланд бўлиши, ҳаётни, касбни, борлиқни муҳаббат билан севиш кераклиги ҳақидаги фикрлари. Анбар Отиннинг юртдошларини болаларни янги усул мактабларига бериш ва она тилини мукаммал ўрганишга даъвати.</p>
Туркистонда жадидизм ва жадидлар мактаби	<p>Жадидчilik ҳаракатининг моҳияти. Бухоро ва Хива жадидчиларининг маърифий қарашлари. Аҳмад Дониш, Муқимий, Фурқат, Беҳбудий, Мунаввар қори, Авлоний, Айний, Қодирий, Ҳамза, Фитрат, Шакурий ва бошқалар. Жадидчиларнинг маърифий маслаклари: 1) саводсизликни тугатиш учун қураш, ҳалқ тафаккурини юксалтириш. Бунинг учун янги мактаблар очиш ва жадид адабиётини кенг кўламда тарқатиш; 2) мадрасаларни ислоҳ қилиб, таълим-тарбиянинг янги услубларини жорий этиш; 3) аҳоли орасида ахлоқсизлик ва бидъатга чек қўйиш, ёвуз рақобатчилик, шахсни меснумаслик, ҳақоратлаш, жамият муомаласида кўпол муносабатларга чек қўйиш ва ҳ.к.</p> <p>Ўрта аср анъаналарига асосланган эски мусулмон мактабларининг XX аср бошларидаги янги ҳаёт эҳтиёжига жавоб бермаслиги ва мактабларда диний дарслар билан бирга дунёвий билимларнинг ўқитила бошланиши ва ҳ.к.</p>

Бўлажак ўқитувчиларни миллий тарбиячилик фаолиятига тайёрлашнинг самарадорлигини оширувчи восита-лардан бири – педагогика ва психология фанлари орасидаги ўзаро назарий ва амалий бирликнинг таъминланишидир. Буни қуйидаги айрим мавзулар ва улар орасидаги боғланишлар орқали ҳам кўриш мумкин.

Психология фанининг барча кириш мавзуларида бу фаннинг обьекти – инсон, предмети – инсон психикасининг намоён бўлиши ва тараққиёти қонунлари эканлиги, одамнинг психик ҳаёти организм ҳаракатларида ўз ифодасини топиши, ҳаракатлар йиғиндиси эса хулқ-автор дейилиши ва бошқалар уқтирилади. Бу эса, педагогиканинг обьекти – инсон, предмети – инсонни мақсадга мувофиқ равишда тарбиялаш қонуниятлари эканлиги, тарбия жабҳасини, хусусан, миллий тарбия жараёнини эса педагогик-психологик асоссиз чуқур англаб бўлмаслиги-ни исботлайди.

«Онг ҳақида тушунча. Психика ва онгнинг ривожла-ниши» мавзуси бўлажак ўқитувчиларни онг ва уни шакллантириш усуллари, мазмуни, мафкуравий онгни тарбиялаш услубларининг психологик асослари билан қуроллантиради. Демак, ушбу психологик мавзуни ўзлаштирмасдан туриб, миллий фуурни, ўзликни, миллий онгни тарбиялашга киришиш мумкин эмас. Илм-фан тараққий этган ҳозирги даврда тарбиявий жараённи ташкил қилишда ўқувчининг нафақат ақли, тафаккури, балки ҳиссий дунёсига ҳам катта ўрин ажратилиши керак. Бу собиқ совет педагогикасида 60-йилларда йўл қўйилган ва узоқ вақт давом этиб келган хатолардан бири – тафаккурнинг технократлашувини тўхтатади, республикамиизда давлат бошлигига амалга оширилаётган маънавий янгиланиш дастурининг илмий таъминотига хизмат қиласди.

Умумий психологиянинг «Ҳиссиёт» мавзусидан маънавий ҳиссиётлар, ахлоқий меъёлларни, «яхши ва ёмон», «адолатли-адолатсиз»лик тўғрисидаги тушунчаларни, маънавий бурч, уялиш ва виждон, ватанпарварлик ҳислари-ни тарбиялашда унумли фойдаланиш мумкин.

Кўникма, малака ва одатларнинг тузилиши, механизм-

ларини психологияк ўрганиш психологияк қонуниятлардан келиб чиқиб ўқувчиларда миллий одоб, виждонийлик, Ўзбекистон ватанпарварлиги, миллий фурур, миллатларпо мuloқot маданияти, миллий-мафкуравий онглилик ҳақидаги билимлар асосида айни кўникма, малака ва одатларни тарбиялаш имкониятини беради. Кўникмалар – мақсадга эришишда ёрдам берувчи ақлий ҳамда жисмоний ҳаракатлар, усуллар ва йўл-йўриқлардир. Малакалар – бирор иш, ҳаракатнинг мустаҳкамланган ва автоматлашган йўл ва усуллари, одат эса мураккаб онгли фаолиятни бошқаришда қўлланилади. Кўникмалар билимларни амалда қўллай билишга оидdir. Билимларга асосланмаган ҳеч қандай кўникма бўлиши мумкин эмас. Ана шундан келиб чиқсан ҳолда «миллий (ижтимоий) тарбия, болаларнинг ота-она, бува-буви, ака, опаларига тақлиди натижасида олинади», деган педагогик холоса тўлиқ мукаммал эмаслигини айтиш мумкин. Гарчи кўникмалар берилган нусхани мустақил кузатиш йўли билан олинган билимга асосланса-да, бундай билимларнинг аниқ бўлмаслиги туфайли кўр-кўrona тақлид қилиш йўли билан ортирилган кўникмалар етарли даражада уқиб олинмаган ва такомиллашмаган бўлади. Шунинг учун ҳар бир ижобий кўникма, малака нафақат тақлид, балки маҳсус педагогик услублар орқали сингдирилиб, мустаҳкамлашиши керак.

Ўқувчиларни миллий-маданий урф-одатлар руҳида тарбиялаш кераклиги ҳақида кўп гапирилса ҳам, одамнинг психологик табиати ўқитувчилар томонидан чукур ўзлаштирилмаса, унга тарбия жараёнида амал қилинмаса, миллий тарбиянинг самараси қониқарли бўлмайди. Шунинг учун ҳам ўқитувчилар қуйидаги психологик қоидаларга амал қилиши лозим.

Аввало, ўқувчидаги инсоний фаолият турлари – ўқув, меҳнат, мuloқot тажрибаси, бадиий-эстетик дид, спортга ошнолик, кўпчилик орасида ўзини тутиш, миллатларпо мuloқot маданияти, виждонийлик ва бошқалар учун малакалар тизими шакллантирилиши керак. Малакалар қанчалик мустаҳкам бўлса, ўқувчи у ёки бу фаолиятни

(миллий одоб меъёрларини, миллатлараро мuloқot маданиятини ва ҳ.к.) шунчалик яхшироқ бажаради. Қайси малака фаолиятда қанча кўп машқ қилдирилса ва турмушда қанча кўп такрорланса, у шунчалик мустаҳкам ва автоматлашган бўла боради. Агар ҳосил қилингган малакалар узоқ вақт давомида қўлланилмаса, улар сўна бошлади. Болаликда шакллантирилган миллий-тарбиявий фазилатларга оид малакалар пухта эсда сақланади ва энг барқарор малакалар бўлиб қолади. Малаканинг шаклланиш тезлиги, самараси даставвал унинг мураккаблик даражасига боғлиқ бўлади. Малакаларни шакллантиришда самарали натижаларга эришишнинг энг муҳим шарти – ўқувчининг ҳосил қилинаётган малакаларни ўз ичига олган фаолиятга нисбатан қай даражада онгли муносабатда бўлишидир. Малакалар пайдо қилиш муддати ўқувчининг индивидуал (шахсий) хусусиятлари билан боғлиқдир. Малакалар ҳосил қилиш тезлиги ва уларнинг мустаҳкамлиги ўқитиш ва тарбия услубларининг самарадорлигини кўрсатади.

«Темперамент ва характер» мавзусини ўрганиш бўла жак ўқитувчиларни миллий-тарбиявий фаолиятни ташкил қилиш учун зарур бўлган муҳим ижтимоий-психологик билимлар билан бойитади. Характернинг психологик таърифи (шахсда муҳит ва тарбия таъсири остида таркиб топган ва унинг иродавий фаоллигида, оламга, одамларга, меҳнатга, буюмларга, ўз-ўзига муносабатларида наамён бўладиган индивидуал хусусиятлар)нинг ўзиёқ характернинг туфма эмаслигини, уни мақсадга мувофиқ шакллантириш зарурлигини, демак, бу жараённи бошқариш мумкин ва кераклигини кўрсатиб туради.

Шундан келиб чиқиб, талабаларга характернинг айрим маънавий хислатлари – миллий фуур, миллий одоб, миллатлараро мuloқot маданияти, виждонийлик, Ўзбекистон ватанпарварлигини характернинг маънавий хислатлари таркибига киритиш мумкинлиги, этнопсихологик маълумотлар эса бу ишда жуда асқатиш ўқтирилиши фойдалидир. Бироқ миллий тарбия жараёни ташкилотчилари учун тарихий, психологик маълумотларни оширишнинг ўзи ҳали камлик қиласи. Чунки бу маълумотлар «Та-

рихий, миллий тарбиямиздан қандай мазмун, восита, услугубларни қўллаш керак, XXI асрда яшаётган замонавий Ўзбекистон ўқувчиларини миллий-тарбиявий объект сифатида қандай талқин қўлмоқ керак?» каби саволларга аниқ жавоб бера олмайди. Бу эса миллий тарбия услугубиятини ишлаб чиқиши ва талабаларда уларни қўллашнинг кўникумга ва малакаларини шакллантиришни талаб этади. Юқоридаги эҳтиёжларни қондириш, талабаларда миллий-тарбиявий маҳоратни янада чуқурлаштириш, ривожлантириш мақсадида таълим-тарбия жараёнига «Педагогик вазифалар» туркуми киритилди. Ушбу туркум миллий тарбияни ташкил қилишда учраётган ва учраши мумкин бўлган педагогик вазиятлардан иборат бўлиб, уларни ечиш талабаларга вазифа қилиб берилди. Талабаларнинг «тарбиявий вазифани»ни қандай ҳал қилишлари, педагогик топқирликлари, тадбиркорликлари баҳолаб борилди.

Педагогика институтлари ва университетлари талабаларининг қандай ўқитувчи бўлиб етишишлари учун бор жавобгарлик педагогика кафедралари зиммасига юклangan. Демак, ёшларнинг, ўқувчиларнинг тарбияланганлик даражалари ўқитувчи, синф раҳбарига ва уларни шу фаолиятга тайёрлаш учун масъул бўлган педагогика кафедралари ишининг сифатига боғлиқ. Шу боисдан ҳам бўлажак ўқитувчиларни миллий-тарбиявий фаолиятга тайёрлаш борасида қўшимча имкониятлар ишга солинди. Чунончи, кафедраларда методологик семинарлар ташкил этилиб, унда миллий тарбиянинг долзарб назарий, услугубий масалалари муҳокама қилинди, педагогика курсини ўрганиш миллий тарбия foяси билан узвий боғлиқ ҳолда амалга оширилди. Дастраси гуманитар факультетларнинг 171 нафар талабасига «Ўқувчиларни миллий тарбиялаш» мавзусида реферат ишлари тарқатилди. Реферат ишлари педагогикадан тест-имтиҳондан олдин йигиб олинди. Таҳлил шуни кўрсатдики, талабаларнинг 41 фоизи миллий тарбия асосларини тўғри тушунганликларини ҳамда халқимизнинг миллий урф-одатлари, педагогик меросини тиклаш ва фойдаланиш лозимлигини билдирилар. Реферат ишида фойдаланилган адабиётлар рўйхати ҳам манба тан-

лашда түгри йўл тутилганлигини кўрсатди. Аммо, бўла-жак ўқитувчиларнинг атиги 17 фоизигина миллий тарбиянинг қонуниятлари, назарий масалалари, мактабда миллий тарбияни жорий қилиш самарасига, мустақил мамлакат ўқитувчисининг бу жараёндаги ролини ошириш, мактаб жамоасининг бу ишдаги педагогик яқдиллигига эришиш зарурлигига ишора қилди, холос. Талабаларнинг 80 фоиздан ортиғи умумий фикрлар ва ўзлари педагогик амалиёт ўtkазган мактабда тарбиявий соат, учрашувлар ўtkazgанини қайд қилиш билан чекланди. Уларнинг ишларида ўзи ўtkazган миллий-тарбиявий тадбирлар заруряти асосланмаганди, уларни ўtkaziшдаги ютуқ ва камчиликлар кўрсатилмаганди. Қолаверса, дарс жараёнида ўқитувчилар миллий тарбия вазифасини қандай амалга ошираётгани масаласи ёритилмаган эди. Синф раҳбарларининг бу соҳадаги фаолияти фақат айrim тадбирларни ўtkaziш билан чекланиб қолаётгани қайд этилганди.

Педагогика курсини кейинги босқичда ўқитишда миллий тарбиянинг назарий ва услубий асосларини талабаларга туркумли ўргатиш йўлга қўйилди. Жумладан, биринчи босқичда миллий тарбия гоясининг умумий тавсифи берилди. Яъни, миллий тарбиянинг мақсад ва вазифалари, педагогиканинг бошқа фанлар билан алоқаси, ўқитувчининг шахсий ва касбий сифатлари тизими; Шарқ педагогик тафаккурида, тасаввуфда «комил инсон» сиймоси ва унинг диалектикаси, Ўзбекистонда совет даврида амалга оширилган коммунистик тарбиянинг педагогик асоратлари, миллий истиқбол мафкурасининг педагогик талқини, хориж педагогик гоялари, тажрибалари намуналари таҳлил қилинди.

Иккинчи босқичда миллий тарбияни амалга оширишнинг амалий, услубий жиҳатлари баён қилинди. Хусусан, «Педагогика» курсининг «Дидактика» қисмида ўқитиш ва тарбиялашнинг бирлиги, миллий тарбиянинг муҳим таомойил эканлиги, Ўзбекистон мактабларида таълим мазмунни, «Таълим ҳақида»ги қонун, юртимиз мактаблари учун дарслікларни миллийлаштириш давлат сиёсатига айлангани мисоллар ёрдамида кўрсатила борди.

«Тарбиявий ишлар назарияси ва услубияти» бўлимида тарбия жараёни тамойиллари, тарбиявий ишлар каби қатор назарий ва услубий масалаларни объектив ва мафкуравий воқелик – миллийлик орқали ўрганилди. Айниқса, собиқ совет педагогика ўқув дастурида коммунистик мақсад, мазмун, фоя олиб ташлангандан кейин ҳосил бўлган фоявий-мафкуравий бўшлиқ бартараф қилиниши лозим эди. Бу талабаларга кўргазмали асосда намойиш қилинди ва уларда янги – миллий-истиқолий педагогик тафаккурнинг шаклланишига ижобий таъсир кўрсатди.

«Педагогика» курси бўйича III босқичда ўқилган маърузалар, семинарларда баён қилинган фикрлар «Миллий тарбия»га доир маҳсус мавзу орқали мустаҳкамланди. Бунга университетлар, педагогика институтларига берилган илмий-педагогик мустақилликдан фойдаланиш ҳисобига эришилди.

Бўлажак ўқитувчиларнинг педагогиканинг долзарб муаммолари бўйича илмий жамоалар томонидан олиб борилаётган тадқиқотларни чукур ўрганишларига эришиш, уларнинг ўзларини ҳам илмий-тадқиқот ишларига жалб қилиш, ўқитувчилик касбига ижодий ёндашувни шакллантириш мақсадида маҳсус курслардан унумли фойдаланилди. Ана шуни эътиборга олган ҳолда «Бўлажак ўқитувчиларни миллий-тарбиявий фаолиятга тайёрлаш» тизимининг марказий унсури сифатида «Миллий тарбия назарияси ва услубиёти» мавзусида маҳсус курс дастури ва рефератлар мавзулари мажмуи ишлаб чиқилди.

Маҳсус курс 16 соат маъруза ва 4 соат семинар соатларидан иборат бўлиб, IV курсларга ўқилди. Назорат гуруҳлари ва тажриба-тадқиқот гуруҳларида ўтказилган анкета жавобларида унинг самарадорлиги намоён бўлди.

Бўлажак ўқитувчиларнинг миллий-педагогик тайёргарликлари уларнинг мактабдаги миллий-тарбиявий фаолияти учун катта аҳамиятга эга. Бу эса педагогика институтлари ва университетларида тарбиявий ишлар тизимини ўрганиш, уни такомиллаштириш жараёнга миллий-тарбиявий таъсир кўрсатишни тақозо қилди.

Мустақиллик шарофати билан мактабларда бўлгани

каби олийгоҳлар тарбиявий ишлари тизимида ҳам миллийлик сари бурилиш бошланди. Талабаларда миллий-мафкуравий дунёқараш, виждонийлик, миллий одоб, миллатлараро мулоқот маданияти ва Ўзбекистон ватанпарварлиги каби миллий тарбиянинг марказий сифатларининг шаклланишига Ўзбекистон Президенти И. Каримовнинг рисолалари ва нутқларини муҳокама қилиш, «Мураббий соати» орқали гуруҳ мураббийлари тарбиявий ишларини такомиллаштириш, Наврӯз байрамини, «Кувноқлар ва зукколар» беллашувини ташкил этиш, талабалар бадиий ҳаваскорлик тўгараклари кўрик-танловини уюштириш, миллий замонавийликни рағбатлантириш орқали таъсир этилдӣ. Бу борада бўлажак ўқитувчиларни ахлоқий тайёрлаш (М. Очилов) услуг, шаклларидан унумли фойдаланилди.

Педагогика кафедралари ўз анъаналарини миллий-истиқолий рух, моҳият билан бойитишга киришдилар. Ётоқхоналарда турли мавзу ва шаклдаги тарбиявий ишлар тизими белгиланди. Бу ишда тажрибали доцентлар, мураббийларнинг фаол қатнашуви тадбирларнинг тарбиявий қимматини оширди.

Мамлакатимизда «Маънавият ва маърифат» жамоатчилик марказларининг ташкил қилиниши миллий-тарбиянинг янги – истиқолий омилини ҳосил қилди. Ўзбекистон Республикаси Олий ва ўрта маҳсус таълим вазирлигининг 1995 йил 14 февралдаги буйруғи асосида олий ўқув юртларида «Маънавият ва маърифат» марказлари низоми, тузилмаси, фаолият йўналишлари ишлаб чиқилиб, амалга оширилмоқда.

Университетлар, педагогика институтлари маънавият ва маърифат ишлари бўйича проректорларининг, декан мувовинларининг, мураббийларнинг иш режаларини миллий-тарбиявий мазмундаги тадбирлар билан бойитиш; бўлажак ўқитувчиларда Ўзбекистон ватанпарварлиги, миллий фуур, миллатлараро мулоқот маданияти, миллий одоб, виждонийлик фазилатларини маҳсус шакллантириш; талабаларни миллий истиқдол руҳида тарбиялашга қаратилган тадбирларни тизимга айлантириш; назорат ва рағбат чораларини ишлаб чиқиш; университет педагого-

«Миллий тарбия назарияси ва услубияти» маҳсус курсининг мавзулари ва уни ўзлаштириш самарадорлигининг кўрасаткичлари: *a* – назорат туружларида; *b* – тажриба-тадқиқот туружлари (%хисобида)

Мавзулар	Юқори даража			Яхши даража			Ўрга даража			Паст даража		
	<i>a</i>	<i>b</i>	<i>a</i>	<i>b</i>	<i>a</i>	<i>b</i>	<i>a</i>	<i>b</i>	<i>a</i>	<i>b</i>	<i>a</i>	<i>b</i>
1. Ўзбекистоннинг ўзи стиқдол ва тараққиёт йўлидан келиб чиқувчи педагогик вазифаларнинг миллий-тарбиявий моҳияти	4	27	11	34	17	29			68	68	10	
2. Миллий тарбиянинг мақсад, вазифа ва тамойиллари	2	16	5	27	14	36			79	79	21	
3. Ўзбекистонда миллий тарбия foясининг ривожланиши	6	17	16	26	21	40			58	58	17	
4. Жаҳон тарбиявий таж- риба намуналарида миллий- ликка бўлган муносабат ва бунинг натижалари	—	19	1	29	3	34			96	96	18	

5. Оиланинг миллий тарбияий имконийтларини такомиллаштириш	2	21	5	24	12	30	81	25
6. Умумтаълим мактаби-нинг миллий-тарбияий имкониятлари ва уларни такомиллаштириш	8	22	12	33	19	32	61	13
7. Кишшоқ, маҳалла, турар жойларда миллий-тарбияий анъаналар, маросимлар тавсифи ва уларнинг имкониятларини мувофиқлаштириш	10	26	14	20	16	30	60	24
8. Мактаб таълимида миллий-тарбияний самара-дорликни ўрганиш	2	15	5	27	11	31	82	27

тика таълимининг миллий-тарбиявий имкониятларини ку-чайтириш; ижтимоий фанлар орасида ўзаро боғланишга эришишининг услугуб, йўлларини такомиллаштириш; со-циаологик сўровлар ўтказиш; талабаларнинг бўш вақти-ни ўрганиш; ота-оналар билан ҳамкорликнинг янги шакл-ларини яратиш борасида амалий тавсиялар тайёрланди.

Хуллас, амалий тадқиқот даврида юқорида баён қилинг-ган турфа чоралар натижаси ўлароқ ижобий натижаларга эришилди. Бунда тадқиқотнинг суҳбат, сўров, кузатиш, педагогик вазифалар, амалий малакаларни кузатиш ва бошқа усусларидан фойдаланилди.

ПЕДАГОГИК АМАЛИЁТ ЖАРАЁНИДА ТАЛАБАЛАРНИНГ МИЛЛИЙ-ТАРБИЯВИЙ КЎНИКМА ВА МАЛАКАЛАРИНИ ШАКЛАНТИРИШ

Талабаларда педагогик амалиёт жараёнида миллий-тарбиявий услугуб, воситалар тизимини қўллаш малакала-ри шакллантирилмаса, миллий тарбия назарияси ва ама-лиёти орасида тафовут пайдо бўлиши мумкин. Шу сабаб-дан ҳам биз бўлажак ўқитувчиларни миллий-тарбиявий фаолиятга тайёрлашнинг технологик, методик тизимини ишлаб чиқиши ҳам мақсадларимиз қаторига киритдик. Жумладан, педагогик амалиёт дастурининг анъанавий вазифалари қаторига қуйидаги миллий-тарбиявий вазифа-лар киритилди:

- миллий тарбиявий фаолиятни ташкил қилиш орқа-ли талабаларнинг ижтимоий-мафкуравий, педагогик-пси-хологик ва мутахассислик бўйича билимларини мустаҳ-камлаш, кенгайтириш ва бойитиш;
- талабаларда миллий тарбияланган шахсий ва кас-бий сифатлар, билим ва кўникмаларни шакллантириш;
- уларда миллий-тарбиявий фаолиятга қизиқиш уй-ғотиб, эҳтиёж пайдо қилиш;
- тарбиявий фаолиятга ижодий ва илмий ёндашувни уйғунлаштириш;
- талабаларни илғор миллий-тарбиявий иш намуна-лари билан таништириш.

Тажрибали мутахассислар Н. Мирзаҳмедов ва С. Мир-шариповалар мамлакатимизнинг бўлажак ўқитувчилари-

га қўйилаётган янги талабларни амалга оширишда педагогик амалиётнинг миллий-тарбиявий аҳамиятини изоҳлар эканлар, бунда талабаларнинг чуқур билимга эга бўлиши билан бир қаторда уларнинг миллий гурур, маданият ва қадриятни ўқувчиларга тўғри етказиб бериш қобилиятини такомиллаштириш ҳам зарурлигини таъкидлайдилар. Афсуски, «... талабаларда дарс ва дарсдан ташқари тадбирлар жараёнида ўқувчиларга қадриятларимизни, инсон-парварлик foяларини ўқитиш мазмуни билан оқилона, ҳамоҳанг тарзда етказиш малака ва кўнникмалари деярли йўқ»¹ деган баҳони берадилар бу муаллифлар. «Педагогик амалиёт дастури ва унга оид услубий кўрсатмаларнинг амалга оширилиши тажрибаси қай аҳволда?» деган саволига моҳир педагог К. Даминовнинг ўзи: – «Бу саволга Ўзбекистон миқёсида жавоб топиш анча муаммоли ҳолатда турибди»², – дея жавоб берди. Мавжуд ҳолат педагогик олийгоҳларда ўқитувчи тайёрлаш самарадорлигини ошириш ва мураббийларни миллий-тарбиявий фаолиятга йўналтириш орқали юқоридаги камчиликларнинг бартрафт қилинишини ҳам тақозо этарди.

Ўзбекистон ўқитувчисига қўйилаётган янги талабларга мувофиқ, талабаларда миллий-тарбиявий тушунчаларнинг қай даражада шакллангани ва уларда миллий-тарбиявий фаолият учун зарур бўлган касбий билим, кўникма ва малакалар даражасини ўрганишга киришилди. Дастреб бўла жак ўқитувчиларнинг миллий-тарбиявий тушунча, билимлари ва шу тушунчаларни ўқувчиларда шакллантириш имконияти орасидаги мантиқий боғлиқлик ўрганилди.

Бўлажак ўқитувчиларнинг амалиётдаги фаолияти уч босқичда кузатилди. Биринчи босқич тайёрлов босқичи бўлди. Унда умумий масалалар қатори талабаларга мактабда амалга оширилаётган миллий-тарбиявий фаолият мазмуни, талабанинг шахсий режасида бу соҳада қилинган ишларни ҳисобга олиш техникаси баён қилиниб тас-

¹ М. Мирзаҳмедов, С. Миршарипова. Ўқитувчи тайёрлашнинг муаммолари. Халқ таълими, 1993, 4–5-сонлар, 18–20-бетлар.

² К. Даминов. Ўқув-педагогик амалиёт ва уни йўлга қўйиши. Халқ таълими, 1992 йил, 3-сон.

диқланди. Талабалар мактаб ҳаёти, ўқитувчилар, синф раҳбари, ўқувчилар ташкилотлари раҳбарлари билан таништирилди. Асосий босқич – педагогик амалиётнинг давомати, назорати ва якуний босқич – педагогик амалиётнинг баҳоланиши, хуросалар ясашга бағишлианди.

Миллий-тарбиявий кўнишка мақалаларни шакллантириш мунтазам эътиборни талаб қиласди. Чунки талабаларда болалар билан мулоқотта, синфдаги ва синфдан ташқаридаги тарбиявий ишларга қизиқиш уйғотмай, ўқувчилар шахсиятини билиш ва ўрганиш, олинган билимлардан ўқувчиларни тарбиялаш мақсадларида фойдаланиш кўнишкаларини шакллантирмай, миллий-тарбиявий тадбирларни тайёрлаш, ташкил қилиш ва баҳолаш кўнишкаларини ривожлантирмай, ўзининг ва ўқувчиларнинг миллий-тарбиявий фаолиятини режалаштириш, ташкил қилиш ва таҳлил қилиш кўнишкаларини мослаштирмай туриб миллий тарбияни самарали амалга ошириш мумкин эмас.

Педагогик амалиётнинг бошида миллий-тарбиявий тадбирларни илмий асосда тайёрлаш, ўтказиш ва таҳлил қилиш талабалар учун қийин кечди. Аксарият ҳолларда синф раҳбарлари томонидан бериладиган услубий тавсияларга муҳтожлик сезилди. Чунки собиқ совет мактаблари учун ягона ва умумий қўлланма бўлган И. Марьенконинг «Ўқувчиларни тарбиялашнинг тахминий дастури»да белгиланган мазмун янги Ўзбекистон мактабининг тарбиявий талабларига жавоб бермас эди. Шу сабабли мактабларда миллий тарбия бўйича ўтказилиши лозим бўлган тадбирлар, йўналишлар намуналарини ишлаб чиқдик. Мисол тариқасида «Тарбиявий соатлар мавзулари»ни келтириш мумкин. Талабаларга биз таклиф қилган тарбиявий соат мавзуларидан ўқувчиларнинг ёш хусусиятларини ҳисобга олиб фойдаланиш тавсия қилинди. Ушбу мавзулар мажмуидан қатор мақсадлар кўзда тутилди. Жумладан, 1) талабалар қайси мавзуларга кўпроқ мойиллик билдирганини ва бунинг сабабларини аниқлаш; 2) талабаларнинг тарбиявий соатни режалаштириш кўнишкаларини аниқлаш; 3) тарбиявий соат мавзуини қандай мазмун билан тўлдириши, қандай адабиётлардан фойдаланиши,

қандай баён қилишини таҳлил этиш; 4) ўқувчиларнинг ёш ва тарбияланганлик даражаларини ҳисобга олган ёки олмаганини ўрганиш; 5) тарбиявий соатнинг таъсирчанлигини ошириш учун қандай чоралар, усувлар, воситалардан фойдаланганини аниқлаш каби мақсадлар белгиланди.

Шу тариқа умумпедагогик (педагогик амалиёт самародорлигини ошириш) ва хусусий (талабаларни миллий-тарбиявий фаолиятга тайёрлаш) эҳтиёжлардан келиб чиқиб, талабалар синф раҳбарларининг ёрдамчиси этиб бириктириб қўйилди. Бу орқали улар мактаб ҳаёти, тарбиявий жараённинг барча тағсилотлари билан бевосита танишиш, ўрганиш, ўргангандарини амалда синаш имкониятига эга бўлдилар. Жумладан, уларга синфнинг миллий тарбияланганлик даражасини ўлчаш, ота-оналар билан суҳбатлашиш, ўқувчиларда миллий-тарбиявий фазилатлар намойишини кузатиш каби топшириқлар берилиб, кўникмалар сингдира борилди.

Бўлажак ўқитувчиларни миллий-тарбиявий фаолиятга тайёрлашда «Миллий тарбия назарияси ва услубияти» бўйича реферат ишлари тематикаси ишлаб чиқилиб, гуманитар факультетларга жорий қилинди. Реферат ишлари моҳиятига кўра ҳам назарий, ҳам амалийлик тамойилига қурилди. Мақсад – ҳар бир талабада миллий тарбиянинг у ёки бу масаласи бўйича назарий билимларни шакллантириш билан чекланиб қолмасдан, балки ана шу билимларни қўллашга, такомиллаштиришга эришиш эди. Педагогик амалиёт жараёнида бўлажак ўқитувчиларни миллий тарбиячилик маҳоратини шакллантириш мақсадида уларга ижодий топшириқлар беришни жорий қилдик. Зеро, талабаларга институтларнинг тегишли кафедралари томонидан маҳсус топшириқлар берилишининг самарадорлиги олимларимиз томонидан синаб кўрилган эди.

Ижодий топшириқлар талабадан у ёки бу вазифани бажариш керак бўлганида қандай хатти-ҳаракатлар қилишни аниқлашга қаратилди. Бунинг учун умумтаълим мактабларида миллий тарбия жараёнининг хусусиятларини ифодаловчи мавзулар мажмуи ишлаб чиқилди. Мавзулар мажмуига, жумладан, қуйидагилар кирди:

— Абдулла Қодирий ижоди бўйича китобхонлар анжу-
манини ўтказиш режасини тузинг. Уни қизиқарли ўтка-
зиш учун қандай ишларни бажарасиз?

— Синф раҳбарисиз. Собиржон мактабга келмади. Са-
баби — унинг бобоси вафот этибди. Синф сизга қараб ту-
рибди... Нима дейсиз?!

— «Наврўз байрами»ни қандай ташкил қиласиз?

— 2007 йил — «Ижтимоий ҳимоя йили». Сиз, яъни синф
раҳбари учун бу нимани англатади?

— Синфингиз жамоасининг виждонийлик даражаси-
ни ўлчаб, баҳоланг.

— Танаффусда Гулноранинг ручкаси ўз синфдоши то-
монидан ўтирилганни маълум бўлди. Ўгрини қандай топа-
сиз ва қандай чора кўрасиз?

— Тўйда ўтирибсиз. Маст бўлган 2–3 киши раққоса те-
пасидан пул сочмоқда. Болалар ёпирилиб келиб, оёқ ос-
тидаги пулларни териб олишга тутинишди. Бу манзарадан
тарбиявий соатда қандай фойдаланасиз?

— VII синфдаги Ваҳоб доимо сўкиниб гапиради. Буни
у қизлар олдида ҳам, тенгдошлари олдида ҳам бемалол
давом эттироқда. Ваҳобни шу иллатдан кутқазиш мум-
кинми? Қандай қилиб?

— Миллий тарбия мавзусига бағишлиланган ота-оналар
ийғилишини қандай ўтказасиз?

— Ўқувчингизнинг тарбиявий шароити билан тани-
шиш мақсадида унинг оиласига ташриф буюрмоқчисиз.
Ота-она, оила аҳли билан бўладиган суҳбатингиз қандай
масалаларни қамраб олишини режалаштиринг.

— Ўқувчиларингизнинг қадриятларини ўргандингиз.
VIII синф ўқувчилари ҳозир энг қизиқиб томоша қилаёт-
ган фильмлари — чет эл сериаллари эканлиги маълум бўлди.
Бундан қандай миллий-тарбиявий холоса чиқарасиз?

— Сиз мактаб тарбиявий ишлар ташкилотчисиз. Мак-
табда «Ўзбек тили байрами»ни қандай ташкил қиласиз?

— IX синфда «Мафкуравий фаол ўқувчи: у қандай бўли-
ши керак?» мавзусида «Матбуот анжумани» сценарийси-
ни тузинг.

— Миллий тарбия бўйича синфнинг йиллик натижаларини чиқаринг ва ҳ.к.

Талабаларни миллий-тарбиявий фаолиятга тайёрлашда педагогик амалиётда миллий тарбиянинг жорий қилиниши яхши самара бериши аниқланди. Талабанинг «Тарбиявий иш дафтарчаси»ни жорий этиш фояси профессор Н. Шодиев томонидан киритилган эди. У талабаларни мактабдаги амалиёт даврида ўқувчиларни касб танлашга йўллаш ишларига ўргатиш воситаси бўлмоғи керак эди. Ўтган давр бу ташаббуснинг самарадорлигини кўрсатди.

Мактабларда ўтказилаётган тарбиявий тадбирлар самарали ёки (шаклга берилиб, мазмун, натижа унутилса) самарасиз бўлиши ҳам мумкин. Собиқ совет педагогикасида тарбияга ёндошишнинг иккинчи тури кучайиб кетган эди. Яъни тадбирнинг энг муҳим томони – болаларнинг чиройли кийиниши, кўриниши, қичқириб шеър ўқиши, ҳамманинг оммавий рақсга тушиши, «юқоридан» келганларга гул тутиб, маъқул бўлиши ва ҳоказолар эди. Шунинг учун ҳам собиқ совет педагогикаси «тадбирбозлик педагогикаси» деб ҳам танқид қилинарди. Биз ана шу кусурларнинг олдини олиш учун талабаларни тарбиявий тадбирларни илмий-мантиқий таҳлил қилишга ўргата бордик. Бунинг самараси икки томонлама намоён бўлди.

Биринчидан, талабада тарбиявий тадбирни кузатиш, қайд қилиш кўникмалари такомиллаштирилган бўлса, иккинчидан, тадбирларнинг қуруқ дабдабаси таҳлилдан сўнг «фош бўлгач», тарбияга бундай ёндошувнинг хатолигини талабалар англай бордилар. Бу фикрни тасдиқлаш учун бир намуна келтиришни лозим топдик. Педагогика ва бошлангич таълим услубияти факультети талабаси (Э. Эрназарова, IV курс)нинг педагогик амалиётнинг учинчи ҳафтасида кузатган тарбиявий тадбирнинг илмий-мантиқий таҳлили:

Тадбирнинг номи: Биз – ватанпарвар-байналминалчилармиз.

Шакли: Адабий-музиқавий композиция.
Мақсад: Ноаниқ. Чунки бу ҳақда ҳеч ким гапирмади. (Аниқроғи – туман халқ таълими бўлими томонидан юборилиб, мактабда ишлаётган фронтал текширув комиссиясига тарбиявий ишларнинг яхши йўлга қўйилганлигини кўрсатиш.)

Вақти: 1993 йил 20 январь соат 10дан 17 минут ўтганда бошланиб, 11дан 10 дақиқа ўтгунча давом этди.

Қатнашдилар: 15 та ўқувчи. Бошланғич синф ўқувчилари кўпчиликни ташкил қилди.

Тадбир қандай шароитда ўтказилди: Тадбир 3 кун давомида тайёрланди. Мусиқа, глобус, сунъий гуллар билан жиҳозланди.

Тадбирнинг қисқача шарҳи: дастлаб, мактаб тарбиявий ишлар ташкилотчиси тадбир номи ва унинг бошланишини эълон қилди. Мусиқа, рақс, шеърлар дўстлик мавзусига бағишлианди. Қатнашчиларнинг аксарияти қиз болалар. Икки ўғил бола ўзбекча тўн кийган, 8 та қиз бола атлас кўйлак кийган. Зал совуқ. Қатнашчиларнинг кўзлари синф раҳбарларида. Улар саҳна ёнидан имо-ишоралар билан ўқувчиларни бошқариб туришибди. Америкалик, ҳиндистонлик, афғонистонлик дўстлар ҳақида куй-кўшиқлар ижро этилди, шеърлар ўқилди.

Тадбирни тайёрлашда фаоллик даражаси:

ўқувчилар қўмитаси – сезилмади;

айрим, фаол болалар – баланд;

ўқувчилар жамоасининг ташаббускорлиги – суст;

ўқитувчилар ҳамкорлиги – суст;

тайёрлов босқичининг жамоани жипслаштиришга таъсири – суст.

Тадбирнинг синф жамоаси томонидан муҳокама қилиниши, баҳоланиши ва бунинг ҳар бир қатнашчига, жамоага кўрсатган таъсири:

тадбир якуний муҳокама қилинмади, баҳоланмади (ўқувчилар совқотиб тезда уй-уйларига тарқалиб кетишиди).

Амалиётчи-талабанинг шахсий хulosаси, таклифи:

Менинг ўқувчилик давримда – 80-йилларда ҳам мактабимизда шундай тадбирлар худди шундай ўтар эди. Мен ҳам фаол қатнашганман. Илгари иттифоқдош 15 республика байроқлари, СССР байроғи даврага олиб кирилар эди. Бу сафарги тадбирда ундей қилинмади. Фарқи шунда бўлди, холос. Қолганлари аввалгидек. Тадбирнинг мустақил Ўзбекистонда ўтказилаётганлиги сезилмади. Тадбир фояси миллий истиқбол фоялари билан боғланмади. Ўқувчилар асосий машғулотлари – дарсдан чиқарив олиниб,

шошиб машқ қилдирилди. Бу – нотўғри. Ўқувчиларнинг шахсий ташаббускорлиги сезилмади. Улар ўқитувчилар айтганларини бажарувчига айланиб қолди. Ўзбекистон ўқувчиларида ватанпарварлик, миллий фуур, миллатлараро мулоқот маданиятининг ижобий ва салбий намоён бўлиши ҳаётий мисоллар ёрдамида кўрсатилиб, рафбатлантирилмади ёки танқид қилинмади. Тадбир ўтказилган куни ҳам, ундан кейин ҳам қатнашчилар, ташкилотчилар ютуқ ва камчиликларни муҳокама қилмадилар. Ана шу мулоҳазалар «Биз – ватанпарвар-байналминалчилармиз» тадбирининг тарбиявий самарадорлиги паст бўлди, дейишга асос бўлади. Мен мактабга бориб шундай тадбирни ўтказганимда бундай камчиликларга йўл қўймасликка ҳаракат қиласман...

Шундай қилиб, педагогик амалиётнинг мақсадга йўналтирилгани, илмий ва мантиқий шартлар асосида ташкил қилиниши, педагогик амалиётнинг ҳар бир босқичидан унумли фойдаланиш, ижодий топшириқлар, миллий-тарбиявий соатлар мавзуларининг жорий қилиниши, педагогик амалиётчиларда учраётган типик камчиликларни умумлаштириб уларни бартараф қилиш, «Миллий тарбия назарияси ва услубияти» маҳсус курсининг жорий қилиниши ўз ижобий натижаларини берди. Бу, талабаларнинг ўқувчилар билан миллий-тарбиявий ишларни режалаشتариш, амалга ошириш билан боғлиқ билим, кўникма ва даражаларида намоён бўлди.

**Бўлажак ўқитувчиларнинг миллий-тарбиявий кўникма
ва малакаларининг назорат (а) ва тажриба-тадқиқот
гурухларидаги (б) даражалари**

Миллий-тарбиявий ишлар технологиясининг таркибий қисмлари	Талабалар сони % (а)	Талабалар сони % (б)
Бир йиллик амалга oshiрилган ишларни таҳтил қилиб, якунини ясай олиш	16	19
Миллий-тарбиявий ишларнинг истиқболий режасини тузиш	6	29

Миллий тарбиянинг асосий шакл, восита, услубларини белгилаш	10	26
Ижодий топшириқларни бажаришда бўлган ўзгариш:		
Аъло	16	29
Яхши	15	44
Ўрта	54	22
Ёмон	12	5
Бажармади	3	—
Миллий-тарбиявий тавсиф бера олиш:		
Аъло	—	17
Яхши	9	43
Ўрта	16	30
Паст	61	10

Хуроса. Ҳар бир ўқувчининг миллий-истиқолий шаклланишида унга таниш ва нотаниш бўлган барча инсонлар (оилада, маҳаллада, кўчада, транспортда, маросимларда ва ҳ.к. мулоқотларда) ўз ҳиссасини бевосита ёки билвосита қўшади. Лекин ўқитувчи улардан а) миллий тарбия мақсадини аниқ кўра билиши; б) миллий тарбияни амалга оширишдаги ўз касбий вазифаларини чукур англаши; в) миллий-истиқолий тарбия қонуниятлари, тамойилларини мукаммал билиши; г) муайян вазият, ҳудудда ўз ўқувчиларини миллий тарбиялаш учун зарур бўлган барча кўникма ва малакаларни эгаллагани билан ажralиб туради.

Ўқитувчиларнинг миллий-мафкуравий дунёқарашини, педагогик тафаккурини, масъулиятини, кўникма ва малакаларини шакллантиришда педагогик амалиёт катта имкониятларга эга. Зеро, ҳар бир ўқитувчи ва педагогик амалиётни ўтаётган талабанинг миллий тарбиячилик кўникма ва малакалари унинг ўқувчилар билан ишлашда, бу ишни миллий тарбия мақсади, тамойиллари, вазифалари, услублари, шакллари асосида ташкил қилиш маҳоратида намоён бўлади. Ўтказган тадқиқотимиз натижалари-

дан келиб чиқиб, педагогик амалиёт жараёнида талабаларнинг миллий тарбиячи сифатидаги:

— синфда ўқув-тарбиявий вазифаларни миллий тарбия мақсадларидан, ўқувчилар жамоасининг хусусиятларидан, ўқувчиларнинг шахсий ва ёш хусусиятларидан келиб чиқиб белгилай олиш;

— ҳар бир ўқувчи ва синф жамоасининг Ўзбекистон ватанпарварлиги, миллий фуур, миллатлараро мулоқот маданияти, виждонийлик, миллий одоб ва миллий-мағкуравий онглилигини педагогик ташхис ва башорат қила олиш;

— ўқувчиларни миллий тарбиялашнинг жорий ва истиқболий режаларини туга олиш;

— миллий тарбия вазифаларини амалга оширишга қаратилган ўқув, ижтимоий, бадиий, ўйин, меҳнат фаолиятларини ташкил қила олиш;

— ўқувчиларни миллий тарбиялашда иштирок этажган барча: ўқитувчилар, синф раҳбарлари, тарбиявий ишлар ташкилотчиси, ота-оналар, маънавият маркази, маҳалла фаоллари билан самарали ҳамкорлик ўрната олиш;

— таълимнинг миллий-тарбиявий имкониятларини ишга кола билиш;

— ота-оналар, меҳнат жамоалари йиғилишларида, макосимларда миллий истиқбол мафкураси ва ўғил-қизларни миллий истиқбол руҳида тарбиялаш foяларини тарғибот қила олиш борасидаги малакаларининг технологик тизимини шакллантириш зарурати асосланди.

Талабаларда миллий-тарбиявий кўникма ва малакалар шаклланганлигининг реал даражасини педагогик амалиёт жараёнида қатор кўшимча кўрсаткичлар асосида ҳам баҳолаш мумкин. Булар: миллий-тарбиявий вазифаларни белгилаш, амалга оширишда талабаларнинг эркин ёки қийналиб иш тутиши; ўз ишидан қониқиш даражаси; ишнинг сифати; талабанинг мустақил, ижодий иш тутиши; ўқувчилар билан педагогик мулоқот маданиятининг даражаларидир.

ХУЛОСА

Мустақиллик шароитида таълим-тарбияни тубдан ислоҳ қилиш, Кадрлар тайёрлашнинг миллий дастурини амалга ошириш давлатчилигимиз учун стратегик аҳамиятга молик заруратдир. Шу боис мамлакатимизда «Ўзбек халқининг юксак қадр-қиммати, ор-номуси, шон-шарафи, ўта меҳрибонлиги ва соф вижданлилигига асосланган миллий фуурни маънавий юксалтириш ва шу билан бирга, умумий Ватанимизда биз билан бирга яшовчи ва Ўзбекистон Республикасига садоқатли бўлган барча халқлар билан биродарликка йўналтирилган» (И. Каримов) миллий-истиқдолий тамойил ижтимоий-маънавий ҳаётнинг турли жабҳаларига жадал кириб бормоқда. Ўзбекистон мустақилликни кўлга киритгач, унинг тарихида биринчи бор миллий туйғунинг инсон учун табиийлиги, унинг табиий равишда ота-онадан мерос қилиб олиниши, ўз халқига, унинг анъаналарига, тили ва маданиятига муҳаббат ва хурматни тарбияламасдан туриб, ўз халқини миллатларнинг бутун жаҳон ҳамжамиятида тенглардан бири сифатида идрок қилувчи ҳақиқий инсонни, ўз Ватанининг жонкуярини тарбиялаш мумкин эмаслиги давлатимиз раҳбари томонидан асослаб берилди.

Бу Ўзбекистонда жаҳон педагогика фани назарияси ва амалиёти нуқтаи назаридан янги, замонавий ва илмий-экспериментал педагогик технология — миллий тарбиянинг мағкуравий, сиёсий, маданий, маънавий, илмий асосларини яратиш каби долзарб вазифани кун тартибига қўйди. Ана шу жиҳатлардан ҳам миллий мустақиллик кўлга киритилгач, Ўзбекистон мактабларида ўқувчиларни миллий тарбиялаш ҳам назарий (педагогика назарияни нуқтаи назаридан), ҳам амалий (Ўзбекистон мактабларида миллий тарбия жараёнини илмий асосда ташкил қилиш нуқтаи назаридан) эҳтиёжга айланди. Мазкур тадқиқотимиз ана шу эҳтиёж — мустақилликни мустаҳкамлаш ва

ривожлантиришнинг педагогик кафолатларини яратишга қаратилган илмий изланишлардан биридир.

«Миллий тарбия»ни илмий-педагогик муомалага киришиш – унинг ҳар бир тушунчаси, таркибий қисмлари этиологияси, моҳияти, уйғунланиш шартини, чегараларини, мақсад, вазифалари, услугуб ва воситалар тизимини чуқур, атрофлича таҳдил қилишни талаб қиласди. Антропологик билимлар тизими, жаҳон педагогик тажрибаси ва халқ педагогикаси эришган илмий ютуқларга таянган ҳолда «миллий тарбия»нинг моҳияти асосланди. Хулоса ўлароқ, «миллий тарбия» тушунчаси – ҳар бир халқда бетакрор мавжуд бўлган «яхши инсон», «яхши бола» сиймоси ва оила, ижтимоий ҳаётда ёш авлодни ана шу «сиймо»га яқинлаштиришга қаратилган педагогик таъсир тизимини амалга оширишнинг тарихий, замонавий ва узлуксиз жараёнидир.

Мустақил Ўзбекистонда амалга оширилувчи миллий тарбиянинг мақсади – халқимиз, Президентимиз, миллий истиқбол мағкурасининг ёш ўзбекистонликларда муайян фазилатларни шакллантиришга қаратилган ижтимоий буюртмасини ўрганиш, аниқлаш ва амалга оширишни илмий таъминлашдир. Миллий истиқбол шароитида ижтимоий ҳаётни, мағкуравий педагогик заруратни, Ўзбекистон ҳукумати, Президенти томонидан миллий тараққиёт учун долзарблиги эътироф қилинаётган инсоний фазилатларни ўрганиб умумлаштириш миллий тарбиянинг асосий йўналишларини белгилаш имконини берди. Натижада, Ўзбекистон мактабларида ўқувчиларнинг миллий туйғуларига бевосита боғлиқ бўлган миллий фуурни, миллатлараро мулоқот маданиятини, Ўзбекистон ватанпарварлигини, виждонийликни, миллий одобни ва миллий-мағкуравий онглиликни шакллантириш етакчи вазифалар сифатида белгиланди. Бу фазилатларни мақсадга йўналтирилган равишда шакллантириш масаласини собиқ совет педагогикаси фанида илмий муаммо сифатида кун тартибига қўйиш мумкин эмас эди. Президентимизнинг юқоридаги фазилатлар ҳозирги авлодда етарли даражада шаклланмагани ислоҳотлар сифати ва суръатига салбий таъсир кўрсатаётгани ҳақидаги қатор фикрлари ва таълим-тарбияни тубдан ислоҳ қилиш, Кадрлар тайёрлашнинг миллий дастури ҳақидаги фармон ва қарорлари буни

тасдиқлайди. Вазият миллий мустақилликнинг педагогик ка-
фолатини таъминлаш учун миллий, илмий педагогиканинг
барча ютуқларини ёш авлодларда истиқтолий фазилатлар-
ни шакллантиришга сафарбар қилишни тақозо қилди.
Юқоридаги фазилатларни тарбиялаш, уларга муҳолиф бўлган
миллатчилик, мағкуррасизлик, гуурсизлик, Ватан муаммо-
ларига эътиборсизлик, одобсизлик, виждансизлик ва ҳ.к.
каби ички таҳдидларнинг олдини олиш барча Ўзбекистон
мактабларида маҳсус, илмий асосланган, мақсадга йўнал-
тирилган, мактаб ва оила, маҳалла, мактабдан ташқари
муассасаларнинг узвий ҳамкорлигига асосланувчи жараёнга
айлантирилмоғи керак.

Миллий тарбиянинг объектив ижтимоий жараён экани
ва бу жараённи умуминсонийликнинг муайянлашган шак-
ли сифатида яратувчилик мақсадларига йўналтириш — собиқ
совет жамиятида учраган миллатчилик, маҳаллийчилик,
миллий биқиқлик, манқуртлик каби иллатларга барҳам бе-
ришнинг оқилона шакли сифатидаги имкониятлари наза-
рий, амалий даражаларда асосланди.

Ижтимоий тарбиянинг объектив миллийлиги қонуни-
ятидан келиб чиқиб унинг уч даражаси белгиланди. Яъни,
умуминсоний даракта — инсоният, халқлардир; халқлар,
миллатлар мавжуд тарбиянинг ўзига хослиги — миллийли-
ги маҳсулидир. Демак, умуминсоний тарбия миллий тар-
бия шаклида муайянлашган.

Умуминсоний даража — муайян давлатнинг ёшлар тар-
биясига қаратилган маънавий, маърифий, педагогик сиё-
сати сифатида; **хусусий даража** — қозоқ, грузин, рус, ўзбек,
ҳинд, япон ва ҳ.к. халқларига хос бетакрор тарбия тизими
сифатида белгиланди. Шу тариқа мустақил Ўзбекистон мак-
табларида миллий тарбия тизимининг амалга оширилиши
1) умуминсоний; 2) умуммиллий; ва 3) Ўзбекистонда
яшовчи барча миллатлар манфаатларини қондиришнинг
ва ўзбекистонлик ўзбек, рус, туркман, тожик, арман ва
ҳ.к. болаларини Ўзбекистоннинг ёш ватанпарварларига ай-
лантиришнинг педагогик шарти эканлиги асосланди.

Ўтказилган тадқиқот қўйидаги назарий ва услубий-пе-
дагогик хуросаларни ясашга асос бўлди:

— Инсоният турли миллатлардан иборат ва ҳар бир

миллат – умуминсоний қадриятдир. Демак, ҳар бир миллатнинг маънавий тараққиёси – умуминсоний тараққиёт шартидир.

– Миллатларнинг қадимийлиги миллий тарбиянинг қадимийлигини, миллатларнинг мавжудлиги миллий тарбиянинг мавжудлигини, миллатларнинг бундан кейин ҳам мавжуд бўлиши эса миллий тарбиянинг бундан кейин ҳам мавжуд бўлишини, агадийлигини кўрсатади.

– Умуминсоний антропологик ҳалокатнинг бош сабаблари – турли сабабларга (технократик тафаккур, мустамлакачилик сиёсати, космополитизм, гарбийлашув, пролетар интернационализми ва ҳ.к) кўра миллийлик ва замонавийлик аро уйғунлик таъминланмаганида; илмий педагогиканинг шу пайтгача миллий тарбияни ўз предметига айлантира олмаганида; ва бунинг натижаси ўлароқ, «цивилизациялашганлик ва миллийлик» тушунчаларининг бир-бирига қарши қўйиб келинганидадир.

– Мустақил Ўзбекистон миллий давлат сифатида ўз йўлига, мафкурасига, маънавият соҳасида устувор сиёсатига эга. У миллий тарихий турмуш тарзимиз, халқ урф-одатлари, анъ-аналари, кишиларнинг фикрлаш тарзини, ислом ахлоқий қадриятларини, психологиянинг миллийлигини, кўп миллатлий каби ижтимоий хусусиятларни ўзида мужассам қилган. Яъни, жаҳон тараққиёти тизимида Ўзбекистоннинг нафақат бозор иқтисодиётига ўтишда, балки унинг тарбиявий сиёсатида бетакрор ва бой анъаналарга тўла ўз йўли борлигини ва уни ишга тушириш заруратини белгилади.

– Ҳар бир халқقا, демак, ўзбек халқига ҳам хос бўлган миллий тарбия инсонпарварона мақсад ва моҳиятга эга. Ҳеч бир халқ миллатчи эмас. Миллатчилик ёки манқуртлик ўз ва ўзга халқларнинг миллий-маънавий қадриятларидан бегона, миллий туйғулари стихияли шаклланган, бир сўз билан айтганда, **миллий тарбияланмаган** кишилардагина намоён бўлади.

– Миллий тарбия жараёни ҳар бир ота-она, маҳалла, мустақил Ўзбекистон ҳар бир мактаб ўқувчисидан кутаётган ижобий фазилатлар мажмуини шакллантиради. Миллий фурур, Ўзбекистон ватанпарварлиги, миллий одоб, мил-

латлараро мулоқот маданияти, виждонийлик, миллий мағкуравий онглилик фазилатлари мустақилликни мустаҳкамлашнинг доимий заруратидир.

— Мазкур фазилатлар ҳозир ва келажакда ўзининг ишончли самараларини бериши учун миллий-истиқолий тарбия Ўзбекистон умумтаълим мактабларида мақсадга йўналтирилган устувор тарбия йўналишига айлантирилиши лозим.

— Миллий тарбиянинг самарадорлиги кўп жиҳатдан бўлажак ўқитувчиларнинг мазкур фаолиятни бошқаришга маҳсус йўналтирилганлигига боғлиқдир.

— Мактаб, оила, маҳалла, тураржойлар, мактабдан ташқари муассасаларнинг миллий-тарбиявий ҳамкорлиги — миллий тарбия самарадорлиги шартларидан биридир.

— Мактаблардаги муваффақиятлар улардаги тобора миллийлашаётган таълим мазмунидан миллий-тарбиявий мақсадларда фойдаланишни такомиллаштиришга боғлиқ.

— Ҳар қандай тарбиявий йўналиш каби миллий тарбиянинг муваффақияти бу жараённинг илмий асосда ташкил қилинишига — мақсад, вазифа, услуб, восита, натажага системали ёндашув, уларни ўрганиш, қайд қила бориш ва миллий истиқтолнинг ҳар бир босқичи талаблари асосида бойита борилишига боғлиқ.

— Ўқувчиларнинг ёш, миллий, маҳаллий, руҳий, жинсий, шахсий хусусиятларини ҳисобга олиш ва тарбияланганлик мезонлари, даражаларининг амалиётга жорий қилиниши миллий тарбия самарадорлигини белгилайди.

— Ўқувчиларнинг дарсдан ташқари фаолиятини миллий-тарбиявий мақсадларга йўналтирилиши ўқувчиларда миллий-истиқолий фазилатлар ҳақида тушунча, билимларни амалда қўллаш, машқ қилдириш, кўникма, малака ва одатларга айлантиришнинг шартидир.

Амалга оширилган тадқиқот миллий тарбиянинг илмий-педагогик, методологик, назарий, услубий, амалий асосларини ишлаб чиқиш ва ишга тушириш орқали Ўзбекистон мактабларида умуминсоний аҳамиятга молик натижаларга эришиш мумкинлигини кўрсатмоқда. Қолаверса, мазкур йўналишда олиб борилажак илмий тадқиқотлар келажакда беҳад самарали натижалар бериши шубҳасизdir. Бизнингчча, педагог-психолог олимлар ва мутахас-

сисларимизни маҳсус ўрганилиши керак бўлган қуидаги илмий мавзулар кутиб турибди:

- Давлат ва жамият қурилишида миллий тарбиянинг роли;
- мактаб, оила ва маҳалланинг миллий-тарбиявий ҳамкорлигини такомиллаштириш;
- замонавий ўзбек қизларида ижтимоий фаоллик, тадбиркорлик сифатларини шакллантириш;
- бўлажак ўқитувчиларни миллий-тарбиявий фаолиятга тайёрлашни такомиллаштириш;
- олий ўқув юртлари талабаларини миллий тарбиялаш мазмуни, услугуб, воситаларини такомиллаштириш;
- колледжларнинг миллий тарбия тизими;
- маҳалланинг миллий тарбиявий имкониятларини такомиллаштириш;
- миллий тарбиянинг меҳнат, ахлоқий, нафосат, гигиеник, касбга йўналтириш, экологик, иқтисодий, бадиий тарбия йўналишлари билан узвий алоқасини таъминлаш;
- Ўзбекистонда фаолият кўрсатаётган миллий марказлар ва уларнинг миллий-истиқдолий имкониятларини ўрганиш ва такомиллаштириш;
- Ўзбекистоннинг таълим қозоқ, рус, туркман, тоҷик ва бошқа тилларда олиб борилаётган мактабларида миллий тарбиянинг хусусиятлари ва уларни миллий истиқдол мақсадлари билан уйғуллаштириш;
- миллий тарбиянинг диагностик, технологик, прогностик тизимини такомиллаштириш;
- миллий тарбия жараёнини тадқиқ қилишда янги технологик услубларни жорий қилиш;
- мактабдан ташқари муассасаларда миллий тарбия тизимини ишлаб чиқиш;
- ота-оналарнинг миллий-тарбиявий билимлари, кўникма ва малакаларини такомиллаштириш;
- миллий тарбиянинг ҳарбий-педагогик моҳиятини ўрганиш;
- ўқувчиларнинг бўш вақти ва миллий қадриятлар тизимини социологик ўрганиш;
- миллий тарбия бўйича тарихий тадқиқотларни янги шароитда ривожлантириш;

- миллий тарбияни амалга оширишнинг минтақавий хусусиятлари ва уларни такомиллаштириш масалалари;
- ўқувчиларнинг миллий қадриятлар тизимиға муносабатлари диалектикасини ўрганиш;
- миллий тарбияга қиёсий-педагогик ёндашув ва унинг самарадорлигини ошириш;
- мактабгача тарбия ёшдаги болаларни миллий тарбиялашнинг назарий ва услубий-педагогик асослари;
- миллий тарбияга геронтопедагогик ёндашув;
- лицей, гимназияларда миллий тарбия жараёнини ташкил қилишнинг педагогик хусусиятлари ва ҳоказо.

МУНДАРИЖА

Кириш	3
Миллий тарбия – ижтимоий-тарихий, қонуний ва объектив жараён сифатида	7
Мустақил Ўзбекистонда миллий тарбия гоясининг тикланиши ва ривожланиши	79
Миллий тарбия тизимини умумий ўрта таълим мактабларига жорий қилишнинг назарий ва амалий йўналишлари	112
Ўқитувчиларни миллий-тарбиявий жараёнга раҳбарликка тайёрлаш	190
Синф раҳбарларига миллий тарбияни амалга оширишлари учун зарур бўладиган шахсий ва касбий сифатлар мажмуаси	196
Педагогик амалиёт жараёнида талабаларнинг миллий- тарбиявий кўникма ва малакаларини шакллантириш	222
Хулоса	232

МУҲАММАД ҚУРОНОВ
МИЛЛИЙ ТАРБИЯ

Toшкент «Маънавият» 2007

Муҳаррир *O. Бозорова*
Мусаввир *H. Попов*
Техн. муҳаррир *T. Золотилова*
Мусаҳдиҳ *C. Абдусаматова*
Компьютерда тайёрловчи *G. Отаскевич*

Теришга 22.10. 2007 й. да берилди. Босишга 14.12. 2007 й. да рухсат этилди.
Бичими 84×108/₃₂. Times гарнитураси. Офсет босма усулида босилди. Шарт-
ли б. т. 12,6. Нашр т. 14,9. 5000 нусха. Буюртма № 07-740. Нархи шартнома
асосида.

«Маънавият» нашриёти. Тошкент, Буюк Турон, 41-үй. Шартнома 62-07.

Ўзбекистон Матбуот ва ахборот агентлигининг «Ўзбекистон» нашриёт-мат-
баа ижодий уйида чоп этилди. 100129 Тошкент, Навоий кӯчаси, 30-үй. 2007.